





OCTAVÆ FESTORVM

HOC EST

Lectiones secundi, & tertij Nocturni
singulis diebus recitanda infra
Octavas Festorum.

*Præsertim Patronorū locorū, et Titulariū
Ecclesiarū, quæ iuxta Rubricas Breviarij
Romani celebrari debent.*

A SACRA RITVVM CONGREGATIONE

Ad vsū totius Orbis Ecclesiarū approbat.

Nona editio locupletior alijs.

VENETIIS, MDCCLXX.

Apud Nicolaium Pezzana,

Et Marci Philippi.

Superiorum Permissu.

3

ECCLESIASTICO LECTORI.

ET BENEVOLO.

De Origine Octavarum, causis, & ritu.



Octauas, hoc est, per octo consequentes dies festa quædam celebrandi mox fuit antiquissimus, Hebræis primum, mox Christianæ Ecclesiæ diuino consilio traditus, atque ritu perpetuo receptus, Primus Moyses, quamuis alias festiuitates non vltra septimum terminaret diem, festum tamen tabernaculorum mense septimo, ita instituit, vt eius Octauus dies, æquè, ac primus, haberetur celeberrimus, atque sanctissimus. Deinde Salomon post delatam Arcam testamenti in templum à se summo Deo dedicatum, detinuit populos diebus octo in hostijs pacificis, & holocaustis, quos dimisit in die Octaua, benedicentes Regi, lætantes, & alacri corde, cùm autem illud idem templum aliquanto post fuisset prophanatum, expiauit illud Ezechias Rex, diebus item octo, & sanctificauit. Haud secus præstitere Machabæi, qui diebus octo altare dedicarunt, offerentes holocausta magna cum lætitiâ, & sacrificium salutaris, & laudis. Quorum omnium vti laudabiles consuetudines non modò Dei Filius in humanis degens non aboleuit, sed exemplo suo confirmauit, & probauit; tum ad encenia, tum ad Scænopegiam ascendens, & immorans vsque ad Octauum diem: In nouissimo quippe die magno festiuitatis stabat Iesus, & clamabat dicens: Si quis sitit, veniat ad me, & bibat; Spiritum sanctum, octauo quia forte die, sub aquæ typo largiturus. Itaque par est credere, à Spiritu sancto doctos Apostolos, & Apostolicos viros, Octauarum Sacramenta ad nos vsque transmississe, & pro diuersorum ratione festorum, minus, magisue celebres indixisse Octauas. Certè ab Apostolorum tempore, post Dominicam diem, quæ frequentissima est Resurrectionis Domini Octaua, & vt habet Sanctus Ignatius, Regina est, & dierum Princeps, cæptæ sunt colli Paschatis Octauæ, & Pentecostes, ita vt, retentis nominibus, quæ apud Hebræos erant in vsu, angustiora tamen mysteria, quæ noua erant in illis, celebrarentur; nimirum Crucis & Resurrectionis Domine in Paschate, & aduentus Spiritus sancti paracliti in Pentecoste. Atque eadem ratione, qua Apostoli prædicta festa seruanda decreuerunt, qui iisdem successerunt Apostolici viri, reliquos dies festos cum Octauis introduxerunt, vt celebriores solemnitates etiam Octauarum aditione, illustrarent: sanctè & piè mutuato ritu ab antiquis Iudæorum ritibus, vt in alijs multis testatur Sanctus Leo Papa. Eiusmodi fuere festa Natiuitatis, Epiphaniæ Domini, de quorum octauis meminit Ordo Romanus, editus in lu-

Origo.

Leuit. 23.
3. Reg. 8.

2. Par. 18.
1. Mac. 4.

Ioan. 10.
Ioan. 7.

Apoc. 1.
Epist. ad
Magnes.

Baron. A.
D. 58.

Ser. 7. de iei-
iun. 7. men.

Hittorp. de
diuin. offi.
in præfat.

Prop. 19.
ante annū
1400.
A. D. 262.
vbi supr.

cem Stephanō Summo Pontifice, Pipino, seu Carolo Magno procurante. Octauarum Ascensionis Domini, quod est festum antiquissimum, non purò recens institutum; de quibus Radulphus Tungrensis mentionem facit. Urbanus IV. instituisse videtur, vel certè firmasse Octauas Corporis Christi. Porro diuidit Radulphus alias Octauas in maiores, & minores: maiores vocat Assumptionis, & Natiuitatis Beatæ Mariæ Virginis, nec non Apostolorum Petri, & Pauli: minores verò Andreæ, Laurentij, Martini, & penes Carthusienses, Io. Baptistæ. Amalarius antiquior Radulpho nouit Octauas SS. Stephani, Ioannis Euangelistæ, & Innocentium, Indicat etiam inter maiores haberi SS. omnium Octauam manuscriptus Codex antiquus citatus à Baronio. Sanciuit Papa Felix hoc nomine IV. vt per octo dies Dedicatio colatur Ecclesiarum, quàm à Constantino edictam, & à S. Siluestro indictam per octo dies, scribunt S. Athanasius, & Sozomenus. Denique Patronos locorum, & Titulares Ecclesiarum, in sua, quæque Ecclesia, locouè, solemnè pompa concelebratos, docet Auctor Micrologi, qui Gregorio VII. Synchronos, & Anselmū Lucensis familiaris fuit. Immo verò insigni miraculo quadringentis, & amplius annis præbuisse Deum populo terræ sic cum iter in mari per tria milliaria septem diebus ad festa nimirum S. Clementis Papæ cum Octauis peragenda, S. Ephræm Episcopus, & Martyr, & S. Gregorius Thuronenfis constanter tradunt, & hæc de origine.

Circa A.
D. 83. l. 4. c.
37.
Innot. ad
Martyr.
8. No. de
consec. d. 1.
cap. 17.
Apol. 2. l. 2.
cap. 26.

Circa A.
D. 1080. A.
103. ad 586.

Causæ.

Ceterum quis neget, haud temerè, sed diuino prorsus consilio Octauas esse adinuentas? neque solum ob eam causam, quàm attigimus, vt celebritas esset illustrior, sed quia mystica sunt ea, quæ octonario notatur numero in sacris litteris, eaq; multa mysterijs scatent, & quam plurimis; nempè, quod in Arca Noe octo tantum animæ saluæ factæ sunt per aquam, vt B. Petri verbis utar: quod item, qui primus erat Noe, octauarum tamen iustitiæ præconem idem appellat Petrus. Quid? quod in templo Ezechielī demonstrato octo cubitorum erat vestibulum orientalis portæ? Quid? quod octo gradibus ad eandem, & australem portam ascendeatur? Quid? quod ibidem super octo mensas immolabatur: Quid? quod à Moyse Tabernaculi fœderis ea pars, quæ occidentalem respiciebat plagam (Roma occidentalis est) octo constabat tabulis. Taceo prædefinitum octauum diem circumcissioni, oblationi pecorum, altaris expiationi, sacerdotum consecrationi, emundationi leproforum, & seminiflorum. Cur quibusdam Psalmis octauæ titulus datus? cur pro octaua, in cytharis octo chordarum, si Ruperto credimus, modulatio præcepta ab eo, qui inter filios Isai octauus fuit, ab Isai neglectus; à Deo, quia octauus electus? Pro pace Christi tempore danda, habes in Michæa octo primates homines; vel, vt legit Ambrosius: Octo prorsus hominum: & à Salomone mandatum accipis dare

1. Pet. 3.
2. Pet. 2.
Ezech. 40.
Exod. 26.
36.
Genes. 17.
Exod. 22.
Ezec. 43.
Leu. 9. 14.
15.

par-

partem septem, hec non & octo: quibus nam? Difficilis plane locus: Ambrosius dixit, fortasse benedictionibus, seu, quod idem est, octo beatitudinibus. Et quidem Pythagorici iustitiam hoc numero significabant, quia primus omnium ita soluitur in numero pariter pares, hoc est, in bis quaternas; vt nihilominus innumeros æque pariter pares diuisio quoque ipsa soluitur, hoc est, in bis bina. Et quia ex his apparet, quanta, & partium suarum, & seorsum sua plenitudine nitatur, plenum hunc vocauerunt numerum; quippe qui efficit cubum, corporeæ soliditatis iudicium. Adde, ad ipsam cœli harmoniam hunc vnum numerum aptissimum esse, quod & in musicis verum est: octo enim sphaeræ sunt, quæ mouentur: reliquæ sunt immobiles. Sed absit (cum Ambrosio loquar disputante de septenario) absit, inquam, vt Pitagorico, & philosophorum more ista tractemus, & non secundum formam, & diuisionem gratiæ spiritualis: tamen haec plenitudinem, concentumque iustitiæ in octaua significauimus.

Itaque Sanctus Hilarius hæc tradit: Consummatio doctrinæ, & eruditionis nostræ sub perfecti huius numeri absolutione concluditur; ante quem neque munda Deo hostia fuit, neque in generis familia quis, cessante circumcisione, susceptus est, & ex quo rursum iterandæ generationis cœpit exordium. Clemens autem Alexandrinus; octo, ait, qui est primus cubus, est æqualitas in omnibus dimensionibus, longitudinis, latitudinis, altitudinis. An earum quoque, de quibus Sanctus Paulus ad Ephesios: sed fusiùs enarrantem adiamus S. Ambrosium: qui octaua die regenerationis sortitur mysteria, consecratur per gratiam, & ad hæreditatem regni cœlestis vocatur. Magna in virtutibus Spiritus sancti hebdomadis gratia, eadem tamen hebdomadem sonat, octoædem consecrat: in illa sonus, in ista fructus est; ideòque octauo die soluta paradiso reddidit spiritus gratia, quos extortes sua fecerat culpa. Hebdomas veteris testamenti est, octaua noui, quando Christus resurrexit, & dies omnibus nouæ salutis illuxit. Propterea & vetus testamentum dedit partem octauæ in circumcisionis solemnitate; sed illa adhuc in umbra latebat. Venit Sol iustitiæ, & consummatione passionis propriæ reuelauit sui luminis radios, quos rexit omnibus, & vitæ claritatem aperuit æternæ. Præclarius infra prænarratis septem ætatibus humanæ vitæ: Octaua, inquit, vnam & perpetuam ætatem inuehit, qua excresecimus in virum perfectum, in agnitione Dei & fidei plenitudine, in qua legitimæ ætatis mensura impletur. Septima mundi ætas conclusa est; octaua illuxit gratia, quæ fecit hominem iam non huius mundi esse, sed supra mundum Sanctus Augustinus extremam his apponat manum: Octaua, inquit tamquam ad caput redit, quia consummatum, perfectumque ostendit, ac probat: se-

Psal. 6. &
11.1. par. 15
8. de diu.
offi. 5.
1. Reg. 16.
Mich. 5.
Epist. 39.
Eccl. 11.
In Luc. 6.
Varro 1. de
forn.
Scipion.
Syl. Althe-
gor.

Epist. 39.
In Ps. 118.

Lib. 1. fr. 0.6

Eph. 3.
Enarr. 2. ad
Horontia-
num.

Li. 1. Ser.
V. in monte
C. 3.

ptem sunt, quæ perficiunt (erat sermo de octo beatitudinibus) Octaua clarificat, & quod perfectum est, demonstrat. An igitur Octaua nomine Patres intelligunt consummationem doctrinæ? An solidam virtutis formam? an eternam animarum beatitatem? an corporum gloriosam resurrectionem? an gratiæ totius & gloriæ plenitudinem omnem cum claritate coniunctam? Hæc omnes omnia: quibuscum concordat Euangelium: quod octauo die dubitantem Thomam fide instituit, & roborat: quod per octo beatitudines virtutis quasi viam sternit; quod animarum, & corporum splendorem, immortalitatem, & gloriam in octauo quodam à Christi promissione die, repræsentat in monte; quod denique non nisi Iesum sonat, plenum gratiæ, & veritatis; nomine quoque præferentem multiplicem octauam, bonorum omnium plenissimam: si quidem sex litteræ nominis eius Græcæ tantum valent, supputante Beda, quantum numerus octingentorum octoginta octo: dicam & ego; vt, quemadmodum à senario numero, qui laboris est, Antichristi deriuat nomen, cuius numerus est in Apocalypsi, 666. ita ab octonario, qui æternæ quietis est, Christi nomen, cuius numerus 888. perpetuæ salutis nostrę mysteria portet. Celebamus igitur, octauarum titulo Christum Iesum in primis: tum doctrinam, virtutes, beatorum gaudia, futuram eorundem regenerationem, gloriosam immortalitatem, & cumulum bonorum omnium. Celebretur per septem dies (audi Fortunatum nomine, & re) opus septiformis Spiritus: & in octaua die consummatio, & declaratio, atque glorificatio eiusdem operis, & infra, in natalitijs Sanctorum monet debere nos gratulari receptioni animarum in beatam requiem: in octauis deinde resurrectioni corporum.

Ideo, & dies octaua eodem ritu, quo prima, colitur; Moyse quoque hoc ipsum præcipiente: quod si diuerso ritu interiacentes percurras dies, non tamen minore cultu, quam extremos. Qua in re duo prorsus obseruanda; alterum notauit Esiychius: tam extremis, quam medijs voluisse Moyse in prima illa octaua offerri holocausta: vt nimirum doceamur debere nos exempla Sanctorum sequi, & toto tempore vitæ, quod septenario significatur, Deo placere, quousque Deo octaua demum die fruamur; alterum à Radulpho indicatur: Dies priuatos infra maiores Octauas reputari, quasi forent temporis Paschalis lætitię quam maximè spiritualis. Quæ cum ita sint, quis dignè satis vniquam colat, celebretque institutas pro meritis merito Sanctorum octauas? si non valemus eorū natalitia dignè venerari, quanto minus Octauas? Magnitudo festi, Radulphus ait, à nobis exigit, vt & prius illud incipiamus, & tardius terminemus: prius autem dicimur incipere, quando vigiliæ officio festum præuenimus: tardiusque terminamus, cum ad Octauam diem festum protendimus. Præueniamus ergo, & prorogemus, vt ardentius, quos de-

be-

bemus, recolamus: quæ, ve, vno die minus possumus; seu, quæ ipso festo die, heu, negligimus, reliquis diebus compensemus. Quoniam vero pro naturæ nostræ imbecillitate faciliè lassescimus, & consuetudine aurium, in iisdem diuinis officijs repetendis assuescunt, & languescunt animi, vt contra potius exardescant ij; Maiores nostri, Spiritu sancto ducti (immutatis reliquis, vt vna, eademque sit solemnitatis) Lectiones varias è SS. Patribus de prompsere, tum secundi, tum tertij Nocturni, quæ iuuant mirificè & contra tædium, & ad excitandam pietatem: quod vtinam in omnibus octauis contigisset fieri: desideratæ sunt enim hæcenus Sanctorum Patronorum, & Titularium particularium Ecclesiarum Octauæ, infra quas eadem relegere, quæ in die Festo sunt lecta, videbatur satis graue.

Sed ecce tandem (procul esto torpor, & animorum languor) ecce quas concupisti octauas à Sacra Rituum Congregatione, atque à Sanctissima Apostolica Sede approbatas à qua haud scio, an in sacris ritibus quicquam desiderare queas, post edita iam, & benè recognita Pontificale, Cæremoniale, Missale, Breuiarium, & Rituale.

Exiguum est opusculum: non fuit exiguus tamen labor, ac diligentia in expiscando quandoque ex oceano Sanctorum Patrum magis recondita. Audeo dicere: melius nequaquam in hoc genere SS. Patres scripsere: Habes indices Octauarum, & Patrum, in proximis primis pagellis, quibus adiecimus Rubricas omnes, quæ ad Octauas pertinent, è Breuiario huc translata, & nonnullas diuerso charactere magis explicatas. Plura, fateor, potuissim dare, puta quorundam propriissima festorum: & dedissem, nisi maiorum nostrorum iudicio, & auctoritati, vt par est, acquieuissem. Quicquid autem boni in hoc qualecumque opere reperiis, in Deum Optimum Maximum statim refer. Deinde habeto magnam gratiam pijsimo viro, & eruditissimo bonæ memoriæ Siluio Cardinali Antoniano: qui mihi, vt facerem, demandauit sepius: cum ille me minus peritum in eorum numerum cooptrasset, qui Clementis VIII. auctoritate recognoscendis Romano Missali, & Breuiario præferti erant: satis illi facere numquam potui concionibus assiduus, alijsve disciplinæ regularis negotijs semper implicitus, curis aliquando vacuus, obtemperaui tandem. Parem etiam, immò maiorem habeto gratiam optimo, & in omni doctrinæ genere præstantissimo Roberto Cardinali Bellarmino, de sacris ritibus, atque adeo de vniuersa Ecclesia optimè merito, qui vel postremo currenti calcaria addidit, ad honorem Dei, & Sanctorum, ad Ecclesiæ totius spiritale solatium, & nō modicam utilitatem; sed ò vtinam edidisset tantus vir, quæ ipse iam, si non omnia, parauerat, multa ad has ipsas octauas celebrandas, quæ nescio quo fato deperdita, in nostra hæc perdenda potius, sunt commutata. Hoc vnum à te, benignè lector enixè peto, & quanta possum

animi humilitate rogo : vt quotiescumque pro celebrando Octa-
ua pius ad hæc legenda veneris , me quoque miserrimi peccato-
ris apud Deum reminiscaris ,

*Don Bartholomæus Gauantus Cler. Reg. S. Pauli, & Sacra Rituum
Rom. Congregationis Consulator.*

Octauarium hoc à R. P. Bartholomæo Gauanto Cler. Reg.
S. Pauli celebrandis cum Octaua festiuitatibus iam pridem
elaboratum, ac referente bon. mem. Illustr. Cardin. Bellarmino à
Sacra Rituum Congregat. non semel laudatum, probatumque,
vt recitari possit, ne diutius religiosi viri desiderarent, eadem
Congregatio posse imprimi seorsum à Breuiario vnanimi Illu-
strissimi Patrum consensu decreuit die 19. Februarij 1622.

Franc. Maria Card. à Monte.

Locus† Sigilli.

Io. Bapt. Rinucius Secretar.

D. IULIUS CAVALCANVS CONGREGATIONIS
Cler. Regularium S. Pauli Præpositus Generalis .

Octauarium Romanum, pro Celebrandis cum Octaua festiuitati-
bus, perutile opus, & Ecclesia Catholica propè necessarium. Au-
tore R. P. D. Bartholomæo Gauanto Præpositio Collegij S. Pauli Bono-
nia Congregationis nostra, Peritorum virorum è nostris iudicio, qui il-
lud examinerunt, & S. Rituum Congregationis Decreto laudatum,
& approbatum, pro eo munere, quod ad nos spectat, imprimenda fa-
cultatem concedimus. In quorum fidem has manu nostra subscriptas, si-
gilloque nostro munitas dedimus. Mediol. in Collegio nostro SS. Apost.
Pauli, & Barnaba die 6. Decembr. 1623.

D. Iulius Caualcannus Præp. General.

INDEX OCTAVARVM

Quæ habentur in hoc Octauario .

P R O P R I Æ.

- S** anctissimæ Trinitatis. Lect. ij. & iii. Noct. pag. i. seqq.
T ransfigurationis Domini, seu Festi Saluatoris. Lect. ii. & iii. Noct. 9.
F estorum S. Crucis. Lect. ii. Noct. 16.
 Et Lect. iii. Noct. in Euang. } Festi Inuentionis. 16.
 } Festi Exaltationis. 20.
F estorum B.M. Lect. ii. Noct. 22.
 Et Lect. iii. Noct. in Euang. } Purificationis. 26.
 } Visitationis. 30.
 } S. Mariæ ad Niuces. 34.
 } Præsentationis. 37.
D edic. S. Michaelis Archang. Lect. ii. & iii. Noct. 43. & Apparit. eiusdem
 Lect. ii. & iii. Noct. 44.
 { Andree. Lect. ii. & iii. Noct. 46.
 { Conuers. S. Pauli. Lect. ii. Noct. 53.
 { Mathiæ. 57.
 { Philippi, & Iacobi. Lect. iii. Noct. 57.
 { Ioan. ante portam Lat. Lect. iii. Noct. 59.
 { Barnabæ. Lect. iii. Noct. 60.
 { Iacobi. Lect. iii. Noct. 63.
 { Petri ad Vincula. Lect. iii. Noct. 66.
 { Barthol. ext. Rom. Lect. iii. Noct. 69. Rom. 71.
 { Matthæi. Lect. iii. Noct. 73.
 { Simonis, & Iudæ. Lect. iii. Noct. 76.
S. Mariæ Magdal. Lect. iii. Noct. 79. **S.** Apollinaris. Episc. & mart. 85.
S. Marthæ. Lect. iii. Noct. 82. **S.** Donati Episc. mart. 85.
S. Leonis Pape. 84. **SS.** Cyriaci, &c. martyrum. 85.
S. Aniceti Pape mart. 84. **D** ecollationis S. Ioannis Baptiste. 85.
S. Athanas. Episc. & Conf. 84. **SS.** Felicis, & Adaucti martyrum. 85.
S. Monicæ viduæ. 84. **SS.** Chrysanthi, & Dariæ mart. 86.
SS. Nerei, &c. mart. 85. **S.** Gregorij Thaumaturgi. 86.
SS. Viti, &c. mart. 85. **S.** Basilij Episcopi, Confess. 86.
SS. Marci, & Marcelliani mart. 85. **S.** Francisci Confessoris. 86.
SS. Septem Fratrum mart. 85. **S.** Clementis Pape, mar. & aliorum. 86.

COMMVNES.

Apostolorum. Lectioes ij. Noct. 87.

Euangelistarum. Lect. ij. Noct 92. Et iij. Noct 97.

Martyris Pontificis. Lect. ij. Noct. 102.

Et iij. Noct. in Euang. { Si quis venit ad me. 107.
 { Si quis vult venire. 112.

Martyris non Pontificis. Lect. ij. Noct. 117.

Et iij. Noct. in Euang. { Nolite arbitrari. 121.
 { Nihil est opertum. 126.
 { Nisi granum frumenti. 131.

Martyrum tempore Paschali. Lect. ij. Noct. 137.

Et iij. Noct. in Euang. { Ego sum vitis vera. 138.
 { Ego sum vitis, vos palmites. 142.
 { Plorabitis, & flebitis. 147.

Plurimorum Martyrum extra tempus Pasch. Lect. ij. Noct. 147.

Et iij. Noct. in Euang. { Cum audieritis praelia. 152.
 { Descendens Iesus. 157.
 { Sedente Iesu super montem. 161.
 { Videns Iesus turbas. 165.
 { Confiteor tibi Pater. 171.
 { Væ vobis, qui ædificatis. 177.
 { Qui vos audit, me audit. 178.
 { Attendite à fermento. 178.

Confess. Pontif. Lect. ij. Noct. 184.

Et iij. Noct. in Euang. { Homo quidam peregrè. 187.
 { Vigilate, quia nescitis. 192.
 { Nemo accendit lucernam. 196.
 { Videte, Vigilate. 201.

Doctorum. Lect. ij. & iij. Noct. 202.

Confessoris non Pontificis. Lect. ij. Noct. 210.

Et iij. Noct. in Euang. { Sint lumbi vestri. 215.
 { Nolite timere pusillus grex. 219.
 { Homo quidam nobilis. 224.

Abbatum. Lect. ij. Noct. 229.

Virginum. Lect. ij. Noct. 234.

Et iij. Noct. in Euang. { Decem virginibus. 238.
 { Accesserunt. 243.

Martyrum non Virg. Lect. ij. Noct. 248.

Et iij. Noct. in Euang. Simile est Regnum Cælorum thesauro. 253.

Nec Virginum, nec Martyrum. Lect. ii. Noct. 258.

Et iij. Noct. in Euang. Ibat Iesus in Ciuitatem. 264.

KALENDARIVM

FESTORVM,

Quæ in hoc Octauario habent proprias
Octauas.

Sanctissimæ Trinitatis.	pág.1.	25 Iacobi Apostoli.	82
JANVARIVS.		29 Marthæ virginis.	63
24 Conuersionis S. Pauli Apostoli.		AVGVSTVS.	
53.		1 Petri ad Vincula.	66
FEBRVARIVS.		5 Dedic. S. Mariæ ad Niu.	34
2 Purific. B. Mariæ Virg.	26	6 Transfiguratio Domini.	9
24 Mathiæ Apostoli.	57	7 Donati Episc. Mart.	85
APRILIS.		8 Cyriaci, Largi, & Smaragdi mar-	
11 Leonis Papæ, & Confess.	89	tyrum.	85
17 Aniceti Papæ mart.	84	24 Barthol. Apost. ext. Ro.	69
MAYVS.		25 Eiusdem Barthol. Romæ.	71
1 Philippi & Iacobi Apost.	57	29 Decollatio sancti Ioannis Bapti-	
2 Athanasij Episc. Conf.	57	stæ.	85
3 Inuentionis S. Crucis.	15	30 Felicis, & Adaucti martyrum.	
6 Monicæ Viduæ.	84	85	
4 Ioan. ante portam Lat.	59	SEPTEMBER.	
8 Apparitio S. Michaelis Archan-		14 Exaltationis S. Crucis.	20
geli.	44	21 Matthæi Apostoli, & Euangeli-	
12 Nerei, Achillei, Domitillæ, &		stæ.	73
Pancratij mar.	85	29 Dedicat. S. Michaelis Archange-	
IVNIVS.		li.	38
11 Barnabæ Apostoli.	61	OCTOBER.	
14 Basilij Episc. Confess.	86	4 Francisci Confessoris.	92
15 Viti, Modesti, & Crescentiæ mar-		25 Chrysanthi & Dariæ martyrum.	
tyrum.	85	86	
18 Marci, & Marcelliani marty-		28 Simonis, & Iudæ Apost.	76
rum.	91	NOVEMBER.	
IVLIVS.		17 Gregorij Thaumaturgi Episcopi	
2 Visitat. B. Mariæ Virg.	30	confess.	86
10 Septem fratrum mart.	85	21 Præsent. B. Mariæ Virg.	37
22 Mariæ Magdalenæ.	79	23 Clementis Papæ mart.	86
23 Apollinaris Episc. mart.	85	30 Andreæ Apostoli.	46

EX R V B R I C I S

Generalibus Breuiarij Romani.

CLEMENTIS OCTAVI

Auctoritate recogniti.

Cum aliquibus adnotationibus ad Octauas spectantibus.

De Octauas. VII.

DE Octaua fit Officium, vel saltem commemor. (quando aliquo Festo vel Dominica impeditur) per octo dies continuos fit de octa. in Paschate Resurrectionis, in Ascensione Domini, in Pentecoste, in Festo Corporis Christi, in Festis, quibus in Kalend. apponitur Octa. item in Festo Dedicat. proprię Ecclesię, & in Festo principalis Patroni, & Titularis loci, vel Ecclesię, & in Festis aliorum Sanctorum, quę apud quasdam Ecclesijs, Congr. & Relig. consueuerunt solemniter cum Octauis celebrari: nisi illa Festa venerint in Quadrag. quo tempore omittitur offic. cuiuscumque Octa. Quod si aliquod Festum, quod celebrari solet cum Oct. paulo ante Quad. venerit, & iam per aliquot dies factum fit Offic. de eius Octaua, adueniente Quadrag. nihil amplius fiat de ea, nec commemoratio, & idem seruetur de Octauis nondum absolutis, quando superuenit Festum Pent. & die 17. Decēb.

In Pasch. Resurrect. & Pentec. Offic. Oct. terminatur in Sabb. sequenti ad Nonam. *Vide ne, quod solemnitas incipit à Sabbato sancto, & à Vig. Pentec. ?*

Infra Oct. fit de Festis Duplicibus, & Semiduplicibus occurrentibus, ac etiam translatis, vt dicitur de Translat. Festor. n. 5. cum commem. Oct. nisi illa Festa sint de solemnioribus enumeratis in Rubr. de cōmemorationibus in quibus nulla fit comm. de Oct. exceptis Octauis Natiuitatis, Epiphanię, & Corporis Christi; de quibus fit semper commem. quocumq; Festo in illis occurr. Infra Oct. autem Paschę, & Pentec. nō fit de Festo aliquo, etiam principali Patrono, vel Titulari Ecclesię, vel Dedicat. eiusdem; sed trāsfer-tur post oct. Infra oct. Epiph. fit tantum de Patrono, vel Titulari Ecclesię, & Dedicatione eiusdem (non tamen in die octaua) cum comm. oct. Infra oct. Corporis Christi fit tantum de Duplicibus non tamen de translatis, cū cōmem. octauar: de Semiduplicibus verō infra eā non fit, sed trāsferūtur post oct. vt dicitur in Rub. de Translatione Festorum. De Simplicibus infr. quascumque octauas occurrentibus fit tantum comm. pręterquam in duobus diebus post Pascha, & Pētecost. vt dicitur in Rubrica de comm. De Dominicis infra octauas occurrentibus fit officium, vt in Rubrica de Dominicis.

Si duę oct. simul occurr. (vt oct. S. Ioannis Bapt. & oct. Corporis Christi, vel oct. Patroni Eccl. cum alia oct.) quando nō erunt celebranda Festa nouē lectionum, vel dies Dominicus, fiet Offic. de digniori cum comm. alterius.

1 Cane, ne pro digniori accipias eum, qui potiorcm habere videatur. locum in Ecclē-

Ecclesia, ubi octaua celebratur, sed attende classes Festorum, & octavarū concurrentium, & in pari classe attende ordinem personarum, & earum dignitatem; puta octaua S. Laurentij cedit octaua S. Clarae. in Ecclesia S. Clarae, non autem cedit octaua Assumptionis B. V. sed omnium Sanctorum octaua alicuius S. Patroni loci, seu Tituli Ecclesia; attende quoque dignitatem ex eo titulo, ceteris paribus, quod ab Ecclesia vniuersali celebrantur.

De die autem octaua cuiuscumq; Festi fit totum officium Duplex, cū cōmemoratione diei infra aliam octauam. De festis occurrentibus in die oct. seruetur, quod dicitur in Rubrica de translatione Festorum.

2 *Hoc est: Si in die octaua alicuius festi habentis octauam occurrat aliquod Festum Duplex ex maioribus in Rubrica de Commemoratis, enumeratis, fiat de Festo cum commem. diei octaua: excepta die octaua Natiuitatis Domini, & Epiphania, in quibus non fit de aliquo Festo, sed transferatur in primam diem similiter non impeditam. Si autem non fuerit ex praedictis festis, fiat de octaua & Festum transferatur.*

Officium de oct. fit cum tribus noct. nouem scilicet Psal. & nouem Lect. (exceptis oct. Pasc. & Pent. in quibus fit cū vno Noct. vt suis locis ponitur) & omnia dicuntur, sicut in die Festi: praeter Lect. quarū primae tres semper sunt de script. occurr. in Officio de Temp. praeterquā infra oct. Assumpt. B. Mariæ, in qua singulis diebus positæ sunt Lect. propriae de Canticis Cantorum: aliae Lect. ij. & iij. Noct. dicuntur, quæ infra octauam positæ sunt.

Infra oct. verò Patroni, vel Titularis Eccl. vel alterius Festi, quod in aliquibus Ecclesiis consuevit cum oct. celebrari, si apud illas Ecclesias non habentur propriae, & approbatæ Lect. pro ii. & iij. Noct. infr. Oct. repetantur Lect. positæ in communi Sanctorum, si de Sanctis fiat octaua, alioquin Lect. die festi.

Nota pro vñ huius Octauarii.

3 *Hic habentur approbata lectiones pro oct. proprijs, & communibus Sanctorum: quod si in tertio Nocturno communes non deseruiant aliquibus Festis, quæ videlicet proprium habent Euangelium, eo casu, post diem Festum (in quo legi debet proprium Euangelium cum sua Homilia) in sequentibus diebus infra octaua lege Euangelium in Missa, & Officio vel primum, vel aliud congruentius de communi, cum suis Homilijs, vt fit infra oct. SS. Petri, & Pauli. In die verò oct. legatur in ij. Noct. vt in die festo, si proprijs caret, seu communibus Lectionibus in Euangelium diei festi nisi aliud notetur.*

Infra octau. Officium fit semiduplex, in die octau. duplex. In Vesperis infra octauam, omnia dicuntur, sicut in ii. Vesp. Festi, & in primis Vesp. diei octau. omnia, sicut in primis Vesp. Festi, nisi aliter in proprijs locis notetur.

Infr. oct. nō sunt suffragia consueta de Sanctis, nec dicuntur preces ad Primam, & Completoriū, etiam si fiat officium de Dominica vel Festo Semid.

Ex Rubrica de Dominicis. IV.

De Dominicis infra octauas Natiuitatis, Epiphaniæ, Ascensionis, & Corporis Christi, fit sicut infra octauam. In Dominicis infra alias octauas fit de Dominica, vt in Psalterio, & in proprio de tempore cum commemor. octauæ. Dominica occurrente in die octaua fit tantum commemoratio nisi aliud notetur.

De Commemorationibus. IX.

De Octaua, quando festum nouem Lectionum, vel Dominica impeditur, fit commemoratio, nisi illud Festum nouem Lectionum fuerit solemne principale alicuius loci: & nisi fuerit dies octaua.

Idem seruatur in Festis primæ classis, quod in Festo solemni principali loci; ne scilicet fiat comm. de oct. nec in vtrisque Vesp. Festi, nec in Laudibus. In Festis autem secundæ classis idem seruatur; nisi quod in ij. Vesperis huiusmodi Festi fit commem. de die infra oct. si de ea sequenti die faciendum sit officium: sed de octau. Natiu. Domini, Epiph. & Corporis Christi, semper fit commem. in vtrisque Vesperis, & Laud. quocumque Duplici infra eas adueniente.

De Translatione Lectionum. X.

Quando Festū habens oct. transfertur, non idē o dies oct. trāsferatur, sed ipsa die de ea fiat comm. quæ aliās erat octaua, si Festum non fuisset trāslatum: quōd si Festū post totam suam oct. trāsferri contigerit, illo anno celebretur sine octaua, nisi Titularis Ecclesiæ priuilegio aliter fieri oporteat.

Si aliquod Festum Duplex infra octau. occur. alio maiori Festo Duplici impediatur, transferatur in primam diem similiter non impeditam, & in eo fiat commem. de octaua.

Festum Semid. occur. in Dominicis infra illas octauas, in quibus fit de Festis occurrentibus, transfertur in sequentem diem cum comm. oct. quæ si fuerit alio Festo duplici, vel semidup. impedita, prædictum Festum semiduplex veniens in Dominica transfertur post oct. ita vt Festum semiduplex infra octau. non transferatur, nisi in proximum sequentem diem.

De Concurrentiis Officii. XI.

Duplici concurrente cum die oct. si eiusdem sint solemnitatis, regulariter à capitulo fit de die octaua: si nō sint eiusdem solemnitatis, Festū maius habeat primas, & secundas Vesperas cum comm. minoris in suis Vesp.

Duplici concurrente cum die infra oct. omnia de duplici cum commemor. octauæ, nisi Duplex fuerit primæ classis.

Semiduplici concurrente cum die infra octau. à capitulo fit de sequenti, & commemor. præcedentis, nisi aliter signetur.

Dominica concurr. cum die inf. Oct. omnia de Dñica cum comm. seq.

Die infra octauam concurrente cum sequente Dominica, vel Semidupl. à capitulo fit de sequenti, cum commem. oct. Cum Simplici non concurr. propriè dies infra octau. sed fit commem. de Simplici.

Die oct. concurrente cum alia die octaua, à capit. fit de sequenti, cum comm. præcedentis; excepta octau. Corporis Christi concurrente cum octaua sancti Ioannis, & quando aliter in proprijs notatur.

Die oct. concurrēte cum sequenti Duplici minori, etiā translato, à capitulo fit de sequenti, cum comm. oct. concurrente verò cum seq. duplici maiori, etiā translato, totum officium fit de sequenti. cū comm. oct. excepta die octaua Epiph. Paschæ, Ascensionis, & Corporis Christi, in quibus de sequentibus fit tantum comm. Si autem sequens festum etiam translātū, fuerit ex solemnioribus enumeratis in Rubrica de commemorationibus n. 6. idest, secundæ classis, totum officium fit de sequenti, cum comm. oct. diei.

4. Quid si dies octaua occurrat in Dominicis primâ, vel secunda classis, in quibus de octaua facienda est tantum commemoratio: Virum Vespera precedentes dicenda sint de die octaua, an verò de die sequenti? Dicenda sunt Vespera (nisi concurrant cum alio festo precedenti) de officio sequenti, cum commemor. diei oct. ut in primis Vesper. festi, quia cum dies octaua non habeat officium in die sequenti, nec etiam conuenit habere primas Vesperas in precedenti, ut in simili casu dicitur de Concurrent. offic. num. 10. & hoc rursus decreuit Sacta Congreg. Rit. die 9. Nouemb. 1622.

De Psalmis. XXII.

In Vesperis infra octa. dicuntur Psalmi ut in ii. Vesperis Festi: sed in primis Vesp. diei oct. dicuntur, ut in primis Vesperis Festi, nisi aliter notetur.

De Lectionibus. XXVI.

Si in aliquibus Ferijs iv. temporum, fer. ij. Rogationû, Vigilia Ascensionis, occurrat dies oct. alicuius Festi habetis octauam, in primo Nocturno diei octauæ repetantur lectiones, quæ in primo nocturno festi lectæ fuerunt. Si verò occurrat dies infra octauam tunc summantur de communi.

Nota pro usu huius Octauarii.

Accidere potest in legendis lectionibus secundi & tertij Nocturn. octauarum communium, quæ in hoc volumine continentur; quod ratione Festorum infra octauas occurrentium omitti debeant initia vel Sermonum, vel Homiliarum; de quibus tamen post Festum occurrens est rursus legendum: & tunc post tale Festum non legatur titulus, De sermone, vel De Homilia, cum nondum de iisdem lectum sit; sed dicatur simpliciter; Sermo, seu Homilia S. N. ac si esset initium Sermonis, seu Homilia; vel legatur initium ipsum in precedentibus diebus positum, prout videbitur magis congruere. Idem seruetur, quando in die octaua prescribitur sumi aliquas infra octauam omisissas, ob diem Dominicam, seu Festum occurrens.

De responsorii breuibus Horarum. XXVIII.

Responsoria breuiâ, quæ ponuntur in festo habente octauam, dicuntur per totam octauam, quando fit de octaua.

De Oratione. XXX.

Infra octauas dicitur oratio, ut in die Festi, similiter & in die octaua, nisi alia propria assignetur.

De Hymno, Te Deum. XXXI.

Hymnus, Te Deum, dicitur in omnibus festis, & per eorum octauas excepto Festo SS. Innocentium, nisi venerit in Dominica; dicitur tamen in eius die oct.

De Symbolo S. Athanasii. XXXIII.

Nô dicitur in Dominicis infra octauas Natiuitatis Domini, Epiphaniæ, Ascensionis, & Corporis Christi; in Dominicis infra alias octauas dicitur.

De Precibus. XXXIV.

Preces Dominicales ad Primam, & Completorium non dicuntur infra octauas, etiam si non fiat officium de octaua.

De Commem. Communibus. XXXV.

Suffragia de Sanctis non dicuntur infra octauas, etiam si non fiat de oct.

Index Sanctorum, è quibus desumptę sunt Octauarij Lectiones.

Ambrosius.
Athanasius.
Augustinus.
Basilius.
Beda.
Bernardus.
Cyprianus.
Cyrillus Alexand.
Epiphanius.
Fulgentius.

Greg. Magnus.
Gregor. Nazianz.
Greg. Nyssen.
Hieronymus.
Hilarius.
Ioan. Chrysostomus.
Irenęus.
Leo Papa.
Maximus.
Petrus Chrysologus.

ABSOLUTIONES, ET BENEDICTIONES

Dicendę ante Lectiones ij. & iij. Noct. in Officio de Octaua.

In secundo Nocturno. Absol.

Ipsius pietas, & misericordia nos
adiuuat, qui cum Patre, & Spiritu
sancto uiuit, & regnat in sæcula sæ-
culorum.

R. Amen.

Benedictiones.

4 Deus Pater omnipotens sit nobis
propitijs, & clemens.

Amen.

5 Christus perpetuę det nobis gau-
dia uitę.

6 Ignem sui amoris accendat Deus
in cordibus nostris.

In tertio Nocturno, Absol.

A Vinculis peccatorum nostro-
rum absoluat nos omnipotēs,
& misericors Dominus.

R. Amen.

Benedictiones.

7 Euangelica lectio sit nobis salus, &
protectio.

8 Diuinum auxilium manceat sem-
per nobiscum.

9 Ad societatem ciuium supernorū
perducatur nos Rex Angelorum.

Si Officium sit de Octaua alicuius

Sancti, octaua Benedictio erit.

Cuius festum colimus, ipse, *vel* ipsa,
intercedat pro nobis ad Dominum.

Quando sunt plures, dicitur Quo-
rum, *vel* Quarum festum colimus,
ipsi, *vel* ipsę intercedāt pro nobis ad
Dominum.

Si Officium sit de Octaua Sanctę
Marie, octaua Benedictio erit.

Cuius festum colimus, ipsa Virgo
uirginum intercedat pro nobis ad
Dominum.

Si in vltima Lectione legendum sit
aliud Euangelium cum Homilia, no-
na Benedictio erit.

Per Euangelica dicta deleantur no-
stra delicta.

OCTAVÆ PROPRIÆ

H O C E S T

Lectioes propriæ pro secundo, & tertio Nocturno, infra Octavas
eorum Festorum recitandæ, quæ in Breuiario Ro-
mano proprio ritu celebratur.

INFRA OCTAVAM SANCTISS. TRINITATIS.

*Feria secunda. Secunda die.
In secundo Nocturno.*

Sermo Sancti Athanasij Episcopi.
*In idem omnia mihi tradita, post ini-
tium. Lectio iv.*

Mirum est, impios ista ne-
faria audere garrere,
cum & homines sint, &
quæ in terra sunt, ne-
queant explicare. Sed
quid dico, quæ in terra sunt? imò
vel sua ipsorum nobis exponant, vi-
deantque, num satis exploratè inue-
stigare queant, quæ ipsorum naturæ
sunt. Homines profectò audaces, &
proterui, qui non tremunt eam glo-
riam, in quam cupiunt Angeli pro-
ni, inclinatique aspicere; cum præ il-
lis longè sint natura, & ordine subli-
miores; Quid enim propinquius
Cherubinis, & Seraphinis? Illi non
obtinentur hanc Maiestatem, aut in
pedibus erecti, se tenent, imò nec
faciem quidem nobis relinquant:
sed ea obuelata, gloriam, Maiesta-
temque Dei labijs numquam cessan-
tibus extollunt, nihil aliud, quam di-
uinam, & ineffabilem naturam tri-
plici titulo Sanctitatis glorificantes.
R. Quis Deus magnus sicut Deus
noster? * Tu es Deus, qui facis mira-
bilia. V. Notam fecisti in populis
virtutem tuam, redemisti in brachio
tuo populum tuum. Tu. *Lect. v.*
Octau. Rom.

Neque est quisquam sanctorum
Prophetarum inter eos, qui
maximè digni habiti sunt, vt istius-
modi spectaculis interessent, qui no-
bis id se audisse renunciauit, Ange-
los illos in primis vicibus exclaman-
di, Sanctus, maxima voce vsos esse:
in secundis autem, non æquè magnæ,
in tertijs adhuc submissiori: & pri-
mam sanctificationem propriam, le-
gitimamque esse, secundam autem
inferioris notæ, tertiam adhuc gra-
datim deterioris conditionis esse.
Apagesis, valeat clementia execra-
bilitum hominum. Trinitas enim vn-
decumque laudabilis, & venerabilis,
& adoranda vna est, & indiuisibilis,
& quæ figura exprimi nequeat.
R. Tibi laus, tibi gloria, tibi gratia-
rum actio in sæcula sempiterna,
* O beata Trinitas. V. Et benedi-
ctum nomen gloriæ tuæ, sanctum, &
laudabile, & super exaltatum in sæ-
cula. O beata. *Lectio vj.*

Coniunguntur autè vnà hæc San-
ctificationes pro insecabili illa
Vnitate. In eo enim ipso, quo am-
plissima illa animantia tertio profe-
runt glorificationem, dum aiunt, San-
ctus, Sanctus, Sanctus, triplici nume-
ro tres perfectas, absolutas, integras
personas ostendunt, quemadmodum
sub vnica voce, Dominus, vnam sub-
stantiam declarat. Hæc est enim vera
doctrina, hoc est verum signum, ar-
gumentumque, quod ita ista inter se
consentiunt, neque dissident, vel inter
A se,

se, vel inter Patres, nam etsi temporibus dissent, in id tamen omnes contendunt, neq; immerito: vnus enim Dei Prophetæ sunt, vnumque, & idē verbum concorditer prædicant.

¶ Magnus Dominus, & laudabilis nimis: *Et sapientiæ eius non est numerus. ¶ Magnus Dñs, & magna virtus eius: Et sapientiæ eius non est finis. Et. Gloria Patri. Et sapientiæ.

In tertio Nocturno.

Lectio sancti Euangelij secundum Matthæum. Lect. vii. Cap. 28.

IN illo tempore: Dixit Iesus discipulis suis: Data est mihi omnis potestas in cœlo, & in terra. Euntes ergo docete omnes gentes: baptizantes eos in nomine Patris, & Filij, & Spiritus sancti. Et reliqua.

Homilia Sancti Hilarij Episcopi.

Lib. 2. de Trinitate init.

SVfficiebat quidem credentibus Dei sermo, qui aures nostras Euangelistę testimonio, cum ipsa veritatis suę virtute transfusus est, cum dicit Dñs: Euntes nunc, docete omnes gentes, baptizantes eos in nomine Patris, & Filij, & Spiritus sancti. Quid enim in eodem Sacramento salutis humanę non continetur? aut quid est, quod reliquum sit, aut obscurum? Plena sunt omnia, & perfecta, vt à pleno, & perfecto: nam & verborum significationem, & efficientiã rerum, & negotiorum ordinem, & naturę intelligentiam comprehendunt.

¶ Benedicamus Patrē, & Filium, cū sancto Spiritu: Laudemus, & superexaltemus eum in sæcula. ¶ Benedictus es Domine in firmamento cęli, & laudabilis, & gloriosus in sæcula. Laudemus.

Lectio vii.

BAPTIZARE iussit in nomine Patris, & Filij, & Spiritus sancti, id est in confessione & auctoris, & vnigeniti, & doni. Auctor est vnus omnium:

vnus est enim ingenuus Deus Pater ex quo omnia: & vnus Vnigenitus Dñs noster Iesus Christus, per quem omnia: & vnus Spiritus Sactus, donum in omnibus: omnia ergo sūt suis virtutibus, ac meritis ordinata: vna potestas innascibilis, ex qua omnia: vna progenies, per quam omnia: perfecta spei munus vnum. Nec deesse quicquam consummationi tantę reperietur, intra quam sit in Patre, & Filio, & Spiritu sancto, infinitas in æterno, species in imagine, vñus in munere. ¶ Duo Seraphim clamabant alter ad alterum: *Sanctus, Sanctus, Sanctus, Dominus Deus Sabaoth: *Plena est omnis terra gloria eius.

¶ Tres sunt, qui testimonium dant in cœlo, Pater, Verbum, & Spiritus sanctus: & hi tres vnum sunt. Sactus. Gloria Patri. Plena est. Lectio ix.

SEd compellimur hereticorum, & Sblasphemantiũ vitijs illicita agere, ardua scandere, ineffabilia loqui, inconcessa præsumere, & cum sola fide expleri, quę præcepta sunt, oportet, adorare scilicet Patrem, & venerari cum eo Filium, sancto Spiritu abundare; cogimur sermonis nostri humilitatem ad ea, quę inenarrabilia sunt extendere, & in vitium vitio coarctamur alieno: vt quę contineri religione mentium oportuisset, nunc in periculum humani eloq; proferrantur. De intelligentia enim hæresis, non de scriptura est: & sensus non sermo fit crimen. Te Deum.

Feria iij. Tertia die.

In secundo Nocturno.

Sermo S. Ambrosij Episcopi.

De dign. cond. hum. c. i.

Lectio iv.

ANima quamdam sanctę Trinitatis habet imaginem. Primò in eo, quia sicut Deus est, viuit, & sapit; ita anima secundum suum modum est, viuit, & sapit. Est quoque & alia

Tri-

Trinitatis in ea , quā ad imaginem
sui conditoris perfectæ quidem , &
summæ Trinitatis , quæ ex Patre , &
Filio , & Spiritu sancto condita est ; &
licet vnus illa naturæ , tres tamen in
se dignitates habet , idest , intellectū ,
voluntatem , & memoriam .

R. Quis Deus . r.

LECTIO v.

NAm sicut ex Patre generatur
Filius , & ex Patre , Filioque
procedit Spiritus sanctus : ita ex in-
tellectu generatur voluntas , & ex his
item ambobus procedit memoria ,
sicut facili a sapiente quolibet intel-
ligi potest : nec enim anima perfecta
potest esse sine his tribus , nec horum
trium vnum aliquod , quantum ad
suā pertinet beatitudinem , sine alijs
duobus integrum constat , & sicut
Deus Pater , Deus Filius , Deus Spi-
ritus sanctus est , non tamen tres Di-
sunt , sed vnus Deus , tres habens per-
sonas ; ita & anima intellectus , anima
voluntas , anima memoria ; non ta-
men tres animæ in vno corpore , sed
vna anima , tres habens dignitates .

R. Tibi laus . r.

LECTIO vj.

ATque in his tribus eius imagi-
nem mirabiliter gerit in sua
natura noster interior homo , ex qui-
bus quasi excellentioribus animæ di-
gnitatibus iubemur diligere condi-
torem , vt in quantum intelligitur , di-
ligatur , & in quantum diligitur , semper
in memoria habeatur . Nec solus
sufficit de eo intellectus , nisi fiat in
amore eius voluntas : imò nec hæc
duo sufficiunt , nisi memoria adda-
tur , qua semper in mentibus intelli-
gentis , & diligentis maneat Deus :
vt sicut non potest esse momentum ,
quo homo non vtatur , vel fruatur
Dei bonitate , & misericordia : ita
nullum debeat esse momentum , quo
præsentem eum non habeat memo-
ria . R. Magnus . 2.

Intertio Nocturno .

LECTIO sancti Euangelij secundum
Matthæum .

LECTIO vij.

IN illo tempore : Dixit Iesus disci-
pulis suis : Data est mihi omnis
potestas in celo , & in terra . Euntes
ergo docete omnes gentes : bapti-
zantes eos in nomine Patris , & Fi-
lij , & Spiritus sancti . Et reliqua .

Homilia S. Ioannis Chrysostomi .

Ex Serm. de Trinitate .

Vide , ora , testimonia sanctæ , &
consubstantialis Trinitatis , &
venerare illam rectè , ne pereas , & di-
xit , inquit , Deus : Faciamus hominem
secundum imaginem nostram : cum
quo consilium inuit Deus ? cum Ange-
lis , inquit . At non habent Angeli
imaginem Dei . Loquitur autem ad
coopificem Filium , & Spiritum san-
ctum . Audi Psalm. dicentem : Ver-
bo Domini cœli firmati sunt , & spi-
ritu oris eius omnis virtus eorum ;
non ignoras autem , Verbum esse Fi-
lium , iterum & alio loco dicit scri-
ptura : Venite , & descendamus , &
confundamus illorum linguas di-
cendo : Venite , pares honore ex-
hortando vocat : vnus est vox ad
duos honore æquales . R. Benedica-
mus . 2.

LECTIO viij.

AVdi quoq; & beatum Iob , qui
manifestè declarat , insepara-
bile Trinitatē , dicit enim : Viuit Do-
minus , qui me sic iudicauit , & Om-
nipotens , qui amaram fecit animam
meam , & Spiritus diuinus , qui tene-
tur in manibus meis : Dicēdo , Domi-
num , & Omnipotentem , & Spiritum
Dei , consubstantialē prædicat . Di-
sce & hymnum Seraphim claman-
tium tertio , Sanctus , Sanctus , Sanctus ;
non enim dicunt semel , neque bis
neque quater , vt ne multis nomini-
bus multos Deos nobis inducerent ,
sed vnum solum . Ter autem dicēdo ,

A 2 San-

Sanctus, manifestant vnam, & æqualem gloriam Patris, & Filij, & Spiritus sancti. Audi item & Prophetam dicentem: Spiritus Domini locutus est in me, & sermo illius in ore meo pronuntiatus est: quia Deus erat sermo: ecce dicendo: Spiritum Domini, & Sermonem, & Dominum, pronuntiat inseparabilem Trinitatem. & Duo. 2.

Paulo post.

Lectio ix.

Per hæc omnia vnum regnum indiuisibilis Trinitatis intelligere possumus. Ipse autem Deus sermo, qui propter nos verè incarnatus rediturus vnde venerat, dicit sanctis Apostolis suis: Ite, & docete omnes gentes, baptizantes illos in nomine Patris, & Filij, & Spiritus sancti; ob signati sumus, sed vnum signaculum est Sanctæ Trinitatis vnum Baptisma; quomodo igitur audes à paterna substantia alienare Filium, vel Spiritum sanctum? Neque enim si alieni sunt, cum Patre debebant connumerari? quam ratione in baptismo debuerunt annumerari? enimvero, si nomen Patris solum, eum, qui baptizatur, potest saluare; quare coassumuntur, & creaturæ, quasi Pater non possit solus saluare? Absit. Te Deum.

Feria iv. Quarta die.

In secundo Nocturno.

Ex libro S. Cyrilli Episcopi Alexandrini contra Iulianum.

Lib. 1. paulo post initium.

Lect. iv.

VNum. & solum Deum dicebat, confitebaturque manifestè illum esse diuinus Abraham, quem nominabat excelsum, & vniuersorum natiuitatis auctorem, quæ in cælo, & in terra. Procedente verò tempore mentem acuit, vt plus cognosceret, & tunc firmiores de Deitate sermones didici, non enim solum, quod

vñus sit Deus, & alijs præter illum nullus didicit: sed & quòd in sancta, ac consubstantiali Trinitate intelligatur vnus, & immaculatæ naturæ plenitudo, quasi in figuris adhuc, & sensibilibus docebatur. & Quis. 1.

Lectio v.

Scriptum enim sic est de Abraham. Apparuit autem Deus ad quercum Mambre, sedente ipso in ostio tabernaculi sui in meridie. Cum autem suspexisset, oculis suis vidit; & ecce tres viri steterunt super eum, & videns occurrit in occursum eis, & adorauit super terram, & dixit, Domine, si inueni gratiam coram te, ne prætereas puerum tuum. Ecce manifestè inquit, apparuisse quidem illi Deum: fuisse autem tres viros, qui videbantur, accurrentemque diuinum Abraham non tamquam tribus dixisse: Domini, si inueni gratiam coram vobis, ne prætereatis puerum vestrum, dominum autem singulariter nominasse tres.

& Tibi laus. 1.

Lectio vj.

Vide obsecro, vide tres quidem fuisse, qui apparuerunt, substituisse autem in proprijs substituentijs singulos, sermone consubstantialitatis in vnum comprehensos, & ita dedita opera colloquia inter se miscuisse. Verumtamen eiusmodi imagines obscuræ quidem sunt, & veritatem non satis exprimentes, quamuis miram vtilitatem habeant, vt manu ducant ad ea, quæ mentem, & sermonem nostrum excedunt. Nam vnica quidem ex confesso est Deitatis natura, quæ super omnes, & per omnia, & in omnibus: dilatur autem mentaliter in sanctam Trinitatem, venerandamque consubstantialem, in Patrem, inquam, & Filium, & Spiritum sanctum.

& Magnus Dominus. 2.

In

In tertio Nocturno.

Lectio sancti Euangelij secundum
Matthæum. *Lectio vij.*

In illo tempore: Dixit Iesus disci-
pulis suis: Data est mihi omnis
potestas in cælo, & in terra. Euntes
ergo docete omnes gentes: baptizan-
tes eos in nomine Patris, & Filij, &
Spiritus sancti. Et reliqua.

Homilia S. Hieronymi Presbyteri.
Lib. 4. Comment. in Matth. in fin.

Data est mihi potestas in cælo,
& in terra, illi potestas data est;
qui paulò antè crucifixus, qui sepul-
tus in tumulo, qui mortuus iacuerat
qui postea resurrexit: in cælo autem,
& in terra potestas data est: vt qui
ante regnabat in cælo, per fidem
credentium regnet, & in terris. Eun-
tes autem docete omnes gentes, bap-
tizantes eos in nomine Patris, &
Filij, & Spiritus sancti. Primum do-
cent omnes gentes, deinde doctas
intingunt aqua.

R. Benedicamus. 2. Lectio viij.

Non enim potest fieri, vt cor-
pus Baptismi recipiat Sacra-
mentum, nisi ante anima fidei susce-
perit veritatem. Baptizantur autem
in nomine Patris, & Filij, & Spiritus
sancti: vt quorum vna est diuinitas,
vna sit largitio; nomenque Trinita-
tis, vnus Deus est. Docete eos serua-
re omnia, quæcumque mandauì vo-
bis, ordo præcipuus: iussit Apostolis,
vt primum docerent omnes gentes,
deinde fidei intingerent Sacramen-
to: & post fidem, ac Baptisma, quæ
essent obseruanda, præciperent.

R. Duo. 2. Lectio ix.

Acne putemus leuia esse quæ
iussa sunt, & pauca; addidit
omnia: quæcumque mandauì vobis:
vt quicumq; crediderint, qui in Tri-
nitate fuerint baptizati, omnia fa-
ciant, quæ præcepta sunt. Et ecce ego

vobiscum sum vsq; ad consummatio-
nem sæculi, qui vsq; ad cōsummatio-
nem sæculi cum discipulis se futurū
esse promittit, & illos ostendit sem-
per esse victuros, & se numquam à
credentibus recessurum. Te Deum.

Feria 5. Quinta die.

Fit de festo Sanctiss. Corpor. Christi.

Feria 6. Sexta die.

Si Festū S. Trinitatis titulus est Ec-
clesiæ, fit de Octaua eiusdem, cum
commem. Octauæ Corporis Christi.

In secundo Nocturno.

Sermo S. Cypriani Episc. & Mart.
De orat. Dom. in fin. Lectio iij.

In orationibus celebrādis inueni-
mus obseruasse cum Daniele tres
pueros in fide fortes, & in captiuita-
te victores horam, tertiam, sextam,
nonam, Sacramento scilicet Trinita-
tis, quæ in nouissimis temporibus
manifestari habebat. Nam & prima
hora in tertiam veniens consumatū
numerus Trinitatis ostēdit. Itemq;
ad sextam quarta procedens, decla-
rat alteram Trinitatem. Et quando
à septima nona cōpletur per ternas
horas, Trinitas perfecta numeratur,
quæ horarum spatia iam pridem spi-
ritualiter determinantes adoratores
Dei statutis, & legitimis ad precem
tēporibus seruiebant; & manifestata
postmodum res est. Sacramenta
olim fuisse, quod ante sic iusti preca-
bantur. *R. Quis. 1. Lectio v.*

Nam super discipulos hora ter-
tia descendit Spiritus sanctus,
qui gratiā dominicę repromissionis
impleuit. Item Petrus hora sexta in
tectū superius ascendens, signo pari-
ter, & voce Dei mouentis instructus
est, vt omnes ad gratiam salutis ad-
mitteret, cū de emundandis gēti-
bus ante dubitaret. Et Dominus ho-
ra sexta crucifixus, ad nonam pecca-
ta nostra sanguine suo abluit, vt redi-

mere, & viuificare nos posset; tunc victoriam suam passione perfecit.

R. Tibi laus. 1. *Lectio vi.*

Sed nobis fratres dilectissimi, præter horas antiquitus obseruatas, orandi nunc, & spatia, & Sacramenta creuerunt. Nam, & mane orandum est, vt resurrectio Domini matutina oratione celebretur. Recedete item Sole, ac die cessante, necessario rursus orandum est. Nam quia Christus Sol verus, & dies est verus, Sole, ac die sæculi recedente, quando oramus, & petimus, vt super nos lux deuò veniat, Christi precamur aduentum, lucis æternæ gratiam præbiturum. R. Magnus. 2.

In tertio Nocturno.

Lectio sancti Euangelij secundum Matthæum. *Lectio vij.*

In illo tempore: Dixit Iesus discipulis suis: Data est mihi omnis potestas in cælo, & in terra. Eunt ergo docete omnes gentes: baptizantes eos in nomine Patris, & Filij, & Spiritus sancti. Et reliqua.

Homilia S. Augustini Episcopi.

Serm. 189. de Temp.

Audio, fratres, quod quiquam inter se disputant, quomodo Pater, & Filius, & Spiritus sanctus, & tres sunt, & vnum sunt. Videtis ex questione, quàm periculosa sit disputatio. Lutum, & vas figuli de Creatore disputat, & ad naturæ suæ rationem nō potest peruenire, & curiosè querit scire de mysterio Trinitatis, quod Angeli in cælo scire non possunt. Quid enim dicunt Angeli in cælo? Quis est iste Rex gloriæ? Dominus virtutum ipse est Rex gloriæ: Ergo & nos simpliciter dicamus: Vis scire naturā Dei? hoc scito, quod nescias; nec in hoc contristeris, quia nescias; quia & Angeli nescierunt, & similiter omnes creaturæ.

R. Benedicamus. 2. *Lectio viij.*

Sed dicit aliquis: Quomodo ergo credo, quod nescio? Dicam simpliciter, antequā aliqua de Scripturis proferam: O Christiane, qui tibi videris nihil scire, si scias hoc ipsum, quod nescias, nonne magis plus videris à ceteris scire? Gentilis homo videt lapidem, & Deum putat: Philosophi vident cælum, & Deum patant. Tu vero vide, quantam super istos habeas scientiam, qui dicis, Deus lapis esse non potest. Denique accepto baptismo, hoc dicimus. Fidelis factus est, siue factus sum, credo, quod nescio, & propterea scio, quia me scio nescire, quod nescio. Sed dicit aliquis: Hoc non est exponere, sed expositionem fugere. Nonne meum est piè ignorantiam confiteri, quàm temerè mihi scientiam vendicare?

R. Duo. 2. *Lectio ix.*

Dicamus aliquid de scripturis, rationem non sequentes, sed auctoritatem Domini Saluatoris. Christus enim dicit, ascensurus in cælum ad Apostolos loquens, quibus prædicat vt Magister, & Dominus. Nobis autem sufficiat scire de Trinitate, quod Dominus exponere dignatus est. Ite, & baptizate omnes gentes in nomine Patris, & Filij, & Spiritus sancti: tria nomina audio, & vnum dicitur nomen. Non enim dixit: In nominibus sed, In nomine. Tria nomina dicit, & quomodo vnum ponit? Multa sunt, quæ dici possunt: sed sufficiat fidelibus pauca de mysterio Trinitatis audisse. Nobis sufficiat credere, quia est: & non temerè rationem quærere Trinitatis; sed timere, & orare Dominum semper debemus, & sibi soli scientiam nostram in hac parte exhibeamus, vt diebus ei, ac noctibus laudes canamus, cui sit gloria

ria

ria in sæcula sæculorum. Amen.
Te Deum.

Sabbato. Septima die.

In secundo Nocturno.

De expositione S. Grégorij Papæ in
Ezechielem Prophetam.

Homil. 16. ante med. Lectio iv.

Thalami portæ ad viam orienta-
lẽ tres hinc, & tres inde, & mē-
sura vna trium. Querendū nobis est,
quid est, quod dicitur, tres hinc, &
tres inde? Thalami quippe iuxta viā
orientalem sunt corda feruētium in
amore Dei. Et siue hi, qui electi in
testamento veteri fuerunt, siue hi,
qui in testamento nouo secuti sunt,
nimirum constat, quia omnes ex
amore Trinitatis accensi sunt. Ne-
que enim verè Deum diligerent, si
eiusdem Trinitatis, quæ Deus est,
gratiam non accepissent. Iuxta viam
ergo orientalem tres hinc, & tres in-
de sunt thalami; quia dum inter ve-
teres, & nouos patres Dominus in-
carnari dignatus est, quasi in medio
thalamorum via oriẽtalis apparuit,
quia thalami ad veram speciem ex
Trinitatis sunt cognitione decorati.

℟. Quis. 1.

Lectio v.

Hoc quoque est, siue de veteri-
bus, seu de nouis patribus sen-
tiendū: quia orientalis via, cum tres
hinc, & tres inde thalamos haber,
mensura vna triū est; quoniā ipsa fi-
des, atq; ipsum meritū tenuit corda
præcedētium, qua repleuit corda se-
quētium sub testamento nouo posito-
rū, sicut, & per Paulū dicitur: Habentes
autē eundem spiritū fidei, sicut
scriptum est. Credidi, propter quod
locutus sū: & nos credimus, propter
quod & loquimur Spiritales quippè
illi patres omnipotentem Deum
Trinitatem ita esse crediderunt, sicut
eamdem Trinitatem noui Patres
apertè locuti sunt. *℟. Tibi laus. 1.*

Lectio vi.

Isaïas namque audiuit angelica
agmina in cœlo clamantia: San-
ctus, sanctus, sanctus Dominus Deus
sabbaoth. Vt enim personarum Tri-
nitas monstraretur, tertio sanctus
dicitur. Sed vt vna esse substantia
Trinitatis appareat, non Domini
sabbaoth, sed Dominus sabbaoth ef-
se perhibetur. Quod Dauid quoque
sentiẽs, ait: Benedicat nos Deus, Deus
noster, benedicat nos Deus. Qui cum
tertio dixisset, Deus, vt vnum esse,
hunc ostenderet, subdidit: Et metuat
eum omnes fines terre: Paulus quo-
que loquitur dicens: Quoniam ex ip-
so, & per ipsum, & in ipso sunt om-
nia. Ex ipso videlicet, ex Patre: per
ipsum, per Filium: in ipso autem, in
Spiritu sancto. Quem ergo ipsum,
cum tertio dixisset, adiunxit. Ip-
si gloria in sæcula sæculorum, Amen.
℟. Magnus Dominus. 2.

In tertio Nocturno.

Lectio sancti Euangelij secundum
Matthæum.

Lectio vij.

In illo tempore: Dixit Iesus disci-
pulis suis: Data est mihi omnis
potestas in cœlo, & in terra. Euntes
ergo docete omnes gentes baptizan-
tes eos in nomine Patris, & Filij, &
Spiritus sancti. Et reliqua.

Homilia S. Ambrosij Episcopi.

Lib. 1. de Sper. c. 14.

Qvis igitur vnitatẽ separare au-
deat nominis, cum operationis
videat vnitatem: sed quid ego vnita-
tem nominis argumentis astruo, cū
diuinæ vocis euident testimonium
sit vnum nomen esse Patris, & Filij,
& Spiritus sancti? scriptum est enim:
Ite, baptizate gentes in nomine Pa-
tris, & Filij, & Spiritus sancti. In no-
mine dixit, non in nominibus. Non
ergo aliud nomen Patris, aliud nomẽ
Filij, aliud nomẽ Spiritus sancti, quia

vnus Deus: non plurā nomina, quia non duo dij; non tres dij.

R. Benedicamus. 2. Lectio viii.

ET vt aperirer, quia vna diuinitas, vna maiestas est, qui vnum nomen Patris, & Filij, & Spiritus sancti, non in alio nomine venerit Filius, in alio nomine Spiritus sanctus, ait ipse Dominus: Ego veni in nomine Patris mei, & non accepistis me: quod autem nomen Patris est, hoc idem Filij scriptura declarat, quia in Exodo dixit Dominus: Ego antecedam te nomine meo, & vocabo in nomine meo Dominum in conspectu tuo. Dominus ergo dixit, quia in nomine suo vocabit Dominum. Dominus ergo, & Patris est nomen, & Filij.

R. Duo. 2. Lectio ix.

CUm autem vnum nomen sit Patris, & Filij, accipe, quod & Spiritus sancti idem nomen sit; quoniam, & Spiritus sanctus in nomine Filij venit, sicut scriptum est. Paracletus autem Spiritus sanctus, quem mittet Pater in nomine meo, ille vos docebit omnia: qui autem venit in nomine Filij, utique etiam in nomine Patris venit, quia vnum nomen Patris, & Filij est; sic fit, vt vnum Patris, & Filij nomen sit, & Spiritus sancti. Nec enim est aliud nomen sub cælo datum in quo oporteat nos saluos fieri. Te Deum.

Dominica.

IN DIE OCTAUA

SS. Trinitatis.

In secundo Nocturno.

Sermo S. Augustini Episcopi.

Lib. 15. de Trinit. unit.

Lectio iv.

DEus ipse, quem quærimus, adiuvabit, vt spero, ne sit infructuosus labor noster, & intelligamus, quæ admodum dictū sit in Psalmo sacro: Latetur cor quærentium Dominū: quærite Dominum, & cōfirmamini,

quærite faciem eius semper: videtur enim quod sēper quæritur, numquā inueniri; & quomodo iam letabitur, & non potius cōtristabitur cor quærentium, si non potuerint inuenire quod quærent? non enim ait, letetur cor inuenientium, sed quærentium Dominū: & tamen Dominum Deū inueniri posse dum quæritur, testatur Esaias, dum dicit: Quærite Dominū, & mox, vt inueneritis, inuocate eū.

R. Quis. 1.

Lectio v.

SI ergo quæsitus inueniri potest, cur dictum est: quærite faciem eius semper? An, & inuentus fortē quærendus est? sic enim sunt incomprehensibilia requirenda, ne se existimet nihil inuenisse, qui, quā sit incomprehensibile quod quærebat, potuerit inuenire. Cur ergo sic quærit, si in incomprehensibile comprehendit esse, quod quærit, nisi quia cessandum non est, quamdiu in ipsa incomprehensibilium rerum inquisitione proficitur, & melior, meliorq; fit quærens, tam magnum bonum, quod, & inueniendum quæritur, & quærendum inuenitur? Nam, & quæritur, vt inueniatur dulcius, & inuenitur, vt quærat auidius.

R. Tibi laus. 1.

Lectio vi.

Seruendū hoc accipi potest, quod dictum est, in libro Ecclesiastico dicere Sapientiam: Qui me manducant, adhuc esurient; & qui bibunt me adhuc sitient: manducant enim, & bibunt, quia inueniūt: & quia esuriunt, ac sitiunt, adhuc quærent. Fides quærit, intellectus inuenit: propter quod ait Propheta: Nisi credideritis, non intelligetis: & rursus intellectus eum, quem inuenit, adhuc quærit. Deus enim respexit super filios hominum, sicut in Psalmo sacro canitur, vt videat si est intelligēs, aut requires Deum. Ad hoc er-

go debet homo esse intelligens, vt requirat Deum. R. Magnus. 2.

In tertio Nocturno.

Lectio sancti Euangelij secundum Matthæum.

Lectio vii.

IN illo tempore: Dixit Iesus discipulis suis: Data est mihi omnis potestas in celo, & in terra: Euntes ergo docete omnes gentes: baptizantes eos in nomine Patris, & Filij, & Spiritus sancti. Et reliqua.

Homilia Sancti Basilij Episcopi.

De vera fide, in fine.

TRia nomina seorsu singula suâ peculiarem quâdam proprietatem apertè significant, quæ piè considerari in ipsis potest: atque in Patre quidem proprietas Patris, in Filio verò proprietas Filij, in Spiritu sancto postremo sua quædam à duobus diuersa proprietas: cum neque Spiritus sanctus à seipso loquatur, neque Filius à semetipso faciat quicquam: ac Pater quidem Filium mittat, Filius verò Spiritum sanctum. Sic sentimus, & sic baptizamus in Trinitatem consubstantialem, idque ex præcepto ipsius Domini nostri Iesu Christi, qui dixit: Euntes docete omnes gentes baptizantes eos in nomine Patris, & Filij, & Spiritus sancti: docentes eos seruare omnia, quæcumque mandauimus vobis.

R. Benedicamus. 2.

Lectio viij.

QUæ seruantes, & charitatem erga illum habere nos demonstramus, & digni efficiamur, qui in ea maneamus, quod cum ita sit, magnopere hortor, & hortatos velim vos, fratres charissimi, vt missa istiusmodi curiosa inuestigatione, flagitiosaque verborum contentione, his contenti simus, quæ à sanctis viris, atque ab ipso aded Domino nostro Iesu Christo dicta sunt, eaque sentiamus, quæ respondeant celesti vocationi; & vi-

tam agamus Christi Euangelio conuenientem sperantes, paratum, & cæleste regnum sempiternam vitæ, omnibus seruantibus mandata Dei, & Patris, quæ sunt secundum Euangelium beati Dei Iesu Christi Domini nostri, in Spiritu sancto, & veritate. R. Duo Seraphim. 2.

Nona Lect. Homilia Dominica infra Octauam Corporis Christi.

Die 6. Augusti.

INFRA OCTAVAM TRANSFIGVRATIONIS Domini, seu Saluatoris.

In die Festo, si primæ Classis est, ad datur Lectio ix. quæ sequitur, omiſſa illa, quæ est de SS.

S. Ioann. Chrysost. ex hom. 57.

TV verò Matthæi philosophiam considera, qui non celauit nomina eorum, qui præpositi fuerant, quod & Ioannes sapius facit, cum eximias Petri laudes verissime, ac diligentissime describat. Nullum enim in hoc Apostolorum consortio liuor, aut inanis gloria locum habebat. Primos igitur Apostolorum seorsum assumpsit. Quamobrem eos accepit? quia excellentiores ceteris videlicet erant, Cur autem non illicò, sed post sex dies hoc fecit? Ne ceteri scilicet discipuli, seu homines mouerentur: qua de re nec eos nominauit, quos accepturus erat.

Die 7. Augusti. Secunda die.

In secundo Nocturno.

Sermo Sancti Augustini Episcopi.

Serm. 22. de diuers.

Lectio iv.

Visionem magnam in môte, ubi se Dominus Iesus tribus discipulis demonstrauit, Petro, Iacobo, & Ioanne, audiuius. Splenduit vultus eius sicut Sol, hoc significat Euangelij claritatem. Vestimenta eius facta sunt

sunt candida sicut nix: hoc significat Ecclesiæ mundationem, cui dictum est per Prophetam: Et si fuerint peccata vestra sicut phœnicium, tamquam niuē dealbabo. Elias & Moyse colloquebantur ei: quia Euangelij gratia testimonium habet à lege & Prophetis: in Moyse lex, in Elia Prophetæ, vt breuiter loquamur.

R. Inebriati sunt ab vbertate domus tuæ: *Et torrente voluptatis tuæ potasti eos. *¶* Quoniam apud te est fons vitæ, & in lumine tuo videbimus lumen. Et. *Lectio v.*

Placuit Petro tria fieri tabernacula. Delectabat eum montis solitudo: tædium patiebatur à tumultu rerum humanarum. Sed tria tabernacula quare quærebat? nisi quia vnitatem legis, Prophetiæ, & Euangelij nondum sciebat? Denique nube emendatus est. Ecce vnum tabernaculum nubes fecit: tu tria quare quærebas? Et vox de nube, Hic est Filius meus dilectus, in quo mihi complacui, hunc audite.

R. Præceptor, bonum est nos hic esse: *Faciamus hic tria tabernacula: tibi vnum, Moyse vnum, & Eliæ vnum. *¶* Non enim sciebat quid diceret. Faciamus. *Lectio vj.*

Loquitur Elias, sed hunc audite, Loquitur Moyse, sed hunc audite. Loquuntur Prophetæ, loquitur lex: sed hunc audite, vocem legis, & linguam Prophetarum. Ipse in illis sonuit, ipse in seipso, quando est dignatus apparuit. Hunc audite, hunc audiamus. Quando Euangelium loquebatur, putate, quia nubes erat: inde nobis vox sonuit, hunc audiamus, quod dicit, faciamus, quod promissit, speremus. **R.** Si ministratio mortis, litteris deformata in lapidibus fuit in gloria, ita vt non possent intendere filij Israel in faciem

Moyse propter gloriam vultus eius, quæ euacuatur: *Multo magis ministratio spiritus, quæ manet, erit in gloria. *¶* Amplioris enim glorie Christus præ Moyse dignus est habitus, quāto amplius honorem habet domo, qui fabricauit eam. Multo magis, Gloria Patri. Multo.

Intertio Nocturno.

Lectio sancti Euangelij secundum Matthæum. Lectio vij. Cap. 7.

In illo tempore: Assumpsit Iesus Petrum, & Iacobum, & Ioannem fratrem eius, & duxit illos in montem excelsum seorsum: & transfiguratus est ante eos. Et reliqua.

Homilia Sancti Leonis Papæ.

Hom. de Transfig. Domini.

Evāgelica lectio, dilectissimi, quæ per aures corporis interio-
mentium nostrorum pulsauit auditum, ad magni sacramenti nos intelligentiam vocat: quam aspirāte gratia Dei, facilius assequemur, si considerationem nostram ad ea, quæ paulo superius sunt narrata, referamus. Saluator enim humani generis Iesus Christus, condens eā fide, quæ & impios ad iustitiam, & mortuos reuocat ad vitam, ad hoc discipulos suos doctrinæ monitis, & operum miraculis imbuebat, vt idem Christus, & vnigenitus Dei, & hominis filius, crederetur. Nam vnum horum sine altero non proderat ad salutem, & æqualis erat periculi, Dominum Iesum Christum, aut Deum tantummodò sine homine, aut sine Deo solum hominem credidisse, cum vtrūque esset pariter confitendum: quia sicut Deo vera humanitas, ita homini inerat vera diuinitas.

R. Vocauit nos Deus vocatione sua sancta secundum gratiam suam, quæ manifestata est nunc: *Per illuminationē Saluatoris nostri. Iesu Christi.

¶ Qui

¶ Qui destruxit mortē, illuminauit autem vitam in incorruptionē. Per illuminationem. *Lectio viii.*

AD confirmandam ergo huius fidei saluberrimam cognitionem interrogauerat discipulos suos Dominus, inter diuersas aliorū opinionēs, quid ipsi de eo crederēt, quid ve sentirent. Vbi Petrus Apostolus, per reuelationem summi Patris corporea superans, & humana transcendens, vidit mentis oculis Filium Dei viui, & confessus est gloriam Deitatis, quia non ad solam respexit substantiam carnis, & sanguinis: tantumq; in hac fidei sublimitate complacuit, vt beatitudinis felicitate donatus, sacram inuiolabilis petra acciperet firmitatem: super quam fundata Ecclesia portis inferi, & mortis legibus preualeret; nec in soluendis, aut ligandis quorumcunque causis, aliud ratum esset in cœlo, quam quod Petri sedisset arbitrio.

¶ Deus, qui fecit de tenebris lumen splendescere, illuxit in cordibus nostris: * Ad illuminationem scientiæ claritatis Dei in facie Iesu Christi.

¶ Exortum est in tenebris lumen rectis corde misericors, & miserator, & iustus. At. Gloria. At.

Nona Lectio de S. Donato.

Die 8. Aug. Tertia die.

Fit de SS. Cyriaco, &c. martyr. cum commemo. oct.

Die 9. Augusti. Quarta die.

In secundo Nocturno.

Sermo Sancti Hilarij Episcopi.

Can. in Matth.

Lectio iiii.

IN hoc facti genere seruatur & ratio, & numerus, & exemplum. Nā post dies sex gloriæ dominicæ habitus ostenditur: sed millium scilicet annorum temporibus euolutis, regni cœlestis honor præfiguratur: tribusque assumptis, de triū origine, Sem,

Cam, & Iaphet, futura electio populi ostenditur, quod autem Moyses, & Elias ex omni Sanctorum numero assistunt: medius inter legem, & Prophetas Christus in regno est; cum his enim Israelē, quibus testibus prædicatus est, iudicabit. Simulque vt & humanis corporibus decreta esse resurrectionis gloria doceretur; cum Moyses conspicabilis adstitisset.

¶. Inebriati. 10.

Lectio v.

IPse autem Dominus sit niue, ac sole candidior, supra opinionem scilicet nostrā cœlestis luminis splendore cōspiciuus. Petro autem, vt tria illic tabernacula fierent offerenti, nihil respondetur: nondum enim, vt in hac gloria consisteretur, erat tempus. Hunc esse Filium, hunc dilectum, hunc complacitum, hunc audiendum vox de nube significat: vt idoneus ipse præceptorum taliū auctor esset, qui post sæculi damnum, post crucis voluntatem, post obitum corporeum, regni cœlestis gloriam ex mortuorum resurrectione facti confirmasset exemplo.

¶. Præceptor. 10.

Lectio vi.

TErritos deinde, & consternatos eleuauit: vt solum contueretur, quem medium cōstitisse inter Moysen, & Eliam viderant. Ad futuri enim formam, atque ad facti fidem Moyses, & Elias in monte constiterant. Silentium enim rerum gestarum, quas viderant, imperat, donec a mortuis resurgeret. Hoc enim fidei præmium referuabatur: vt honor redderetur his, apud quos leuis sola præceptorum auctoritas reperiretur. Infirmos enim sanauerat ad vocis auditum; vt cum essent Spiritu sancto repleti, tunc gestorū spiritualium testes essent.

¶. Si ministratio. 10.

Le-

In tertio Nocturno.

Lectio sancti Evangelij secundum
Matthæum.

Lectio vii.

In illo tempore: Assumpsit Iesus Petrum, & Iacobum, & Ioannem fratrem eius: & duxit illos in montem excelsum seorsum: & transfiguratus est ante eos. Et reliqua.

De Homilia S. Leonis Bedæ.

Ex Homilia de Transfiguratio Domini.

Assumpsit Iesus Petrum, Iacobum, & fratrem eius Ioannem, & consensu cum eis seorsum monte præcelso, claritate suæ gloriæ demonstravit: quia licet intellexissent in eo maiestatem Dei, ipsius tamen corporis, quo diuinitas tegebatur, potestiam nesciebant. Et ideò propriè, signanterque promiserat, quosdam de adstantibus discipulis non prius gustare mortem, quam viderent Filium hominis venientem in regno suo, idest, in regia claritate, quam spiritaliter ad naturam suscepti hominis pertinentem, his tribus viris voluit esse conspicuam. Nam illam ipsius Deitatis ineffabilem, & inaccessibleem visionem, quæ in æternam vitam mundis corde seruatur, nullo modo mortali adhuc carne circumdati intrueri poterant, & videre.

R. Vocauit. 10.

Lectio viij.

Dicete Patre: Hic est Filius meus dilectus, in quo mihi benè complacui, ipsum audite: nonnè euidenter auditum est: Hic est Filius meus, cui ex me, & mecum esse sine tempore est: quia nec genitor genito prior, nec genitus est genitore posterior. Hic est Filius meus dilectus, quem à me non separat Deitas, non diuidit potestas, non discernit eternitas. Hic est Filius meus, non adoptiuus, sed proprius, non aliunde creatus, sed ex me genitus: nec de alia natura mihi factus comparabilis, sed de mea es-

sentia mihi natus æqualis.

R. Deus, qui fecit. 11.

ix. Lectio Vigiliæ.

10. Augusti. Quinta die.

Fit de S. Laurentio martyre.

Die 11. Augusti. Sexta die.

In secundo Nocturno:

Sermo Sancti Augustini Episcopi.

Serm. 69. de diuers.

Lectio iv.

Incipienda nobis, & tractanda est, charissimi, visio ista, quam Dominus demonstrauit in monte. Ipsa est enim, de qua dixerat, Amen dico vobis, quia sunt hci quidam de circumstantibus, qui non gustabunt mortem, donec videant Filium hominis in regno suo. Non parua quæstio est. Neque enim ille mons, regnum erat comprehensum. Quid est mons ei, qui possidet cælum? Quod non solà legimus, sed etiam oculis cordis quoddammodo videmus: Regnum suum dicit, quod multis locis appellat regnum cælorum. Regnum autem cælorum est regnum sanctorum.

R. Inebriati. 11.

Lectio v.

Hoc ut ostenderetur, videte, quid factum est. Dominus ipse Iesus resplenduit sicut Sol, vestimenta autem eius facta sunt candida sicut nix. Ipse Iesus quidem, ipse splenduit sicut Sol, se lumen esse significans, quod illuminat omnem hominem venientem in hunc mundum. Quod est iste Sol oculis carnis, hoc ille oculis cordis: & quod iste carnibus, hoc ille cordibus. Vestimenta autem eius, Ecclesia eius. Vestimenta enim, nisi ab induto contineantur, cadunt. Horum vestimentorum quædam quasi nouissima simbria Paulus fuit. Ipse enim dicit: Ego enim sum minimus Apostolorum. R. Præceptor. 10.

Lectio vj.

Moyfes, & Elias: idest, lex, & Propheta, quid valent, nisi cum

Cum Domino colloquatur? Nisi Domino perhibeant testimonium, quis leget legem? quis Prophetas? Vide-
re quam breuiter hoc Apostolus ait: Per legem enim cognitio peccati. Nunc autem sine lege, iustitia Dei manifestata est; Ecce Sol: testificata a lege, & Prophetis; ecce splendor. Videt hoc Petrus, & humana sapiens tamquam homo: Domine, bonum est, inquit, nos hic esse. Vt quid inde discederet ad labores, & dolores? Habens in Deum sanctos amores, & ideo bonos mores, bene sibi volebat esse. Ad hæc nihil Dominus respondit. *R. Si ministratio. 10.*

In tertio Nocturno.

Lectio sancti Euangelii secundum Mattheum. *Lectio vij.*

In illo tempore: Assumpsit Iesus Petrum, & Iacobum, & Ioannem fratrem eius, & duxit illos in montem excelsum seorsum: & transfiguratus est ante eos. Et reliqua.

Homilia sancti Hieronymi Presbyt.

Lib. 3. Comment. in Matth. 17.

Queritur quomodo post dies sex assumpserit eos, & duxerit in montem excelsum seorsum, cum Lucas Euangelista octonarium numerum ponat. Sed facilis responsio est: quia hic medij ponitur dies, ibi primus additur, & extremus. Non enim dicitur: post dies octo, sed die octauo. Duxit illos in montem. Ducere ad montana discipulos pars regni est. Ducuntur seorsum, quia multi vocati, pauci verò electi. Et transfiguratus est ante eos. Qualis futurus est tempore iudicandi, talis apparuit Apostolis. *R. Vocauit. 10.*

Lectio vij.

Quod autem dicit: Transfiguratus est ante eos: nemo putet pristinam eum formam, & faciem perdidisse, vel amisisse corporis verita-

tem, & assumpsisse corpus vel spiritale, vel aereum: sed quomodo transformatus sit: Euangelista demonstrat, dicens: Et resplenduit facies eius sicut Sol, vestimenta autem eius facta sunt alba sicut nix. Vbi splendor faciei ostenditur, & candor describitur vestium, non substantia tollitur, sed gloria commutatur. Transformatio splendorem addidit, faciem non subtraxit.

R. Deus, qui fecit. 11.

Nona Lect. de SS. Tiburt. & Susan.

Die 12. Augusti. Septima die.

In secundo Nocturno.

Sermo S. Ioannis Chrysostomi.

Ex Homil. 57. in Matth. Lectio iij.

Cuius rei gratia Moysen, & Eliam produxit, multas quidē dicere qui causas posset: & primum, quoniam turbæ, & alij Eliam, alij Ieremiā, alij priscorum Prophetarum vnum opinabantur: idcirco Moysen, & Eliam ceterorum Prophetarum vertice, vt quāmagnum sit inter seruos, & Dominum discrimen, oculis cernerent, vtque rectē laudatum crederent Petrum, qui Filium Dei eum confessus est. Deinde, quoniam assidue quasi transgressorem legis Iudæi accusabant, & blasphemare putabant, quasi gloriam Patris nihil ad eum pertinentem vendicaret. Moyse enim legem dedit: quare non fuisset passus Moyses cōculcari legem, nec præuicatore eum, & legum latoris hostē lator ipse vnquā coluisset.

R. Inebrati. 11.

Lectio v.

Elias autem pro gloria Dei zelauit. Quare nō assistisset ei, qui æqualem se Patri dicebat si non esset, nec paruisset illi, qui sibi, quod non habebat, vendicaret. Ad hæc omnia illud etiam possumus dicere, vt tam mortis, quā vitæ habere potestatem liquidō, ac verē crederetur, vtque super-

pernorum, & infernorum Dominus ostenderetur, idcirco Moysen iam mortuum, & Eliam, qui nondum id passus est, in medium produxit.

Præceptor. 10. Lectio vj.

Quartam verò causam, (quarta enim est prioribus connumerata) Evangelista quoque ipse tetigit; quamnam igitur illa est? Vt crucis gloriam ostendat, & tam Petrum, quam reliquos, qui passionem formidabāt, consolaretur, & ad sublimius erigeret. Non enim tacebant, inquit, sed loquebantur de gloria, quam completurus erat in Ierusalem, de Cruce videlicet, ac passione: sic enim ipsam semper appellabant. Produxit illos in medium, ut eos, qui maxime populares fuerunt, imitarentur, & animi robur, atque constantiam sequerentur, fierentque mites ut Moyses, zelotes ut Elias, & pia curiositatis similiter. *R. Si ministerio. 10.*

In tertio Nocturno.

Lectio sancti Evangelij secundum Marthæum. Lectio vij.

In illo tempore: Assumpsit Iesus Petrum, & Iacobum, & Ioannē fratrem eius, & duxit illos in montē excelsū seorsum: & transfiguratus est ante eos. Et reliqua.

Homilia S. Ambrosij Episcopi.

Lib. 7. in Luc. c. 9.

Malum sex dies per symbolū intelligere, quod sex diebus mūdi opera sunt creata, ut per tempus opera, per opera mundum intelligamus. Et ideo mundi temporibus impletis, resurrectio futura monstratur: aut quia is, qui supra mundum ascenderit, & huius sæculi momenta transcendit, velut in sublimi locatus futurae resurrectionis fructum expectabit æternum. Transcendamus igitur opera mundi, ut possimus facie ad faciem Deum videre. Ascendit

in montem, qui euangelizans Sion. *S.* in montem ascendit, qui euangelizat Sion, quanto magis, qui Christum euangelizat, & Christum in gloriam resurgentem? *R. Vocauit. 10.*

Lectio viii.

Tres autem soli, & tres electi ducentur in montem. Putarem in tribus, mysticè genus hominum comprehensum, quia ex tribus filiis Noe genus omne defluxit humanum, nisi electos cernerem. Tres igitur eliguntur, qui ascenderent in montem, quia & duo eliguntur, qui cum Dño viderentur. Vtrinque sacratus numerus: & hoc fortasse propter id, quia nemo potest resurrectionis gloriam videre, nisi qui integrum mysterium Trinitatis incorrupta fidei sinceritate seruauerit. Petrus ascendit, qui clauēs regni celorum accepit: Ioannes, cui committitur Dñi Mater: Iacobus, qui primus martyrismi sustinuit.

R. Deus. 11. ix. Lect. de S. Clara.

Die 13. Augusti.

In die Octaua Transfigur. Dñi.

In Secundo Nocturno.

Sermo S. Cyrilli Episc. Alexandrini. Apud. Metaph. post med. Lectio iv.

Arbitratus fortasse beatus Petrus aduenisse tempus regni Dei, in monte quidem versari deligit; dicit autem tria esse facienda tabernacula, nesciens quid diceret. Non erat enim tempus consummationis sæculi, neque in præsentī tēpore sunt sancti futuri participes spei eis promissæ: cum ergo dispensatio adhuc esset in principio, & nondū esset finita, quomodo erat consentaneum Christum, qui venerat propter charitatem in mundū, definire pro eo velle pati? Nesciebat ergo Petrus quid diceret. *R. Inebriati. 10. Lectio v.*

Cæterum præter admirabile, & carcanum Christi gloriæ spectaculum

culum, aliquid quodque aliud factum est utile, & necessariū ad confirmandam in se fidem, non solis discipulis, sed etiam nobis ipsis. Desuper enim ex alto extitit vox Dei, & Patris, dicentis; Hic est Filius meus dilectus, in quo mihi bene complacui; ipsum audite: Et dum facta est, inquit, vox, inuentus est solus Iesus. Ecce præsente Moyse Pater iubet sanctis Apostolis, ut eum audiant; quod si eos voluisset sequi praecepta Moyses, dixisset: seruare legem. Nunc autem ne hoc quidem dicit Deus, & Pater. Aberat quidem Moyses, Elias autem non aderat, solus verò erat Christus: inuit ergo ipsum audire. Ipse est enim finis legis, & Prophetarum.

R. Præceptor. 10. Lectio vj.

Propterea Iudæorum populum allocutus est, dicens: Si crederetis Moysi, crederetis utique mihi, ille enim de me scripsit. Quoniam autem, & per sapientissimum Moysen datum præceptum contemnere, & quæ per sanctos Prophetas dicta sunt, nihil ducere perpetuò perseuerarunt, iure sunt abalienati, & exturbati à bonis, quæ promissa sunt ipsis patribus. Obedientia enim melior est, quam sacrificium: & auscultatio, quam adipēs agnorum: sicut scriptū est; & ita quidem se habet rex Iudæorum. Nobis autem, qui eius aduentum agnouimus, omnia omnino bona aderunt, per ipsum, & in ipso Christo. Per quem, & cum quo Deo, & Patri gloria, & potentia, cum sancto Spiritu in secula seculorū. Amen.

R. Si ministratio. 10.

In tertio Nocturno.

Lectio sancti Euangelij secundū Mattheum.

Lectio vii.

In illo tempore: Assumpsit Iesus Petrum, & Iacobum, & Ioannem

fratrem eius, & duxit illos in montē excelsū seorsū: & transfiguratus est ante eos. Et reliqua.

De Homilia S. Ambrosij Episcopi.

Hic est Filius meus dilectus; hoc est, non Elias filius: non Moyses filius; sed hic est Filius, quem solum videtis; recesserat enim illi, ubi cœpit Dominus designari. Vides hanc non solum insipientium, sed etiam perfectorum, imò etiam celestium fidem esse perfectam, Filium Dei scire. Sed quoniam hæc iam supra diximus, cognosce nubem istam non fumigantium esse montium nebuloso humore concretam, & coacti aeris caligine piceam, quæ celum tenebrarum horrore subtexerat: sed lucidam nubem, quæ nos non pluuiabilibus aquis, & humentis alluuiōe imbris immadet, sed de qua mentes hominum, voce Dei omnipotentis emissā, ros fidei rigauit.

R. Vocauit. 10.

Lectio viii.

Itaque cum tres esset, vnus est factus. Tres in principio videntur, vnus in fine. Perfecta enim fide vnum sunt. Denique hoc etiam Dominus Patrem orat, ut omnes vnum simus. Nec solum Moyses, & Elias in Christo vnum sunt, sed etiam nos vnum corpus sumus Christi. Ergo & illi tamen in vno corpore recipiuntur in Christi corpus: quia & nos vnum erim⁹ in Christo Iesu. Aut fortassis, quia lex, & Prophetæ ex verbo; quæ autē ex verbo ceperunt in verbo desinunt. Finis enim legis est Christus, ad iustitiam omni credenti. R. Deus, qui. 11. ix. Lec. de SS. Hippolyto, & Cassiano.

Die 3. Maij.

INFRA OCTAVAM

INVENT. S. CRVCIS.

In die festo. Si sit primæ clauis, lectio oct.

oct. terminetur ad illa verba, **Intendat.** Lectio ix. vsque ad finem omiffa Lectione SS.

Die 4. Maij. Secunda die.

In secundo Nocturno.

Sermo Sancti Ambrosij Episcopi.
Serm. 52. post init. edit. Rom. Lect. iv.

Grande Crucis est sacramentum, & si intelligamus, per hoc signum etiam mundus ipse saluatur. Nam cum a nautis scinditur mare, prius ab ipsis arbor erigitur, velum distenditur, vt Cruce Domini facta aquarum fluentia rumpantur, & hoc dominico securi signo portum salutis petunt, periculum mortis euadunt. Figura enim sacramenti quedam est velum suspensum in arbore, quasi Christus sit exaltatus in Cruce, atq; ideo confidentia de mysterio veniente, homines ventorum procillas negligunt, peregrinationis vota suscipiunt. R. Nos autem gloriari oportet in Cruce Dñi nostri Iesu Christi, in quo est salus, vita, & resurrectio nostra: * Per quem saluati, & liberati sumus, alleluia. V. Tuam Crucem adoramus, Domine, & recolimus tuam gloriosam passionem. Per.

Lectio v.

Sed & bonus agricola cum parat terræ solum vertere, & vitæ alimenta perquirere, non nisi per signum Crucis id facere conatur. Dum enim aratro dentale subijcit, affigit aures, suam inferit, figuram Crucis imitatur. Cælum quoque ipsum huius signi figura dispositum est; nam cum quatuor partibus distinguitur, quatuor quasi Crucis angulis continetur: ipsius etiam incessus hominis, cum manus leuauerit, Crucem pingit, atque ideo eleuatis manibus orare præcipimur, vt ipso quoque membrorum gestu, passionem Domini fateamur; tunc enim citius no-

stra exauditur oratio, cum Christum; ad quem mens loquitur, etiam corpus imitatur. R. Dum sacrum pignus cœlitus reuelatur, Christi fides roboratur: * Adsunt prodigia diuina in virga Moyfi primitus figurata, alleluia, alleluia.

V. Ad crucis contactum resurgunt mortui, & Dei magnalia referantur. Adsunt. *Lectio vi.*

Hoc etiā exemplo Moyfes sanctus, cum contra Amalech bellum gereret, non armis, non ferro, sed eleuatis eum ad Deū manibus superauit, sic enim habes scriptum: Cum eleuasset manus suas Moyfes, præualebat Israel: cū autem remisisset manus suas, præualebat Amalec. Hoc igitur dominico signo scinditur mare, terra colitur, cælum regitur, homines conseruantur. Hoc inquam dominico signo etiam referantur inferna. Nam ex quo homo Dominus Iesus, qui ipsam Crucē gestabat, sepultus in terra est, veluti dirupta ab eo exarata terra omnes, quos retinebat, mortuos germinauit. R. Hoc signum Crucis erit in cœlo, cum Dominus ad iudicandum venerit. * Tūc manifesta erunt abscondita cordis nostri, alleluia, alleluia.

V. Cum sederit Filius hominis in sede maiestatis suæ, & ceperit iudicare sæculū per ignē. Tunc. Gloria. Tunc.

In tertio Nocturno.

Lectio sancti Euangelij secundum Ioannem. *Lectio vij. Cap. 3.*

In illo tēpore: Erat homo ex Pharisæis, Nicodemus nomine princeps Iudæorum. Hic venit ad Iesum nocte, & dixit ei: Rabbi scimus, quia a Deo venisti magister. Et reliqua. De Homilia S. Augustini Episcopi.

Ex Tract. 12. in Ioan.

Demonstratum est magnum sacramentum rei futuræ, ipse Dominus

minus testatur in hac lectione, ut nemo possit aliud interpretari, quā quod ipsa Veritas de se indicat. Dictum est enim ad Moysen à Domino, ut faceret æneum serpentem, & exaltaret illum in ligno in eremo; & admoneret populum Israel, ut si quis morsus esset à serpente, ad serpentem in ligno exaltatum attenderet, factum est: mordebantur, homines intuebantur, & sanabantur. Quid serpentes mordentes? Peccata de mortalitate carnis. Quis est serpens exaltatus? Mors Domini in cruce. Quia enim à serpente mors, per serpentis effigiem figurata est mors. Morsus serpentis lethalis, mors Domini vitalis.

R. Dulce lignum, dulces clauos, dulce pondus sustinuit: * Quæ sola digna fuit portare pretium huius sæculi, al-Jeluia. V. Hoc signum Crucis erit in coelo; cum Dominus ad iudicandum venerit. Quæ. *Lectione viii.*

Attenditur serpens, ut nihil valeat serpens. Quid est hoc? Attenditur mors, ut nihil valeat mors. Sed cuius mors? Mors si dici potest mors vitæ, imo quia dici potest, mirabiliter dicitur. Sed numquid non erit dicendum, quod fuit faciendum? Ego dubitem dicere, quod Dominus pro me dignatus est facere? Nonne vita Christus? tamen in Cruce Christus. Sed in morte Christi mors mortua est, quia vita mortua occidit mortem, plenitudo vitæ deglutiuit mortem: absorpta est mors in Christi corpore. Sic & nos dicemus in resurrectione, quādo iam triumphantes cantabimus: Vbi est mors contentio tua? vbi est mors aculeus tuus? Interim modo, fratres, ut à peccato sanemur, Christum crucifixum intueamur.

R. Sicut Moyses exaltauit serpentem. Octau. Rom.

tem in deserto, ita exaltari oportet Filium hominis: * Ut omnis qui credit in ipsum, non pereat, sed habeat vitam æternam, alleluia. V. Non misit Deus Filium suum in mundum ut iudicaret mundum, sed ut saluaret mundus per ipsum. Vt. Gloria. Vt. Nona lectio de S. Monica.

Die 5. Maij. Tertia die.

In secundo Nocturno.

Sermo S. Augustini Episcopi.

De temp. ser. 101. post med. Lectio iv.

Quid dulcius, quid suauius, vel cogitari, vel dici potest, quam sanctæ Crucis mysterium, per quam non solum ab inferis reuocari, sed etiam in cælos eleuari meruimus? quia sine vlla dubitatione, vbi caput nostrum Christum ascendisse credimus, membra illius secutura esse confidimus. Ligni Crucis etiam vmbra, vel figura, in vetèri quoque testamento plurimum valuerunt. Nul- lum Moyses signum sine ligni sacramēto peregit: ut enim signa, & prodigia faceret in Ægypto, virgam accepit à Domino, & ad signa quæque diuinitus audiebat, & dicebatur ei: Eleua virgam tuam.

R. Nos autem. 16.

Lectio v.

Non utique Deus virgæ auxilio indigebat, sed erigebatur, ut scire possimus, quantum esset illud futuri ligni mysterium, cuius fuerat vmbra figuratum virgæ illius sacramētum. Forte si rubrum mare diu- dendum est, iubetur Moyses eleuare virgam, & mare cognoscens venturi ligni figuram, mox iter populo pandit inuictum. Si ad aquam Maræ amaram venit, nisi lignum in se suscepit, non dulcescit. Quæ res erat indicio, amaritudinem gentium per lignum Crucis in vsum dulcedinis quandoque esse vertendam; si autem non habet aquam populus vnde bi-

B bat,

bat, petra ligno percutitur, & dat per gratiam, quod non habuerat per naturam. *R.* Dum sacrum. 16.

Lectio vi.

OCrux, cuius tantus, ac talis decerpitur fructus. Fructus autem Crucis, gloriæ est resurrectio. Hic fructus ligni huius verè plātatus est secus decursus aquarum: semper enim Cruci baptisma iungitur. Dedit hoc lignum fructum in tempore suo, dedit fructum in terris Domini resurrectione, dabit & cum apparuerit de cælis ille, qui visus est super terram, cum præcedente ipso Crucis signo iam fulgido venerit de supernis, tunc resurgent corpora sepulcorum, tunc exultabunt sancti in gloria, tunc in suis cubilibus lætabuntur, qui nunc de sui Regis, ac Domini Cruce non confunduntur, sed potiùs gloriantur. *R.* Hoc signum. 17.

In tertio Nocturno.

Lectio sancti Euangelij secundum Ioannem. *Lectio vij.*

In illo tēpore: Erat homo ex Pharisæis, Nicodemus nomine, princeps Iudæorum. Hic venit ad Iesum nocte, & dixit ei: Rabbi, scimus quia a Deo venisti magister. Et reliqua. *Homilia S. Ioannis Chrysostomi.*

Ex ho. 16. in lo. c. fin.

CVm incredibilem suam erga humanum genus per Baptisma liberalitatem ostendisset, addit huius causam (neque illam minorem) hoc est, per Crucem. Quemadmodum igitur Paulus ad Corinthios hæc simul iungit beneficia, inquiens: Numquid Paulus crucifixus est pro vobis? aut in nomine Pauli baptizati estis? si quidem hæc duo maximè ineffabilem Christi in nos amorem præferunt, & quod pro inimicis passus sit, & mortuus, & per Baptismum integram peccatorum veniam largitus.

Sed quam gratia non manifestè se crucifigendum aperuit, sed ad veterem figuram auditores relegauit?

R. Dulce lignum. 17.

Lect. viij.

PRimum quidem, vt veterum ad nouam cognitionem intelligeres: deinde vt intelligas, non inuitum ad passionem venisse, & præterea nullum sibi ex eo damnum, sed multorum salutem secuturam. Ne igitur quispiam diceret, quomodo possunt in Crucifixum credentes salui fieri, cum se a morte non liberauit? veterem in medium adducit historiam; nam si ad ænei serpentis simulacrum aspicientes Iudæi a morte liberabantur: quanto maiori, qui in Crucifixum credunt beneficio fruuntur? neque enim quòd Crucifixus est, idcirco eum imbecillitatis arguas, neque Iudæos superiores dixeris, sed mundum Deus amauit. *R.* Sicut Moyses. 17.

Lectio ix.

Vides Crucis causam, & ex ea salutem? vides, vt figura veritati consentiat? illic mortem fugerunt Iudæi, sed temporalem; hic sempiternam fideles: illic ictus serpentum suspensus serpens sanauit: hic incorporei serpentis plagas Iesus Cruci affixus curauit: illic æs suspensus erat in serpentis effigiem; hic dominicum corpus a spiritu formatum. Serpens illic mordebat, & serpens sanabat: hic mors perdidit, & mors saluum fecit. Ad hæc, quæ interimebat serpens, veneno sauebat; qui liberabat, nullo; sic & hic; nam ea, quæ perdebant mors, peccatum habebat, quemadmodum serpens venenum: Domini autem mors ab omni immunis erat peccato, vt æreus serpens veneno. Te Deum.

6. Maij. Quarta die.

Fit de S. Ioann. ante portam Latin. dupl. cum comm. oct.

7. Ma-

7. Maij. Quinta die.

De S. Stanislao Episc. mart. semid.
cum comm. oct.

8. Maij. Sexta die.

De Apparitione S. Michaelis Archang. dupl. cum comm. oct.

9. Maij. Septima die.

De S. Gregorio Nazianz. Episc.
Conf. dupl. cum comm. oct.

Die 10. Maij. In die Octaua.

In secundo Nocturno.

Sermo S. Ioannis Chrysostomi.

Serm. 2. Inuent. S. Crucis post inuium
in Biblior. Homiliar. Lectio iv.

Neminem gloriosorum salutis
nostre signorum pudeat, sume-
que bonorum, qua & viuimus, & su-
mus, sed vt coronam, sic Christi Cru-
cem feramus; etenim nostra omnia
per illam perficiuntur: siue regenera-
tione, & renouationis opus est, Crux
præsto est; siue mysticus ille cibus su-
mendus, siue in ordinem ecclesiasti-
cum aliqui cooprandi, siue quiduis
aliud faciendum est, vbique victoriæ
nostre signum adest: ob eamque cau-
sam, illam & in ædibus, & in muris, &
in foribus, & in fronte, & in mente,
cum magno studio depingimus, &
inculpimus. Nostræ enim salutis,
communisque libertatis, & bonitatis
Domini nostri hoc signum est; cum
ergo insigniris tibi in mentem, veniat
vis omnis, quam in se Crux continet:
ac tum denique iram, omnesque a
ratione auersos animi imperus ex-
tinxeris. Nos autem. 16. Lect. v.

Non enim omnino digito im-
primenda, & consignanda est,
sed prius voluntate, ac iudicio cum
magna fide; quia sic in oculis, vultu-
que impressa impiorum, scelestorum-
que demonum nullus ad te ac-
cedere, aut in propinquo stare vim-
quam poterit, cernens gladium, quo
vulnus, plangâque accepit, vidensque en-

sem, quo mortem accepit: si enim nos,
cum loca, in quibus damnati secan-
tur, videmus, exhorrescimus: cogita,
quid euenturum sit cum diabolo,
cum arma videbit, quibus vim, pote-
statemque eius omnem Christum dis-
soluit, serpentisq; caput amputauit.
Hoc etiam signum ianuas clausas
maiorum nostrorum ætate aperuit;
hoc noxia, mortiferaque venena pro-
fligauit: hoc cicuta vim diluit: hoc
denique venenatarum bestiarum morsus
curauit. 16. Dum. 16. Lectio vj.

Si enim inferorum portas aperuit,
& celorum orbis laxauit, para-
disique aditum, introitumque resti-
tuit, & diaboli neruos fregit: quid
mirum videri debet, si mortifera ve-
nena, & alia eiusdem generis vincit,
& superat? Hoc igitur in mente tua
inculpe, animorumque nostrorum
salutem amplectitur. Crux enim hæc
orbem terrarum conuertit, errorem
expuit, veritatem reuocauit, terram
celum fecit, homines Angelos reddi-
dit. Hinc demones non iam horribi-
les sunt, aut metuendi, sed contem-
nendi; neque mors est mors, sed som-
nus. Hæc abiecta sunt humi, concul-
cataque omnia, quæ nobis aduersan-
tur. 16. Hoc signum. 17.

In tertio Nocturno.

Lectio sancti Euangelij secundum

Ioannem. Lectio vj.

In illo tempore: Erat homo ex Pha-
risæis, Nicodemus nomine, prin-
ceps Iudæorum. Hic venit ad Iesum
nocte, & dixit ei: Rabbi, scimus, quia
a Deo venisti magister. Et reliqua.
Homilia S. Ambrosij Episcopi.

Ex serm. 51. edit. Rom.

Sicut Moyses exaltauit serpentem
in deserto, ita exaltari oportet
Filius hominis. Vnde si affixus ser-
pens ligno filius Israel contulit sanita-
tem, quanto magis salutem præstat

populis Dominus in patibulo crucifixus? & si figura tantum profuit, quantum prodesse credimus veritatem? Serpens igitur primus crucifigitur. Recte planè, vt, quia primus apud Deum peccauerat diabolus, primus Crucis sententia feriretur. In ligno enim crucifigitur; rationabiliter factum, vt quia homo in paradiso per arborem concupiscentiæ deceptus fuerat, nunc idem per ligni arborem saluaretur, atque eadem materia, quæ causa mortis fuerat, esset remedium sanitatis. R. Dulce. 17.

Lectio viij.

DEinde post serpentem, in Salvatore homo ipse crucifigitur, scilicet vt post auctorem puniatur & facinus; Per primam enim Crucem vindicatum est in serpentem, per secundam in venena serpentis: hoc est, primum auctor ipse punitur, deinde eius malignitas cõdemnatur. Virus enim, quod persuasione sua in hominẽ transfuderat, nunc reijcitur, nunc curatur. Nam cum homo passioni addidit, non morti traditur, sed mortis in eo facinus emendatur. Hoc enim egit Dñs per hominẽ, quem suscepit, vt dum innocens patitur, præuaricationi illius diabolicæ in eo inobedientia corrigatur, & deinceps liber à culpa fieret, ac liber esset à morte. Habentes igitur Dominum Iesum, qui nos passione sua liberauit, in ipsum aspiciamus semper, & de ipsius signo speremus nostris vulneribus medicinã. R. Sicut Moyses. 17.

Nona Lectio de S. Gord. & Epum.

Die 14. Septembris.

**INFRA OCTAVAM
EXALTAT. S. CRVCIS.**

15. Septemb. Secunda die.

Fit de sic octau. Natiu. B. Mariæ
dupl. cum comm. Oct.

16. Sept. Tertia die.
De SS. Cornelio, & Cypr. Pontif.
mart. sentid. cum comm. Oct.

Die 17. Sept. Quarta die.

In secundo Nocturno.

Tres Lect. S. Ambrosij. Græde Crucis, vt in ij. die infr. Oct. Inuent. 16.
cum iisdem R. sponf. omisso Allel.

In tertio Nocturno.

Lectio sancti Euangelij secundum
Ioannem. Lectio vij. Cap. 12.

IN illo tempore: Dixit Iesus turbis
Iudeorum: Nunc iudicium est
mundi: nunc princeps mundi
eijcietur foras. Et reliqua.

De Homilia sancti Leonis Papæ.

Ex serm. 6. de pass. in med.

MERITO dixerat Dominus: Cum
exaltatus fuero, omnia ad me
traham: id est, totam causam humani
generis agam, & olim perditam in
integram reuocabo naturam, in me
omnis infirmitas abolebitur, in me
omnis plaga sanabitur. Exaltatum
autem Iesum ad se traxisse omnia,
non solum nostræ substantiæ passio-
ne, sed etiam torius mundi commu-
tatione monstratum est. Pendente
enim in patibulo Creatore, vniuersa
creatura congemuit, & Crucis cla-
uos omnia simul elementa senserunt.
Nihil ab illo supplicio liberum fuit.
R. Dulce lignum. 17. sine Alleluia.

Lectio viij.

HOC in communionem sui &
terram traxit, & coelum; hoc
petras rupit, monumenta aperuit,
inferna referauit, & densarum hor-
rore tenebrarum radios solis ab-
scondit. Debebat hoc testimonium
suo mundus auctori, vt in occasu
conditoris sui vellent vniuersa fini-
ri. Sed patientia Dei seruat rebus,
atque temporibus ordinem suum,
nosque in illum potius vocat affe-
ctum, vt eorum salutem petamus,
quorum

quorum crimine horremus. Tanto igitur pretio, tanto sacramento eruti de potestate tenebrarum, & ab antiquæ captiuitatis vinculis absoluti; dat operâ Dilectus summus, vt integritatem mentium vestrarum nulla diabolus arte corruptat.

R. Sicut Moyses. 17. sine Alleluia.

Lectio ix.

Q Vicquid nobis cōtra Christiam fidem ingeritur, quicquid contra mandata Dei suadetur, de illius deceptionibus venit, qui nos innumeris dolis ab æterna vita conatur euertere, captando quasdam occasiones infirmitatis humanæ, per quas incautas, negligenteq; animas in laqueos iterum suæ mortis inducat. Anni vitæ nostræ, & actionum temporalium qualitates in summi, & veri Dei potestate consistunt, cuius auxilium, misericordiam in omnibus, quæ obtinere cupimus, implorare debemus. Quoniā si pro nobis Deus, quis contra nos? qui Filio suo proprio non pepercit, sed pro nobis omnibus tradidit eum, quomodo non etiam cum illo omnia nobis donauit? qui viuit & regnat in sæcula sæculorum. Amen. Te Deum.

Die 18. Septembr. Quinta die.

In secundo Nocturno.

Tres lect. S. August. Quid dulcius. 17.

In tertio Nocturno.

Lectio sancti Euangelij secundum Ioannem. Lectio vij. Cap. 12.

IN illo tempore: Dixit Iesus turbis Iudæorum: Nunc iudicium est mundi: nunc princeps huius mundi eijcietur foras. Et reliqua.

Homilia S. Iohanni Chrysostomi.

Ex Homil. 66. in Ioan.

N Vnc princeps mundi huius eijcietur foras: per mortem scilicet meam. Et ego si exaltatus fuero, omnes traham ad me ipsum, hoc est,

etiam Gentiles; & ne quis diceret: Quomodo si te vicit, eijcietur? Non vicit, inquit; quomodo enim, qui alios trahit, victus esse poterit: & nō dicit; resuscitabo; sed maius; omnes traham ad me ipsum; nam si dixisset, resuscitabo, non significaret credituros: sed cum credituros dicit, & resurrekturos confirmat: si enim mortuus mansisset, & purus homo fuisset, nemo credidisset.

R. Dulce. 17.

Lectio viii.

Q Mnes traham ad me ipsum. Quomodo ergo inquit Patrem trahere? quia trahente Filio, Pater etiam trahit; traham, inquit, tamquam a tyranno detentos, & per se minimè potentes eius manus effugere, vtpotè repugnantis. Alio loco rapinam appellat. Nemo potest spolia fortis rapere, nisi prius alliger eum, & tunc rapiat. Hæc autem ad illius vim ostendendam dicit, vt illic rapinam, hic tractionem appellaret, quòd cum intelligamus, resurgamus, glorificemus Deum, non fide tantum, sed & vita: aliter non esset gloria, sed blasphemia. R. Sicut. 17.

Ex hom. 67.

Lectio ix.

R Espondit ei turba: Nos audiui-mus ex lege, quod Christus manet in æternum. Norant igitur Christum immortalem, & vitam habere sine fine? vnde etiam quid diceret intelligebant; nam sæpè numero in scripturis simul & passio, & resurrectio ponitur; sed hi arbitrati silentium ei imponere, & non esse Christum ostendere, Christum in æternum manere confitentur: & vide quam prauè: non enim inquirunt. Nos audiui-mus, quod Christus nihil patitur, neque crucifigitur, sed manet in æternum. Hic videre licet, multis; eos intellectis sponte sua in malitia perstitisse. Te Deum.

B 3 19. Sc-



19. Sept. Sexta die.

Fit de SS. Ianuar. & soc. semid. cum commemor. oct.

20. Sept. Septima die.

Fit de SS. Eustachio, & soc. semid. cum commem. oct.

21. Sept. In die Octaua.

Fit de S. Matthæo Apost. & Euang. dupl. cum commem. diei octauæ.

INFRA OCTAVAS FESTORVM BEATÆ Mariæ Virginis.

SECUNDA DIE.

In secundo Nocturno.

Sermo S. August. Episc. Lect. iv.

Exultat Maria, & matrem se læta miratur, & de Spiritu sancto se peperisse gaudet: nec quia peperit innupta, terretur: sed quia genuerit, cum exultatione miratur. O femina super feminas benedicta, quæ virum omnino non nouit, & viri suo utero circumdedit. Circumdat virum Maria Angelo fidem dando, quia Heu! perdidit virum serpenti consentiendo. O selix obedientia, o insignis gratia: quæ dum fidem humiliter dedit, celi in se opificem corporauit. Hinc promeruit gloriam, quam ipse postmodum hausit. Ecce, ait, ex hoc beatam me dicent omnes generationes. Lectio v.

O Beata Maria, quis tibi dignè valeat iura gratiarum, ac laudum præconiam rependere, quæ singulari tuo assensu, mundo succurristi perditio? Quas tibi laudes fragilitas humani generis perfoluat, quæ solo tuo commercio recuperandi aditum intuenit? Accipe itaque quascumque exiles, quascumque meritis tuis impares gratiarum actiones: & cum susceperis vota, culpas nostras orando ex-

cusa: Admitte nostras preces infra sacrarium exauditionis, & re-
porta nobis antidotum reconciliationis. Lectio vi.

Sit per te excusabile, quod per te ingerimus: fiat impetrabile, quod fida mente poscimus. Accipe quod offerimus, redona quod rogamus, excusa quod timemus: quia tu es spes vnica peccatorum. Per te speramus veniam delictorum, & in te beatissima nostrorum est expectatio præmiorum. Sancta Maria succurre miseris, iuua pusillanimes, refoue flebiles, ora pro populo, interueni pro clero, intercede pro deuoto cœmineo sexu: sentiāt omnes tuum iuuamen, quicumque celebrant tuam sanctam festiuitatem. *vel apponatur aliud nomen festi B. M. de quo sit Offic.*

TERTIA DIE.

In secundo Nocturno.

Sermo Sancti Bernardi Abbatis.

Serm. in cap. 12. Apoc. Lectio iv.

Nouum fecit Dominus super terram, vt mulier circumdaret virum, nec alium quam Christum, de quo dicitur: Ecce vir, Oriens nomen eius. Nouum quoque fecit in celo, vt mulier sole appareret amicta. Denique & coronauit eum, & vicissim ab eo meruit coronari. Egre-
dimini filiz Sion, & videte Regem Salomonem in diademate, quo coronauit eum mater sua. Verum hoc alias. Interim sanè ingredimini magis, & videte Reginam in diademate, quo coronauit eam Filius suus. In capite, inquit, eius corona stellarum duodecim. Lectio v.

Dignum planè stellis coronari caput, quod & ipsis longè clarius micat, ornet eas potius, quam ornetur ab eis. Quidni coronent sidera, quam sol vestit? Sicut diēs verni circumdabant eam flores rosarum, & lilia

illa conuallium. Nimirum læua sponsi sub capite eius, & iam dextera illius amplexatur eam. Quis illas aestimet gemmas, quis stellas nominet, quibus Mariæ regium diadema compactum est? *Lectio vj.*

Quid ergo sidereum micat in generatione Mariæ? Planè quòd ex regibus orta, quòd ex semine Abraham, quòd generosa ex stirpe Dauid. Si id parum videtur: addè quòd generationi illi ob singulare priuilegium sanctitatis diuinitus nescitur esse concessa: quòd longè ante eisdem patribus cœlis repromissa, quod mysticis præfigurata miraculis, quòd oraculis prænunciata prophetis. Hæc enim sacerdotalis virga dum sine radice floruit: hanc Gedeonis vellus, dum in medio siccæ aræ maduit: hanc in Ezechielis visione orientalis porta, quæ nulli vquam patuit, præsignabat.

Q V A R T A D I E.

In secundo Nocturno.

Sermo S. Ioannis Chrysost. *Lect. iij.*

DEi filius non diuitem, aut locupletem aliquam scœminam sibi matrem elegit, sed beatam virginem illam, cuius anima virtutibus ornata erat. Cum enim beata Maria supra omnem hominum naturam castitatem seruaret, propterea Christum Dominum in vtero concepit. Ad hanc igitur sanctissimam virginem, & Dei Matrem accurrentes, eius patrocinij vtilitatem assequamur. Itaque quæcumque estis virgines, ad Matrem Domini confugite. Illa enim pulcherrimam, pretiosissimam, & incorruptibilem possessionem patrocinio suo vobis conseruabit. *Lectio v.*

Magnum re vera miraculum, fratres dilectissimi, fuit beata semper Virgo Maria. Quidnamque

illa maius, aut illustrius vilo vinqûa tempore inuentum est, seu aliquando inueniri poterit? Hæc sola cœlum, ac terram amplitudine superauit. Quid nam illa sanctius? Nō propheta, non Apostoli, non Martyres, non Patriarchæ, non Angeli, non Throni, non Dominationes, non Seraphim, non Cherubim, non deniq; aliud quidpiam inter creatas res visibiles, aut inuisibiles maius, aut excellentius inueniri potest. Eadem ancilla Dei est, & Mater: eadem virgo, & genitrix. *Lectio vi.*

Hæc eius Mater est, qui à Patre ante omne principiū genitus fuit, quem Angeli, & homines agnoscunt Dominum rerum omnium. Vis ne cognoscere quāto Virgo hæc præstantior sit cœlestibus potentijs? Ille cum timore, & tremore assistunt faciem velantes suam: hæc humanū genus illi offert, quem genuit. Per hanc & peccatorum veniam consequimur. Ave igitur Mater, cœlum, puella, virgo, thronus, Ecclesie nostræ decus, gloria, & firmamentum, assidue pro nobis precare Iesum Filium tuum, & Dominum nostrum: vt per te misericordiam inuenire in die iudicii, & quæ reposita sunt ijs, qui diligunt Deum, bona consequi possimus, gratia, & benignitate Domini nostri Iesu Christi, cuique sit, & Patri simul, & sancto Spiritui gloria, & honor, & imperium nunc, & semper in sæcula sæculorum. Amen.

Q V I N T A D I E.

In secundo Nocturno.

Ex libro S. Epiphaniij Episc. aduersus hæreses. *Lectio iij.*

Beata Mater Dei Maria per Euā significatur, quæ per ænigma accepit, vt mater viuientium vocetur. Illa etenim mater viuientium vocata est etiam postquam audiuit: Terra

es, & in terram reuerteris; poſt trãſgreſſionem. Et mirum eſt, quòd poſt tranſgreſſionem hoc magnũ cognomen habuit. Et quod quidem pertinet ad rem ſenſibilem, ab illa Eua omnis hominum generatio deducta eſt in terra: hic autem verè à Maria, hæc vita mundo genita eſt, vt viuentem gigneret, & fieret Maria mater viuētium. Per ænigma igitur Maria mater viuentiũ appellata eſt. *Lec. v.*

E Væ datum eſt operire corpus ſenſibile propter nuditatē ſenſibilem: Marię verò datum eſt à Deo, vt pareret nobis Agnũ, & ex gloria ipſius Agni fieret nobis, velut à vellere ſapientię per virtutem ipſius, indumētum incorruptibilitatis. Eua etiam mortis cauſa facta eſt hominibus: per ipſam enim mors ingreſſa eſt in mundum: Maria verò cauſa vitæ, per quam genita eſt nobis vita, & per hanc Filius Dei aduenit in mundum, & vbi abundauit peccatum, ibi ſuperabundauit, & gratia: & vnde illata eſt mors, illinc proceſſit & vita, vt vita pro morte fieret: & qui per mulierē nobis vita factus eſt, mortē ex muliere inductam excluderet. Et quoniam illic Eua, cū adhuc eſſet virgo, per inobedientiam tranſgreſſa eſt; econtrario per Virginem obedientia gratiæ facta eſt, annunciatu aduentu in carne de cœlo, & vita æterna. *Lectio vi.*

DE Maria enim accipitur (liceat mihi hoc dicere) quod ſcriptũ eſt de Eccleſia. Relinquet homo patrem ſuum, & matrem ſuam & adheret uxori ſuæ: & erunt duo in carne vna. Sanctus autem Apoſtolus dicit: Myſterium hoc magnum eſt, ego autem dico in Chriſto, & Eccleſia. Et vide ſcripturarum accuratam dicendi proprietatem, quod de Adā quidem dixit, formauit; de Eua verò

non formatam eſſe, ſed ædificatam. Accepit enim, inquit, vnā de coſtis eius, & ædificauit ipſi in vxorem. Quòd oſtendat, Dominum quidem de Maria eſſormare ſibi ipſis corpus, ab ipſa verò coſta ædificatam eſſe Eccleſiam, in eo quòd punctum, & apertum eſt ipſius latus, & myſteria ſanguinis, & aquæ, pretia redemptionis facta ſunt.

S E X T A D I E.

In ſecundo Nocturno.

Sermo S. Cyrilli Epiſc. Alexandrini. *Homil. contra Neſtorium.* *Lectio iv.*

Hilarem video cœtum fidelium omnium, qui conuenerunt promptis animis, à ſancta, & Dei Matre Maria ſemper Virgine conuocati. Laus, & gloria ſit tibi ſancta Trinitas, quę omnes nos ad hanc celebratam conuocaſti. Sit etiam tibi ſancta Dei Mater laus. Tu enim es pretioſa margarita orbis terrarum: tu lampas inextinguibilis, corona virginitatis, ſceptrum orthodoxę fidei, templum indiſſolubile, continens eum, qui nuſquam contineri poteſt: Mater, & Virgo: tu benedicta inter mulieres, eius parens, qui benedictus venit in nomine Domini. *Lectio v.*

Per te Trinitas ſanctificatur, per te Crux pretioſa celebratur, & adoratur in toto orbe terrarum. Per te exultat cœlum, lætantur Angeli, & Archangeli, fugantur dēmones: & homo ipſe ad cœlum reuocatur: Per te omnis creatura idolorum errore detenta, conuerſa eſt ad agnitionem veritatis, & fideles homines ad ſanctum baptiſma peruenerunt, atque in toto orbe terrarum conſtructę ſunt Eccleſiæ. *Lectio vi.*

Te adiutrice gentes veniunt ad pœnitentiam. Quid plura? Per te vnigenitus Dei Filius, vera illa lux eſſul-

effulſit ſedentibus in tenebris, & umbra mortis. Per te Prophetæ prænu-
ciarunt, per te Apoſtoli ſalutem gē-
tibus prædicarunt. Quiſnam poterit
tuarum laudum præconia explicare,
Maria Mater, & Virgo? Hanc, fra-
tres dilectiſſimi, celebremus eius Fi-
lium, Eccleſiæ ſponſum immacula-
tum adorantes: cui honor, & gloria
in ſæcula ſæcula ſæculorum. Amen.

S E P T I M A D I E.

In ſecundo Nocturno.

Ex Ep. S. Ambr. Epif. ad Siriciū Papā.
Epif. 82. al. 7.

Lectio iv.

DE via peruerſitatis produntur
dicere: Virgo concepit, ſed non
virgo generauit. Potuit ergo virgo
concipere, non potuit virgo genera-
re, cum ſemper cōceptus præcedat,
partus ſequatur? Sed ſi doctrinis non
creditur ſacerdotum, credatur ora-
culis Chriſti, credatur monitis An-
gelorū dicentium: Quia non eſt im-
poſſibile Deo omne verbum. Creda-
tur ſymbolo Apoſtolorū, quod Ec-
cleſia Romana intemeratū ſemper
cuſtodit, & ſeruat. Audiuit Maria
vocem Angeli, & quæ ante dixerat:
Quomodo fiet iſtud? non de fide ge-
nerationis interrogans, reſpondit
poſtea: Ecce ancilla Domini, contin-
gat mihi ſecundū verbum tuum.

Ex lib. Sancti Hieronymi Presbyteri
aduerſus Iouinianum.

De Apolog. ad Pammachium, pro lib.
aduerſus Iouinianum in fin. Lect. v.

Chriftus Virgo, Mater Virginis
noſtræ Virgo perpetua; Mater,
& Virgo, Ieſus enim clauſis ingreſſus
eſt oſtijs: & in ſepulchro eius, quod
nouum; & in petra duriffima fuerat
excifum, nec antea quiſ, nec poſtea
poſitus eſt. Hortus concludus, fons
ſignatus: de quo fonte ille fluuius
manat, iuxta Ioel, qui irrigat tor-
rentem, vel ſunium, vel ſpinarnum:

ſunium peccatorum, quibus ante
alligabamur: ſpinarum, quæ ſuffocāt
ſementem patriſamilias. Hæc eſt
porta orientalis, vt ait Ezechiel, ſē-
per clauſa, & lucida, operiens in ſe,
vel ex ſe proferēs ſancta ſanctorum,
per quam Sol iuſtitiz, & Pontifex
noſter ſecundū ordinem Melchi-
ſedech ingreditur, & egreditur.

Ex libro S. Irenæi Epifc. & mart.
aduerſus hæreſes.

Lib. 5. cap. 19.

Lectio vj.

IN ſua propria veniente Domino,
& ſua propria eum baiulante con-
ditione, quæ baiulatur ab ipſo, & re-
capitulationē eius, quæ in ligno fuit
inobedientiæ, per eam, quæ in ligno
eſt, obedientiam faciente, & ſediti-
ctione illa ſoluta, qua ſeducta eſt ma-
lè illa, quæ iam viro deſtinata erat
virgo Eva: per veritatem euangeli-
zata eſt bene ab Angelo iam ſub viro
virgo Maria. Quemadmodum enim
illa per angelicū ſermonem ſedu-
cta eſt, vt effugeret Deum, præuari-
cata verbum eius: ita & hæc per An-
gelicum ſermonem euāgelizata eſt,
vt portaret Deum, obediēs eius ver-
bo. Et ſicut illa ſeducta eſt, vt effuge-
ret Deum, ſic hæc ſuaſa eſt obedire
Deo, vt virginis Eue virgo Maria fie-
ret aduocata. Et quemadmodū ad-
ſtrictū eſt morte genus humanū per
virginem, ſoluatur per virginē, æqua-
lance diſpoſita virginalis inobedien-
tia per virginalē obedientiam.

I N D I E O C T A V A.

In ſecundo Nocturno.

De expoſitione S. Gregorij Papæ in
libros Regum.

In 1. Regum 1.

Lectio iij.

Fuit vir vnus de Ramathaim So-
phim, de monte Ephraim. Po-
teſt montis nomine beatiffima ſem-
per Virgo Maria, Dei Genitrix, deſi-
gnari. Mons quippe fuit, quia omnē
cle-

electæ creature altitudinem, electionis suæ dignitate transcendit. An non mons sublimis Maria, quæ, ut Conceptionem æterni Verbi pertingeret, meritum verticem supra omnes Angelorum choros, usque ad solium Deitatis erexit? Huius enim montis præcellentissimam dignitatem Isaïas vaticinans ait: Erit in nouissimis diebus præparatus mons domus Domini in vertice montium. Mons quippe in vertice montium fuit, quia altitudo Mariæ supra omnes sanctos refulsit.

De Epist. S. Leonis Papæ ad Pulcheriam Augustam.

Epist. 13. ante med. Lectio v.

Sacramentum reconciliationis nostræ ante tempora æterna dispositum, nullæ implebant figuræ: quia nondum superuenerat Spiritus sanctus in Virgine, nec virtus Altissimi obumbrauerat ei, ut & intra intemperata viscera, ædificante sibi Sapientia domum, Verbum caro fieret, & forma Dei, ac forma serui in vnam conueniente personam, Creator temporum nasceretur in tempore, & per quæ facta sunt omnia, ipse inter omnia, gigneretur. Nisi enim nouus homo, factus in similitudinem carnis peccati, nostram susciperet vetustatem, & consubstantialis Patri consubstantialis esse dignaretur & Matri, naturamque sibi nostram solus à peccato liber vniret; sub iugo diaboli generaliter teneretur humana captiuitas. De expositione S. Basilij Episcopi in Isaïam Prophetam.

In cap. 8. post inuicem. Lectio vj.

Accessi, inquit, ad Prophetissam in vtero accepit, & peperit Filium. Quod Maria Prophetissa fuerit, ac quam proximè accessit Isaïas per prænotationem spiritus, nemo contradixerit, qui sit memor verbo-

rum Mariæ, quæ prophetico afflata spiritu elocuta est, quid enim ait? Magnificat anima mea Dominum, & exultauit spiritus meus in Deo salutari meo: quia respexit humilitatem ancillæ suæ: ecce enim ex hoc beatam me dicent omnes generationes. Quod si animum accommodaueris vniuersis eius verbis, non utique contentiosè negaueris eam fuisse Prophetissam, quod Domini spiritus in eam superuenerit, & virtus Altissimi obumbrauerit ei.

Hic mittuntur lectiones infra oct. Conceptionis B. Mariæ, quia iam in plerisque Breuiarijs sunt impressæ, ac etiam in libellis.

Die 2. Februarij.

INFRA OCTAVAM

PURIFIC. B. MARIÆ.

Aue Regina cœlorum. non dicitur, nisi in fine Completorii vltimæ diei Octauæ, vel in qua terminatur. Oct. si intra eam occurrat Fer. 4. Cinerū.

Die 3. Februarij. Secunda die.

In secundo Nocturno.

Pertotam hanc Octauam in secundo Noct. leguntur Lectiones, ut infra octauas festorum B. Mariæ. cum sequentibus Responsorijs. 22.

R. iv. Simeon iustus, & timoratus expectabat redemptionē Israel: Et Spiritus sanctus erat in eo.

V. Responsum accepit Simeon à Spiritu sancto: non visurum se mortem, nisi videret Christum Domini. Et spiritus.

R. v. Responsum accepit Simeon à Spiritu sancto, non visurum se mortem, nisi videret Christum Domini: Et benedixit Deum, & dixit: Nunc dimittis seruum tuum in pace, quia viderunt oculi mei salutare tuum Domine.

V. Cum

¶ Cū inducerent puerum Iesum parentes eius, vt facerent secundum consuetudinem legis pro eo: ipse accepit eū in vlnas suas. Et benedixit.

R. vj. Cū inducerent puerum Iesum parentes eius in templum, vt facerent secundum consuetudinem legis pro eo, accepit eum Simeon in vlnas suas, & benedixit Deum, dicens: * Nunc dimittis Domine seruum tuum in pace. ¶ Suscipiens Simeon puerum in manibus exclamauit, dicens: Nunc dimittis.

Gloria Patri. Nunc dimittis.

In tertio Nocturno.

Lectio sancti Euangelij secundum Lucam. Lectio vij. Cap. 2.

IN illo tempore: Postquam impleti sunt dies purgationis Marię secundum legem Moyfi, tulerunt Iesum in Ierusalem, vt sisterent eum Domino, sicut scriptum est in lege Domini. Et reliqua.

Homilia S. Ioannis Chrysostomi.

Or. 7. in it. 17. Declam. Par. circa med.

TAmetfi Virgo nulla purgatione tegeret: attamen, ne lex calcari videretur, adduxerunt puerum Iesum in Ierusalem, vt sisterent eum Domino, sicut scriptum est in lege Domini, vbi corporeę expiationis mentio habetur, ibi lex Moyfi tribuitur: vbi verò oblationis sãctę, ibi, sicut in lege Domini scriptum est, dicitur. Hoc autē discrimen ea de causa non constituitur, quasi lex Moyfis non sit lex Domini (quicquid enim Propheta Spiritu sancto afflatus, de re quapiam differens loquitur, Dominus suggerit) nihilominus, quod expiatio corporeum typum præferret, Moyfis sanctio appellatur.

R. Suscipiens Iesum in vlnas suas Simeon, exclamauit, & dixit: * Tu es verē lumen ad illuminationem gentium, & gloriam plebis tuę Israel.

¶ Cū inducerent puerum Iesum parentes eius, & ipse accepit eum in vlnas suas, & benedixit Deum, & dixit. Tu es.

Lectio vij.

Contrā verò, quod omne primogenitum Domino sistetur, Euangelista, quod primò ex vtero enatum erat, honorans secundum legem Domini sisti perhibet. Sicut scriptum est in lege Domini, omne masculinum adaperiens vuluam, sanctum Domino vocabitur. Hoc decretum, & hæc lex, totaque decreti, & legis ratio, & causa ob eum posita est, qui vterum aperturus erat. Nulla enim siue brutorum animantium, siue hominum primogenita comperta sunt vñquam, quę aperirent vuluam; quare tantum primogenita erant. Quem autem Virgo peperit, is solus vterum aperuit.

R. Senex puerum portabat: puer autem senem regebat: * Quem virgo concepit, virgo peperit, virgo post partum, quem genuit, adorauit.

¶ Accipiens Simeon puerum in manibus, gratias agens benedixit Dominaum. Quem. Gloria. Quem.

Nona Lect. de S. Blasio.

Die 1. Februarij. Tertia die.

In tertio Nocturno.

Lectio sancti Euangelij secundum Lucam. Lectio vij.

IN illo tempore: Postquam impleti sunt dies purgationis Marię secundum legem Moyfi, tulerunt Iesum in Ierusalem, vt sisterent eum Domino, sicut scriptum est in lege Domini. Et reliqua.

Homilia Sancti Bernardi Abbatis.

Serm. 3. in Purificat. post in it.

Quis non aduertat in ipso sententia huius initio, liberam Matrem Domini ab hoc præcepto? Putas enim, quia dicturus Moyses mulierem, quę peperisset filium, immu-

mun-

mundam esse, non timuerit super Matre Domini blasphemiam crimen incurrere, & idcirco præmiserit, suscepto semine? Alioquin, nisi parituram prædidisset sine semine Virginē, quæ necessitas erat de suscepto semine fieri mentionem? Patet itaque, quod lex ista Matrem Domini non includit, quæ non suscepto semine filium peperit. Putas ergo non poterat moueri animus eius, & dicere: Quid mihi opus purificatione? cur non ingrediar templum, quæ peperit Dominum templi? R. Suscipiens.

27.

Lectio viij.

Verè, o beata Virgo, verè non habes causā, nec tibi opus est purificatione. Sed numquid Filio tuo opus erat circumcisione? esto inter mulieres tamquā vna earū: nā & Filius tuus sic est in numero puerorū: Circūcidi voluit, & nō multò magis velit offerri? offer Filium tuum, Virgo sacrata, & benedictum fructum ventris tui Domino repræsenta. Offer ad nostrā omnium reconciliationem hostiam sanctam, Deo placentem omnino placentem; omnino acceptabis Deus Pater oblationem nouam, & pretiosissimam hostiam.

R. Senex. 27.

Lectio ix.

Sed oblatio ista, fratres, satis delicata videtur, vbi tantum sistitur Domino redimitur auribus, & illicò reportatur. Venit, quando non in templo offerretur, nec inter brachia Simeonis, sed extra ciuitatē inter brachia Crucis. Veniet, quādo non redimeretur alieno, sed alios redimet sanguine proprio: Quia redemptionem misit Deus Pater populo suo. Sed quid, fratres, nos offerimus, aut quid retribuimus illi pro omnibus, quæ retribuit nobis? Ille pro nobis obtulit hostiam pretiosiore, quam habuit, & nos ergo faciamus quod

possumus, optimum quod habemus offerentes illi, quod sumus utique nosmetipsi. Te Deum.

5. Februarij. Quarta die.

Fit de S. Agatha virg. mart. semid. cum commemor. Oct.

Die 6. Februarij. Quinta die.

In tertio Nocturno.

Lectio sancti Euangelij secundum Lucam. Lectio vij.

In illo tempore: Postquam impleti sunt dies purificationis Mariæ secundum legem Moysi, tulerunt Iesum in Ierusalem, vt sisterent eum Domino, sicut scriptum est in lege Domini. Et reliqua.

Homilia venerabilis Bedæ Presbyt.

Tom. 7. Hyem. post initium.

Precepit Domini in lege, vt, qui posset agnum pro filio, vel filia simul, & turturem, siue columbam offerret; qui verò non sufficeret ad offerendum agnum, duos iam turtures, vel duos columbæ pullos offerret. Ergo Dominus noster per omnia memor salutis, non solum homo fieri, cum Deus esset, sed pauper fieri dignatus est pro nobis, vt nos sua paupertate simul, & humanitate, diuitiarum, & diuinitatis suæ donaret esse participes. R. Suscipiens. 27.

Lectio viij.

Sed libet paulisper intueri, cur hæc maxime volucres in hostiam Domini iubentur offerri: nam & Abraham Patriarcha, tanto ante legem, has in holocaustum Domino legitur obtulisse, & in plerisque legis ceremonijs, qui mundandus esset, per has iuebatur mundari. Columba ergo simplicitatem, turtur indicat castitatem: quia, & columba simplicitatis, & castitatis amator est turtur, ita vt si coniugem casu perdiderit, non aliam vltra querere curet. Merito ergo turtur, & columba Domino offerun-

feruntur in hostiam, quia nimirum simplex, & pudica fidelium conuersatio gratum est illi sacrificium Iustitiæ. R. Senex. 27.

Nonâ Lectio de S. Dorothea.

6. Febr. Sexta die.

Fit de S. Romualdo Abbate semid. cum commemor. Oct.

Die 7. Febr. Septima die.

In tertio Nocturno.

Lectio sancti Euangelij secundum Lucam. Lectio vij.

IN illo tempore: Postquam impleti sunt dies purgationis Mariæ secundum legem Moysi, tulerunt Iesum in Ierusalem, ut sisterent eum Domino, sicut scriptum est in lege Domini. Et reliqua.

De Homil. venerabilis Bedæ Presb.

QUod autem Simeon, & Anna, prouectæ videlicet ætatis vir, & foemina, deuotis confessionum officijs Dominum, quem corpore paruū vident, sed magnum diuinitate intelligunt, excipiant? illam profectō populi Iudeorum synagogam figuratē denunciant: quæ longa incarnationis eius expectatione fatigata, promptis illum mox ut aduenit, & piarum vlnis actionum, & fidei non fictæ vocibus exaltare, ac magnificare studuit ac clamans illi, & dicens: Dirige me in veritate tua, & doce me: quia tu es Deus saluator meus, & te sustinui tota die. Sed & hoc dicendum, quia meritō vterque sexus ei gratulabundus occurrerit, qui vtriusque Redemptor apparebat. R. Suscipiens 27.

Ex comm. in Luc. post med. Lect. viij.

DEcebat enim omnium Saluatorem, sicut vêturū in carne, omnium toto sæculi tempore fidelium factō, vel dicto prælagiri, ita etiam venientem communi omnium laude prædicari, impleta prophetia, quæ

dicit: Laudate Dominum de celis, & cætera, vsquequo ait: Iuuenes, & virgines, senes cum iunioribus laudent nomen Domini, quia exaltatum est nomen eius solius. Confessio eius super cælum, & terram. R. Senex. 27.

Lectio ix.

QUod autem ait: Et venit spiritu in templum, significat eum eadem spiritus gratia, qua olim venturum præcognouerat, etiam nunc venientem, & iam iamque à se videndum cognouisse Saluatorem. Magna quidem Domini potentia, sed non minor claret humilitas, ut qui cælo, terraque non capitur, grandæui hominis gestetur totus in vlnis. Sed & tropicè accipit Simeon Christum, veteranus infantem, ut doceat nos exuere veterem hominem, qui corrumpitur cum actibus eius, & renouato spiritu mentis nostræ, induere eum, qui secundum Deum creatus est in iustitia, & sanctitate, & veritate. Te Deum.

Die 9. Febr. In die Octaua.

In tertio Nocturno.

Lectio sancti Euangelij secundum Lucam. Lectio vij.

IN illo tempore: Postquam impleti sunt dies purgationis Mariæ secundum legem Moysi, tulerunt Iesum in Ierusalem, ut sisterent eum Domino, sicut scriptum est in lege Domini. Et reliqua.

Homilia S. Ioannis Chrysostomi.

Tract. 7. ut supra.

Lumen ad reuelationem gentiū, Cur lumen? quia gentes in tenebris versabantur, & quia rursus obscurata, tetrisque peccatorum tenebris obducta, per illud illustranda, & expianda erant. Et gloriam plebis tuæ Israel. Hic gloria, illic reuelatio. Hic doctrinæ initium, illic disciplinæ persecutio. Ast obiecerit hic forte quis-

quispiam! dic quaeso, vbi nam sunt Israelita? Ecce, habes Petrum, habes Paulum, habes Ioannem, habes tria millia, habes quinque millia, habes Ecclesiam Ierofolymitanam, habes eos præterea Iudæos, qui inter gentes dispersi fidem susceperunt.

R. Suscipiens. 27. *Lectio viij.*

ITaque asseruabatur in populo illo fidei semen, neq; simul vniuersus pessumiuit, absit, neq; simul omnes Iudæi in interitum ruerunt, sed plurimi; neque id mirum: nam & nunc quoque infelici hac rerum cōstitutione, beataque vocatione, multi quidem sunt vocati, pauci verò electi. Non totus itaque populus ille simul interijt, non totus deprauatus est, nō totus in infidelitate permanfit, non totus persecutus est Apostolos; crediderunt enim per Apostolos simul tria millia, extra mulieres, & paruulos, & facta est Ierofolymis Ecclesia admodum numerosa.

R. Senex. 27.

Nona Lectio de S. Apollonia.

Die 2. Iulij.

INFRA OCTAVAM VISITATIONIS B. MARIE.

In die festo: si sit primæ classis, *Lect. vij.* de Homil. S. Ambrosij erit, vt in Breuiar. *Lect. viij.* terminetur ad illa verba **Non enim sola**, *Lect. ix.* vsque ad finem, omissa *Lectio SS. Processi, & martyri.*

Die 3. Iulij. Secunda die.

In secundo Nocturno.

Lect. ij. Noct. vt infr. Festor. B. Mariæ. 23. cum sequentibus Respons.

R. iv. Ecce iste venit saliens in montibus, transiliens colles: *Similis est dilectus meus caprea, hinnuloq; ceruorum. V. Exultauit vt gigas ad currendam viam, à summo cœlo

egressio eius. Similis.

R. v. Congratulamini mihi omnes, qui diligitis Dominum, quia cum essem paruula, placui Altissimo: *Et de meis visceribus genui Deum, & hominem. V. Beatam me dicent omnes generationes, quia ancillam humilem respexit, Deus. Et de meis.

R. vi. Beata quæ credidisti, quoniam perficientur in te, quæ dicta sunt tibi à Domino. Et ait Maria: *Magnificat anima mea Dominum.

V. Venite, & audite, & narrabo quanta fecit Deus animæ meæ. Magnificat. Gloria. Magnificat.

In tertio Nocturno.

Lectio sancti Euangelij secundum Lucam. Lectio vii. Cap. i.

IN illo tempore: Exurgens Maria, abiit in montana cum festinatione in ciuitatem Iuda: Et intrauit in domum Zachariæ, & salutauit Elisabeth. Et reliqua.

Homilia S. Ambrosij Episcopi.

Lib. 2. in Luc. i.

MOrale est omnibus, vt qui fidem exigunt, fidem astruant. Et ideo Angelus, cum abscondita nunciaret, vt fidem astrueret exemplo, senioris semina, sterilisque, conceptum Virgini Mariæ nunciavit; vt possibile Deo omne, quod ei placuerit, assereret. Vbi audiuit hoc Maria, non quasi incredula de oraculo, nec quasi incerta de nuncio, nec quasi dubitans de exemplo, sed quasi lata pro voto, religiosa pro officio, festina pro gaudio, in montana perrexit. Quò enim iam Deo plena, nisi ad superiora cum festinatione contenderet? Nescit tarda molimina sancti Spiritus gratia.

R. Beatam me dicent omnes generationes: *Quia fecit mihi Dominus magna, qui potens est, & sanctum nomen eius. V. Et misericordia eius

eius à pro genie in progenies timen-
tibus eum. Quia. *Lectio viij.*

Discite, & vos sanctæ mulieres
sedulitatem, quam prægnanti-
bus debeatis exhibere cognatis.
Mariâ, quæ antea sola in intimis pe-
tetalibus versabatur, non at publi-
co virginis pudore, non à studio
asperitas montium, non ab officio
prolixi itineris retardauit. In
montana Virgo cum festinatione,
Virgo officij memor, iniuriæ imme-
mor, affectu virgente, non sexu reli-
cta perrexit domo. Discite virgines
non circumcursare per alienas edes,
non demorari in plateis, non aliquos
in publico miscere sermones. Maria
in domo fera, festina in publico,
mansit apud cognatam suam tribus
mensibus. *R. Felix* namque es sacra
Virgo Maria, & omni laude dignis-
sima. *Quia ex te ortus est Sol iusti-
tiæ, *Christus Deus noster. *V. Ora*
pro populo, interueni pro clero, in-
tercede pro deuoto semineo sexu:
sèntiant omnes tuû iuuamen, quicûq;
celebrant tuam sanctam Visitatione.
Quia. Gloria. Christus. *Lectio ix.*

Didicistis virginis pudorem Ma-
riæ, discite humilitatem. Ven-
nit propinqua ad proximam, iunior
ad senio rem; nec solum venit, sed
etiam prior salutauit. Decet enim,
vt quantò castior virgo, tantò humi-
lior sit: Nouerit deferre senioribus;
sit magistra humilitatis, in qua est
professio castitatis. Est & causa pie-
tatis, est etiâ norma doctrinæ. Con-
tuendum est enim, quia superior ve-
nit ad inferiorem, vt inferior adiu-
uetur. Maria ad Elisabeth, Christus
ad Ioannem. *I. e. Deum.*

Die 4. Iulij. Tertia die.

In tertio Nocturno.

*Lectio sancti Euangelij secundum
Lucam.*

Lectio viij.

In illo tempore: Exurgens Maria
abiit in montana cum festinatio-
ne in ciuitatem Iuda: Et intrauit in
domum Zachariæ, & salutauit Eli-
sabeth. Et reliqua.

De Homilia S. Ambrosij Episcopi.

Exultauit Ioannes, exultauit, &
Mariæ spiritus. Exultante Ioan-
ne, repletur Elisabeth, Mariam tamē
non repleti spiritu, sed spiritum eius
exultare cognouimus. Incomprehē-
sibilis enim incōprehensibiliter ope-
rabatur in Matre; & illa post concep-
tum repletur, ista ante conceptum.
Benedicta tu inter mulieres. Nouit
sermonem suum Spiritus sanctus,
nec vmquā obliuiscitur. Et prophe-
tia non solum rerum completur mi-
raculis, sed etiam proprietate ver-
borum. *R. Beatam. 35. Lectio viij.*

Quis est iste fructus ventris, nisi
ille, de quo dictum est: Ecce hæ-
reditas Domini, filij merces, fructus
ventris? Hoc est, hæreditas Domini
filij sunt, qui merces sunt fructus il-
lius, qui de Mariæ ventre processit.
Ipse fructus vètris est flos radicis, de
quo benè prophetauit Isaias dicens:
Exiet virga de radice Iesse, & flos de
radice eius ascendet. Radix enim est
familia Iudæorum, virga Maria, flos
Mariæ Christus: qui veluti bonæ ar-
boris fructus pro nostræ virtutis
processu, nunc floret, nunc fructificat
in nobis. *R. Felix. 36. Lectio ix.*

Et vnde hoc mihi, vt veniat Ma-
ter Domini mei ad me? Non
quasi ignorans dicit; scit enim esse
Spiritus sancti gratiam, & operatio-
nem vt mater Prophetæ à Matre
Domini ad profectum sui pignoris
salutetur. Sed quasi non humani hoc
meriti, sed diuinæ gratiæ munus ef-
se cognoscat, ita dicit: Vnde hoc mi-
hi? hoc est, quò tantum bonum mihi
accidit, vt mater Domini mei ve-
niant

niat ad me? non cognosco meum.
Vnde hoc mihi? qua iustitia? quibus
factis? pro quibus meritis? Non vi-
sita hæc officia foeminarum sunt.
T e Deum.

Die 5. Iulij. Quarta die.
In tertio Nocturno.

Lectio sancti Euangelij secundum
Lucam. *Lectio vij.*

In illo tempore: Exurgens Maria,
abijt in montana cum festinatione,
in ciuitatem Iuda. Et intrauit in
domum Zachariæ, & salutauit Eli-
sabeth. Et reliqua.

De Homilia S. Ambrosij Episcopi.

Vide, nō dubitasse Mariam, sed
credidisse, & ideo fructū fidei
consecutam. Beata, inquit, quæ
credidisti. Sed, & vos beati, qui auditis,
& crediti. Quæcumque enim credi-
derit anima, & concepit, & generat
Dei Verbum, & opera eius agnoscit.
Et ait Maria: Magnificat anima mea
Dominum. Sit in singulis Mariæ ani-
ma, vt magnificet Dominum: sit in
singulis spiritus Mariæ, vt exultet in
Deo. Nam etsi secundum carnem
vna Mater est Christi, secundum fi-
dem tamē omnium fructus est Chri-
stus. *Beatam. 30. Lect. vij.*

Omnis enim anima concipit Dei
verbum, si tamen immaculata,
& immunis a vitijs, intemerato ca-
stimoniam pudore custodiat. Quæ-
cūque igitur talis esse potuerit ani-
ma, magnificat Dominum, sicut ani-
ma Mariæ magnificauit Dominum,
& exultauit spiritus eius in Deo salu-
tari suo. Non quod Domino aliquid
humana voce possit adiungi,
sed quia magnificatur in nobis. Sed
Mariæ, quō persona melior, eo pro-
phetia plenior. *Lect. ix.*

NEc otiosum videtur, quōd &
ante Ioānē Elisabeth propheta-
tar, & Maria ante Domini ortum:

serpunt enim iam tentamenta salutis
humane. Nam sicut peccatum a mu-
lieribus cepit: ita etiam bonū a mu-
lieribus inchoatur, vt feminae quo-
que muliebria opera deponentes, in-
firmitati renuncient, & anima, quæ
non habet sexum, vt Maria, quæ
nescit errorem, religioso imitetur
studio castitatem. **T e Deum.**

Die 6. Iulij. Quinta die.
Fit de die oct. SS. Apost. cum com-
mem. Oct. Visitat.

Die 7. Iulij. Sexta die.
In tertio Nocturno.

Lectio sancti Euangelij secundum
Lucam. *Lectio vij.*

In illo tempore: Exurgens Maria,
abijt in montana cum festinatione
in ciuitatem Iuda: Et intrauit in
domum Zachariæ & salutauit Elisa-
beth. Et reliqua.

De Homilia venerab. Bedę Presbyt.

Ex Comm. in Luc. lib. 1. c. 3.

Notandum, quanta Elisabeth
animum gratia, Maria intran-
te ditauit, quem simul de præterito,
præsenti, atque futuro, per prophe-
tiæ spiritum illustrauit: Dicens enim:
Beata, quæ credidisti: apertè indicat,
quia verba Angeli, quæ dicta ad Ma-
riam fuerant, per spiritum agnouit.
Atque subiungens. Perficientur ea,
quæ dicta sunt tibi a Domino, quæ
etiam eam in futuro sequerentur,
præuidit. Matrem verò Domini sui
nominans, quia Redemptorem hu-
mani generis in vtero portare intel-
lexit. *Beatam. 30.*

Ex homil. eiusdem. Lectio viij.

ET quia per temeritatem seductę
mulieris mors in mundum in-
troierat, congruum fuerat, vt in in-
diciū vitæ reuertentis mulieres se
deuotæ humilitatis inuicem acpie-
tatis præuenirent obsequijs. Prior
ergo nobis Beata Dei Genitrix ad
sub-

sublimitatem patriæ cœlestis iter ostendit humilitatis non minus religionis, quam castitatis, exemplo venerabilis; siquidem gloria virginei, & intemerati corporis qualis sit, vita supernæ ciuitatis, ad quam suspiramus, insinuat: quis enim nesciat, virginem Deo consecratam, muliere Deo dedita gradum habere potiorum? quis dubitet, Matrem Regis æterni iure matri militis præferendam?

℞. Felix. 31.

Lectio ix.

I Ntrat ergo domum Zachariæ, atque Elisabeth, quæ seruum, ac præcursores Domini parituum nouerat, salutat: nō quasi dubia de oraculo, quod acceperat, sed ut congratulatura de dono, quod conseruam accepisse didicerat: non ut verbum Angeli mulieris attestatione probaret, sed ut mulieri prouectæ ætatis. Virgo iuuenula ministeriū sedula impenderet. Aperiente os ad salutandum Beata Maria, repleta est mox Spiritu sancto Elisabeth, repletus est & Ioannes. Aderat namque tempus, quo impleretur Angeli sermo, quem dixerat, quia Spiritu sancto replebitur adhuc ex utero matris suæ. Te Deum.

Die 8. Iulij. Septima die.
in tertio Nocturno.

Lectio sancti Euangelij secundum Lucam.

Lectio vij.

I N illo tempore: Exurgens Mariā, abiit in montana cum festinatione in ciuitatem Iuda: Et intrauit in domum Zachariæ, & salutauit Elisabeth. Et reliqua.

De Homilia venerab. Bedæ Presbyt.

Ex Comm. in Luc. lib. 1. c. 3.

V Erum audiamus verba, quæ Virgo dixit, si forte ex his valeamus aliquantulum dignoscere, quid intus habuerit. Audita ergo responsione Elisabeth, quæ eam beatā

inter mulieres prædicauit, Matrem Domini sui cognominauit, fide fortem laudauit, ad cuius ingressum seipsam cum filio, Spiritu sancto repletam esse signauit: non amplius tacere potuit dona, quæ perceperat, sed quæ semper animo gerebat, ubi aptum tempus inuenit, etiam deuota oris professione patefecit.

℞. Beatam. 30.

Lectio viij.

N Amque ut virginali decebat pudorem, acceptum diuinitus oraculum aliquandiu silentio tenebat, arcanum mysterij cœlestis in sui pectoris abdito venerabatur occultum expectabat reuerenter, donec ipse donorum distributor, quid sibi doni specialis tribuisset, quid secreti reuelasset, quandocumque vellet, ostenderet. At postquam eadem, quæ sibi erant charismata præstita, per alios spiritu reuelante esse patefacta cernebat, mox ipsa etiam thesaurum cœli, quem in corde seruabat, aperuit. Ait ergo: Magnificat anima mea Dominum. Et exultauit spiritus meus in Deo salutari meo.

℞. Felix. 31.

Lectio ix.

Q Vibus profecto verbis primò dona sibi specialiter concessa confitetur: deinde generalia Dei beneficia, quibus generi humano in æternum consulere non desistit, enumerat, quæ cum omnibus perfectis verba rectè conueniant, maxime tamen ea beatam Dei genitricem proferre decebat, quæ meriti priuilegio singularis spiritali ipsis dilectione flagrabat, cuius corporali conceptione gaudebat. Quæ sequentibus quoque verbis, quam vilis de se ipsa senserit, docet; & quod omne, quicquid boni meriti habuit, hoc superna gratia largiente perceperit, dicens: quia

C resp.

respexit humilitatem ancillæ suæ.
e Deum laudamus.

*Die 9. Iulij. In die Octaua.
In tertio Nocturno.*

Lectio sancti Euangelij secundum
Lucam. *Lectio vij.*

In illo tempore: Exurgens Maria,
abiit in montana cum festinatione,
in ciuitatem Iuda. Et intrauit in
domum Zachariæ, & salutauit Eli-
sabeth. Et reliqua.

Homilia sancti Bernardi Abbatis.

De verb. Apoc. c. 12. circa fin.

Mirabatur Elisabeth personam
uenientis, dicens: Vnde hoc
mihi, vt veniat Mater Domini mei
ad me? Cômendabat & vocem salu-
tantis adiiciens: Vt facta est vox sa-
lutationis tuæ in auribus meis, exul-
tauit in gaudio infans in vtero meo.
Et beatificabat fidem credētis: Bea-
ta, inquit, quæ credidisti, Magna
quidem præconia, sed & deuota hu-
militas, nihil sibi passa retinere, in-
cum magis vniuersa refudit, cuius
in se beneficia laudabantur.

& Beatam. 30. *Lectio viij.*

TV, inquit, magnificas matrem
Domini: sed Magnificat anima
mea Dominum. In voce mea filium
perhibes exultasse in gaudio: sed e-
xultauit spiritus meus in Deo salu-
tari meo: & ipse quoque tamquam
amicus sponsi gaudet ad vocē sponsi.
Beatam me esse dicis, quæ credidi;
sed credulitatis, & beatitudinis cau-
sa respectus est supernæ pietatis, vt
ex hoc magis beatam me dicent
omnes generationes; quia ancillam
humilem, & exiguum respexit Deus.

& Felix. 31. *Lectio ix.*

Veruntamen numquid putamus
fratres, Elisabeth sanctam in
eo, quod per spiritum utique loque-
batur, errasse? Absit. Beata planè,
quam respexit Deus, & beata, quæ

credidit. Hic enim magnus diuinæ
respectiois extitit fructus: ineffabili
si quidem artificio spiritus superue-
niens tantæ humilitati, magnanimitas
tanta in secretario virginei cor-
dis accessit, vt quod videlicet nec hu-
milis tanta minuit, magnanimitatem,
nec magnanimitas tanta humi-
litem. Sed cum in sua æstimatione
tam humilis esset, nihilominus, & in
promissionis credulitate magnani-
mia: vt quæ nihil aliud, quam exi-
guam se se reputaret ancillam, ad
inscrutabile Sacramentum nullatenus
se dubitare electam, & veram
Dei, & hominis genitricem crederet
mox futuram. e Deum.

INFRA OCTAVAM DEDICAT. B. MARIÆ.

6. Augusti, Secunda die.

Fit de Trast. Dni, dup. cu com. oct.

Die 7. Augusti, Tertia die.

In secundo Nocturno.

Per totam hæc oct. in ij. Noct. sumū-
tur Lect. vt inf. Oct. festorum B. Ma-
riæ. 22. cum sequentib. Responsorijs.
R. iv. Sicut cédrus exaltata sum in
Libano, & sicut cypressus in monte
Sion: quasi myrrha electa: * Dedi sua-
uitatem odoris. V. Et sicut cinna-
momum, & balsamum aromatizans.
Dedi suauitatem.

R. v. Quæ est ista quæ processit sicut
sol, & formosa tamquam Ierusalem?
* Viderunt eam filiæ Sion, & bea-
tam dixerunt, & reginæ laudauerunt
eam. V. Et sicut dies verni circum-
dabant eam flores rosarum, & lilia
conuallium. Viderunt eam.

R. vj. Ornata monilibus filiam Ie-
rusalem Dominus concupiuit: * Et
videntes eam filiæ Sion, beatissimam
prædicauerunt, dicentes: * Vnguen-
tum effusum nomen tuum.

V. Asti-

V. Afficit regina à dextris tuis in vestitu deaurato, circumdata varietate. Et. Gloria. Vnguentum.

In tertio Nocturno.

Lectio sancti Evangelij secundum Lucam. Lectio vij. Cap. II.

IN illo tempore: Loquente Iesu ad turbas: extollens vocem quædam mulier de turba dixit illi: Beatus venter, qui te portauit. Et reliqua.

Homilia S. Ioannis Chrysostomi.

In c. 12. Matth. ho. 45. post init.

VNa, sola, & vera, & communis nobilitas, atque celsitudo cum Christo est, vt voluntatem Dei facias: hic propinquitatis modus multo melior est, atque vberior: idcirco cum mulier quædam dixisset: Beatus venter, qui te portauit, & vbera, quæ fuxisti, non respondit: Nullus me portauit venter, nec vlla ipse vbera fuxi, sed beati, qui faciunt voluntatem patris mei. Vides quemadmodum nullibi coniunctionem hanc naturæ hominum negat, sed addit super illam, quæ à virtutibus est.

R. Felix namque es sacra Virgo Maria, & omni laude dignissima: Quia ex te ortus est Sol iustitiæ, Christus Deus noster. **V.** Ora pro populo, interueni pro clero, intercede pro deuoto femineo sexu: sentiant omnes tuum iuuamen, quicumque celebrant tuam sanctam festiuitatem. Quia ex te ortus. Lectio vij.

Non dixit, se non habere matrem, sed inde matrem quoque suam beatitudinem consecuturam asseruit, si Patris eius faceret voluntatem. O admirabilem honorem: o virtutis incredibiles honores, quod ducitis bene viuentes homines? quot mulieres sanctissimam illam Virginem beatificarunt? quot verum illum admirantur, quot optarunt tales fuisse matres, & cætera

contemnere omnia? quid igitur prohibet? Ecce namque rectam atque facilem viam nobis proposuit, vt non feminis solum, verum etiam viris ad hunc ordinem peruenire liceat: imò verò etiam ad maiorem; multo enim propinquiores Deo sunt, qui voluntatem eius faciunt, quam qui summa carnis necessitudine coniunguntur. Non ergo simpliciter propinquitatē illam desidera, verum etiam viam capesse, magnoque studio cōfice, quæ ad hoc desiderium te perducant.

R. Beatam me dicent omnes generationes: Quia fecit mihi Dominus magna, qui potens est, & sanctum nomē eius. **V.** Et misericordia eius à progenie in progenies timentibus eum. Quia. Gloria Patri. Quia. Nona Lectio de S. Donato.

8. Augusti. Quarta die.

Fit de SS. Cyriaco &c. mart. semid. cum conueni. octa.

Die 9. Augusti. Quinta die.

In tertio Nocturno.

Lectio sancti Evangelij secundum Lucam. Lectio vij.

IN illo tempore: Loquente Iesu ad turbas: extollens vocem quædam mulier de turba dixit illi: Beatus venter, qui te portauit. Et reliqua.

Homilia S. Irenæi Episc. & Mart.

Lib. 3. adu. her. c. 32.

ERant, qui dicunt, Christum nihil ex Virgine accepisse, vt abijciant carnis hereditatem; abijciant autem, & similitudinem. Hoc autem dicere est, & putatiue apparuisse eū, & tamquam hominem, cum non esset homo, & factum eum hominem nihil assumentem de homine. Si enim non accepit ab homine substantiam carnis, neque homo factus est, neque filius hominis: & Apostolus Paulus in epistola, quæ est ad Galatas, manifestè ait: Misit Deus fi-

Alium suum factum de muliere.

R. Felix. 35.

Lectio viij.

ET rursus in ea, quæ est ad Romanos: De filio autem (inquit) eius, qui factus est ex semine Dauid secundum carnem, qui predestinatus est filius Dei in virtute, secundum spiritum sanctificationis, ex resurrectione mortuorum Iesu Christi Domini nostri. Ceterum superuacua est in Mariam descensus eius: quid enim in eam descendebat, si nihil incipiebat sumere ab ea? Aut si nihil sumpsisset ex Maria, numquam eas percipisset escas, per quas nutritur corpus, nec quadraginta diebus esurisset corpus eius, suam quærens escam.

R. Beatam. 35.

Nona Lect. Homil. Vigiliæ S. Laur.

20. Augusti. Tertia die.

Fit de S. Laurentio martyr.

Die 11. Augusti. Septima die.

In tertio Nocturno.

Lectio sancti Euangelij secundum Lucam.

Lectio vij.

IN illo tempore: Loquente Iesu ad turbas: extollens vocem quædam mulier de turba dixit illi: Beatus venter, qui te portauit. Et reliqua.

Homilia S. Augustini Episcopi.

De S. Virginit. cap. 3.

Quid aliud nos docet Dominus, nisi carnali cognationi genus nostrum spiritale præponere: nec inde beatos esse homines, si iusti, & sanctis carnis propinquitate iunguntur: sed si eorum doctrinæ, ac moribus obediendo, atque imitando coharescunt? Beatior ergo Maria, percipiendo fidem Christi, quam concipiendo carnem Christi, nam & dicenti cuidam: Beatus venter, qui te portauit; ipse respondit: imò beati qui audiunt verbum Dei, & custodiunt illud. R. Felix. 35.

Lectio viij.

DEnique fratribus eius, id est, secundum carnem cognatis, qui non in eum crediderunt, quid profuit illa cognatio? Sic & materna propinquitates nihil Mariæ, profuisset, nisi felicius Christum corde, quam carne gestasset. Ipsa quoque; virginitas eius idè gratior, & acceptior, quia non eam conceptus Christus viro violaturo, quem conseruaret, ipse præripuit; sed priusquam conciperetur, iam Deo dicatam, de qua nasceretur, elegit. R. Beatam. 35.

Nona Lect. SS. Tiburtii, & Susannæ.

Die 12. Augusti. In die Octaua.

In tertio Nocturno.

Lectio sancti Euangelij secundum Lucam.

Lectio vij.

IN illo tempore: Loquente Iesu ad turbas: extollens vocem quædam mulier de turba dixit illi: Beatus venter, qui te portauit. Et reliqua.

Homilia S. Ioannis Chrysostomi.

In Ioann. c. 2. ho. 20. circa finem.

Cum audieris mulierem illam dicentem: Beatus venter, qui te portauit, & vbera, quæ tu suxisti: deinde Dominum respondentem: Quinimò beati, qui audiunt verbum Dei, & custodiunt illud: ea sententia dictum existima, non quòd matrem negligeret, sed nihil ei utilitatis matris nomen allaturum ostenderet, nisi bonitatem, & fidem præstaret. Quòd si Mariæ nihil sine virtute materna, charitas erat profutura, longè minus nobis, patris, fratris, matris, filij bonitas, nisi aliquid nostrum asseramus. R. Felix. 35.

Lectio viij.

IN nullo namque alio, nisi in solis sui ipsius virtutibus, post diuinam gratiam, de salute cuiuspiam sperandum est. Nam si id profuturum erat per se Mariæ, profuisset etiam Iudæis, quorum consanguineus erat Christus.

stus secundum carnem; profuisset ciuitati, in qua natus est; profuisset fratribus. Atque dum fratres rerum suarum curam habuerunt, nihil eis propinquitatis nomen profuit, sed cum reliquo mundo damnati erant.

R. Beatam. 35.

Nona Lectio de S. Clara.

Die 21. Nouembris.

INFRA OCTAVAM PRÆSENTATIONIS Beatæ Mariæ.

**Lect. secundi Noct. vt infr. Octauas
festorum B. Mariæ. 22. Responsorij
secundi & tertij Noct. vt infra Octa.
S. Mariæ ad Nipes. 34.**

22. Nouembris. Secunda die.

**Fit de S. Cæcilia virg. & mart. sem.
cum commemor. Oct.**

23. Nouemb. Tertia die.

**De S. Clemente Papa, mart. semid.
cum commem. oct.**

Die 24. Nouemb. Quarta die.

In tertio Nocturno.

**Lectio vij. & viij. Homil. S. Irenæi.
Erât qui dicunt, &c. vt in v. die infra
Octau. S. Mariæ ad Nives. 35. Lect.
ix. de S. Chrysogono mart.**

Die 25. Nouemb. Quinta die.

**De S. Catharina Virg. mart. dupl.
cum commem. octa.**

Die 26. Nouemb. Sexta die.

In tertio Nocturno.

**Lect. vij. & viij. de Hom. S. August.
Quid aliud, &c. vt in vij. die S. Ma-
riæ ad Nives. 36. Lect. ix. de S. Petro
Episc. mart.**

Die 27. Nouemb. Septima die.

In tertio Nocturno.

**Lectio sancti Euangelij secundum
Lucam.**

Lectio vij.

In illo tempore: Loquente Iesu ad
turbas; extollens vocem quædam

mulier de turba, dixit illi: Beatus
venter, qui te portauit. Et reliqua.

Homilia S. Ioannis Chrysostomi.

In cap. 12. Matth. ho. 45. post finit.

VNa sola, & vera, & communis
nobilitas, atque celsitudo
cum Christo est, vt voluntatem Dei
facias; hic propinquitatis modus
multo melior est, atque vberior: id-
circo, cum mulier quædam dixisset:
Beatus venter, qui te portauit, & v-
bera, quæ suxisti, non respondit: Nul-
lus, me portauit, venter, nec vlla ipse
vbera, quæ suxi: sed beati, qui faciunt
voluntatem patris mei. Vides quem-
admodum nullibi coniunctionem
hâc naturæ hominum negat, sed ad-
dit semper illam, quæ a virtutibus
est. **R.** Felix. 35.

Lectio viij.

Non dixit, se non habere matrē,
sed inde matrem quoque suam
beatitudinem consecuturam asse-
ruit, si Patris eius faceret voluntatē:
O admirabilem honorem! O virtutis
incredibiles honores, quò ducitis be-
ne viuentes homines! quot mulieres
sanctissimam illam Virginem beati-
ficarunt, quot vterum illum admi-
rantur, quot optarunt tales fuisse
matres, & cætera contemnere om-
nia? quid igitur prohibet. **R.** Beatam
me dicent. 35.

Lectio ix.

Ecce namque rectam, atque fa-
cilem viam nobis posuit, vt non
sceminis solum, verum etiam viris
ad hunc ordinem peruenire liceat:
imò verò etiam ad maiorem: multò
enim propinquiore Deo sunt, qui
voluntatem eius faciunt, quam qui
summa carnis necessitudine coniun-
guntur. Non ergo simpliciter prop-
inquitatem illam desidera, verum
etiam viam capeffe, magnoque stu-
dio, confice, quæ ad hoc desiderium
te perducant. **I**e Deum.

Die 28. Nouemb. in die Octaua.

Intertio Nocturno.

Lect. vij. & viij. Homil. S. Ioannis Chrys. Cum audieritis, &c. *vr in die Octa. S. Mariæ ad Niuës. 36. Lect. ix. quæ sequitur.*

Tunc, autem admirationi esse ceperunt, quando propria claruerunt virtute: patria verò nihil inde consecuta cecidit, & incendio absumpta est: cociues miserè interempti periere, consanguinei secundum carnem nil ad salutem lucrati sunt, deficiente virtutis patrocinio. Verù Apostoli ante omnes clarissimi euaferunt, cum se ad veram, & expetendam eius familiaritatem, consuetudinemque, per obedientiam contulerunt. Hic intelligimus, fide semper nobis opus esse, & vita, quæ virtutibus luceat: hæc dumtaxat saluos nos facere poterit. **I e Deum.**

Finis Octauarum B. Mariæ Virginis.

INFRA OCTAVAM S. MICHAELIS ARCHANG. & Sanctorum Angelorum.

Die 29. Septembris.

IN DEDIC. S. MICH. ARCH.

30. Sept. Secunda die.

Fit de S. Hieronymo Conf. & Doct. dupl. cum commem. octa.

Die 1. Octobris. Tertia die.

In secundo Nocturno.

De Sermone S. Gregorij Papæ.

Ex Hom. 34. in Euang. Lectio iv.

Quia Angelorum nomina interpretando perstrinximus, nunc superest, vt ipsa officiorum vocabula breuiter exequamur. Virtutes etenim vocantur illi nimirum Spiritus, per quos signa, & miracula frequentius fiunt. Potestates etiam vocantur hi, qui hoc potentius cæteris in suo ordine perceperunt, vt eorum

ditioni virtutes aduersæ subiectæ sint quorum potestate refrenentur, ne corda hominum tantum tentare præualeant, quantum volunt.

Hic est Michael Archangelus, princeps militiæ Angelorum: Cuius honor præstat beneficia populorum, & oratio perducit ad regna celorum.

Archangelus Michael præpositus paradisi, quem honorificant Angelorum ciues. Cuius. *Lectio v.*

Pincipatus etiam vocantur, qui ipsis quoque bonis Angelorum spiritibus præstant, qui subiectis alijs dū quæque sunt agenda disponunt, eis ad edenda diuina ministeria principatus: Dominationes autem vocantur, qui etiam potestates principatum dissimilitudine, alta transcendunt. Nam principare est inter reliquos priorem existere: dominari vero est etiam subiectos quosque possidere. Throni quoque illa agmina sunt vocata, quibus ad exercenda iudicia semper Deus omnipotens præsidet. Vnde & per Psalmistam dicitur: Sedes super thronum, qui iudicas æquitatem. **Venit Michael Archangelus cum multitudine Angelorum, cui tradidit Deus animas Sanctorum, Vt perducatur eas in paradysum exultationis. Emitte Domine Spiritum sanctum tuum de celis: spiritum sapientiæ, & intellectus.** *Vt.* *Lectio vj.*

Cherubim quoque plenitudo scientiæ dicitur. Et sublimiora illa agmina idcirco Cherubim vocata sunt: quia tanto perfectiori scientia plena sunt, quanto claritatem Dei vicini contemplantur. Seraphim etiam vocantur illa spirituum sanctorum agmina, quæ ex singulari propinquitate conditoris sui incomparabili ardent amore. Seraphim namque ardentes, vel incipientes vocantur.

tur. Quorum profectò flamma est : quia quò subtilius claritatem diuinitatis eius aspiciunt , eo validius in eius amore flammescunt .

R. In tempore illo consurget Michael, qui stat pro filiis vestris : * Et veniet tempus, quale non fuit , ex quo gentes esse coeperunt, vsque ad illud. ¶ In tempore illo saluabitur populus tuus omnis, qui inuentus fuerit scriptus in libro vitæ. Et veniet.

Gloria Patri. Et.

In tertio Nocturno.

Lectio sancti Euangelij secundum Matthæum. Lectio vij. Cap. 18.

IN illo tempore : Accesserunt discipuli ad Iesum dicentes : Quis, putas, maior est in regno cælorum? Et reliqua.

Homilia S. Ioannis Chrysostomi .

Ex var. in Matth. Hom. 18.

Væ mundo à scandalis. Mundū istum terrenum locum dicit : neque verò de cælo, & terra intelligere debemus mundum, sed mundum hic intelligamus terrenū : ideò quòd dixit Dominus, Regnum meū non est de isto mundo: si esset de mūdo, amaret me mundus, & dicitur ab Apostolo : Vos non estis de mundo. Vē igitur mundo, hoc est terreno loco , à scandalis : necesse enim est vt veniant scandala , non quia necesse , sed quia mundo necesse vt veniant. R. In conspectu gentium nolite timere : vos enim in cordibus vestris adorare, & timete Dominum; * Angelus enim eius vobiscum est .

¶ Stetit Angelus iuxta aram templi : habens thuribulum aureum in manu sua. Angelus. Lectio vij.

VIdete, quod dicimus, subtile est. Si necesse est, vt veniant scandala, ergo absque culpa est ille, per quem venit scandalum. Sed nos dicimus; scandalum non venit, nisi in

terreno mundo. Vis non tibi venire scandalum? noli esse terrenus. Propterea dico, mundus terrenus scandalum habet, terra ista necesse est, vt habeat scandalum: noli portare terrenum, sed cœlestem, & scandalum nō habebis. Verumtamen vē homini illi, per quem scandalum venit.

R. Michael Archangelus venit in adiutorium populo Dei : * Stetit in auxilium pro animabus iustis.

¶ Stetit Angelus iuxta aram tēpli, habens thuribulum aureum in manu sua. Stetit. Gloria Patri. Stetit.

Nona Lect. de S. Remigio Episc. Conf. Die 2. Octobris. Quarta die.

In secundo Nocturno.

De Sermone Sancti Gregorij Papæ .

Lectio iij.

Sed quid prodest nobis de Angelis spiritibus ista perstringere, si non studeamus hæc etiam ad nostros profectus congrua consideratione deriuare? Quia enim superna illa ciuitas ex Angelis, & hominibus constat, ad quam tantum credimus humanū genus ascendere, quantos illic contigit electos Angelos remansisse, sicut scriptum est : Statuit terminos gentiū secundum numerum Angelorum Dei: debemus & nos aliqui ex illis distinctionibus supernorum ciuium ad vsum nostræ cōuersationis trahere, nosque ipsos ad incrementa virtutum bonis studijs inflammare.

R. Hic est. 38.

Lectio v.

Quia enim illuc tanta ascensura creditur multitudo hominū, quanta multitudo remansit Angelorum: superest, vt ipsi quoque homines, qui ad cœlestem patriā redeunt, ex eius agminibus aliquid illuc reuertentes imitentur. Distincte namque cōuersationes hominum singulorum agminum ordinibus congruunt, vt in eorum sortem per con-

uersationis similitudinem deputentur. Nam sunt plerique qui parua capiunt, sed tamen hæc eadem parua pie annunciare fratribus non desistunt. Isti itaque in Angelorum numerum currunt. *R. Venit. 38. Lect. vi.*

ET sunt nonnulli, qui diuinæ largitatis munere refectioni, secretorum celestium summa, & capere preualent, & nunciare. Quod ergo isti, nisi inter Archangelorum numerum deputantur? Et sunt alij, qui mira faciunt, signa valenter operantur. Quod ergo isti, nisi ad supernarum virtutum sortem, & numerum congruunt? Et sunt nonnulli, qui etiam de obsessis corporibus malignos spiritus fugant, eosque virtute orationis, & vi acceptæ potestatis eiciunt. Quod itaque isti meritum suum, nisi inter Potestatum celestium numerum sortiuntur?

R. In tempore illo. 39.

In tertio Nocturno.

Lectio sancti Evangelij secundum Matthæum.

Lectio vii.

IN illo tempore: Accesserunt discipuli ad Iesum, dicentes: Quis putas, maior est in regno cælorum? Et reliqua.

Homilia sancti Hilarij Episcopi.

Comment. in Matth. c. 18.

Non nisi reuersos in naturam puerorum introire regnum cælorum Dominus docet: id est, per simplicitatem puerilem vitia corporum nostrorum, animæque reuocanda. Pueros autem, credentes omnes per audientiæ fidem nuncupauit. Hi enim patrem sequuntur, matrem amant, proximo velle malum nesciunt, curam opum negligunt: non insolescunt, non oderunt, non mentiuntur, dictis credunt, & quod adiunt, verum habent. Reuertendum igitur est ad simplicitatem infantium; quia in ea collocati, speciem humilitatis

Dominicæ circumferemus. *R. In conspectu. 39. Lectio viii.*

Væ huic mundo ab scandalis. Humilitas passionis scandalum mundo est. In hoc enim maxime ignorantia detinetur humana, quod sub deformitate crucis, æternæ gloriæ Dominum noluit accipere. Et quid mundo tam periculosum, quam non recepisse Christum? Ideo verò necesse esse ait vanire scandala: quia ad sacramentum reddendæ nobis æternitatis, omnis in eo passionis humilitas esset explenda. *R. Michael Archang. 39. Lectio ix.*

Videte ne contemnatis vnum de pusillis istis, qui credunt in me. Aptissimum vinculum mutui amoris imposuit, ad eos precipue, qui verè in Domino credidissent: Pusillorum enim Angeli quotidie Deum vident: quia Filius hominis venit saluare, quæ perdita sunt. Ergo & Filius hominis saluat, & Deum Angeli videt, & Angeli pusillorum præsentunt fidelium orationibus. Præesse Angelos absoluta auctoritas est. Saluatorum igitur per Christum orationes Angeli quotidie Deo offerunt. Ergo periculosè ille contemnitur, cuius desideria, ac postulationes ad æternum, & inuisibilem Deum, Angelorum famulatu, ac ministerio peruehantur. *T. e Deum.*

Die 3. Octobris. Quinta die.

In secundo Nocturno.

De Sermone sancti Gregorij Papæ.

Lectio iv.

ET sunt nonnulli, qui acceptis virtutibus etiam electorum hominum merita transcendunt: cumque & bonis meliores sunt, electis quoque fratribus principantur. Quod ergo isti sortem suam, nisi inter Principatum numeros accipiunt? Et sunt nonnulli, qui sic in semetipsis cunctis,

vi. ijs,

vitijs, omnibusque desiderijs dominantur, vt ipso iure munditiæ, dii inter homines vocentur. Vnde & ad Moyſen dicitur: Ecce conſtitui te Deum Pharaonis. Quod ergo iſti, niſi inter numeros Dominationum currunt? *R. Hic eſt. 38. Lectio v.*

ET ſunt nonnulli, qui dum ſibi metiſſis vigilantia cura dominantur, dumque ſe ſolicita intentione diſcunt, diuino timori ſemper inhærentes, hoc in munere virtutis accipiunt, vt iudicare recte & alios poſſint. Quid ergo iſti, niſi Throni ſui conditoris ſunt? Vel quod, niſi ad ſupernarum ſedium numeros adſcribuntur? Per quos dum ſancta Eccleſia regitur, plerumque de quibuſdam ſuis infirmis actibus etiam electi iudicantur. Et ſunt nonnulli, qui tanta Dei, ac proximi dilectione pleni ſunt, vt Cherubim iure nominentur. Quia enim Cherubim plenitudo ſcientiæ dicitur, & Paulo dicente didicimus, quia plenitudo legis eſt charitas: omnes, qui Dei, & proximi charitate cæteris amplius pleni ſunt, meritorum ſuorum ſortem inter Cherubim numeros perceperunt.

R. Venit. 38.

Lectio vj.

ET ſunt nonnulli, qui ſupernæ contemplationis facibus accenſi, in ſolo conditoris ſui deſiderio anhelant, nihil iam in hoc mundo cupiunt, ſolo æternitatis amore paſcuntur, terrena quæque abijciunt, cuncta temporalia mente tranſcendunt, amant, & ardent, atque in ipſo ſuo ardore requieſcunt, amando ardent, loquendo & alios accendunt: & quos verbo tangunt ardere protinus in Dei amore faciunt. Quid ergo iſtos niſi Seraphim dixerim, quorum cor in igne conuerſum lucet, & vrit: quia & mentium oculos, ad ſuperna illuminat, & eos compungendo in fletibus,

vitiorum rubiginem purgant?

R. In tempore illo. 39.

In tertio Nocturno.

Lectio ſancti Euangelij ſecundum Matthæum.

Lectio vij.

IN illo tempore: Acceſſerunt diſcipuli ad Ieſum, dicentes: Quis, putas, maior eſt in regno cælorum? Et reliqua.

Homilia ſancti Ambroſij Episcopii.

Ser. 20. tom. 5.

SI diligenter auditiſtis fratres, Euangelicam lectionem, intelligere poteſtis, quæ miniſtris, ac ſacerdotibus Dei reuerentia debeat: vel qua ipſos clericos inuicem humilitatis ſedulitate ſe oporteat præuenire. Ait enim Dominus percunſtantibus diſcipulis, quis eorum in regno cælorum maior eſſet futurus, ſtatuto coram omnibus puerulo: quicumque humiliauerit ſe, ſicut paruulus iſte, hic maior erit in regno cælorum. Vnde intelligimus, quod humilitate peruenitur ad regnum: ſimplicitate penetratur ad cælum. Quiſquis ergo cupit diuinitatis tenere ſaſtigia, humilitatis ima ſectetur.

R. In conſpectu. 39.

Lectio viij.

Quid autem ait Euangelica leſtio? Qui ſcandalizauerit vnũ ex puſillis iſtis, & cætera: puſillos hic non atate pueros, ſed malitia paruulos dicit. Sicut Apoſtolus ait, malitia paruuli eſtote: vt ſenſibus perfecti ſiſtis. Qui ſunt iſti, niſi clerici idonei, & monachi religioſi, vel laici? Quiſquis igitur hiſ irreuerens, aut contumelioſus extiterit, hac belluina pœna plectetur, vt informi ſaxo religato illi ad collum, præcipitetur in mare. Sed videamus, cur ſcandalizantibus Chriſtianis iſta pœna decretata ſit: aut quid ſibi vellet ipſa ſententia. Puto enim illã aliquod Myſterium contineri. *R. Michael. 39.*

Le-

Lectio ix.

OVasi verò nō sufficeret, quod in mare homini demergendo saxum quaecumque nō magnum, aut enorme, sed molæ asinariæ lapis ei religetur ad collū, vt cum perituro homine pereat res vsui necessaria: sed puto, hoc magis esse quod in scripturis, asini figura populus gētiliū nūcupatur: qui clausis oculis circa ignoratiæ molam, erroris sui gyro pertrahitur: & sine vlla cursus directione, vestigijs in se sepe redeuntibus, inuitus vsui laborat alieno. Hic ergo gentilis populus cū persecutionem Christiano intulerit, hac pēna plectitur, vt cum sua sacrilega mola iudicandi, sæculi fluctibus demergatur. Te Deum.

4. Octobris. Sexta die.

Fit de sancto Francisco duplex cū commemor. Oct.

Die 5. Octobris. Septima die.

In secundo Nocturno.

De ser. S. Gregorij Papæ. Lect. iv.

FErtur verò Dionysius Areopagita, antiquus videlicet, & venerabilis pater dicere, quod ex minorum Angelorum agminibus foras ad explendum ministerium, vel visibiliter, vel inuisibiliter mittuntur, scilicet, quia ad humana solatia, aut Angeli, aut Archangeli veniunt. Nam superiora illa agmina ab intimis nūquam recedunt: quoniam ea, quæ præminent, vsum exterioris ministerij nequaquam habent. Huic autem sensui, & illud creditur non inconuenienter opitulari, quod per Danielelem dicitur: Millia millium ministrabant ei, & decies millies, centena millia assistebant ei.

R. Hic est. 38.

Lectio v.

Aliud namque est ministrare, aliud assistere: quia hi administrant Deo, qui ad nos nunciando

exeunt: assistunt verò, qui sic contemplatione intima perfruuntur, vt ad explēda foras opera minimè mittantur. Sed hoc quoque de ipsis agminibus, quæ mittuntur, certū tenemus: quia & cū ad nos veniunt, sic exterius implent ministerium, vt tamen numquam desinit interius per contemplationē: Et mittuntur igitur, & assistunt: quia etsi circumscriptus est Angelicus spiritus, summus tamen spiritus ipse, qui Deus est, circūscriptus non est. Angeli itaque & missi, & ante ipsum sunt: quia quolibet missi veniunt, intra ipsum currunt.

R. Venit. 38.

Lectio vi.

SCiendum quoque est, quia plerumque ipsi beatorum spirituum ordines vicinorum sibi ordinum vocabula fortiuntur. Sed idcirco vno, eodemque vocabulo communiter non censentur, vt ille ordo vocari priuato vniuscuiusq; rei nomine debeat, qui hunc in munere plenius accepit. Seraphim namque incendium diximus: & tamen amore conditoris simul omnes ardent. Cherubim verò plenitudinem scientiæ dicimus: & tamen quis ibi aliquid nesciat, vbi ipsum omnes simul fontem scientiæ Deum vident? Quæ ergo ex parte ab omnibus habentur, eius in priuato nomine data sunt, qui hæc in munere plenius acceperunt.

R. In tempore. 39.

In tertio Nocturno.

Lectio sancti Euangelij secundum Matthæum.

Lectio vii.

IN illo tempore: Accesserunt discipuli ad Iesum dicentes: Quis putas, maior est in regno cœlorum? Et reliqua.

Homilia S. Bernardi Abbatis.

Ser. 2. in fest. S. Mich.

AVdistis fratres Euangelicam lectionem aduersus eos, qui pusi-

pufillos scandalizant, fatis terribiliter intonantem. Nemini blanditur veritas: neminem palpat: nullum seducit, apertè denunciatus, quoniam vix homini illi, per quem scandalum venit. Perire siquidem necesse est hominem, qui charitatem non habet, etiam si tradiderit corpus suum ita, ut ardeat. Et hoc dixerim, fratres, ut in ea charitate, & vnanimitate, & pace, in qua statis in Domino, solliciti sitis perseverare, & abundare magis. Quæ est enim spes nostra, & gaudium nostrum, & corona gloriæ; nonne vnitas, & vnanimitas vestra?

Re. In conspectu. 39.

Lectio vii.

IN hoc enim cognoscunt omnes etiam Angeli sancti, quod Christi estis discipuli, si dilectionem habueritis ad inuicem. Numquid enim Christi gratia diligemur ab Angelis, si de mutua dilectionis inopia cognouerint, nequaquam eius nos esse discipulos? Numquid diligemur ab eis propter nos ipsos, id est, spiritualis naturæ similitudine, si inuenimur non diligere humanæ naturæ nostræ consortes? Denique numquid Angeli diligunt nos propter se ipsos, & futuram de nobis ciuitatis suæ restorationem, si (quod absit) vnum, quo solo vniri, & coedificari ei possumus, defuerit glutinum charitatis.

Re. Michael. 39.

Nona. Lect. de SS. Placido, & soc.

Die 6. Octobris.

Festum S. Brunonis transfertur in sequentem diem.

I N D I E O C T A V A .

In secundo Nocturno.

Sermo S. Bernardi Abbatis.

Serm. I. in fest. S. Mich. Lectio iv.

Angelorum hodie memoria celebratur, & exigitis debitum pro tanta solemnitate sermonem.

Credimus sanè, & indubitata fide tenemus, diuina eos præsentia, & visione beatos sine fine lætari in bonis Domini: at tamen, si multum est ad nos loqui de ea charitate, & gloria, qua in semetipsis, imo in Deo suo, Angeli sancti nostris omnino supereminet cordibus, de ea loquamur, quam nobis exhibent, gratia, & charitate: neque id cuiquam incredibile videatur, quando quidem ipse quoque creator, & rex Angelorum venit, non ministrari, sed ministrare, & animam suam dare pro multis.

Re. Hic est. 38.

Lectio v.

Huius itaque tanti ministri gratia nihil mirum si dignanter nobis, immo & libenter, Angeli sancti ministrent: ipsi enim amant nos, quia nos Christus amauit; & hæc dixerim, fratres, ut amplius erga beatos Angelos fiduciam habeatis, ac proinde familiares in omni necessitate vestra eorum inuocetis auxilia: sed & dignius in eorum præsentia conuersari, & magis, ac magis eorum vobis conciliare gratiam, capere benevolentiam, exorare clementiam studeatis.

Re. Venit Michael. 38.

Lectio vj.

Cauenda nobis eorum offensa, & in his maximè exercendum, quibus eos nouimus oblectari. Sunt enim plurima: quæ eis placent, & quæ in nobis inuenire delectant, ut est sobrietas, castitas, paupertas voluntaria, crebri in cælum gemitus, & orationes cum lacrymis, & cordis intentione. Attamen super omnia hæc, vnitatem, & pacem à nobis exigunt Angeli pacis. Quidni maximè delectentur in his, quæ formam quamdam ciuitatis suæ representant in nobis, ut mirentur Ierusalem nouam in terra?

Re. In tempore illò. 39.

In

In tertio Nocturno.

Lectio sancti Evangelij secundum
Matthæum. Lectio vij.**I**n illo tempore: Acceſſerunt diſcipuli ad Ieſum dicentes: Quis putas maior eſt in regno cœlorum? Et reliqua.

Homilia S. Ioannis Chryſoſtomi.

Ex Homil. 60. in Matth.

Videte ne cõtemnatis vnum de paruulis iſtis. Paruulos hic non ætate, ſed multorum æſtimatione appellauit: pauperes, inquam, ignotos, cateroſque huiusmodi, quos multi contemnunt, qui re vera paruuli non ſunt, cum Creatoris omniũ amici ſint; quos ipſe multò magis venerabiles facit, dicens: Quia Angeli eorum ſemper vident faciem patris mei, qui in cœlis eſt. R. In conſpectu. 39.

Lectio viij.

Hinc manifeſtum eſt, quia omnes ſancti Angelos habent. Apoſtolus etiã ait de muliere; quoniam velamen debeat habere in capite propter Angelos: & Moyſes: Statuit fines, inquit, gentium ſecundum numerum Angelorum Dei. Hic verò non de Angelis ſimpliciter dicitur: ſed de Angelis excellentibus, atque ſupremis. Nihil enim aliud designatur, cum dicit, faciem Patris mei aſpiciunt, quam ſumma fiducia eorum, & honor præcipuus. R. Michael Archangele. 39.

Lectio ix.

Vides, quot, quibusque rationibus ad modẽſtiam, & ad curam minorum fratrum nos reuocat. Infãtem in medio ſtatuit, & dixit: efficiamini ſicut paruuli: & quicumque talem ſuſceperit paruulum, me ſuſcipiet: & quicumque hunc ſcandalizauerit, extrema luet ſupplicia: & ſcandalizantes homines, etiam ſi loco manum, atque oculorum nobis eſſent, abſcin-dere iuſſit Angelorum quoque; aucto-
ritate, qui hos tenues fratres tutan-
tur, vt eos veneremur, impellit.
Te Deum.

Die 8. Maij.

INFRA OCTAVAM

APPARIT. S. MICHAELIS.
Archangeli.

9. Maij. Secunda die.

Fit de S. Gregorio Episc. confeſ. dupl.
cum comm. octau.

Die 10. Maij. Tertia die.

In ſecundo Nocturno.

Sermo ſancti Gregorij Papæ.

Ex Hom. 34. in Euang. ante med.

Lectio iv.

Nouem Angelorum ordines di-
cimus: quia videlicet eſſe, teſtã-
te ſacro eloquio, ſcimus, Angelos,
Archangelos, Virtutes, Potẽſtates,
Principatus, Dominationes, Thro-
nos, Cherubim, atque Seraphim. Eſſe
namque Angelos, & Archangelos,
penẽ omnes ſacri eloquij paginæ te-
ſtantur. Cherubim verò, atque Sera-
phim ſæpẽ, vt notum eſt, libri Pro-
phetatum loquuntur. Quatuor quo-
que ordinum nomina Paulus Apo-
ſtolus ad Ephẽſios enumerat, dicens:
Supra omnem Principatum, & Po-
teſtatem, & Virtutem, & Domina-
tionem. Qui rurfus ad Coloſſenſes
ſcribens, ait: Siue Throni, ſiue Pote-
ſtates, ſiue Principatus, ſiue Do-
minationes. Dum ergo illis quatuor,
quæ ad Ephẽſios dixit, coniunguntur
Throni, quinque ſunt ordines: qui-
bus dum Angeli, & Archangeli, Che-
rubim, atque Seraphim adiuncta ſũt,
proculdubio nouem eſſe Angelorum
ordines inueniuntur.R. Hic eſt. cum reliquis vt ſupra
in Dedicat. addito Alleluia. 38.

le.

Lectio v.

Sciendum verò, quòd Angelorum vocabulum nomen est officij, nō naturæ. Nam sãcti illi cœlestis patrie spiritus, semper quidem sunt spiritus, sed semper vocari Angeli nequaquam possunt: quia tunc solum sunt Angeli, cum per eos aliqua nunciatur: Vnde & per Psalmistam dicitur: Qui facit Angelos suos spiritus: Ac si patenter dicat: qui eos, quos semper habet spiritus, etiam cum voluerit, Angelos facit. Hi autem, qui minima nunciant, Angeli: qui verò summa annunciant, Archangeli vocantur. Hinc est enim, quòd ad Mariã virginem non quilibet Angelus, sed Gabriel Archangelus mittitur. Ad hoc quippè ministerium summum Angelum venire dignum fuerat, qui summum omnium nunciabat. Qui idcirco etiam priuatis nominibus censentur, vt signetur per vocabula, etiam in operatione quid valeant. Michael namque, Quis vt Deus, Gabriel autem fortitudo Dei: Raphael verò dicitur medicina Dei.

R. Venit. 38.

Lectio vi.

Et quoties miræ virtutis aliquid agitur, Michael mitti perhibetur: vt ex ipso actu, & nomine detur intelligi, quia nullus potest facere, quod facere præualeat Deus. Vnde & ille antiquus hostis, qui Deo esse per superbiam similis concupiuit, dicēs: In cœlum conscendam, super astra cœli exaltabo solum meum, similis ero Altissimo: dum in fine mundi in sua virtute relinquetur extremo supplicio perimendus, cum Michael Archangelo præliaturus esse perhibetur, sicut per Ioannem dicitur: Factum est prælium cum Michael Archangelo. Ad Mariã quoq; Gabriel mittitur, qui Dei fortitudo nominatur. Illum quippè nunciare veniebat,

qui ad debellandas acereas pōtestates humilis apparere dignatus est. Raphael quoque interpretatur, vt diximus, medicina Dei: quia videlicet dum Tobie oculos quasi q̄r officij curationis tetigit, cecitatis eius tenebras tetisit. R. In tempore. 39.

In tertio Nocturno.

Lect. vij. & viij. Homil. S. Io. Chrys.

Ve mundo, &c. vt supra in iij. die inf. oct. Dedicat. 39. & ix. Lect. de SS. Gordiano, & Epimacho mart.

Die II. Maij, Quarta die.

In secundo Nocturno.

Tres Lect. S. Greg. **Q**uia Angelorum, &c. vt in iij. die infra Octau. Dedicat. 38.

Lectio sancti Euangelij secundum Matthæum. Lectio vij.

In illo tempore: Accesserunt discipuli ad Iesum, dicentes: Quis, putas, maior est in regno cœlorum. Et reliqua.

Homilia S. Hieronymi Prebyteri.

Lib. 3. Comment. in Matth.

Post inuentum staterem, post tributa reddita, quid sibi vult Apostolorum repentina interrogatio? Quis, putas, maior est in regno cœlorum? Quia viderant pro Petro, & Dño idem tributum redditum, ex equalitate pretij arbitrati sūt Petrum omnibus Apostolis esse prælatum, qui in redditione tributi Domino fuerat cōparatus: idē interrogāt, quis maior sit in regno cœlorum. Videntque Iesus cogitationes eorum, & causas erroris intelligens, vult desiderium gloriæ, humilitatis contentione sanare. R. In conspectu. 39. Lectio iij.

Si autem manus tua, vel pes tuus scandalizat te, abscinde eum, & projice abs te. Necessē est quidem venire scandala: vā tamen ei est homini, qui, quòd necesse est vt fiat in mundo, vitio suo facit, vt per se fiat.

Igi-

Igitur omnis truncatur affectus, & vniuersa propinquitas amputatur, ne per occasionem pietatis vnusquisque credentium scandalis pateat. Si, inquit, ita est, quis tibi coniunctus, vt manus, pes, oculus, & est utilis, atque sollicitus, & acutus ad perspiciendum, scandalum autem tibi facit, & propter dissonantiam morum te pertrahit in gehennam: melius est, vt & propinquitatem eius, & emolumentis carnalibus careas: ne, dum vis lucrifacere cognatos, & necessarios, causam habeas ruinarum. **R.** Michael. 39.

Lectio ix.

Dico vobis, quia Angeli eorum in cœlis semper vident faciem Patris mei. Supra dixerat, per manum, & pedem, & oculum omnes propinquitates, & necessitudines, quæ scandalum facere possunt, amputandas: austeritatem itaque sententiæ, subiecto præcepto temperat, dicens: Videte ne contemnatis vnum ex pusillis istis. Sic, inquit, præcipio seueritatem, vt commisceri clementiam doceam: quia Angeli eorum in cœlis semper vident faciem Patris mei. Magna dignitas animarum, vt vnaquæque habeat ab ortu natiuitatis in custodiam sui Angelum delegatum. Vnde legimus in Apocalypsi Ioannis: Angelo Ephefi, & reliquarum Ecclesiarum, scribe hæc. Et Apostolus quoque præcipit velari capita seminarum in Ecclesijs propter Angelos. **T**e Deum.

12. Maij. Quinta die.

Fit de SS. Neréo &c. mar. semidupl. cum comm. oct.

Die 13. Maij. Sexta die.

In secundo Nocturno.

Tres Lect. S. Gregor. Sed quid, &c. vt supra in quarta die infra octauam **Dedicat** 39.

In tertio Nocturno.

Tres Lectiones Homil. S. Ambrosij. Si diligenter, &c. vt supr. in v. die infra Oct. **Dedic.** 41.

Die 14. Maij. Septima die.

Lect. secundi Noct. Fertur vero, &c. vt in vij. die infr. Oct. **Dedicat.** 42.

In tertio Nocturno.

Lect. vij. & viij. Audistis fratres, &c. vt in eadem vij. die 42. **ix. Lect. de S. Bonifacio mart.**

Die 15. Maij. In die Octaua.

Lect. ij. Noctur. Angelorum, &c. **vt in die Oct. Dedicat.** 43.

Lectioes iij. Nocturni. Videte, &c. vt in eadem die Octa. 44.

INFRA OCTAVAS SS. APOSTOLORVM.

Lectioes Proprie.

Die i. Decembris.

INFRA OCTAVAM S. ANDREÆ APOSTOLI.

Die 30. Nouembris. Secunda die.

In secundo Nocturno.

Sermo sancti Petri Chrysologi.

Serm. 133.

Lectio iv.

Beatus Andreas meritò natus hodie creditur, quando non ad præsentem vitam materno est effusus ex utero, sed conceptu fidei, martyrij, partu cœlestis nascitur generatus ad gloriam; quando nō eum materna cunabula susceperunt vagientem, sed superna triumphantē secreta receperunt: quādo nō infirmū lactis pascuum genitricis trahit ex pectore, sed pro rege suo deuotissimus miles virtutis sanguinē fudit. Viuit, quia mortem cœlestis militiæ bellator occidit. **R.** Homo Dei ducebatur, vt crucifige-

figerent eum: populus autem clamabat voce magna, dicens: *Innocens eius sanguis sine causa damnatur.

¶ Cumque ducerent eum, ut crucifigeretur, factus est concursus populi clamantium, & dicentium. Innocens.

Lectio v.

Sequitur hic moriendo Dominus estuans, & anhelans: ac toto virtutis gradu dominicis incumbit hærere vestigijs, ne eum cursus faciat disparem fratri, quem natura similem vocatio socium, parem gratia ipsa perfecerat. Ad vnam vocem Domini, sicut ille, patrem, patriam, censum reliquit, laboribus, opprobrijs, itineribus, contumelijs, vigilijs Christi indefessè, germani societate donauit: solum est, quod tempore dominicæ passionis fugit; sed neque hoc impar quia fugit: negare autem si aliqua putatur culpa, non est grauius fugere, quam negare: sed tacenda sunt alia; æquauit fratres venia, quos sic discreuerat culpa.

¶ O bona crux, quæ decorè, & pulchritudinem de mèbris Domini suscepisti: accipe me ab hominibus, & redde me magistro meo: *Vt per te me recipiat, qui per te me redemit.

¶ Beatus Andreas expansis manibus ad cælum orabat, dicens: Salua me bona crux. Vt.

Lectio vj.

Crucem, quam refugerant, postea coniunctis viris ardentè inuadunt, ut, vnde reatum sumpserant, inde conscenderent cælum, inde præmium sumerent, & coronam. Petrus namque Crucem, arborem conscendit Andreas; ut qui Christo compati gestiebant, in semetipsis figuram, formamque ipsius exprimerent passionis: & redempti ligno consumarentur ad palmam. Sic Andreas noster, & si cedit ordini præmio, tamen non cedit & labori.

¶ Expandi manus meas tota die in cruce ad populum non credentem, sed contradicentem mihi: *Qui ambulant vias non bonas, sed post peccata sua. ¶ Deus ultionum Dominus, Deus ultionum liberè egit: exaltare, qui iudicas terram, redde retributionem superbis. Qui ambulant. Gloria Patri, Qui ambulant.

In tertio Nocturno.

Lectio sancti Euangelij secundum Matthæum.

Lectio vij.

In illo tempore: Ambulans Iesus iuxta mare Galilææ, vidit duos fratres, Simonem, qui vocatur Petrus, & Andream fratrem eius mittentes rete in mare. Et reliqua.

De Homilia sancti Gregorij Papæ.

Multum dimisit, qui cum re posseta etiam concupiscentijs renunciant. A sequentibus ergo tanta dimissa sunt, quanta a non sequentibus concupisci potuerunt. Nemo igitur etiam cum quosdam conspiciat multa reliquisse; apud semetipsū dicat: Imitari mundi huius contemptores volo, sed quod reliquum non habeo. Multum, fratres, relinquitis, si desiderijs terrenis renunciatis.

¶ Orauit sanctus Andreas, dum respiceret in cælum, & voce magna clamauit, & dixit: Tu es Deus meus: quem vidi: ne me patiaris ab impio iudice deponi: *Quia virtutem sanctæ crucis agnouī. ¶ Tu es magister meus Christus, quem dilexi, quem cognoui, quem confessus sum: tantummodò in ista voce exaudi me, Quia.

Lectio viij.

Exteriora etenim nostra Domino quamlibet parua sufficiunt, Cor namque, & non substantiam pensat: nec perpendit quantum in eius sacrificio, sed ex quanto profertur. Nam si exteriorem substantiam perpendamus; ecce sancti ne-

gotiatores nostri perpetuam Angelorum vitam, datis retibus, & naui, mercati sunt. Æstimationem quippe pretij non habet: sed tamen regnum Dei tantum valet, quantum habes.

R. Videns crucem Andreas exclamauit, dicens: O crux admirabilis, o crux desiderabilis, o crux quæ per totum mundum rutilas: * Suscipe discipulum Christi, ac per te me recipiat, qui per te moriens me redemit. **V.** O bona crux quæ decorem, & pulchritudinem de membris Domini suscepisti. Suscipe. **G.** gloria Patri. Suscipe. *Lectio ix.*

Valuit namque Zacchæo dimidium substantiæ, quia dimidiū aliud ad hoc, quod iniuste abstulit, restituendum in quadruplum reseruauit. Valuit Petro, & Andree, dimissis retibus, & naui. Valuit viduæ duobus minutis. Valuit alteri calicem aquæ frigidæ. Regnum itaque Dei, vt diximus, tantum valet, quantum habes. **T.** e Deum laudamus.

Die 2. Decembris.

Fit de S. Bibiana Virgine, & Martyre semid. cum commemor. oct.

Die 3. Decemb. Quarta die.

In secundo Nocturno.

Sermo sancti Bernardi Abbatis.

Serm. i.

Lectio iv.

Celebrantes hodie gloriosum Beati Andreæ triumphum, in verbis gratiæ, quæ procedebant de ore eius, exultauius, & delectati sumus. Neque enim locus poterat esse tristitiæ, vbi tam vehementer lætabatur, & ipse. Nemo ex nobis compassus est sic patienti, nemo ausus est plangere exultantem. Alioquin & nobis ipse non incongruè dicere poterat, quod Saluator crucem baiulans sequentibus se, & lugentibus ait: Filia Ierusalem nolite flere super

me, sed super vos ipsas flete.

R. Homo Dei. 47. *Lectio v.*

DEniq; cum duceretur ipse beatus Andreas ad crucem: populus, qui sanctum & iustum dolebat iniuste damnari, prohibere voluit, ne puniretur: sed magis ipse instantissima prece prohibuit eos, ne non coronaretur: imo ne non pateretur. Desiderabat si quidem dissolui, & cum Christo esse, sed in Cruce, quam semper amauerat. Desiderabat regnum intrare, sed per patibulum: quid enim dicit ille amata fuit? Per te, inquit, me recipiat, qui per te me redemit. **R.** O bona crux. 47.

Lectio vi.

Verum tamen, dum congratulamur ei, quod diu desiderata crucis frui mereatur amplexu, mirū valde est, si non ipsum eius miramur gaudium, cui congratulamur. Dum enim noctis huius vigilias celebrantes, in verbis tantæ exultationis cantando delectaremur, putas non fuit in nobis, qui tecum cogitaret, & diceret: quid sibi vult, hoc, aut vnde tam noua lætitia? certè & crux pretiosa est, & crux amari potest, & crux habet exultationem. Ita est fratres mei. **R.** Expandi. 47.

Intertio Nocturno.

Lectio sancti Euangelij secundum

Matthæum.

Lectio vij.

In illo tempore: Ambulans Iesus iuxta mare Galilææ, vidit duos fratres, Simonem, qui vocatur Petrus, & Andream fratrem eius mittentes rete in mare. Et reliqua.

De Homilia sancti Gregorij Papæ.

Pensate igitur, fratres, quid vilis, cum emittur, quid carius, cum possidetur. Sed fortasse nec calix aquæ frigidæ suppetit, qui indigenti præbeatur: etiam tunc securitatem nobis promittit sermo diuinus. **R.** cem-

temptore etenim nato, cœli ciues ostensi sunt, qui clamarent: Gloria in excelsis Deo, & in terra pax hominibus bonæ voluntatis.

R. Orauit. 47. *Lectio viii.*

Ante Dei namq; oculos nūquā est vacua manus a munere, si fuerit arca cordis repleta bona voluntate. Hinc etenim Psalmista dicit: In me sunt Deus vota tua, quæ redam laudationes tibi? Ac si apertè dicat. Et si exterius munera offerenda nō habeo, intra memotipsū tamē inuenio, quod in ara tuæ laudis impono; quia nostra datione non pascaris, oblatione cordis melius placaris. Nihil quippe offertur Deo ditius voluntate bona. R. Videns. 48. *Lectio ix.*

Voluntas autem bona est, sic aduersa alterius, sicut nostra, pertimescere: sic de prosperitate proximi, sicut de nostro profectu gratulari. Aliena dāna, nostra credere: aliena lucra, nostra putare. Amicū nō propter mundum, sed propter Deū diligere: inimicum etiam amando tolerare. Nulli, quod pati nō vis, facere; nulli, quod tibi iuste impendi desideras, denegare. Necessitati proximi nō solum iuxta vires succurrere; sed prodesse etiam ultra vires velle.

T c Deum.

Die 4. Decembris. Quinta die.

In secundo Nocturno.

De ser. S. Bernardi Abbat. *Lect. tv.*

Beati Andreæ Apostoli solemnitas hodie celebratur: quam si pia sollicitudine perscrutemur, multa inueniemus in ea, quæ ædificant animas nostras. In ipso si quidem cōuersionis suæ initio magnum nobis perfectæ obedientiæ præstat exemplum, quod quidem Christianis omnibus necessarium. Vis audire perfectæ obedientiæ formam? Vidit Dominus Petrum, & Andreā mittentes rete in mare. Et reliqua.

Octau. Rom.

tēs rete in mare, & ait illis: Venite post me: faciam de piscatoribus piscatores: imō prædicatores. At illi continuò, nihil dijudicantes, aut hæsitantes, nihil interrogantes, sine omni mora relictis retibus, & nauī secuti sunt eum. R. Homo 47.

Lectio v.

Agnosce fratres, quoniam propter vos scripta sunt hæc, propter vos singulis annis in Ecclesia recitantur; vt discentes verę obedientiæ formam, castigetis corda vestra in obedientia charitatis. Sola est charitas, quæ obedientiam gratam facit, & acceptabilem Deo. Hilarem quippe datorem diligit Deus: & itē si tradidero, inquit, corpus meum, ita vt ardeam, charitatem autem non habeam, nihil mihi prodest.

R. O bona crux. 47. *Lectio vj.*

Vltis, vt de ipsa quoque beati huius Apostoli passione, quam nimirum hodie celebramus, loquamur aliquid ad laudem Christi, & ædificationem vestram? Audistis certè, cum peruenisset beatus Andreas ad locum, vbi crux parata erat, quomodo confortatus sit in Domino, & per spiritum, quem vnā cum ceteris Apostolis in igneis linguis acceperat, verba verè ignea loqueretur. Videns ergo paratam eminus crucē, nequaquam (vt exigere videtur mortalis infirmitas) facies eius expalluit: non contremuit corpus, nec mens turbata est, non recessit, vt asolet intellectus. R. Expandi. 47.

In tertio Nocturno.

Lectio sancti Euangelij secundum Matthæum. *Lectio vij.*

In illo tempore: Ambulans Iesus iuxta mare Galilææ, vidit duos fratres, Simonem, qui vocatur Petrus, & Andreā fratrem eius, mittentes rete in mare. Et reliqua.

D

Ho-

Homilia S. Ioannis Chrysostomi.
Ex Hom. 14. in Matth.

ET Ioannes quidem aliter dixit eos vocatos, vnde manifestum est, secundam hanc vocationem fuisse, idque ex multis rebus ostenditur. Nam, ibi, quidem dicit, quod ad Christum, antequam Ioannes in carcerem duceretur, accesserint; hic verò, postquam ille inciderit in vincula: & ibi quidem, quod Andreas Petrum; hic verò quod Iesus ambos vocet; & Ioannes quidem ait, quod Iesus venientem ad se Petrum videns, dicit: Tu es Simon filius Ioanna, tu vocaberis Cephas; Matthæus verò asserit, quod isto iam nomine vocaretur. *Re. Orauit. 47.*

Lectio vii.

Sed à loco etiam, quo vocati sunt, alijsq; multis id scire possibile est, & ab eo, quod facile obediunt vocati, suaque omnia reliquerunt. Erant quippe sufficienter iam ante prædicationem, & ibi quidem Andreas in domum veniens, multa que à Christo audiens inuenitur: hic verò vnum audientes, nudumq; verbum, confestim sequitur. Videtur quippe fuisse consequens vt prius quidem audierint, & secuti sint: postea verò cum & Ioannem in carcere ligatum, & ipsum secessisse vidissent, reliquisse eos magistrum, atq; ad artem propriam reuertisse. Sic denique piscantes eos rursus inuenit. *Re. Videns. 48.*

Lectio ix.

Perpende verò & fidem, & obedientiam vocatorum, & cognosces, quam dulcis sit piscatio: si quidem in medio ipsius operis constituti, cum illum audissent iubentem, nihil distulerunt, nihil omnino cunctati sunt: non dixerunt. Reuertemur domum, loquemur propinquis, sed cuncta illico relinquentes fecerunt quod Eliseus quoque sub Elia.

legitur implese. Talem quippe à nobis obedientiam Christus efflagitat, vt neque punctum temporis differamus, etiam si nos aliquid necessarium vrgeret videatur. Te Deum laudamus.

Die 5. Decembris. Sexta die.

In secundo Nocturno.

De serm. S. Bernardi Abb. Lect. iv.

Obscuro, fratres, homo est, qui loquitur hæc, an non est homo, sed Angelus, aut noua creatura? Homo plane similis nobis passibilis; nam passibilem eum passio ipsa testatur, qua appropinquate, tam lætabundus exultat. Vnde ergo in homine noua hæc exultatio, & lætitia hæc inaudita? vnde in tanta fragilitate tanta constantia? Vnde in homine tam spiritualis mens; tam feruens charitas, animus tam robustus? Absit, tam ei credamus in esse virtutē. Donum perfectum est, descendens à patre luminum, ab eo utique, qui facit mirabilia magna solus.

Re. Homo Dei. 47.

Lectio v.

Planè spiritus erat, dilectissimi, qui adiuvabat infirmitatem, per quem diffundebar in corde ipsius fortis charitas vt mors, imò & fortior morte, Cuius oh si, & nos participes inueniamur. Ipse enim si adesset, adiuvaret sine dubio infirmitatem nostram. Et sicut beato Andreae crucem, & mortem ipsam, sic nobis quoque laborem, & poenitentiam nostram faceret non solum non molestant, sed etiam desiderabilem, atque omnino delectabilem esse; Spiritus enim meus, ait Dominus, super mel dulcis, ita vt ne ipsa quidem dulcedini eius præualere queat amarissima licet mortis amaritudo.

Re. O bona. 47.

Lectio vi.

Felix anima, quæ in cruce gloriatur, & triumphat; tatum vt persecue-

seueret in ea, & nullis valeat tentationibus dei. Oret quisquis in cruce est, oret cum beato Andrea Dominum, & magistrum suum, ne patiatur eum de cruce deponi: quid enim malignus ille non audeat, quid non presumat impius attentare? quod Aegæ manibus de discipulo, hoc Iudæorum linguis facere cogitauerat & de magistro. In vtroque ramen fera poenitentia ductus, victus, & confusus abcessit. Utinam abeat similiter & a nobis, eo vincente, qui, & in se & in discipulo triumphauit. *R. Expandi. 47.*

In tertio Nocturno.

Lectio sancti Euangelij secundum Matthæum.

Lectio vij.

IN illo tempore: Ambulans Iesus iuxta mare Galilææ, vidit duos fratres, Simonem, qui vocatur Petrus, & Andream fratrem eius, mittentes rete in mare. Et reliqua.

Homilia venerab. Bedæ Presbyteri.

Ex Comment. in Marc. l. i. c. 6.

Isti primi vocati sunt, vt dominum sequerentur. Piscatores & illiterati mittuntur ad prædicandum, ne fides credentium non in virtute Dei, sed eloquentia, atque doctrina putaretur. Queri autem potest; quomodo binos vocauerit de nauculis piscatores, primò Petrum, & Andream, deinde progressus paululum, alios duos filios Zebedæi, sicut narrant Matthæus, & Marcus, cum Lucas dicat, ambas eorum nauculas impletas magna illa captura piscium, sociosque Petri commemoret Iacobum, & Ioannem filios Zebedæi vocatos ad adiuvandum, cum retia plena extrahere non possent?

R. Orauit. 47.

Lectio viij.

Vnde & intelligendum est hoc primo esse factum quod Lucas insinuat, nec tunc eos a Domino

vocatos, sed tantum Petro fuisse prædictum, quod homines esset capturus, quod non ita dictum est, quasi iam pisces numquam esset capturus. Nam & post resurrectionem Domini legimus esse piscatorem. Dictum est ergo, quod deinceps capturus esset homines: non dictum est, quod iam non esset capturus pisces.

R. Videns. 48.

Lectio ix.

Vnde secundum Lucam datur intelligi, eos ad capturam piscium ex more remeasse, vt postea fieret, quod Matthæus, & Marcus narrent, quando eos binos vocauit, & ipse iussit, vt eum sequerentur, primò duobus Petro, & Andrea, deinde duobus Zebedæi filijs. Tunc enim subductis ad terram nauibus non tamquam cura redeundi, sed ita eum secuti sunt, tamquam vocantem, & iubentem, quæ sequerentur. *I e Deum.*

6. Decemb. Septima die.

Fit de S. Nicolao Episc. & Confess. semid. cum commemor. Oct.

Die 7. Decembris.

Festum S. Ambrosij transfertur in diem 9. Decemb.

IN DIE OCTAUA:

In secundo Nocturno.

De sermone S. Bernardi Abbatis.

In Vig. S. Andr. in med.

Lectio iij.

Quanta exultatione vniuersæ terræ celebrandum tantæ nouitatis miraculum, tam magnifici operis diuinæ virtutis? Andreas homo erat similis nobis passibilis, & tam vehementi ardore spiritus crucem sitiebat, tam inaudito a sæculis gaudio tripudiabat, cum paratum sibi eminus patibulum conspexisset. O crux, inquit, diu desiderata, & iam concupiscenti animo præparata, securus, & gaudens venio ad te, ita vt & tu

D 2 exul-

exultans suscipias me. Videtis, quia non se capit præ magnitudine gaudij: ita, inquit, vt & tu exultans.

R. Homo. 47.

Lectio v.

ERgo ne tanta est exultatio, vt exultet, & ipsa crux, ne lethi, quicquam habeat, sed totum lætitiæ sit? Aut quis dicat minus, contra consuetudinem, supra rationem, vltra naturam; crucifixum exultare, quam crucem: illi sensum lætitiæ natura negauit, huic, si quid præuallet, gaudium omne exterminat, ingeritque dolorem. Fratres, ignis vibrans est, non lingua loquens, & si lingua, certe ignea est. Carbores sunt ignis illius, quem de excelso Christus miserat in ossibus eius, Atque vtinam defolatorij nobis sint, confumentes, & exurentes, quicquid in nobis est carnalis affectionis.

R. O bona crux. 47.

Lectio vj.

Planè, beate Andrea granum sinapis est fides tua, quæ tam insperatum, vbi teri cœpit, cœpit ex se proferre feruorem: quid si paulò amplius tereretur? Quis feruorem illū animus, quis verba illa sustinere posset auditus? Terendum eum putat Ageas crucis supplicium minitans; sed non est ita. Accenditur magis in verbo hoc, & liberè clamat: Ego si patibulum crucis expauescerem, crucis gloriam non prædicarē. Meritò proinde crucis amatorem venerantur quicumque sunt serui crucis: sed ab his ampliorem iure deuotionem exigit, qui specialius proposuerunt tollere crucem suam.

R. Expandi. 47.

In tertio Nocturno.

Lectio sancti Euangelij secundum Matthæum.

Lectio vij.

In illo tempore: Ambulans Iesus iuxta mare Galilææ, vidit duos fratres, Simonem, qui vocatur Pe-

trus, & Andream fratrem eius, mittentes rete in mare. Et reliqua.

De Homilia venerab. Bedæ Presb.

Circa medium.

Congrue de piscatoribus pisciū, piscatores hominum facere voluit, quia sicut officium est piscatoris nauem ascendere, retia manibus tenere, & de profundis gurgitibus piscis ad littus trahere: sic isti in gremio Ecclesiæ recepti nauem fidei ascendentes, retia prædicationis in verbo, & opere habentes, de amarissimis, & tenebrosis mundi gurgitibus multos homines ad veram lucem traxerunt. Vide Beatum Andream in Achaia retia in manibus tenentem, & multos pisces spiritaliter capientem. Non solum enim tota ciuitas, sed etiam tota regio credidisse legitur, sicut ipse ait: Christus me misit ad istam prouinciā: vbi non paruum populum acquisiui.

R. Orauit.

Lectio viij.

Sed libet intueri, quod non frustra Dominus in prima sua vocatione quatuor discipulos elegit, quaternarius enim numerus perfectus est, & in suis partibus diuisus, perfectionem significat: vel certè propter quatuor principales virtutes, nempe prudentiam, temperantiam, fortitudinem, & iustitiam. Has virtutes non solum in numero, sed etiam in hominibus isti discipuli significant. Petrus enim, qui à quibusdam agnoscens interpretatur, prudentiam significat. Andreas, qui virilis interpretatur, fortitudinem significat: quam virtutem non solum in nomine, sed etiam in opere habuit, quia in fide recta vsque ad passionem viriliter perseueravit, in tantum, vt etiam, cum duceretur ad crucifigendum, videns crucem cum gaudio diceret: Salue crux pretiosa.

R. Vi-

R. Vident. 48.

Lectio ix.

Per Iacobum, qui interpretatur supplātor, iustitia designatur, quæ iniquitatem supplantare, & æquitatem nouit diligere: & Ioannes, qui interpretatur gratia Dei, vel in quo est gratia, temperantiam designat, quæ alio nomine discretio vocatur, & est mater omnium virtutū. Cum ergo Dominus in prima sua uocatione quatuor discipulos elegit, in ipso numero nobis innotuit, quia si eius discipuli esse volumus, has quatuor virtutes habere debemus. **I. e. Deum.**

Die 25. Ianuarij.

**INFRA OCTAVAM
CONVERS. S. PAULI
Apostoli.**

26. Ianuar. Secunda die.

Fit de sancto Polycarpo Episc. mar. semid. cum commem. O&.

27. Ianuar. Tertia die.

De S. Ioanne Chryfost. Episc. Conf. dupl. cum commem. O&.

Die 28. Ianuar. Quarta die.

In secundo Nocturno.

**De sermone Sancti Augustini Episc.
Ex ser. 14. de SS.**

Lectio iv.

Quid ergo prostratus audit? Saule, Saule, quid me persequeris? Membris adhuc positus in terra, caput clamabat in celo, & non dicebat, quid persequeris fideles meos: sed, Quid me persequeris? Et ille: Quid me iubet facere? Iā parat se ad obediendum, qui prius sauebat ad persequendum. Iam formatur ex persecutore prædicator, ex lupo ovis, ex hoste miles. Audit, quid facere debeat. Cæcus sanè factus est, vt interiore luce fulgeret cor eius.

R. Tu es vas electionis sancte Paule Apostole, prædicator veritatis in v-

ninero mundo: * Per quem omnes gentes cognouerunt gratiam Dei.

V. Intercede pro nobis ad Deum, qui te elegit. Per.

Lectio v.

Adductus est ad Ananiam, & Ananias interpretatur ovis. Ecce lupo rapax adducitur ad ouem sequendam, non rapiendam. Sed ne repentinum ovis expauesceret lupū, ipse pastor de celo, qui omnia faciebat, nunciavit lupo venturum oui, sed nō sauiturum. Et tamen tam immanis fama lupo illum præcesserat, vt non posset ovis audito eius nomine non toturbari, Mira, & magna res geritur. Lupo sequitia interdictur. Lupus ad ouem captius ducitur. Tanta autē præcesserat fama lupi raptoris, vt eius nomine audito timeret ovis etiā sub manu pastoris.

R. Gratia Dei sum id quod sum:

*** Et gratia eius in me vacua non fuit, sed semper in me manet.**

V. Qui operatus est Petro in Apostolatum, operatus est, & mihi inter gentes. Et.

Lectio vj.

ABagno pro ouibus mortuo fit ovis secura de lupo. Ego, inquit, illi ostendam, quanta illū oporteat pati pro nomine meo. Vbi terror? Vbi salus? Quod faciebat contra nomen pastoris, patitur pro nomine pastoris. O sauitia, ò misericordia: Vides illum præparare ferrum, secaturus est, non perempturus. Curaturus, & non occisurus. Sed quo fine? Ipsum, qui patiebatur audire: Nō sūt condignæ passionēs huius temporis ad futuram gloriam, quæ reuelabitur in nobis. Ac si dicat: Sauiat mundus, fremat mundus, quidquid potest, faciat, quid faciet ad id, quod accipituri sumus? Appendo, quod patior, contra id quod spero. Hoc sentio, illud credo: & tamen plus est quod credo, quàm quod sentio.

D 3

R. Sau-

R. Saulus, qui & Paulus, magnus prædicator, *A Deo confortatus cōualecebat, & confundebat Iudæos. V. Ostendens quia hic est Christus filius Dei. A Deo.

Gloria Patri. A Deo.

In tertio Noct. Lect. vii. & viij. sumuntur ex iv. die Oct. de Communi Abb. Homilia S. Ioannis Chrysof. Si centuplum, &c. in Euang. Ecce nos reliquimus, &c. infra. 231. cum sequentibus Respons. & ix. Lectio de sancta Agnete secundo.

R. vii. Sancte Paule Apostole prædicator veritatis, & doctor gentium, *Intercede pro nobis ad Deum, qui te elegit, vt digni efficiamur gratia Dei. V. Tu es vas electionis Sancto Paule Apostole, prædicator veritatis. Intercede.

R. vii. Damasci præpositus gentis Aretæ regis voluit me comprehendere: *Et à fratribus per murum demissus sum in sporta, *Et sic euasi manus eius in nomine Domini.

V. Deus & Pater Domini nostri Iesu Christi scit quia non mentior. Et à fratribus. Gloria Patri. Et sic.

Die 29. Ianuarij. Quinta die.

In secundo Nocturno.

De Serm. Sancti Augustini Episcopi. Ser. 9. de verb. Apost. post med.

Lectio iv.

Fidelis sermo, & omni acceptione dignus, quia Christus Iesus venit in mūdum peccatores saluos facere, quorum primus ego sum. Quomodo erat primus? Ante illum non fuerunt peccatores tot Iudæi. Ante illum non fuerunt peccatores in genere humano? Quid est: Quorum primus ego sum? Ad quos venit, primus ego sum. Sed nec hoc verū est. Primus electus est Petrus: primus Andreas, primi alij Apostoli, tu Apostolus es nouissimus quomodo dicis: Quorum pri-

mus ego sum? quia omnibus peior sum. Ergo peiorum voluit intelligi primum. R. Tu es vas. 53. Lect. v.

R Ecolite Saulum, & inuenietis. Nonne ille est, cui ad lapidandum Stephanum manus vna non sufficiebat, sed & aliorum vestimenta seruabat? Nonne ipse est, qui Ecclesiam vbique persequebatur? Ipse est ergo, qui primus erat persecutor, illo peior non fuit. Saulus vnde vocaretur, credo quia virtutis, & propter eos, qui non recolunt, commemorem. Saul erat ille persecutor Dauid. In Dauid Christus erat in Dauid Christus præfigurabatur, in Saule Saulus præfiguratur, tamquam à Dauid Sauli dictum est de coelo, Saule, Saule, quid me persequeris?

R. Gratia Dei. 53. Lectio vj.

Quomodo ergo ipse Saulus, postea Paulus gratulatur se ad Dei peruenisse misericordiam, quia primus, hoc est, excellens in peccatis inuentus est. Et tamen misericordiā consecutus sum, vt in me ostenderet Christus Iesus omnē longanimitatē, propter eos, qui credituri sunt illi in vitam eternam: vt dicant sibi omnes, Paulus sanatus est, ego quare despero? Si à tanto medico tā desperatus æger sanatus est, ego cur vulneribus meis illas manus nō optabo? ad illas manus nō festinabo? Vt hoc dicerēt homines: idē Saulus factus est ex persecutore Apostolus. R. Saulus. 54.

Lect. iij. Noct. vt in v. die Oct. de Communi Abbat. Homilia S. Amb. Ecce nos. &c. infra. 231.

Die 30. Ianuarij. Sexta die.

In secundo Nocturno

De sermone S. Augustini Episcopi. Homil. 17. 50. Homil. Lectio iv.

Dicit Apostolus, Misericordiam consecutus sum. Oh confessio! Non ait, misericordiam consecutus sum,

Sum, quia fidelis eram: sed, Vt fidelis essem. Videamus Saulum sœuientem, spectemus furentem, spectemus odia anhelantem, sanguinemq; sitientem. Ecce post Stephani necem, post effusum testis Dei lapidibus sanguinem, tunc dispersi sunt fratres, qui erant Ierosolymis congregati, & ille sœuens accepit litteras, vt iret in Damascum; & ibat. Hæc Pauli via erat, cuius via nondum erat Christus, adhuc Sauli, nondum Pauli. Ibat. Quid habebat in corde? Quid, nisi malum? Si merita quæris, damnationis sunt, non liberationis.

R. Tu es. 53.

Lectio v.

Frat infidelis, parum est, erat in ipsa infidelitate crudelis: sed misericordiam consecutus est, vt fidelis esset. Quid putamus fratres? Saulus antequam crederet, orabant pro illo, qui crediderant, an non orabant? Dicatur mihi, si non pro illo orabāt, quare dixit Stephanus: Domine, ne statuas illis hoc peccatum? Orabatur, & pro illo; ergo Christus fecit, vt Saulus deposita tunica veteris peccati pannosa, cædibus sanguinea, acciperet tunicam humilitatis, & fieret de Saulo Paulus. Quid est Paulus? Minimus. Ego enim sum minimus Apostolorum. Paulus enim latine modicus est, Quare, ergo Paulus? quia modicus: modicus, quia nouissimus. R. Gratia. 53.

Lectio vi.

Ego enim sum, inquit, nouissimus Apostolorum, qui nō sum dignus vocari Apostolus, quia persecutus sum Ecclesiam Dei. Benè dicis, vnde debuisti damnari, ab eo accepisti vnde debeas coronari. A quo accepit? vultis audire? Non sum, inquit, dignus vocari Apostolus, quia persecutus sum Ecclesiam Dei: Sed gratia Dei sum, id quod sum. Ergo quod eras, iniquitate tua eras: quod

es, gratia Dei es. Et gratia eius, inquit, in me vacua non fuit, Ecce euangelizat fidem, quam aliquando vastabat. R. Saulus. 54.

In tertio Noct. Lect. vt in vj. die oct. de Communi Abbatum.

Hom. S. Hilarij. Apostoli dictis, &c. infra. 232.

Die 31. Januarij. Septima die.

In secundo Nocturno.

Sermo sancti Bernardi Abbatis.

Ex ser. i. initio.

Lectio iij.

Merito quidem dilectissimi, conuersio Doctoris gentium ab vniuersitate gentium festiuis gaudijs celebratur, multos enim ab hac radice ramos prodixisse videmus. Cōuersus Paulus conuersionis minister factus est vniuerso mundo; & multos quidem olim in carne adhuc, sed non iam secundum carnem ambulans, prædicationis officio conuertit ad Deum: nunc quoque in ipso felicius viuens, & apud ipsum ne adhuc quidem cessat ab hominum conuersione; dico autem, exemplo, oratione, doctrina. Propterea denique conuersionis eius memoria frequentatur, quod & ipsa quoque memorantibus vtilis inueniatur.

R. Tu es. 53.

Lectio v.

Hodie ergo cōuersus est Paulus, hodie desit esse Saulus. Hodie factus est humilis & mitis corde. Probat oris confessio cordis humiliationē, dum clamat: Dñe, quid me vis facere? magis autem probat ipsa collata gratiæ magnitudo, quæ nimium tam multa, nisi multum humili, data non fuit. Ceterum māsuetudo, quoniam exterior quedam paruitas, & ob hoc manifestior est, tripliciter nobis in conuersione hac cōmendatur: triplici quidem velut ariete māsuetudo nostra pulsatur, verborū iniurijs, damnis rerum, corporis lēsio-

D 4 ne.

ne. Probata est illa virtus, quam nihil horum videtur concutere potuisse.

Gratia. 53.

Lectio vj.

Considerare libet, quemadmodum Paulus super his omnibus in ipsa statim sua conuersione tentatus, verè iam Paulus inuentus sit in hac parte, verè mitis, & patiens. Saule, Saule, quid me persequeris? Durum equidem verbum increpatoriū, plenum comminatione. Sanè quòd ad corpus pertinuit, concussus est, & prostratus in terram. An verò & damno quoque probatus est? & valde, siquidem ipsum ei lumen ademptum est oculorum. Sed vestrae in hoc industriae relinquimus inuestigandum. Sufficit nos monere formam veræ conuersionis, magna ex parte in hac mansuetudine constitutam, vt pudeat eos, qui conuersi esse debuerant, vel in corporum læsione, vel in damno rerum, vel, quòd magis indignum est, in verborum iniurijs inueniri peruersos penitos, & auersos. *Be. Saulus. 54.*

In tertio Noct. vt in die vij. Oct. de Comuni Abbat. Homil. S. Bernardi. Arbitror verba, &c. infra. 233.

Die i. Februarij.

Festum S. Ignatii transfertur in diē 3. Februarij.

IN DIE OCTAVA.

In secundo Nocturno.

Sermo S. Ioannis Chrysostomi.

De laud. Pauli hom. 9.

Lectio iij.

Saulus autè adhuc spirans minas, & cædem in discipulos domini. Atque in epistolis Paulus vocatur: quare ergo nomen mutauit Spiritus sanctus? quemadmodum dominus, qui seruum mercatus est, ostendere volens se dominum serui nomen illius immutat; ita & Spiritus sanctus fecit, vbi Paulum captiuum accepit, vocabulum eius mutauit, vt etiam

inde disceret Paulus, se habere Dominum: nomen enim impositio domini signum est, & præcipuum. Volens enim Dominus docere Adamum, quòd eū principem, & dominum omnium fecisset, adduxit ad eū omnia animalia, vt videret, quid vocaret ea. *Be. Tu es. 53.*

Lectio v.

Verum quam ob causam Spiritus sanctus non statim mutauit nomen Pauli, sed expectauit ad tantum tempus? si statim conuerso Paulo mutatum fuisset & nomen eius, tunc minus manifesta fuisset eius conuersio, & ad fidem translatio; nam sicut in famulis vsu euenire solet, quòd obscuri fiant, si quamprimum fugam inierunt, sua nomina mutarent; ita & in Paulo contigisset, si mox vt relictis Iudæis ad nos venit, aliud nomen sortitus fuisset: nemo enim sciuiſſet, quòd persecutor ille esset, Euangelista. Hinc enim omnes discebant; quòd ille ipse esset, qui prius fuerat Ecclesiam persecutus.

Gratia. 53.

Lectio vj.

Egrediuntur hic nos quidam dicentes: Et quid mirum, quòd Paulus ad fidem peruenit, cum Deus vocem illam, quasi funem ceruici eius iniecerit, vique ipsum ad se duxerit? Attendite diligenter. Qualis illa vis, & necessitas? dic, o homo. Vocauit eum supernè; igitur, & te hodie vocat illam vocem, cur & tu non obedis? Vides non esse necessitatis negotium; nam si necessitas quædam foret, oportebat & te obedire: cum autem & tu non obedis, manifestum est quòd ille voluntarius obediuit. Multum quidem fecit ad salutem Pauli vocatio: non tamen destituit eum à suis operibus, & suæ propriæ voluntatis laude, neque nocuit eius libero arbitrio: sed voluntarius ad-

uc-

uenit ipse, atque sua bona voluntate.
R. Saulus. 34.

In tertio Nocturno. vt in die festo de
Communi Oct. Abb. Homil. S. Hier.
Grandis fiducia, &c. infra. 229.

Die 24. Februarij.

INFRA OCTAVAM

S. MATHIE APOST.

Si hoc festum venerit ante Quadr.
fit de illo Oct. vsque ad ser. 4. cinerum
exclusiue. Lect. & R. ij. Noct. de
Com. Oct. Apost. infra. 92. Lect. iij.
Noct. Homil. in Euang. Confiteor
tibi Pater, &c. de Cõi plur. Mar. 171
cum R. de Cõi Oct. Apost. 92.

Die i. Maij.

INFRA OCTAVAM

SS. PHILIPPI, ET IACOBI
Apostolorum.

Lect. ij. Noct. de Communi Oct.
Apost. vt infra 87. R. Lux perpetua.
cum reliquis, vt in eodem Comuni
tempor. Pasch. 87.

Die 2. Maij. Secunda die.

Fit de S. Athanasio Episc. Confess.
cum comm. Oct.

3. Maij. Tertia die.

De Inuentio Sancte Crucis duplex
sine comm. Oct.

Die 4. Maij. Quarta die.

In tertio Nocturno.

Lectio sancti Euangelij secundum
Ioannem. Lect. vij. Cap. 14.

In illo tempore: Dixit Iesus discipulis
suis: Non turbetur cor vestrum. Creditis
in Deum, & in me credite. In domo Patris
mei mansiones multe sunt. Et reliqua.

Homil. S. Cyrilli Episcopi Alexandr.

Lib. 9. in Ioan. cap. 36.

Studiosus quidem Philippus fuit,
sed non adeo acutus, vt commo-
de, atque apte, quæ sit visio Dei, pos-

set intelligere; propterea putabar
oculis huius corporis diuinam posse
videre naturam; sed manifestè a Deo
dicitur: Nemo videbit faciem meam,
& viuet; nam etsi visus à multis san-
ctis à scriptura dicatur; nullus tamè
rectè intelligens, suspicabitur ipsam
Dei naturam visam fuisse: propterea
& aliter alius vidit: aliter enim Isa-
ias, aliter Ezechiel, aliter alij vide-
runt: vnde oportebat intellexisse Phi-
lippum, impossibile omnino homini
oculis corporis substantiam Dei as-
picere: nec valde prudenter, cum
imago, & character Patris verus
adesset, primum quasi non adesset
desiderare. R. Ego sum vitis. in-
fra. 92. Lectio vij.

Non tamen laude sua priuandus
est: admiratione namque com-
motum dixisse arbitror: Domine,
ostende nobis Patrem, & sufficit no-
bis, ac si diceret: omnes nos gaudij
plenos profitebimur, nec deesse ad
beatitudinem quicquam nobis arbi-
trabimur, si, quod maximè optamus,
Deum Patrem videbimus. Laudan-
dus ergo est, qui visionem Patris, ce-
teris omnibus rebus anteposuit. O-
stende nobis Patrem, & sufficit no-
bis: multis, inquit modis, o Domine,
ad fidem tuam nos attraxisti, im-
merisque signis Iudæorum impudè-
tia repelli potest: sed nihil omnino
deerit, si etiam ipse Deum Patrè no-
bis ostèdes, hoc enim maximè fauet,
vt Iudæorum ora consuere possimus:
non arbitror longè à mente Philippi
occultiore hoc sensu nos aberrare.
Ipse certè ad hæc excogitanda nos
inuitat. R. Candidi. infra. 92.

Lectio ix. de S. Monica.

Die 5. Maij. Quinta die.

In tertio Nocturno.

Lectio sancti Euangelij secundum
Ioannem. Lectio vij.

In

In illo tempore: Dixit Iesus discipulis suis: Non turbetur cor vestrum. Creditis in Deum, & in me credite. In domo Patris mei mansiones multæ sunt. Et reliqua.

Homilia S. Augustini Episcopi.

Tract. 68. in Ioann.

Quomodo vadit, & parat locum si iam multæ mansiones sunt? **A**ut, si adhuc parandum est, cur non meritò dixisset, vado parare? An istæ mansiones & sunt, & parandæ sunt? Si quò minus enim essent, dixisset, vado parare. Et tamen quia ita sunt, vt parandæ sint, non eas vadit parare, sicut sunt: sed si abierit, & parauerit, sicut futuræ sunt, iterum veniens accipiet suos ad seipsum, vt vbi est ipse, sint etiam ipsi. Quomodo ergo mansiones in domo Patris non aliæ, sed ipsæ, & sine dubio iam sunt, sicut parandæ non sunt; & nondum sunt, sicut parandæ sunt?

R. Ego sum. 92.

Lectio viij.

Quomodo putamus, nisi quomodo etiam Propheta prædicat Deum, quia fecit, quæ futura sūt? Non enim ait, qui facturus est, quæ futura sunt: sed qui fecit, quæ futura sunt. Ergo & fecit ea, & facturus est ea, Nam neque facta sunt, si ipse non fecit: neque futura sunt, si ipse nō fecerit. Fecit ergo ea prædestinando, facturus est operando. Sicut discipulos, quando elegerit? satis indicat Euangelium: tūc vtique quando eos vocauit: & tamen ait Apostolus, Elegit nos ante mundi constitutionem, prædestinando vtique, non vocando. Quos autem prædestinavit, illos & vocauit. Sic & mansiones præparauit, & præparat, nec alias, sed quas præparauit, has præparat, quæ fecit, quæ futura sunt. Quas præparauit prædestinando, præparat operando. R. Candidi. 92.

Lectio iij.

Sed quid est, quòd vt præpararet abijt, cū profectò nos ipsos præpararet, quod non faciet, si reliquerit? Agnosco Domine, vt possum: nimirum illud significas, quia vt parentur istæ mansiones, viuere debet iustus ex fide. Qui enim à Domino peregrinatur, opus habet ex fide viuere, quia per hanc ad speciem contemplandam paratur. Eat ergo Dominus, & pareat locum; eat ne videatur, lateat vt credatur. Tunc enim locus paratur, si ex fide viuatur. Creditus desideretur, vt desideratus habeatur, desiderium dilectionis præparatio est mansionis. Ita Domine, para quod paras, nos enim tibi paras, & te nobis paras: quoniam locum paras, & tibi in nobis, & in te nobis. Tu enim dixisti: Manete in me, & ego in vobis. T. e. Deum.

6. Maij. Sexta die.

Fit de S. Ioanne ante portam Latina. dupl. cum commemor. oct.

Die 7. Maij. Septima die.

De S. Stanislao Episc. mart. semid. cum commemor. oct.

Die 8. Maij. In die Octaua.

In tertio Nocturno.

Lectio sancti Euangelij secundum Ioannem.

Lectio vij.

In illo tempore: Dixit Iesus discipulis suis: Non turbetur cor vestrum Creditis in Deum, & in me credite. In domo Patris mei mansiones multæ sunt. Et reliqua. De Homilia S. Augustini Episcopi.

Tract. 70. in Ioannem.

Philippus vnus ex Apostolis, quid audierit nō intelligens: Domine, inquit, ostende nobis Patrē, & sufficit nobis. Cui Dominus: Tanto, inquit, tempore vobiscum sum, & non cognouistis me? Philippe, qui videt me, videt & Patrem meum. Ecce incre-

crepat, quod tanto tempore cum ip-
sis erat, & non cognoscebatur. Non-
ne ipse dixerat: & quò ego vado sci-
tis: & viam scitis: & se nescire dicen-
tes, eos hoc scire conuicerat, adden-
do, atq; dicèdo: Ego sum via, veritas,
& vita. Quomodo nunc dicit: & non
cognouistis me? cùm profectò, &
quò irent, & viam scirent, non ob
aliud, nisi quòd ipsum vtique scirèt?
R. Ego sum. 92. Lectio viii.

Sed facile ista soluitur quæstio, si
dicamus, quod eum aliqui eorū
sciebant, aliqui nesciebant: atque in
his, qui nesciebant & Philippus erat.
Sed ideò magister discipulum ar-
guebat, quoniam cor postulantis vi-
debat. Tamquam enim melior esset
Pater, quàm Filius, ita Philippus Pa-
trem nosse cupierat: & ideò nec filiū
sciebat, quo melius esse aliquid cre-
debat. Ad hūc sensum corrigendum
dictum est, Qui videt me, videt & Pa-
trem. Quomodo tu dicas: ostende
nobis Patrem? Video quomodo tu
dicas. Non alterum quæris videre
similem, sed illum putas esse melio-
rem. Non credis, quia ego in Patre,
& Pater in me est? Cur in similibus
distantiam cupis cernere? cur inse-
parabiles separatim desideras nosse?
R. Candidi. 92.

Tract. 72.

Lectio ix.

Qui credit in me, operā, quæ ego
facio, & ipse faciet, & maiora
horum faciet. Quid est
hoc? Qui faceret opera, quæ Chri-
stus fecit, non inueniebamur: qui
etiā maiora faciet, inuenturi su-
mus? Denique & hic id, quod de
hac re poterat nos mouere, mox
abstulit: cū enim dixisset, ma-
iora horum faciet: continuò secutus
adiunxit, quia ego ad Patrem vado,
& quæcunque petieris in no-
mine meo, hæc faciam. Qui dixerat,

faciet, post ait, faciam. Nō enim po-
terit esse maior me, qui credit in me,
sed ego facturus sum, & tunc maiora
quam nunc. Maiora per eum, qui
credit in me, quam præter eum per
me: ego tamen ipse præter eum, ego
ipse per eum. Sed quando præter eu,
non faciet ipse: quando autem per
eum, quamuis non per semetipsum
faciet, & ipse. Porro autem maiora
facere per eum, quàm præter eum,
non est defectio, sed dignatio.
Te Deum laudamus.

Die 6. Maij.

INFRA OCTAVAM S. IOANNIS ANTE Portam Latinam.

Lect. ij. Noct. de Commun. octau.
Apost. infra. 87. R. **Lux perpetua.**
cum reliquis de eodem, Comuni
tempore Paschali 87.

7. Maij. Secunda die:

Fit de S. Stanislao Epif. mar. semid.
cum commem. oct.

8. Maij. Tertia die:

De Apparitione S. Michaelis Ar-
changelī dupl. cum comm. oct.

9. Maij. Quarta die:

De sancto Gregorio Episc. confess.
dupl. cum commem. Octau.

10. Maij. Quinta die:

In iij. Noct. Lect. vij. & viij. Homil.
venerab. Bedæ. **Credendum, &c.**
vt in vj. die infra octau. S. Iacobi. in
fra. 64.

Lect. ix. de SS. Gordiano. &c. mar.

11. Maij. Sexta die:

In iij. Noct. Tres Lect. de Hom. san-
cti Ambrosij. **Considerandum, &c.**
vt in vj. die infra oct. S. Iacobi. 65.

Die 12. Maij.

Fit de SS. Nereo, &c. mart. semid.
cum commem. oct.

Die

Die 13. Maij. In die Octaua.

In tertio Nocturno.

Lectio sancti Evangelij secundum
Matthæum.

Lectio vij.

IN illo tempore: Accessit ad Iesum mater filiorum Zebedei cum filiis suis adorans, & petens aliquid ab eo. Et reliqua.

Homilia S. Ioannis Chrysostomi.

Homil. 66. in Matth.

Non turbetur quispiam, si adeo imperfectos dicimus Apostolos fuisse: nondum enim mysterium crucis erat consummatum, nondum gratia Spiritus in corda ipsorum infusa. Quod si virtutem ipsorum discere cupis, quales post datam gratiam Spiritus fuerint, considera, & videbis omnem ab illis peruersam affectionem fuisse superatam. Hac enim de causa, eorum modò imperfectio reuelatur, vt apertè percipere possis, quales subito per gratiæ effectum fuerint. Quòd igitur nihil spirituale petebant, nec de cœlesti regno quidquam cogitabant, perspicuum est. Sed tamen inspiciamus etiam quomodò accedant, & quid dicant. Volumus, inquiunt, vt quodcumque petierimus, facias nobis. Ad quod Christus, Quid vultis? respondit; non ignorans certè, sed vt eos respondere cogat, & vlcus detegat, & ita medicamentum apponat.

R. Ego sum vitis. 92. Lectio viij.

Illi verò cum erubescerent, & vecundia prohiberentur, quoniã humano affectu eo deuenerant, seorsum ab alijs discipulis Christum accipientes, interrogauerunt. Progres si sunt enim, inquit, vt illis manifesti fierent: & ita demum ea quæ volebant dixerunt. Volebant autem, vt ego conijciã, quoniam super duodecim sedes sessuros discipulos audierunt, primatum huius confessus im-

petrare, & præponi quidem se ceteris scribant, Petrum verò si præferri formidantes dicere ausi sunt: Dic vt vnus à dextris, alter à sinistris sedeat. Et vrgent dicentes: Dic. Quid igitur ipse? Vt significaret eos nihil petere spiritale, sed nec scire quidem quid postulent, non enim petere audent, si scirent. Nescitis ait, quid petatis: nescitis quàm magnum hoc sit, quàm mirabile, ac ipsas superiores excedens virtutes.

R. Candidi. 92.

Lectio ix.

ET adiecit: Potestis bibere calicem, quem ego bibiturus sum? & baptismo, quo ego baptizor, baptizari? Perpendis, quomodo statim ab hac opinione ipsos remouit, contraria eis disserens. Nam vos, inquit, de honoribus, & de coronis mecum agitis: ego verò de luctamine atque sudore dissero. Non præmiorum hoc tempus est, nec illa gloria mea modò apparebit: sed cædis ac periculorum tempus præsens est. Perspice autem, qualiter ipso interrogationis modo, hortatur, & allicit. Non enim dixit: Potestisne eadem subire, potestisne vestrum effundere sanguinem? sed, Quoniam pacto potestis bibere calicem? Deinde alliciens, inquit, Quæ ego bibiturus sum: vt ipsa cum eo communicatione laborum promptiores redderentur.

Te Deum laudamus.

Die 11. Iunij.

INFRA OCTAUA M

S. BARNABÆ APOSTOLI.

Lect. & Resp. 1j. Noct. de Comuni
Oct. Apost. vt infra 92.

Die 12. Iunij, Secunda die.

In tertio Nocturno.

Lectio sancti Evangelij secundum
Matthæum.

Le-

Lectio vii.

Cap. 10.

IN illo tēpore: Dixit Iesus discipulis suis: Ecce ego mitto vos sicut oues in medio luporum. Et reliqua.

Homilia S. Ioannis Chrysostomi.

Homil. 34. in Matt. longē post initum.

Sic dicere videtur: Nolite turbari, si cū vos inter lupos, tamquam oues & columbas esse iubeo. Nam etsi possum contrarium quoque prestare, & non permittere, vt graue aliquid patiamini, nec lupis tamquam oues subiecti sitis, sed efficere vt leonibus terribiliores euadatis: tamen sic expedit fieri: hoc & vos quoque illustriores faciet, & meam declarabit virtutem: Sic enim postea dixit Paulo: Sufficit tibi gratia mea; nam virtus mea in infirmitate perficitur. Ipse igitur vos, vt tales essetis, feci.

R. Isti sūt, qui. infra. 92. Lect. viii.

Sed inspiciamus, quam prudentiā exigit: serpentis certē, Nam quēmadmodum serpens totum seipsum tradit, nec minimum curat, si ipsum quoque corpus incidi necesse sit, dūmodo caput suum integrum seruet: eodem tu quoque modo, prater fidem cetera perdere non cures, siue pecunias, siue corpus, siue etiam vitam ipsam profundere necesse sit. Fides enim caput est, & radix, qua seruata, etiā si omnia perdas, omnia tamen rursus maiore cū gloria recuperabis. Idcirco nec simplices solum iussit esse: nec prudentes solum, sed ambo hæc in vnum miscuit, vt ea in virtute conuertantur.

R. Isti sunt viri. 92.

Nona lect. de SS. Basilide, &c. mar.

13. Iunij. Tertia die.

Fit de S. Antonio de Padua confess. semid. cum comm. oct.

14. Iunij. Quinta die.

De S. Basilio Episcop. confess. dup. cum commemor. Oct.

Die 16. Iunij, Sexta die.

In tertio Nocturno.

Lectio sancti Euangelij secundum Matthæum.

Lectio vii.

IN illo tēpore: Dixit Iesus discipulis suis: Ecce ego mitto vos sicut oues in medio luporum. Et reliqua.

Homilia S. Hilarij Episcopi.

Can. 10. in Matt. circa med.

Instructos nos serpētis prudentia monet esse oportere: Hunc antequam Adam traduceret, iam sapientem Genesim nuncupauit, & prudentiam eius malignantis cōsiliij ordine docuit. Primum enim animam sexus mollioris aggressus est, spē deinde illexit, communionem immortalitatis spondit; & per hæc tanta præmia opus consilij, & volūtatis sugessit. Pari igitur opportunitate introspecta, vniuscuiusque & natura & voluntates, verborum adhibenda prudentia est: spes bonorum futurorum reuelanda, & celestia perfectæ fidei præmia proferenda.

R. Isti sunt, qui. 92. Lectio viii.

ET quod illic mentitus est, nos prædicemus ex vero, secundum sponsonem Dei, Angelis similes futuros esse qui credent: vt mentes plebium faciles, & absolutas circumfuentibus licet lupis, & hæreticis, promissis regnorum celestium occupemus, & rerum fidem serpentis prudentia, columbæ simplicitate tradamus. Monet etiam traditis abesse oportere curam responsionis, sed expectandum potius quid spiritus Dei suggerat. Quia fides nostra omnibus præceptis diuinæ voluntatis intenta, ad responsionem scientiæ instruetur, in exemplo habentes Abraham, cui postulato ad hostiam Isaac non defuit arietes ad victimam. R. Isti sunt. 92.

Lect. ix. de SS. Vito, &c. mart.

Die

Die 16. Iulij. Sexta die.

In tertio Nocturno.

Lectio sancti Evangelij secundum
Matthæum.

IN illo tempore: Dixit Iesus discipu-
lis suis: Ecce ego mitto vos sicut
oues in medio luporum. Et reliqua.
Homilia S. Augustini Episcopi.

Serm. 119. de diuers.

AVdistis, fratres, cum sanctum
Euangelium legeretur, quem-
admodum Dominus noster Iesus
Christus disciplina sua martyres
suos corroborauit, dicens: Ecce ego
mitto vos sicut oues in medio luporum.
Cōsiderate, fratres mei, quid fa-
ciat. Si vnus lupo inter multas oues
veniat, quantacumq; sint ouium mil-
lia, vno lupo in medio, turbabuntur,
& si non omnes laniantur, omnes ta-
men terrentur. Qualis ergo erat ista
ratio, quale cōsiliū, qualis potestas,
nec lupo ad oues admittere, sed in
lupos oues mittere? Mitto, inquit,
vos sicut oues in medio luporum;
non ad limites luporum, sed in me-
dio luporum. &c. Isti sunt, qui. 92.

Lectio viij.

ERat ergo luporum agmen, oues
quæ. Cum enim multi lupi
occiderunt paucas oues, conuersi
sunt lupi, & facti sunt oues. Audiui-
mus ergo, quod monuit, qui coronas
promisit, & agonem præmisit, & quia
expectat certantes, adiuvat laboran-
tes. Cuiusmodi certamen induxit?
Estote, inquit, astuti vt serpentes, &
simplices, sicut columbæ. Hoc qui
intellexerit, & tenuerit, securus mo-
ritur. Quis autem securus moritur
nisi, qui se sic nouerit moriturum, vt
mors in illo moriatur, vita coronetur?
&c. Isti sunt viri. 29. Lectio ix.

QVapropter, charissimi, exponē-
dum est vobis, quamuis hinc
iam sæpius dixerimus, quid sit, sim-

plices esse vt columbæ, astuti vt ser-
pentes. Si tam simplicitas columba-
rum indicta est nobis, astutia serpē-
tis, quid facit in columbæ simplicita-
te? Amo in columba quòd fel nō ha-
bet: timeo in serpente, quod vene-
num habet. Noli ex omni parte hor-
rere serpentem: habet, quod oderis,
habet, quod imiteris. Serpēs enim cū
fuerit senectute prægrauatus, & sen-
ferit pōdus vetustatis, coarctat super
cauernam, & ponit tunicam veterē,
vt nouus exultet. Imitare illum Chri-
stiane, qui audis Christum dicētem:
Intrate per angustam portam. Ecce
Paulus Apostolus tibi dicit: Exuite
veterem hominem cum actibus suis,
& induite nouum. &c. Deum.

Die 17. Iulij. Septima die.

In tertio Nocturno.

Lectio sancti Evangelij secundum
Matthæum.

Lectio viij.

IN illo tempore: Dixit Iesus discipu-
lis suis: Ecce ego mitto vos sicut
oues in medio luporum. Et reliqua.
De Homilia S. Augustini Episcopi.

HAbes ergo, quod imiteris in
serpentes. Noli mori pro vetu-
state, sed pro veritate. Qui moritur
pro commodo temporali, pro vetu-
state moritur. Cum autem exutus
fueris omni ista vetustate, imitatus
es astutiam serpentis. Imitare, & il-
lum in hoc. Serua caput tuum, tene
apud te Christū. Si fortē aliquis ve-
strum aduertit aliquādo, cum volue-
rit colubrum occidere, quomodo
pro capite suo totum corpus obij-
cit istibus ferientis. Illud in se feriri
non vult, vbi se nouit vitam habere,
& Christus vita nostra est: ipse enim
dixit: Ego sum via, veritas, & vita.
Audi, & Apostolum: Caput viri
Christus est. Qui ergo Christum ser-
uat in se, caput suum seruat pro se.
&c. Isti sunt qui. 64.

Lg-

Lectio viij.

IAm verò quid opus est commendare multis verbis simplicitatem columbarum? Cauenda enim erant venena serpentis. Ibi imitatio periclitabatur; ibi erat quod timeretur. Colubam verò securus imitare, attende columbas in societate gaudere. Vbiq; simul volant, simul pascuntur, nolunt esse solæ, communione gaudent, charitatem seruant, gemitibus amoris mutmurant, osculis filios generant: nã, quando columbæ, quod plerumq; aduertimus, rixantur de cellulis suis, quodammodo pacata contentio est. Numquid quia rixantur, separantur? Simul volant, simul pascuntur, & ipsa inter se pacata est rixa. *R. Isti sunt viri. 93. Lectio ix.*

Vide rixam columbarum. Apostolus dicit: Si quis verbo nostro non obaudit per epistolam, hunc notate, & nolite commisceri, cum eo. Ecce rixa, sed attende, quoniam columbarum est rixa, non luporum; continuo subiecit: Et non vt inimicum existimetis: sed corripite vt fratrem. Columba amat, & quando rixatur: lupus odit & quando blanditur. Colubarum ergo simplicitatem habentes, astutiam seruate serpentum. Te Deum.

Die 18. Iulij. In die Octaua.

In tertio Nocturno.

Lectio sancti Euangelij secundum Matthæum.

Lectio vij.

IN illo tempore: Dixit Iesus discipulis suis: Ecce ego mitto vos sicut oues in medio luporum. Et rel.

Homilia S. Ioannis Chrysostomi.

Homil. 43. in Matt. longe post initium.

Diligenter considera, qui sunt, qui hec ardua, & laboriosa adeunt, formidolosi videlicet, & indocti, illiterati, rudes, obscuro quidem homines, & ignoti, qui numquam philoso-

phorum perceperunt instituta, numquam in forum descenderunt, pisces, & publicani multis repleti rebus, quæ iure animos eorum possent deicere. Nam si magnos, & claros viros tanta difficultas rerum potuisset commovere, quomodo non potuisset imperitos homines, quibus nullius rei magni aliquid venit in mentem? sed non deiecit, neque turbauit: nec id iniuria, dicit quispiam; cum se intelligerent posse leprosos mundare, dæmonia eicere.

R. Isti sunt, qui. 92.

Lectio viij.

EGo autem dicere nõ dubitarem, quia videlicet id ipsum iure debebat ipsos cõturbare; quoniam, qui tantam potestatem haberent, vt defunctos etiam a morte posset excitare, hi tanta pericula essent subituri, tanta bella gessuri, ad iudices victi deducendi, communis denique totius orbis admonitio futuri; quæ igitur in omnibus his erat consolatio? sola mittentis virtus, quo circa ita signanter incepit: Ecce ego mitto vos, sufficiat hoc vobis ad omnem consolationem satis sit ad confitendum. Vides, quanta eius est auctoritas; intelligis, quoniam maxima sit potestas; percipis inexpugnabilem eius esse virtutem? *R. Isti sunt viri. 92.*

Lectio ix. de SS. Marco, & c. mart.

Die 25. Iulij.

INFRA OCTAVAM

S. IACOBI APOSTOLI.

Lect. & R. 2. noct. de com. oct. Apost. vt infra 93.

23. Iulij. Secunda die.

Fit de S. Anna dupl. cum comm. oct.

Die 27. Iulij. Tertia die.

In tertio Nocturno.

Lectio sancti Euangelij secundum Matthæum.

Le-

Lectio vii.

Cap. 26.

IN illo tempore: Accessit ad Iesum mater filiorum Zebedæi cum filiis suis adorans, & petens aliquid ab eo. Et reliqua.

Homilia S. Hilarij Episcopi.

Can. 20.

Non sine aliquo momento rerū ita effectum fuisse existimandum est, vt mater filiorum Zebdæi Dominum deprecaretur: numquid & filijs petendi familiaritas nō erat? sed erat gestorū effectibus prophetandum. Itaque in matre filiorum Zebedæi lex intelligitur: quæ confidentia priuilegij sui pro credentibus ex se populis deprecatur; quæ quia superius audierat: primos nouissimos, & nouissimos primos futuros; deferri filijs suis orat, vt in Domini regno vnus ad dexteram eius sedeat, alter ad sinistram. Cui Dominus respōdit, nescire eam quid oret. Nihil quidem de gloria Apostolorum ambigebatur: & iudicatueros eos sermo superior exposuit.

R. Isti sunt qui. 92. Lectio viij.

DEnique in medio sermone, an calicem suum possēt bibere interrogat. At illi, qui iam martyrij libertatem cōstantiamque retinebant, bibituros se pollicentur. Dominus collaudens eorum fidem, ait, martyrio quidem eos secum compati posse: sed laus eius, ac dexteræ assistere, alijs à Deo Patre fuisse depositum. Et quidem, quantum arbitramur, ita honor iste alijs reseruetur, quōd tamen nec Apostoli ab eo erūt alieni: qui in duodecim patriarcharū sede confedentes Israelē iudicabunt. Caterum, vt ratio spiritualis intelligentiæ plena esset, pro duobus Dominum mater orauit. Duæ enim sunt vocationes ex Israel; vna discipulorum Ioannis, altera Apostolo-

rum, & Phariseorum; ideò igitur pro duobus oratur, quia Euāgelio Christi hæc vocationes geminæ crediderunt. R. Isti sunt. viri. 92.

Nona Lect. de S. Pantaleone mar.

27. Iulij. Quarta die.

Fit de SS. Nazario, & c. mart. femid. cum commemor. oct.

29. Iulij. Quinta die.

De S. Martha virgin. femidupl. cum comm. oct.

Die 30. Iulij. Sexta die.

In tertio Nocturno.

Lectio sancti Euangelij secundum Matthæum. Lectio vii.

IN illo tempore: Accessit ad Iesum mater filiorum Zebedæi cum filiis suis adorās, & petens aliquid ab eo. Et reliqua.

Homilia Venerabilis Bedæ Presbyt.

Post Initium.

CRedendum est, quōd illa maxime causa, vel muliebri matris affectum, vel carnales adhuc discipulorum animus ad hæc postulanda cōcitauerit, quia meminisset sermonis Dñi, cum ait: Cum federit filius hominis in sede maiestatis suæ sedebitis & vos super sedes duodecims nossetq; se inter discipulos specialius à Domino diligi, se specialius cum beato Petro conscios sapē factos arcanorum, quæ ignorarent ceteri, quod frequens sancti Euangelij textus indicat. Hinc est enim, quod ipsis quoque quomodo Petro, nouum ab illo nomen imponitur, vt sicut ille, qui prius Simon dicebatur, per fortitudinem, ac stabilitatem fidei impugnabilis, vocabulum Petri meruit: ita & isti Boanerges, hoc est, filij tonitruui vocantur: quia videlicet & vocem patris super Dominum in monte claritatum vnā cum Petro audirent, & plura alijs discipulis mysteriorum secreta cognoscerent.

R. Isti

R. Isti sunt. qui. 92.

Lectio vii.

R. Isti sunt qui. 92. *Lectio vii.*

Quia verò iidem filij Zebedæi promptum gerebant animum ad bibendum calicem Domini; constat eos cum cæteris Apostolis dignitatem sedium, quam quærebant, accepisse; non tamen ea distinctione, qua petebant, sed ambo prius ad sinistram eius ad tempus, ambo nunc ad dexteram eius sedere perpetuò meruerunt. A sinistris quippe Christi sedebant, cum regendis in hac vita fidelium populis apostolico iure præficerent, illo nimirum in regno, de quo ipse ait: Regnum Dei intra vos est. Sedent à dextris nunc in illa, quæ mortem nescit, vita, iudices mundi cum illo; vtramque hanc sedem illis ipso filio cum patre parante. **R.** Isti sunt. 92.

Nona Lectio de SS. Abdon, & Senen.

Die 31. Iulij. Septima die.

In tertio Nocturno.

Lectio sancti Evangelij secundum Matthæum. *Lectio vii.*

In illo tempore: Accessit ad Iesum mater filiorum Zebedæi cum filiis suis, adorans, & petens aliquid ab eo. Et reliqua.

Homilia S. Ambrosij Episcopi.

Lib. 5. de fid. ad Grat. c. 3.

Considerandum est, quæ mater filiorum Zebedæi cum filiis, & pro filiis petat. Mater est, utique cui pro filiorum honore sollicita, immoderior, siquidem, sed tamen ignoscenda mensura votorum est, atque mater ætate longæva, studio religiosa, solatio destituta, quæ nunc temporis, quando, vel iuuada, vel alenda foret validè prolis auxilio, abesse sibi liberos patiebatur, & voluptati suæ mercede frequentium Christum prætulerat filiorum, qui prima voce vocati à Domino, ut legimus relictis retibus, & patre

Octau. Rom.

Hæc igitur studio maternæ sollicitudinis indulgētiore obsecrabat Salvatorem, dicens, ut sedeant hi duo filij mei, vnus ad dexteram tuam, & alter ad sinistram in regno tuo. Et si error, pietatis tamen error est. Nesciunt enim in materna viscera patientiam. Et si voti auara, tamen veniabilis cupiditas, quæ non pecuniæ est auida, sed gratiæ: nec inuerecunda petitio, quæ non sibi, sed liberis consulebat, Matrem considerate, matrem cogitate.

R. Isti sunt qui. 92. *Lectio ix.*

Considerate enim matris dilectionem, quæ filiorum mercede grandeuam solabatur senectam: & desiderijs licet sceffa maternis charissimorum pignorum tolerabat absentiam. Considerate etiam foeminam, hoc est, sexum fragiliorem, quem Dominus propria nondum confirmauerat passione. Considerate, inquam, Eux illius primæ mulieris hæredem, transfusa in omni immoderate cupiditatis successione labentem: quam Dominus adhuc proprio sanguine non redemerat nondum inolitam affectibus omnium immodici contra fas honoris apertentiam suo Christus cruore diluerat. Hereditario igitur mulier deliquebat errore. **T**e Deum.

Die i. Augusti.

Festum S. Petri ad Vincula transfertur in sequentem diem.

I N D I E O C T A V A :
In tertio Nocturno.

Lectio sancti Evangelij secundum Matthæum. *Lectio vii.*

In illo tempore: Accessit ad Iesum mater filiorum Zebedæi cum filiis suis adorans, & petens aliquid ab eo. Et reliqua.

E

Ho-

Homilia S. Hieronymi Presbyt.
Lib. 3. Comment. in Matth. c. 20.

Vnde opinionem regni habet mater filiorum Zebedæi, vt cū Dominus dixerit: Filius hominis tradetur principibus sacerdotum, & Scribis, & condemnabunt eum morte, & tradent gentibus ad illudendum & flagellandum & crucifigendum: & ignominiam passionis timentibus discipulis nunciaret; illa gloriam postulet triumphantis? Hac, vt reor, ex causa, quia post omnia dixerat Dominus: Et tertia die resurget; putauit eum mulier post resurrectionem illicō regnaturum, & hoc quōd in secundo aduentu promittitur, in primo esse complendum: & auiditate sceminea præsentia cupit immemor futurorum. R. Isti sunt qui. 92.

Lectio viij.

Mater postulat, sed Dominus discipulis loquitur intelligēs preces eius ex filiorum descendere voluntate, Potestis bibere calicem, quem ego bibiturus sum? Calicem in scripturis diuinis intelligimus passionem, iuxta illud: Pater, si possibile est, transeat a me calix iste. Er in Psalmo: Quid retribuam Domino pro omnibus, quæ retribuit mihi, Calicem salutaris accipiam, & nōmē Domini inuocabo. Statimque infert quis iste sit calix; Pretiosa in conspectu Domini mors sanctorum eius. R. Isti sunt viri. 92.

Nona lect. de SS. Machab. mart.

Die 1. Augusti.

INFRA OCTAVAM S. PETRI AD VINCULA:

Leet. ij. Noct. de Comuni Oct. Apost. vt infra 87. cū sequentibus Respōs.
R. iv. Domine si tu es, iube me veni-
re ad te super aquas: * Et extendens

manum apprehendit eum, & dixit Iesus: Modice fidei, quare dubitasti?

¶ Cumque vidisset ventum validum venietem, timuit: & cum cepisset mergi, clamauit dicens: Domine saluum me fac. Et extendens.

R. v. Surge Petre, & indue te vestimentis tuis, accipe fortitudinem ad saluandas gentes: * Quia ceciderunt catenæ de manibus tuis. ¶ Angelus Domini adstitit, & lumen refulsit in habitaculo carceris, percussoque latere Petri excitauit eum dicens: Surge velociter. Quia.

R. vj. Tu es pastor ouium, princeps Apostolorū, tibi tradidit Deus omnia regna mundi: * Et ideō tibi traditæ sunt clauēs regni cœlorum.

¶ Quodcumq; ligaueris super terram, erit ligatum & in cœlis, & quodcumq; solueris super terram erit solutū & in cœlis. Et ideō. Gloria. Et.

Die 2. Augusti. Secunda die.

Intertio Nocturno.

Leetio sancti Euangelij secundum Matthæum. Lectio vij. Cap. 16.

In illo tempore: Venit Iesus in partes Cæsareæ Philippi: & interrogabat discipulos suos, dicens: Quē dicunt homines esse Filium hominis? Et reliqua.

Homilia S. Hilarij Episcopi.

Comment. in Matth. c. 16.

Dominus a discipulis requirit, quē se homines esse dicerent: & adiecit, Filium hominis. Hæc enim confessionis tenenda ratio est, vt sicut Dei filium, ita & filium hominis meminerimus: quia alterum sine altero nihil spei tribuit ad salutem. Editis itaque, quæ diuersæ de eo erāt, hominū opinionibus, quid de se ipsi sentiant, querit. Petrus respondit: Tu es Christus Filius Dei viui. Sed Petrus conditiones propositionis expēderit. Dominus enim dixerat: Quem

me

ne homines esse dicunt filium hominis. Et certè filium hominis contemplatio corporis præferebat. Sed addendo: Quem me esse dicunt, significauit præter id, quod in se videbatur, esse aliud sentiendū; erat enim hominis filius. Quod igitur de se opinandū iudicium desiderabat? Non illud arbitramur, quod de se ipse confessus est; sed occultum erat de quo quærebatur, in quod se credentium fides debebat extendere.

R. Ego pro te rogavi Petre, vt non deficiat fides tua: * Et tu aliquando conuersus confirma fratres tuos.

V. Caro & sanguis non reuelauit tibi, sed Pater meus, qui est in cœlis. Et tu.

Lectio viij.

ET dignum planè confessio Petri premium cōsecuta est; quia Dei Filium in homine vidisset. Beatus hic est, qui vltra humanum, oculos indidisse, & vidisse laudatus est: non id, quod ex carne, & sanguine erat cōtuens, sed Dei Filium cœlestis Patris reuelatione conspiciens: dignusq; iudicatus, qui, quod in Christo Dei esset, primus agnosceret. O in nuncupatione noui nōminis felix Ecclesiæ fundamētum: dignaque ædificatione illius petra: quæ infernas leges, & tartari portas, & omnia mortis claustra dissoluerat. O beatus cœli ianitor; cuius arbitrio, clauēs æterni aditus traduntur, cuius terrestre iudicium præiudicata auctoritas sit in cœlo: vt quæ in terris aut ligata sint aut soluta, statuti eiusdem conditionem obtineant & in cœlo.

R. Quem dicunt homines esse Filiū hominis? dixit Iesus discipulis suis. Respondens Petrus, dixit: Tu es Christus Filius Dei viui: * Et ego dico tibi, quia tu es Petrus, & super hanc petram ædificabo Ecclesiam meam. V. Beatus es Simon Bar-Iona, quia

caro, & sanguis non reuelauit tibi; sed Pater meus, qui est in cœlis. Et ego. Gloria Patri. Et ego.

Inona lect. S. Stephani Papæ mart.

3. Augusti. Tertia die.

Fit de Inuent. sancti Stephani semidupl. cum commemor. oct.

4. Augusti. Quarta die.

De sancto Dominico Conf. duplex. cum commem. oct.

Die 5. Augusti. Quarta die.

De Dedic. S. Mariæ ad Niuēs, dupl. cum comm. oct.

6. Augusti. Sexta die.

De Transfiguratione Domini. dupl. cum comm. oct.

Die 7. Augusti. Septima die.

In tertio Nocturno.

Lectio sancti Euangelij secundum Matthæum.

Lectio vij.

IN illo tempore: Venit Iesus in partes Cæsareæ Philippi: & interrogabat discipulos suos, dicens: Quæ dicunt homines esse Filium hominis? Et reliqua.

Homilia sancti Leonis Papæ.

Serm. 3. in anniuers. assumptionis sue.

A Postolos Dominus, quid de se homines opinentur, interrogat: & tamdiu sermo respondentium communis est, quamdiu humanæ intelligentiæ ambiguitas explicatur. At vbi quid habebat sensus discipulorum exigitur, primus est in Domini confessione, qui primus est in Apostolica dignitate, Qui cum dixisset: Tu es Christus Filius Dei viui: respondit ei Iesus: Beatus es Simon Bar-Iona, quia caro, & sanguis non reuelauit tibi, sed Pater meus, qui in cœlis est. Idest, idè beatus es, quia Pater meus te docuit: nec terrena opinio te sefellit, sed inspiratio cœlestis instruxit: & non caro, & sanguis, sed ille me tibi, cuius sum vni-genitus filius, indicauit.

E 2 R. Ego

Die 24. Augusti.

INFRA OCTAVAM
S. BARTHOLOMÆI APOST.

Extra Roman.

Lect. & Resp. ij. Noct. de comm. Oct.
Apost. vt infra. 87. Resp. iij. Noct.
ex eodem. 92.

25. Augusti. Secunda die.

Fit de S. Ludouico Confess. semid.
tum commem. Oct.

Die 26. Augusti. Tertia die.

in tertio Nocturno.

Lectio sancti Euangelij secundum
Lucam. Lectio vii. Cap. 6.IN illo tempore: Exiit Iesus in mō-
tem orare, & erat pernoctans in
oratione Dei. Et cū dies factus esset,
vocaui discipulos suos. Et reliqua.

De Homilia S. Ambrosij Episcopi.

Lib. 5. in Luc. c. 6.

NON omnis, qui orat, ascendit
in montem: est enim oratio,
quæ peccatū facit: sed qui benè orat,
à terrenis ad superiora progrediens,
verticē curæ sublimis ascendit. At il-
le non ascendit in mōtem, qui de sæ-
culi diuitijs, aut de honore sollicitus
est; non ascendit in mōtem, qui fundi
ius optat alieni. Ascendit ille, qui
Deū quærit; ascendit ille, qui cursus
sui dominica adiumenta deposcit.

R. Isti sunt, qui. 92. Lectio viii.

NOLI insidiatrices aperire au-
res, vt putes filium quasi in-
firmum rogare, vt impetret, quod
implere non possit. Potestatis au-
ctor, obedientiæ magister ad præce-
pta virtutis suo nos informat exem-
plo. Aduocatum, inquit, habemus
apud Patrem. Si aduocatus est, de-
bet vtique pro meis interuenire pec-
catis. Non ergo quasi infirmus, sed
quasi pius obsecrat. Vis scire, quia,
quæ velit, possit? & aduocatus, &
iudex est; in altero pietatis officiū,

in altero insigne est potestatis.

R. Isti sunt viri. 92.

Nona Lect. de S. Zephir. Papamart.

Die 27. Augusti. Quarta die.

in tertio Nocturno.

Lectio sancti Euangelij secundum
Lucam. Lectio vi.IN illo tempore: Exiit Iesus in mō-
te orare, & erat pernoctans in ora-
tione Dei. Et cum dies factus esset,
vocaui discipulos suos. Et reliqua.
Homilia venerabilis Bedæ Presbyt.

Ex Comment. in Luc.

MOTandum, quod Euangelica, &
Apostolica scriptura, nō solum
illos duodecim appellat discipulos
Christi; sed & omnes, qui in eum cre-
dentes, magisterio eius ad regnū cē-
lorum erudiebantur. Discipuli qui p-
pe à discendo sunt vocati, ex quorū
multitudine, quos ipse voluit, elegit,
quos & Apostolos nominauit. Apo-
stoli Græcè, Latine missi dicuntur.

R. Isti sunt, qui. 92. Lectio vii.

CIVIS sacramentum nominis ex-
ponens Euangelista Marcus,
ait: Et fecit, vt essent duodecim cum
illo, & vt mitteret eos prædicare
Euangelium: & ipse Dominus dicit:
Sicut misit me Pater, & ego mitto
vos; qui benè duodecim sunt electi,
vt videlicet mundi salutem, quam
verbo prædicarent, suo quoque nu-
mero mysticè commendarent.

R. Isti sunt viri. 92. Lectio ix.

HINC est enim, quia cum in typo
Ecclesiæ Salomon Domino
templum conderet, fecit, & mare
æneum, in quo Sacerdotes lauaren-
tur, duodecimque illud beum clunis
imposuit, quorum tres Aquilonem,
tres Occidentem, tres Meridiem, &
tres aspicerent Orientem, figuratiter
insinuans, quoniam Apostoli Apo-
stolorumque successores, cūctas or-
bis quadrati plagas fide, & confes-

E 3 sione

sione sanctæ Trinitatis essent à peccatorum labe purgaturi.

Te Deum.

28. *Augusti. Quinta die.*
Fit de S. Augustino Episc. Confess. dupl. cum commenor. oct.

29. *Augusti. Sexta die.*
De Decol. S. Ioan. Baptistæ duplex cum commenor. oct.

Die 30. *Augusti. Septima die.*

In tertio Nocturno.

Lectio sancti Euangelij secundum Lucam. Lectio vij.

IN illo tempore: Exijt Iesus in montem orare. Et erat pernoctans in oratione Dei. Et cū dies factus esset, vocauit discipulos suos. Et reliqua.

De Homilia venerab. Bedæ Presb.

Simonem, quem cognominauit Petrum: Non nunc primum Simoni Petri nomen indidit, sed longè, antè, cū à fratre Andrea ad se adductum intuitus dixit: tu es Simon filius Ioannis, tu vocaberis Cephas, quod interpretatur Petrus. Sed cū volens Lucas nomina duodecim Apostolorum enumerare, necesse haberet Petrum dicere: breuiter innuere voluit, quòd non hoc ante vocaretur, sed ita eum Dominus cognominauerit quamuis non tunc, sed quando Ioannes ipsa Domini verba posuit, intentos videlicet reddens auditores. *R.* Isti sunt. 92.

Lectio vij.

Nam si hoc ante vocaretur, non ita videres mysterium petræ, putans eum casu sic vocari, non providentia Dei. Ideò voluit eum prius aliud vocari, vt ex ipsa commutatione nominis, sacramenti viuacitas commendaretur. Idem ergo Latine Petrus, quod Syriacè Cephas, & in vtraque lingua nomen à petra derivatum est, haud dubium, quin illa de qua Paulus ait: Petra autem erat

Christus. Nam sicut lux vera Christus donauit Apostolis, vt lux mundi vocentur, sic & Simoni, qui credebat in petram Christum, Petri largitus est nomen. *R.* Isti sunt viri. 92.

Nona Lect. de SS. Felice, & mart.

Die 31. *Augusti. In die Octaua.*

In tertio Nocturno.

Lectio sancti Euangelij secundum Lucam. Lectio vij.

IN illo tempore: Exijt Iesus in montem orare. Et erat pernoctans in oratione Dei. Et cū dies factus esset, vocauit discipulos suos. Et reliqua.

De Homilia venerabilis Bedæ Presb.

Bartholomæus Syrum nomen est, non Hebræum, & interpretatur, filius suspendentis aquas, hoc est, filius Dei. Qui prædicatorum suorum mentes ad cœlestia contemplanda suspendit, vt quòd celsa liberius peruolant, eò terrenorum corda feracius dictorum suorum guttis inebrient. Vnde benè Moyses de Ecclesia mysticè differens, ait: quia non est terra, ad quam ingredimini possidendam, similis terræ Ægypti, de qua existis, vbi iacto semine in hortorum morem aquæ ducuntur irrigue, sed de cœlo pluias expectans, quam Deus tuus intuisit omni tempore: secularis enim sapientia quasi coluber per humum serpit, diuina autem de cœlestibus intonat.

R. Isti sunt qui. 92. Lectio vij.

Electurus Apostolos Dominus in montana subijt, turbas verò docturus ad campestria redijt, quia non nisi in humili Christum turbæ videre sufficiunt: nam hæc est forma, quam secutus Apostolus ait: non potui vobis loqui quasi spiritalibus, sed quasi carnalibus: quasi paruulis in Christo lac vobis potum dedi, non escam: nondum enim poteratis, sed nec

hec nunc quidem potestis; Apostoli autem ipsi secundum Matthæum quasi perfectiores, & in monte, & aperto Saluatoris ore docti esse narrantur.

R. Isti sunt viri. 92. Lectio ix.

Vbi si quis diligentius vtrumque velit Euangelistam perscrutari, potest intelligi, cum in monte duodecim discipulos elegit è pluribus; quos & Apostolos nominauit, quod Matthæus prætermisit, tunc illum habuisse sermonem, quem Matthæus interposuit, & Lucas tacuit, hoc est, in monte. Ac deinde, cum descendisset in loco campestri habuisse alterum similem, de quo Matthæus tacet, Lucas non tacet; & vtrumque sermonem eodem modo esse conclusum. Raroque vsquam vel turbas Dominum ad altiora sequi, vel quempiam debilem inuenies in monte curari. Te Deum,

quæ peccatum facit: sed qui benedicit, à terrenis ad superiora progrediens, verticem curæ sublimis ascendit. At ille non ascendit in montem, qui de sæculi diuitijs, aut de honore sollicitus est: non ascendit in montem, qui fundi ius optat alieni. Ascendit ille, qui Deum querit; ascendit ille, qui cursus sui dominica adiumenta deposcit.

R. Isti sunt, qui. 92. Lectio viii.

Noli insidiatrices aperire aures, vt putes filium quasi infirmum rogare, vt impetret, quod implere non possit. Potestatis auctor, obedientiæ magister ad præcepta virtutis suo nos informat exemplo. Aduocatum, inquit, habemus apud Patrem. Si aduocatus est, debet vti que pro meis interuenire peccatis. Non ergo quasi infirmus, sed quasi pius obsecrat. Vis scire, quia, quæ velit, possit? & aduocatus, & iudex est; in altero pietatis officium, in altero insigne est potestatis.

R. Isti sunt viri. 92. Lectio ix.

Eligitur & Iudas, non per imprudentiam, sed per prouidentiam. Quanta est veritas, quam nec aduersarius minister infirmat; quanta moralitas Domini, qui periclitari magis apud eos iudicium suum, quam affectu maluit? suscepit enim hominis fragilitatem, & ideo nec has partes recusauit infirmitatis humanæ: voluit deferri, voluit prodi, voluit ab Apostolo suo tradi: vt tu à socio desertus, à socio proditus, moderate feras tuum errasse iudicium, peris beneficium. Te Deum.

28. Augusti. Quarta die.

Fit de S. Augustino Episc. Confess. dupl. cum commemor. Oct.

29. Augusti. Quinta die.

De Decol. & Ioan. Baptiste dupl. cum commemor. Oct.

INFRA OCTAVAM S. BARTHOLOMÆI.

Romæ, & vbi celebratur die
25. Augusti.

Lect. & Respons. ij. Noct. de comm.
Oct. Apost. infra. 87.

26. Aug. Secunda die.

Fit de S. Ludonico Confess. semid.
cum commemor. Oct. & S. Zephyrini.

Die 27. Augusti. Tertia die.

In tertio Nocturno.

Lectio sancti Euangelij secundum
Lucam. Lectio vij. Cap. 6.

In illo tempore: Exiit Iesus in montem orare, & erat pernoctans in oratione Dei. Et cū dies factus esset, vocauit discipulos suos. Et reliqua.

De Homilia S. Ambrogij Episcopi.

Lib. 5. in Luc. c. 6.

Non omnis, qui orat, ascendit in montem: est enim oratio,

Die 30. Augusti. Sexta die.

Intertio Nocturno.

Lectio sancti Evangelij secundum
Lucam.

Lectio vij.

In illo tēpore: Exijt Iesus in montē orāre, & erat pernoctās in oratione Dei. Et cum dies factus esset, vocauit discipulos suos. Et reliqua. Homilia venerabilis Bedæ Presbyt.

Ex Comment. in Luc.

NOrandum, quod Euangelica, & Apostolica scriptura nō solum illos duodecim appellat discipulos Christi; sed & omnes, qui in eum credentes magisterio eius ad regnū cēlorū erudiebantur. Discipuli quippe a discendo sunt vocati, ex quorū multitudine, quos ipse voluit, elegit, quos & Apostolos nominauit. Apostoli Grecē, Latine missi dicuntur.

R. Isti sunt qui. 92. Lectio viij.

CVius sacramentum nominis exponens Euangelista Marcus, ait: Et fecit vt essent duodecim cum illo, & vt mitteret eos prædicare Euangelium: & ipse Dominus dicit: Sicut misit me Pater, & ego mitto vos; qui benē duodecim sunt electi, vt videlicet mūdi salutem, quam verbo prædicarent, suo quoque numero mysticē commendarent.

R. Isti sunt viri. 92.

Non. Lec. de SS. Fel. & Adamo mar.

Die 31. Augusti. Septima die.

Intertio Nocturno.

Lectio sancti Evangelij secundum
Lucam.

Lectio vij.

In illo tēpore: Exijt Iesus in montem orare, & erat pernoctans in oratione Dei. Et cū dies factus esset, vocauit discipulos suos. Et reliqua. De Homilia venerab. Bedæ Presb.

Simonem, quē cognominauit Petrum. Non nunc primum Simoni Petri nomen indidit, sed longē antē, cum a fratre Andrea ad se adductum

intuitus dixit: tu es Simō filius Ioānis, tu vocaberis Cephas, quod interpretatur Petrus. Sed cum volens Lucas nomina duodecim Apostolorum enumerare, necesse haberet Petrum dicere: breuiter innuere voluit quodd non hoc ante vocaretur, sed ita eum Dominus cognominauerit, quamuis non tunc, sed quando Ioannes ipsa Domini verba posuit, intentos videlicet reddens auditores.

R. Isti sunt qui. 92. Lectio viij.

NAm si hoc antē vocaretur, non ita videres mysterium petræ, putans eum casu sic vocari, non prouidentia Dei. Idē voluit eum prius aliud vocari, vt ex ipsa commutatione nominis, sacramenti viuacitas commendaretur. Idem ergo Latine Petrus, quod Syriacē Cephas, & in vtraque lingua nomen a petra derivatum est, haud dubium, quin illa de qua Paulus ait: Petra autem erat Christus. Nam sicut lux vera Christus donauit Apostolis, vt lux mundi vocentur, sic & Simoni, qui credebat in petram Christum, Petri largitus est nomen. R. Isti sunt viri sancti. 92

Lectio ix.

Bartholomæus Syrum est, non Hebræum, & interpretatur, filius suspendentis aquas, hoc est filius Dei. Qui prædicatorum suorum mētes ad cœlestia contemplanda suspendit, vt quod celsa liberius peruolant, eo terrenorum corda feracius doctorum suorum guttis inebrient. Vnde benē Moyses de Ecclesia mysticē disserens, ait: quia non est terra, ad quam ingredimini possidendam, similis terræ Ægypti. De qua existis, vbi iacto semine in hortorum mortem aquæ ducuntur irriguæ, sed de cœlo pluias expectans, quam Deus tuus inuisit omni tempore: secularis enim sapientia quasi coluber per humum

mus serpiter: diuina autem de celestibus intonat. Te Deum.

Die 1. Sept. In die Octaua.

In tertio Nocturno.

Lectio sancti Euangelij secundum Lucam.

Lectio vij.

IN illo tempore: Exijt Iesus in montem orare, & erat pernoctans in oratione Dei. Et cū dies factus esset, vocauit discipulos. Et reliqua.

De Homilia venerab. Bedę Presb.

Ex lib. 2. Comment. in Lucam.

E Lecturus Apostolos Dominus in montana subijt, turbas verò docturus ad campestria redit, quia non nisi in humili Christum turbæ videre sufficiunt: nam hæc est norma, quam secutus Apostolus ait: non potui vobis loqui quasi spiritalibus, sed quasi carnalibus: quasi paruulis in Christo lac vobis potum dedi, non escam; nondum enim poteratis, sed nec nunc quidem potestis, Apostoli autem ipsi secundum Matthæum quasi perfectiores, & in monte, & aperto Saluatoris ore docti esse narrantur. R. Isti sunt, qui. 92.

Lectio viij.

VBi si quis diligētius vtrumque velit Euangelistam perscrutari, potest intelligi, cū in mōte duodecim discipulos elegit ē pluribus, quos & Apostolos nominauit, quod Matthæus prætermisit, tunc illum habuisse sermonem, quem Matthæus interposuit, & Lucas tacuit, hoc est, in monte. Ac deinde, cū descendisset in loco campestri habuisse alterum similem, de quo Matthæus tacet, Lucas non tacet; & vtrumque sermonem eodem modo esse cōclusum. Raroque vspiam vel turbas Dominū ad altiora sequi, vel quempiam debilem inuenies in monte curari. R. Isti sunt viri. 92.

Nona Lectio de S. Egidio Abbate.

Die 21. Septembris.

INTRA OCTAVAM S. MATTHÆI APOST. & Euangelistæ.

Lect. & Resp. ij. Noct. de Comuni Oct. Euangelist. infra. 92.

Die 22. Sept. Secunda die.

In tertio Nocturno.

Lectio sancti Euangelij secundum Matthæum. Lect. vij. Cap. 9.

IN illo tempore: Vidit Iesus hominem sedentem in telonio, Matthæum nomine. Et ait illi: Sequere me. Et reliqua.

Homilia S. Ioannis Chrysostomi.

Ex Hom. 31. in Matth.

NOn est ab re, grandem Euangelistæ philosophiam admirari, qui ante actam vitā suam non celauit, & nomen suum adscriptis, quod alij mutata appellatione occultauerunt. Sed cur dixit in telonio sedisse? virtutem vocantis voluit ostendere, qui non imposito adhuc fine prauæ publicanorum conuersationis, ē medio malorum pelago ipsum abstraxit, sicut Beatum Paulum quoque furem, ac omni rabie ardentem, & ignem Ecclesiæ inferentē reduxit. Vidisti virtutem vocantis, discite nunc vocati obedientiam.

R. Isti sunt. 92.

Lectio viij.

NOn enim repugnauit, nec ambigendo secum dixit: putasne publicanum, peccatoremque me rectē absque fraude vocauerit: non est enim huiuscemodi humilitas laudabilis: sed confestim ita obtēperauit, vt nec domū quidem ad communicandum rem cū suis profectus sit: verū, sicut piscatores, prius retibus vnā cum nauigio, atque patre relictis; sic iste publico officio, & quæstū relicto sequebatur, sic pręparatum animū, atque pręmeditatū ostendens, sic ab omni

omni sæculari negotio seipsum eripiens, mirabili hac obedientia testimonium vocanti perhibuit, quod opportune ipsum vocauerit.

Re. Isti sunt viri. 92.

ix. Lect. de SS. Mauritio, & soc. mart.

23. Sept. Tertia die.

Fit de S. Lino Papa mart. semidupl. cum commem. Oct.

24. Septemb. Quarta die.

In tertio Nocturno.

Lectio sancti Euangelij secundum Matthæum.

Lectio vii.

IN illo tempore: Vidit Iesus hominem sedentem in telonio, Matthæum nomine. Et ait illi: Sequere me. Et reliqua.

Homilia S. Ioannis Chrysostomi.

Sed cur iam, inquires, non de omnibus scripsit, quomodo vocati sunt, sed de Petro, Iacobo, Ioanne, atque Philippo solum, de cæteris verò nihil? Quia isti maximè in humili artificio, atque turpi quæstu versabantur: quid enim publicano peius, aut piscatura humilior? Philippum etià non fuisse insignem, à patria eius planum fieri potest, idcirco de his maximè scribunt; qua de causa, cū laudabilia narrant, suspectos habebis? præsertim cū multa signa, & miracula breuiter transcurrant, Crucis verò patibulum, quod opprobrij plenum esse videbatur, exactissimè persecuti sunt, discipulorumque studia, artificia, quæstus, contemptum, & ipsius magistri progenitores, qui turpitudine aliqua detinebantur, magna voce in medium proferunt.

Re. Isti sunt, qui. 92.

Lectio viij.

Patet ergo, quanta sibi esset cura veritatis, cū nihil ad gratiam, nihil ad ostentationē ambitiosè conscripserit. Verum Matthæus, honorē quoque non minimum consecutus est: mensa enim Domini cōtinuò digna-

tus, poterat faciliè maiora quoque sperare, qui videbat iam se liberē cum Domino conuersari, quamuis Iesus non cum illo solum ad mensam accubuerit, sed alijs quoque cū multis, quod sibi crimini à nobilioribus dabatur, qui peccatores depellendos esse censebant: sed nec ipsum celarunt Euangelistæ, quod ab improbis, atque inuidis ad infamiam dicebatur.

Re. Isti sunt viri. 92.

Lectio ix.

Concurrunt autem quasi ad cōsortem artificij multi publicani, quos Matthæus letitia non parua propter accessum Christi inuitauit. Domino ita disponente, qui omne genus curationis animorum exhibuit, nec disputatō solum aut ægrotos curando, aut inimicos redarguendo: verum etiam comedendo, atque bibendo, multos à vitijs ad virtutem reduxit, vt nos doctiores his omnibus efficeret: non enim tempus, nec opus, ex quo non possimus vtilitatem subducere. Te Deum.

Die 25. Septemb. Quinta die.

Intertio Nocturno.

Lectio sancti Euangelij secundum Matthæum.

Lectio vii.

IN illo tēpore: Vidit Iesus hominē sedentē in telonio, Matthæū nomine. Et ait illi: Sequere me. Et rel.

Homilia S. Petri Chrysologi.

Serm. 28.

Matthæum de telonio diuitem, de vñris locupletem, lucris sæculi onustum, quod in Apostolatū Christus elegerit, quid dicemus? hodie Matthæus de se ipso sic cœpit: Et cū transiret inde Iesus, vidit hominem &c. Matthæus publicanus generat nobis nō paruam suis quæstionibus quæstionem, & magnum nobis negotium sua negotiatione proponit. Quam quæstionem? quod negotium? Deus suscipit

pit pauperes, sed diuites non repellit. Habentes suscipit: & ad se attrahit non habentes. Abraham diues, diues Iob, David diues, & quid Abraham beatius? quid fortius Iob; quid David sanctius?

R. Isti sunt, qui. 92. Lectio viij.

Sed ad hæc respondetur. Fuerunt Sanctis innocentes diuitiæ, utpote à Deo datæ, non turpiter acquisite, cōcessæ ad vsum vite, non ad mortis vsuram. Matthæum verò publicanum diuitiæ sic cupiditatis publicabant magistrum, fornacæ auaritiæ sic coquebāt; sic alligabant vinculis cautionum, sacculorum ponderibus sic premebant, ut leuari ad innocentiam, ad iustitiam surgere, ad virtutem progredi non valet: unde & sedere eius erat iam subsidere, non sedere. Nunc ergo talem ad sua cur vocauerit Christum, cur elegerit ad diuina, nisi quæretur altius, facit altissimam quæstionem: & non tantum quæstionem, sed & scandalū, sicut illo tempore circumstantium patefecit intentio.

R. Isti sunt viri. 92. Lectio ix.

Quomodo enim infirmitas non laboraret humana, quando videbat apud Christum pecuniam sic valere; ut daret fraudolento fidē, venali gratiam, cupiditatis magistro officium largitatis, doctori scenoris magisterium sanctitatis, publicano sæculi cœlestis secretum: Vrebat videntes: quod vsura, quæ vastat terrā, tollebatur ad cœlum, & hanc, quam detestantur homines, Deitas aduocabat. Fratres, in quæstione hac ingenium laboraret interpretis; si non ipse Dominus totum, quod est quæstionis, auferret. Audiamus: Cum trāsiret, inquit, Iesus: non dixit, cum staret ibi; transiuit, & pertransiuit, ne Matthæus remaneret ibi. Vidit hominem, quia in Matthæo homines

liberabat, hoc est, homines, quos pecunia possidebat: seruire Deo nequeunt pecuniæ seruientes. Veni sequere me; hoc est, depone pondera, disrumpe vincula, solue laqueos.

Te Dum laudamus.

Die 26. Septembris. Sexta die.

In tertio Nocturno.

Lectio sancti Euangelij secundum Matthæum. Lectio vij.

In illo tempore: Vidit Iesus hominem sedentem in telonio, Matthæum nomine. Et ait illi: Sequere me. Et reliqua.

De Homilia S. Petri Chrysologi.

Serm. 29.

Cum Matthæum publicanum Dominus ad Apostolatus fastigium euocat, & extollit, dat manum lapsis, spem restituit: deseratis, reddidit vitæ, quos sibi iam mors detinebat addictos. Cum præteriret, inquit, Iesus, vidit Leni Alphæi sedentem ad telonium, sedebat utique, quia stare non poterat pondere cupiditatis oppressus, & ipsa totus conscientia fraudis incuruus. Aurum natura graue, grauis fit auaritia nimis. Hinc est, quod plus habentem deprimit, quam ferentem; & vehementius aggrauat corda, quam corpora. Aurum erogare bonum, repone malum, contemnere validum, fugere persecutum: quod sicut vincere virtutis est: ita felicitatis est euasisse.

R. Isti sunt qui. 92.

Lectio viij.

Merito Matthæum Dominus talibus vinculis absolui cupiens, præpeditus suscitatur, dicendo: sequere me: hoc est, me sequere de supernis ad superna tendentem, & non aurum de inferis ad inferna mergentem: ubi fuerit thesaurus tuus, illic & cor tuum erit. Matthæus non subtrahitur operi, sed mutatur: & telonium

nium suscipit magis, quam relinquit: ut mansura, Deo non homini petitura conquirit, ut non trigesimum in quadragesimum, quinquagesimumque nummum tristis redigat supputato; sed trigesimum in sexagesimum, & centesimum gaudij fructu letus recondat, diuinis commodis profuturum. R. Isti sunt viri. 92.

Nona lect. de SS. Cypriano Iustina marty.

27. Sept. Septima die.

Fit de SS. Cosima & Damiano mart. semid. cum commemor. octau.

Die 28. Septembr. In die Octaua.

In tertio Nocturno.

Lectio sancti Euangelij secundum Matthæum.

Lectio vij.

IN illo tempore: Vidit Iesus hominem sedentem in telonio, Matthæum nomine. Et ait illi: Sequere me. Et reliqua.

De Homilia S. Petri Chrysologi.

Ser. 30.

HOdierna Euangelica lectio Matthæum publicanum sic in Apostolum commutauit, ut qui erat fraudator pecuniæ, fieret gratiæ distributor: & de impietatis schola ad pietatis magisteriū perueniret, fieretque doctor misericordiæ, qui auaritiæ fuerat institutor. Dum transiret Iesus, vidit hominem: vidit plus diuinis oculis, quam humanis: vidit hominem, ut peccata hominis non videret: vidit opus suum, ut despiceret opera peccatorum: vidit illum Deus, ut ille videret Deum. Vidit illum Christum sedentem, quia pressus cupiditatis pondere, surgere non valebat. R. Isti sunt, qui. 92.

Lectio viij.

DEterius sedebat in telonio publicanus iste, quam paralyticus, de quo antè diximus, iacebat in lecto, quia ille carnis patiebatur para-

lysim, iste mentis: in illo fuerat cōpago turbata membrorum, in isto totus ordo fuerat sensuum dissipatus: ille iacebat captus carne, sedebat corpore, & animo iste captiuus: ille doloribus succumbebat inuitus, iste vitij voluntarius seruiebat: iste sibi innocens auaritiæ videbatur in crimine, ille se cognoscebat inter vulnera peccatorum: iste lucrorum cumulabat peccata, ille dolorum gemitibus peccata dolebat. Merito igitur paralytico dicitur: Dimitte tibi peccata tua, quia compensarat delicta doloribus: publicano autem dicit: Veni, sequere me, ut sequendo me repares, quod consequendo pecuniam perdidisti.

R. Isti sunt viri. 92.

Lectio ix.

Sed dicit aliquis, quare publicanus: qui maior videtur in crimine maior habetur in munere? nam mox apostolatum certa prædium dignitate non solum ipse accepit, sed alijs indulgentiam tribuit peccatorum; totum orbem splendore Euangelicæ prædicationis iradiat, & paralyticus sola dignus venia vis habetur. Vis nosse quare plus cōsecutus sit publicanus? quia iuxta Apostolū: Vbi abundauit peccatum, superabundauit & gratia: simul, ut publicanus gentilis populi typum teneat; paralyticus Iudaici populi fit figura, qui hodie malè valetudinis tenetur in lecto, ut nisi portatus fuerit fide gentiū, oblatu Christo miseratione Sanctorum, Christiani populi credulitate saluatus, ad domum fidei, ad domū patriæ non potest peruenire. Te Deum.

Die 28. Octobris.

INFRA OCTAUA M
SS. SIMONIS, ET IVDÆ
Apostolorum.

Le-

Leet. & Resp. ij. Noct. de communi
Oct. Apostolorum, infra.

Die 29. Octobris. Secunda die.
In tercio Nocturno.

Lectio sancti Euangelij secundum
Ioannem. Lectio vij. Cap. 15.

IN illo tempore: Dixit Iesus discipulis: Hæc mando vobis, vt diligatis inuicem. Si mundus vos odit; scitote, quia me priorem vobis odio habuit. Et reliqua.

Homilia S. Augustini Episcopi.

Tract. 87. in Ioannem.

PRO hac autem dilectione, patienter debemus etiam mundi odia sustinere: necesse est enim, vt nos oderit, quos cernit nolle quod diligit. Sed plurimū nos de se ipso Dominus consolatur, qui adiecit, atque ait: Si mundus vos odit, scitote, quoniam me priorē vobis odio habuit. Cur ergo se membrum super verticem extollit? Recusas esse in corpore, si non vis odium mundi sustinere cum capite. Si de mundo inquit, essetis, mundus quod suum erat diligeret. Vniuersæ vtique hoc dicit Ecclesiæ, quam plerumq; etiam ipsam mundi nomine appellat: sicut est illud, Deus erat in Christo, mundū reconcilians sibi. Totus ergo mundus Ecclesia est, & totus mūdus odit Ecclesiā. *Re. Isti sunt qui. 92. Leet. vij.*

MVNDUS igitur odit mundum, inimicus reconciliatum, damnatus saluatum, inquinatus mundatum. Sed iste mundus, quem Deus in Christo reconciliat sibi, & qui per Christum saluatur, & cui per Christū peccatum omne donatur: de mundo electus est inimico, damnato, cōtaminato. Ex eadem quippe massa, quæ tota in Adam periit, fiunt vasa misericordiæ, in quibus est mundus pertinens ad reconciliationem: quē mundus odit, ex eadem massa perti-

nens ad vasa ire, quæ perfecta sunt ad perditionem. Denique continuo subiicit: Quia verò de mūdo non estis, sed ego elegi vos de mundo, propterea odit vos mundus. Ergo & ipsi inde erant, ynde vt non essent, electi sunt inde. *Re. Isti sunt. 92. Lectio ix.*

SI autem queratur, quomodo se diligit mundus perditionis quī odit mundum redemptionis? diligit se vtque falsa dilectione, non vera. Proinde falsò se diligit, & verè odit. Qui enim diligit iniquitatē, odit animam suam. Sed diligere se dicitur, quoniā iniquitatē, qua iniquus est, diligit, & rursus odisse se dicitur, quoniam quod ei nocet, hoc diligit. Odit ergo in se naturam, diligit vitium; odit, quod factum est per Dei bonitatem, diligit, quod in eo factum est per liberā voluntatem. Vnde nos quoq; illū diligere & prohibemur, si rectē intelligimus, & iubemur. Prohibemur scilicet, vbi nobis dicitur: Nolite diligere mundum: iubemur autem, vbi nobis dicit. Diligite inimicos vestros. Ipsi sunt enim mūdus, qui nos odit. Cū quippē in illo diligere prohibemur, iubemurq; diligere naturam, cum ipse in se diligit vitium, oderitq; naturam: vt nos eū, & diligamus, & oderimus rectē cū, se ipse diligit, oderitq; peruersè. *Te Deum.*

Die 30. Octobris. Tertia die.

In tercio Nocturno.

Lectio sancti Euangelij secundum
Ioannem. Lectio vij.

IN illo tempore: Dixit Iesus discipulis suis: Hæc mādō vobis, vt diligatis inuicem. Si mundus vos odit scitote quia me priorem vobis odio habuit. Et reliqua.

De Homilia S. Augustini Episc.

Post init. tract. 59.

Quid est, si non venissem, & locutus eis fuissem, peccatum nō ha-

haberent? Numquid sine peccato erant Iudæi, antequam Christus ad eos in carne venisset? Sed magnum quodam peccatum, non omne peccatum, quasi sub generali nomine vult intelligi. Hoc est autem quia non crediderunt in Christum, qui propterea venit, ut credatur in eum. Hoc peccatum, si non venisset, non utique haberent. Aduentus, quippe eius quantum credentibus salutaris, tātum non credētibus exitiabilis factus est: tamquam & ipse caput, & princeps Apostolorum, quod de se ipsi dixerunt, extiterit: quibusdam quidem odor vitæ in vitam, quibusdam verò odor mortis in mortem.

R. Isti sunt qui. 92. Lectio viii.

Sed quod adiunxit, atque ait: Nūc autem excusationem non habet de peccato suo: potest mouere quærentes, vtrum hi, ad quos non venit Christus nec locutus est eis, habeant excusationē de peccato suo. Si enim non habet, cur dictum est, propterea istos non habere, quia venit, & locutus est eis? Si autem habent, vtrum ad hoc habeant, ut a Genis alienentur, an ut mitius puniantur? Ad hæc inquisita pro meo captu. Dño donante respondeo, habere illos excusationem, non de omni peccato suo, sed de hoc peccato, quod in Christum non crediderunt: ad quos non venit, & quibus non est locutus. Sed non in eo sunt numero hi, ad quos in discipulis venit, & quibus per discipulos est locutus, quod, & nūc facit. Ad hoc enim pertinet, quod ait: Qui vos recipit, me recipit, & qui vos spernit, me spernit. *R. Isti sūt. 92. Lectio ix.*

Restat inquirere, vtrum ij, qui priusquam Christus veniret in Ecclesiam ad Gentes, & priusquam Evangelium eius adirent, vitæ huius sine præuenti sunt, seu præueniuntur,

possint habere hanc excusationem? Possunt planè, sed non ideo possunt effugere damnationem. Quicumque enim sine lege peccauerunt, sine lege & peribunt, & quicumque in lege peccauerunt, per legem iudicabuntur. Tanta est autem suppliciorum, quanta diuersitas peccatorum; quæ quomodo se habeat, altius iudicata sapientia diuina, quam coniectura scrutatur, aut effatur humana.

T e Deum.

Die 31. Octobris. Quarta die.

In tertio Nocturno.

Lectio sancti Euangelij secundum Ioannem. Lectio vij.

In illo tempore: Dixit Iesus discipulis suis. Hæc mando vobis, ut diligatis inuicem. Si mundus vos odit: scitote, quia me priorem vobis odio habuit. Et reliqua.

De Homilia S. Augustini Episcopi.

Qui me odit, & patrem meum odit. Hic nobis fortasse dicatur, Quis potest odisse quā nescit? Et utiq; dixerat: Hæc facient vobis, quia nesciunt eum, qui misit me. Non itaque dissimulanda nascitur quæstio, quomodo possint odisse, quem nesciunt, Si enim Deum, non quod ipse est, sed nescio quid aliud eum suspicantur, aut credunt, & hoc oderunt, utique non ipsum oderunt, sed quod sua mendaci suspicione, vel vana credulitate concipiunt. Si autem quod est, hoc de illo sentiunt, quomodo eum nescire dicuntur? Et de hominibus quidem fieri potest, ut eos sapē, quos numquam vidimus, diligamus: ac per hoc nec illud è contrario impossibile est, ut eos, quos numquam vidimus, oderimus: Fama quippe de aliquo fermocinante, seu bonè, seu malè, fit non immeritò, ut amemus, vel oderimus ignotum.

R. Isti sunt qui. 92.

Leſtio vij.

Sicut fieri poteſt, vt homo bonus hominem bonum oderit neſciēs, vel potius diligit neſciens: ipſū enim diligit, cum bonum diligit, quia id, quod eſt ille, hoc ille diligit, oderit autem neſciens, non ipſum, ſed quod putat eſſe ipſum: ita fieri poteſt, vt etiam homo iniuſtus oderit hominē iuſtum, & dum aſtimat ſe ſui ſimilē iniuſtum diligere neſciens diligit iniuſtos, & tamen dum cum credit iniuſtum, diligit non ipſum, ſed quod putat eſſe ipſum. Quemadmodum autem hominem, ſic & Deum. Denique ſi interrogarentur Iudæi vtrum diligerent Deum: quid ſe aliud, quā diligere reſponderent, nec ex animo mentientes, ſed errando potius opinantes? Quomodo enim diligerent patrem veritatis, qui haberent odio veritatem? Oderunt ergo quam neſciunt: & cum illam oderunt proſe- cuto & eum de quo nata eſt, niſi odiſſe non poſſunt. R. Iſti ſunt viri. 92.

Nona Leſt. de Homil. Vig. omnium Sanctorum.

1. Septembris. Quinta die.

Fit de Feſto omnium Sanctorū, dupl.

23. Nou. Sexta, & Septima die.

De octau. omnium Sanctorum ſe- midupl. cum comm. oct. SS. Apo- ſtol. Simonis, & Iudæ.

Die 4. Nouembris. In die Octaua.

In tertio Nocturno.

Leſtio ſancti Euangelij ſecundum Ioannem.

Leſtio vij.

IN illo tempore: Dixit Ieſus diſci- pulis ſuis: Hęc mando vobis, vt di- ligatis inuicem. Si mundus vos odit; ſcitote, quia me priorem vobis odio habuit. Et reliqua.

Homilia S. Cyrilli Episc. Alexand.

In Ioan. lib. 10. c. 17.

Facile, imò verò iucundum eſſe oſtendit Chriſtus, quod natura

ſui moleſtiſſimum eſt: quid enim acerbius, & plerumque damnoſius, quam odio haberi? ſuaue tamen id efficitur propter Deum; & quando gratia pietatis accidit argumento eſt, non inhiare rebus caducis eum, qui odio habetur, idcirco longè à ſā- cto profanum diſtinguitur, & mores probi conuerſatione improba per- uertuntur; alterutri enim ſuis inha- rentes ſtudijs, mores alterius accu- ſant: quas ob res neceſſe eſt, vt ſtu- dioſus, qui viuēdi probitate turpitu- dinem improborum, collatione morū denudat, minimè à vitioſis diliga- tur. R. Iſti ſunt. 92. Leſtio viij.

VNde non dolendum, ſed gau- dendum potius nobis eſſe, Chri- ſtus aſſerit: nam etſi detrimentum in rebus caducis multorum odium aſ- ſerit, maximo tamen apud Deum eſt emolumento; imò verò velut qui odio habetur à mundo, extra mun- dum eſt: ſic, qui à mundo diligitur, malis mundi ſubjicitur: efficitur au- tem à Chriſto his verbis, vt liberè, & abſq; odij formidine diſcipuli præ- dicatione vtantur, cum nihil dile- ctione Dei præponendū eſſe doceantur. Non quero placere hominibus, Paulus ait: ſi hominibus placerem, Chriſti ſeruus non eſſem: non enim poſſunt, qui prauitarem eligunt, Deo placere; quare, qui Deo ſeruire vult, ab eo mundum offendi neceſſe eſt, maximè, cum à ſordibus mundi alios reuocare conetur. R. Iſti ſunt. 92.

Nona Leſt. de SS. Vitale, & c. mart.

Finis Octauarum SS. Apoſtol.

Die 22. Iulij.

**INFRA OCTAVAM
S. MARIE MAGDALENÆ.**

Reſp. ſumuntur. de comm. oct. nec virg. nec mart. infr.

23. Iulij, Secunda die.

Fit de S. Apollinari Episc. mart. semidup. cum comm. octau.

Die 24. Iulij, Tertia die.

Lect. ij. Noct. de Ier. S. August. Præstabit nobis, &c. vt in 4. die de Communi oct. nec Virg. nec Mart. 260.

In tertio Nocturno.

Lectio sancti Euangelij secundum Lucam. Lectio vii. Cap. 7.

IN illo tempore: Rogabat Iesum quidam de Phariseis, vt manducaret cum illo. Et ingressus domum Pharisei discubuit. Et reliqua.

Homilia sancti Gregorii Papæ.

Homilia 33. in Euangelia.

COgitanti mihi de Mariæ Magdalene penitentia, flere magis libet, quàm aliquid dicere. Cuius enim vel faxeum pectus illæ huius peccatricis lacrymæ ad exemplum penitendi non emolliant? Considerauit namque quid fecit, & noluit moderari, quid faceret. Super coniuantes ingressa est, nõ iussa venit, inter epulas lacrymas obtulit. Discite quo dolore credet, quæ flere & inter epulas non erubescit. R. Os suum. 253.

Lectio viii.

Hanc verò, quam Lucas peccatricem mulierem. Ioânes Mariam nominat, illam esse Mariam credimus, de qua Marcus septem demonia eiecta fuisse testatur. Et quid per septem demonia nisi vniuersa vitia designantur? Quia cum septem diebus omne tempus comprehenditur, recte septenario numero vniuersitas figuratur. Septem ergo demonia Maria habuit, quæ vniuersis vitis plena fuit. R. Regnum. 254.

Nona Lect. Vigiliæ S. Iacobi.

25. Iulij, Quarta die.

Fit de S. Iacobo Apost. duplex.

26. Iulij Quinta die.

De S. Anna dup. cum comm. oct.

Die 27. Iulij, Sexta die.

Lect. ij. Noct. De Ier. S. August. Prospiciens &c. vt in sexta die de Communi Oct. nec Virg. nec Mart. 261.

In tertio Nocturno.

Lectio sancti Euangelij secundum Lucam. Lectio vii.

IN illo tempore: Rogabat Iesum quidam de Phariseis, vt manducaret cum illo. Et ingressus domum Pharisei discubuit. Et reliqua.

De Homilia S. Gregorii Papæ.

Quem Phariseus de falsa iustitiâ præsumens, nisi Iudaicum populum; quem peccatrix mulier ad vestigia Domini, veniens, & plorans, nisi couersam gentilitatem designat? Quæ cum alabastro venit, vnguentum fudit, retrò secus pedes Dñi stetit, lacrymis pedes rigauit, capillis terxit, eosdemque quos infundebat, & tergebat, pedes osculari non desinit. Nos ergo, nos illa mulier expressit, si toto corde ad Dominum post peccata redeamus, si eius penitentia luctus imitemur. Quid namque vnguento, nisi bonæ odor opinionis exprimitur? Vnde & Paulus dicit, Christi bonus odor sumus Deo in omni loco. R. Os suum. 253.

Lectio viii.

Si ergo recta opera agimus, quibus opinionis bonæ odore Ecclesiam respergamus, quid in Domini corpore, nisi vnguentum fundimus? Sed secus pedes Iesu mulier stetit. Contra pedes enim Dñi stetimus, cū in peccatis positi eius itineribus renitebamur. Sed si ad veram penitentiam post peccata conuertimur, iam retrò secus pedes stamus: quia eius vestigia sequimur, quem impugnabamus. Lacrymis mulier pedes eius rigat: quod nos quoque veraciter agimus, si quibuslibet vltimis membris Domini per compassionis affe-

affectum inclinamur, si sanctis eius in tribulatione compatimur, sicorum tristitiam nostram putamus.

R. Regnum. 254.

Nona Lect. de S. Pantaleone mart.

28. Iulij. Septima die.

De SS. Nazario, &c. mart. semidupl. cum commem. Octau.

Die 29. Iulij.

Festum S. Marthæ transfertur in sequentem diem.

I N D I E O C T A V A.

Lect. ij. Noct. De ferm. S. Augustini.

Duplicia, &c. ut in die octauæ nec Virg. nec Mart. 263.

In tertio Nocturno.

Lectio sancti Euangelij secundum Lucam. Lectio vij.

In illo tempore: Rogabat Iesum quidam de Phariseis, ut mādūcāret cum illo. Et ingressus domum Pharisei discubuit. Et reliqua.

Homilia S. Petri Chrysologi.

Ser. 93. post initium.

Venit mulier, & venit retrò: quia reus animus post tergum stat ad veniam, quia per culpam nouit se vultus fiduciam perdidisse: venit satisfactura Deo, non homini placitura, cum venit: venit pietatis illa, non voluptatis exhibitura conuiuium. Denique & pœnitentię ponit mensam, ferculā compunctionis apponit, panem doloris infert, potum lacrymis temperat in mensura, & ad delicias deitatis totas, totam pulsat cordis sui, & corporis symphoniam, organi planctus dat clamorem, cytharam per suspiria longa modulatur, gemitus aptat in fistulam: & dum pectus ipsam conscientiam arguens sæpè percutit, facit placitura Deo cymbala personare, dumque taliter reportat diuinis oculis cibos, totas misericordiæ copias sic reportat.

Octau. Rom.

R. Os suum. 253. Lectio viij.

Ecce mulier, quæ erat in ciuitate peccatrix. Exaggerat Euangelista mulieris facinus, vt accumulet indulgentiam largitoris; in ciuitate peccauerat, quia fama suā famam totius tetigerat ciuitatis: sicque iam non peccatrix solum, sed ipsius ciuitatis facta fuerat ipsa peccatum. Hæc cognouit, quòd nisi ab illo solo ciuitatis peccatum non posset auferi, qui solus mundi venerat abolere peccatū; & vt cognouit, quia accumberet Dominus in domo Pharisei, non ad stantem, non ad sedentem audet venire peccatrix: Deus cum stat, corripit: cum sedet, iudicat: prostratis coniacet, cum decumbit.

R. Regnum. 254. Lectio ix.

Portauit oleum, quia medicinam lethali vulnere à superno medico perquirebat. Ad pedes tendit semper, citam veniam qui requirit? Et benè stans, quia iam cadere non potest, qui ad pedes Christi meruit peruenire. Stans retrò secus pedes eius; vt Christi vestigijs innixa percurreret per viam vitæ, quæ per viam cucurrerat mortis. Lacrymis rigabat pedes eius, en mutatur ordo rerum, pluuiam terræ cœlum dat semper: ecce nunc rigat terra cœlum: imò super cœlos, & vsque ad ipsum Dominum imber humanarum profluit lacrymarum, vt iuxta Psalmistam, & de aquis fletuum cantetur illud: Et aquæ omnes, quæ super cœlos sunt, laudent nomen Domini. O quanta vis in lacrymis peccatorum? Rigant cœlum, terram diluunt, extinguunt gehennam, delent in omne facinus latam diuinā promulgatione sententiam.

T e Deum.

F

DA

Die 29. Iulij.

INFRA OCTAVAM

S. MARTHÆ VIRGINIS.

Lect. & Resp. ij. Noct. ex Comuni
Ost. Virg. 238.

Die 30. Iulij. Secunda die.

In tertio Nocturno.

Lectio sancti Evangelij secundum
Lucam. Lectio vij. Cap. 10.**I**n illo tempore: Intravit Iesus in
quoddam castellum: & mulier
quædam Martha nomine, excepit
illum in domum suam. Et reliqua.

Homilia S. Augustini Episcopi.

Serm. 27. de verb. Domini, tom. 10.

Sanctum Euangelium cum legere-
tur, audiuius a femina religio-
sa susceptum esse Dominum hospi-
tio, eaque Martha vocabatur. Et cū
esset ipsa occupata in cura ministrā-
di, foror eius Maria sedebat ad pedes
Domini, & audiebat verbum eius.
Laborabat illa, vacabat ista. Illa ero-
gabat, hæc implebatur. Verumtamē
Martha laborans multum in illa oc-
cupatione, & negotio ministrandi,
interpellauit Dominum: & de foro-
re sua conquesta est, quod eam labo-
rantem non adiuuaret.

R. Hæc est. 244.

Lectio viij.

Dominus autem pro Maria re-
spondit Marthæ, & ipse eius fa-
ctus est aduocatus, qui iudex fuerat
interpellatus. Martha, inquit, circa
multa es occupata quando vnum est
necessarium. Maria meliorem par-
tem elegit, quæ non auferetur ab ea.
Audiuius enim & interpellationē
interpellantis, & sententiam iudicis.
Quæ sententia interpellanti respon-
dit, susceptam defendit. Erat enim
Maria intenta dulcedini verbi Do-
mini. Intenta erat Martha, quomo-
do pasceret Dominum, intenta Ma-
ria quomodo pasceretur a Domino.**A** Martha conuiuū Domino para-
batur, in cuius conuiuio Maria iam
iucundabatur. R. Media nocte. 244.

Nona lec. de SS. Abdon, & Senn. mar.

Die 31. Iulij. Tertia die.

In tertio Nocturno.

Lectio sancti Evangelij secundum
Lucam. Lectio vij.**I**n illo tempore: Intravit Iesus in
quoddam castellum: & mulier
quædam Martha nomine, excepit il-
lum in domum suam. Et reliqua.

De Homilia S. Augustini Episcopi.

Ovid enim? Putamus reprehen-
sum esse ministerium Marthæ,
quā cura hospitalitatis occupaue-
rat, quæ ipsum Dominum hospitio
receperat? Quomodo rectē repre-
hendebatur, quæ tanto hospite læ-
tabatur. Hoc si verum est, dimit-
tant homines, qui ministrant egen-
tibus: eligant sibi partem meliorem,
quæ non auferetur ab eis: vacent ver-
bo, inhiant doctrinæ dulcedini: oc-
cupentur circa scientiam salutarem,
nihil eis curæ sit quis peregrinus in
vico sit, quis egeat pane, quis indu-
mento, quis visitandus, quis redimē-
dus, quis sepelliendus: vacent opera
misericordiæ, vni instetur scientiæ.

R. Hæc est. 244.

Lectio viij.

Si melior pars est, cur non omnes
hoc faciunt, quando ipsum Do-
minum in hac causa patronum ha-
bemus? Non enim timemus in hac
re ne ostēdamus eius iustitiam, cū
patronam teneamus eius sententiā.
Et tamen ita non est; sed sicut dixit
Dominus, ita est. Quomodo intelli-
gis. Non est; Est autem quomodo
intelligere debes? Ecce aduerte: Cir-
ca multa es occupata, quando vnum
est necessarium. Maria meliorem
partem elegit. Nō tu malam: sed illa
meliore. Sed vnde meliorem? Quia
tu circa multa, illa circa vnum. Præ-

po-

ponitur vnum multis. Non enim à multis vnum, sed multa ab vno.

R. Media nocte. 244. **Lectio ix.**

Multa sunt quæ facta sunt: vnum est qui fecit Cælum, terra, mare, & omnia quæ in eis sunt: quàm multa sūt: Quis ista enumeret? Quis horum multitudinem cogitet? Quis hæc fecit? Deus omnia. Ecce bona valdè. Bona valdè, quæ fecit: quantò melior ille, qui fecit? attendamus igitur occupationes nostras circa multa. Necessarium est ministerium corpora refecturis. Quare hoc? Quia esuritur, quia sititur. Misericordia miseris necessaria est. Frangis panem esurienti: quia inuenisti esurientem. Tolle famem: cui frangis panem? Tolle peregrinationem: cui exhibes hospitalitatem? Tolle nuditatem: cui præparas vestem? Non sit ægritudo, quem visitas? Non sit captiuitas, quem redimis? Non sit rixa, quem concordas? Non sit mors, quem sepelis? In illo sæculo futuro non erunt ista mala: ergo nec ista ministeria.

Te Deum.

1. Augusti. Quarta die.

Fit de S. Petro ad Vincula dup. cum commem. Oct.

Die 2. Augusti. Quinta die.

In tertio Nocturno.

Lectio sancti Euangelij secundum Lucam.

Lectio vij.

In illo tempore: Intrauit Iesus in quoddam castellum: & mulier quædam Martha nomine, excepit illum in domum suam. Et reliqua.

De Homilia S. Augustini Episcopi.

Benè Martha circa corporalem Domini, quid dicam, necessitatem, an volūtatem? ministrabat carni mortali. Sed quis erat in carne mortali? In principio erat Verbum, & Verbum erat apud Deū, & Deus erat Verbum. Ecce quod Maria au-

diebat. Verbum caro factum est, & habitauit in nobis. Ecce Martha cui ministrabat. Ergo Maria meliorem partem elegit, quæ non auferetur ab ea. Hoc enim elegit, quod semper manebit, idè non auferetur ab ea.

R. Hæc est. 244.

Lectio viij.

Circa vnum Maria se voluit occupari. Iam tenebat: Mihi autem adherere Deo bonum est. Sedebat ad pedes capitis nostri. Quantò humiliter sedebat, tantò amplius capiebat. Confluit enim aqua ad humilitatem conuallis, denatat de tumoribus collis. Non ergo Dominus opus reprehendit, sed munus distinxit. Circa multa es occupata: portò vnum est necessarium. Iam hoc sibi Maria elegit. **R.** Media nocte. 244.

Nona Lcc. de S. Stephano Papa mar.

3. Augusti. Sexta die.

De Inuent. S. Stephani Protom. semidupl. cum commem. Oct.

4. Augusti. Septima die.

De S. Dominico Confess. dupl. cum commem. Oct.

Die 5. Augusti.

Festum Niuus transfertur in diem 7. Augusti.

I N D I E O C T A V A.

In tertio Nocturno.

Lectio sancti Euangelij secundum Lucam.

Lectio vij.

In illo tempore: Intrauit Iesus in quoddam castellum: & mulier quædam Martha nomine, excepit illum in domum suam. Et reliqua.

De Homilia S. Augustini Episcopi.

Transit labor multitudinis, & remanet charitas vnitatis. Ergo quod elegit Maria, non auferetur ab ea: à te autem Martha, quod elegisti (vtique hoc sequitur, vtique hoc subintelligitur) à te, quod elegisti, auferetur: sed bono tuo auferetur, vt quod melius est, detur. Auferetur

F 2 enim

enim a te labor, vt requies detur. Tu nauigas, illa iam in portu est.

R. Hæc est. 244. *Lectio viij.*

Videtis ergo, charissimi, & quantum arbitror, iam intelligitis, in his duabus mulieribus, quæ ambæ fuerunt Domino gratæ, ambæ amabiles, ambæ discipulæ. Videtis ergo, & magnum aliquid intelligitis, quicumque intelligitis, quod audire, & scire debetis etiam, qui non intelligitis, in his duabus mulieribus duas vitas esse figuratas, præsentem & futuram, laboriosam, & quietam, arduam, & beatam, temporalem, & æternam. **R.** Media nocte. 244.

Lectio ix.

Dvæ sunt vitæ: de illis vos copiosius cogitate. Quid habeat hæc vita, non dico mala, non iniqua, non nefaria, non luxuriosa, non impia; sed laboriosa, & ærumnis plena, timoribus castigata, tentationibus sollicitata? hanc ipsam innocentem vitam dico, qualem decebat habere Martham. Hanc ergo, quantum potestis, inspicite, & de hac, vt dixi, copiosius, quam loquimur, cogitate. Vita verò iniqua aberat ab illa domo, nec cum Martha erat, nec cum Maria: & si aliquando fuit, Domino intrante fugit.

Te Deum.

INFRA OCTAVAM ALIORVM SANCTORVM.

Qui in Breuiario seu Missali Romano proprium habent Euangelium; Lectiones tertij Nocturni in Officio, & Euangelium in Missa leguntur, vt infra ponuntur, iuxta Rubricam à Sacra Rituum Congregatione approbatam, quæ habetur supra in Rubricis Titul. de Octau. 4. videlicet,

Die 11. Aprilis.

S. LEONIS PAPÆ CONFESS.

In tertio Nocturno.

Infra Oct. leguntur Hom. in Euang. Vigilate. vt in Cōi Oct. Conf. Pont. inf. 194. & idē Euāg. legit. in Missa.

In die verò Oct. Euang. Quem dicunt homines. cum Homil. S. Leonis. Apostolos Dominus. vt in vij. die infra Oct. S. Petri ad Vincula supra. 67.

Die 17. Aprilis.

S. ICNITI PAPÆ MARTYR.

In tertio Nocturno.

In die Festo, & in die Oct. Homil. in Euangel. Plorabitis, & flebitis. vt in Comm. Oct. Mart. temp. Pasch. 147.

Infra Oct. verò Homil. in Euang. Ego sum vitis vera. vt in eodem Communi. 138.

Die 2. Maij.

SANCTI ATHANASI I.

Episcopi, & Confessoris.

In tertio Nocturno.

Infra Oct. Homil. in Euang. Vos estis sal terræ. vt in Communi Oct. Doct. 203.

In die verò Oct. Euang. vt in Festo, cum Homil. S. Hilarij. Dominus diem, &c. quæ pertinet ad textum Euangel. huius Festi, vt in Festo de Communi Oct. vnus Mart. non Pontificis.

Die 4. Maij.

S. MONICÆ VIDVÆ.

In tertio Nocturno.

In Festo, & in die Octau. Homil. in Euang. Ibat Iesus in ciuitatem, &c. vt in Communi Octau. nec Virgin. nec Mart. 264.

Infra Octau. verò Homil. in Euang. Simile est regnū cœlorum thesauro.

vt

vt in Communi Octauæ Mart. non Virginis. 253.

Die 12. Maij.

SS. NEREI, ACHILLEI,
&c. Martyrum.

In tertio Nocturno.

Infra Oct. Hom. in Euang. Sedete Iesu. vt in Cõi Oct. plur. Mart. 161.
In die verò Oct. Homil. vt in Festo;
vel ex Breuiario vt in Dominica xx. post Pentec.

Die 13. Iunij.

SS. VITI, MODESTI,
& Crescentiæ Martyrum.

In tertio Nocturno.

In festo, & in die Oct. Homil. in Euangel. Qui vos audit. vt in Communi Octau. plur. Mart. 178.

Infra Octa. verò Homilia in Euangel. Sedete Iesu. vt in eodẽ Cõi 161

Die 18. Iunij.

SS. MARCI, ET MARCELLIANI
Martyrum.

In tertio Nocturno.

In Festo, & in die Octau. Homilia in Euang. Vg vobis. vt in Communi Octau. plur. Mart. 177.

Infra Oct. verò Homil. in Euangel. Descendens Iesus. vt in eodem Communi. 157.

Die 10. Iulij.

SS. PEPTEM FRATRVM
Martyrum.

In tertio Nocturno.

Infra Octau. Homilia in Euangel. Descendens Iesus. vt in Communi Octau. plur. Mart. 157.

In die verò Oct. vt in Festo.

Die 23. Iulij.

S. APOLLINARI EPISCOPI
Martyris.

In tertio Nocturno.

Infra Octau. Homilia in Euang. Si quis venit ad me. de Comuni Octa. vnus Mart. Pont. 107.
In die verò Oct. vt in Festo.

Die 7. Augusti.

SANCTI DONATI EPISCOPI
Martyris.

In Festo, & in die Octau. Homilia in Euangel. Videte, vigilate. de Communi Oct. Conf. Pontif. 201.

Infra Oct. verò Homil. in Euangel. Vigilate, quia nescitis. de eodem Communi. 192.

Die 8. Augusti.

SS. CYRIACI, LARGI,
& Smaragdi Martyrum.

In tertio Nocturno.

Infra Octaua Homil. in Euangeliz. Cum audieritis. de Communi Oct. plurimor. Mart. 153.

In die Octa. fit de Assumpt. B. Virg. cum commem. dici Oct.

Die 29. Augusti.

DOCOLLATIO SANCTI
Ioannis Baptiste.

Infra Oct. Lect. ij. Noctur. sumuntur de Communi vnus Mart. non Pontif. 119.

In ij. Noctur. Homilia in Euangel. Nolite arbitrari. de eodem Communi. 120.

In die verò Oct. vt in Festo.

Die 30. Augusti.

SS. FELICIS, ET ADAVCTI
Martyrum.

In tertio Nocturno.

In Festo, & in die Oct. Homil. in Euang. Qui vos audit. de Communi Oct. plur. Mart. 178.

87.

O C T A V Æ

COMMVNES SANCTORVM,

H O C E S T

Lectiones communes recitandæ infra Octauas in secundo Nocturno: 84
Homilia in tertio Nocturno super omnia Euangelia, quæ habentur in Communi Sanctorum in Missali Romano.

INFRA OCTAVAM APOSTOLORVM.

SECUNDA DIE.

In secundo Nocturno.

Sermo S. Ioannis Chrysostomi.

*In Encom. SS. duodecim Apost. apud
Metaphr.*

Lectio iv.

DVodecim electi sunt Athletæ, & nullus eorum mansit non coronatus. Vna enim gratia erat omnibus socia certaminis, & cum eis concurrebat, & vniuscuiusque victoriam reddebat magis probatam. Sed ô beatum, & præclarum vestrum, ô Apostoli, cœtum, quod omnia facti estis omnibus, Dei gratia, non arundine, sed sermone greges hominum peritè capientes. Vos enim estis immobiles columnæ rectæ fidei, sceptræ Ecclesiæ, & huius maximi pastoris vigilantes defensores, morbi humanitatis gratuiti medici, & nostræ ad Deum pœnitentiæ susceptrores misericordes.

R. Vidi coniunctos viros habentes splendidas vestes, & Angelus Domini locutus est ad me, dicens: *Isti sunt viri sancti facti amici Dei.

V. Vidi Angelum Dei fortem, volantem per medium cœlum, vocem magna clamantem, & dicentem. Isti sunt viri.

Tempore Paschali. **R.** Lux perpetua lucebit Sanctis tuis Domine, *Et æternitas temporum, alleluia, alleluia.

V. Lætitia sempiterna erit super capita eorum: gaudium, & exultationem obtinebunt. Et. *Lectio v.*

CVM enim esletis veluti quædam animatæ incudes, dum verberaremini, eos, qui verberabant, fabricati estis ad agnitionem. Hinc Petrus Romam accipit in disciplinam. Paulus illinc mundo annunciat Euangelium. Andreas corrigit Græciæ sapientes. Simon Barbaros Deum docet. Thomas baptisinate dealbat Æthiopes. Iacobi Cathedralam honorat Iudæa. Marci thronum, quæ est ad Nilum, complectitur Alexandria, Lucas, & Matthæus scribunt Euangelia. Ioannes, qui vel post finem adhuc tractat Theologiam, tamquam viuus curat Ephesum. Bartholomæus erudit Lycionas ad temperantiam. Philippus faciens miracula seruat Hierapolim.

R. Beati estis cum maledixerint vobis homines, & persecuti vos fuerint, & dixerint omne malum aduersum vos, mentientes, propter me: *Gaudete, & exultate, quoniam merces vestra copiosa est in cœlis.

V. Cum vos oderint homines, &

F 4 cum

cum separauerint vos, & exprobrauerint, & eiecerint nomen vestrum tamquam malum propter Filium hominis. Gaudete.

Tempore Paschali. R. Virtute magna reddebant Apostoli, *Testimonium resurrectionis Iesu Christi Domini nostri, alleluia, alleluia.

Repleti quidem Spiritu sancto loquebatur cum fiducia verbum Dei. Testimonium. Lectio vj.

Non cessant omnes omnibus ubique benefacere. Puluerem immortalem reliquerunt in sepulchris; nunc quidem pij cultores; paulo post autem sedentes mundi Iudices. Cum huic appropinquasset claudus, reuersus est sanis, & integris pedibus. Cum in illum incidisset paralyticus, iussus est ferre grabatum. Alius vocabat mortuos; illi vero ei statim obtemperarunt. Alterius autem vmbra sola fugabat morbos. Alterius inuocationem exhorrebant demones, & eorum sudaria distillabant medicinam: erant enim discipuli illius, cuius fimbria furto surrepta, contactu eius, quæ sanguinis laborabat profluuio, exsiccauit Rubrum mare sanguinis.

R. Isti sunt triumphatores, & amici Dei, qui contemnentes iussa principum, meruerunt præmia æterna: *Modò coronantur, & accipiunt palmam. V. Isti sunt, qui venerunt ex magna tribulatione, & lauerunt stolas suas in sanguine Agni. Modò coronantur. Gloria Patri. Modò.

Tempore Paschali. R. Isti sunt agni nouelli, qui annunciauerunt, alleluia, modò venerunt ad fontes, *Repleti sunt claritate, alleluia, alleluia.

V. In conspectu Agni amicti sunt stolis albis, & palmæ in manibus eorum. Repleti.

Gloria Patri. Repleti.

TERTIA DIE.

In secundo Nocturno.

Sermo S. Augustini Episcopi.

Ser. 43. de Sanctis.

Lectio iv.

Si omnium Sanctorum martyrum grata nobis debet esse solenitas, fratres charissimi; quāto gratior eorum, qui presentem secuti sunt principem martyrum? Si agnort, quantō magis arietum? Illorum enim filij nō generatione carnis, sed imitatione virtutis facti sunt omnes, qui posterius vsq; ad mortem confessi sunt Christum. His primum Dñs, cum ad cōfessionem sui nominis hortaretur, non solum se promisit victoriæ coronatorem, sed & certaminis adiutorem: etiam in ipsis, & posteros ad-monebat, quoniam, quod dicebat, scriptum posteris relinquebat.

R. Vidi coniunctos viros. vel Lux perpetua. 87. Lectio v.

Illis ergo ait, exhortans eos: Cum autem adducet vos ad Principes, & potestates, nolite cogitare quid respondeatis, vel quid loquimini. Nō enim vos estis qui loquimini, sed Spiritus Patris vestri, qui loquitur in vobis. Meditari vetuit, & confiteri præcepit. Maluit enim auferre præsumptionem humanam, & gratiam dare diuinam, vt in semetipsis timidi, & mundo essent audaces. Vnde & in Psalmo vox martyrum dicit, quasi ex parte humanæ fragilitatis verendo: Eripe me de inimicis meis, Deus meus; & ab insurgentibus in me libera me. Et paulo post de auxilio diuino confidens, dicit: Fortitudinem meam ad te custodiam. R. Beati. vel Virtute. 87. Lectio vj.

Supra ceteras enim turbas fidelium, nec non antiquorum iustorum, & Prophetarum eminentes Apostolos suos volens Dominus ostendere, dixit ad eos, Beati oculi, qui vident quæ

que vos videtis, & aures, que audiunt, que vos auditis. Multi enim Prophetæ, & iusti voluerunt videre quæ vos videris, & non viderunt; & audire, quæ auditis, & non audierunt. Item alibi: Iam, ait, non dicam vos seruos, quia seruus nescit quid faciat dominus eius. Vos autem dixi amicos, quia omnia, quæcūque audiui à patre meo, nota feci vobis. Item ait idem alio loco: Quæcumque alligaueritis super terram, erunt ligata & in cælo; & quæcumque solueritis super terram, erunt soluta & in cælo. *Beati sunt triumphatores. vel Isti sunt agni.* 88.

QVARTA DIE.

In secundo Nocturno.

De Serm. S. Augustini Episcopi.

Lectio iv.

Isti sunt lux mundi: quia per ipsos lumen fidei, & veræ scientiæ primum Dominus huic mûdo tradidit, & ab errorum, ac peccatorum tenebris gentes, & populos eruit. Isti sunt sal terre: quia per eos, terrigenæ condimētum saporis vitæ æternæ perceperunt, vt restringerēt carnis lasciuia & à putredine peccatorum, & vitiorum vermibus seruantur illæsi. Isti sunt lapides pretiosi, quos in fundamento cælestis ædificij positos Ioannes in Apocalypsi sua describit, quia prædicatio eorū Ecclesiæ fundamēta locauit. Vnde & Paulus ait: Vos estis ciues Sactorū, & domestici Dei, superædificati super fundamentum Apostolorum, & Prophetarum.

Beati. Vidi. vel Lux. 87. Lectio v.

Hoc ergo considerantes fratres charissimi, quæ tanti duces populi nos docuerunt studeamus factis implere, quæ illi iusserunt. Discamus eorum exemplo mundi diuitias contemnere, præsentis sæculi voluptatē non amare, regnum cæleste deside-

rare, Christo nihil præponere; sed eius mandatis in omnibus obedire, paupertatem præsentium rerum diligere, virtutum diuitias habere, sapientiæ thesaurum appetere, spirituales delicias quærere, nulli inuidere, sed omnes homines diligere, amicos in Deo, & inimicos propter Deum: quia hæc est vera, & sola dilectio.

Beati. vel Virtute. 87. Lectio vj.

Isti ergo Principes nostri, in amore Dei perfectissimi, & in proximorum dilectione repleti, hinc potuerunt mundi impetum vincere, & cruentum sæculum domare, quia nihil amauerunt in omni re, nisi Dei voluntatem. Ita & nos, fratres, diligamus in omnibus rebus Dei facere voluntatem, & creatorem nostrum amemus in semetipso; creaturā verò in conditore suo, & sic habebimus ordinatissimā charitatē, quia Deus, charitas est, & qui diligit hanc dilectionem, diligit Deum. Et, si ita dilexerimus, diligit nos ipse Deus, diligunt nos & sancti Apostoli iudices nostri, & exorabunt pro nobis, vt in vniuersali iudicio Christi cū ipsis in perpetuum coronemur. *Beati sunt triumphatores. vel Isti sunt agni.* 88.

QVINTA DIE.

In secundo Nocturno.

Sermo Sancti Petri Chrylogi.

Ser. 28.

Lectio iv

Quod sit virtutibus cognata paupertas, terrena, & cælestis comprobatur disciplina. Athleta ad luctamen nudus accedit: confligit cum fluctibus nauta nudus, miles in acie non nisi expeditus assit: qui tendit ad philosophiam, totum, quod in rebus est, ante contemnit. Est ergo virtutibus cognata paupertas: & si paupertas virtutum patens, virtutum sociæ sic habetur, sapere conuenit, quare Christus ad virtutis officium pau-

pauperes sic elegit. Sed in istis quantum vilis mundanus videbatur aspectus, pretiosas tantum animas Dei intuitus nunc videbat. Erant censu pauperes, sed innocentia locupletes, loco humiles, sed sanctitate sublimes: viles arte, sed simplicitate pretiosi; obscuri vita, sed vita merito perlucientes. *Re. Vidi. vel Lux. 87.*

Paulo post.

Lectio v.

Captores piscium, sed piscatores hominum iam decreti. Venite, inquit, & faciam vos fieri piscatores hominum, ut vitalis escæ iactu, ut hamo cœlestis verbi, de mortis gurgite animas ad lucem tollerent sempiternam. Captores piscium fiunt hominum piscatores: de labore transeunt ad laborem, quia labor nescit lassescere meditatus: omnia, quæ de vso veniunt, non fatigant; Virtus exercitio perseuerat. *Re. Beati. vel Virtute. 87.*

Lectio vj.

Hinc est, quod Apostolos suos Christus humanis laboribus exerceri voluit, ut eos indefessos redderet in diuinis: voluit eis Deus manere fortitudinem, de exercitio præstare virtutem: & quia fructus provenit ex labore, voluit eos labores non perdere, sed mutare: ipse ante illis vsum laboris indulxit, qui postea eis tolerantiam dedit virtutis. Hinc est quod regna, gētes, carceres, vincula, tormenta, mortes, seuientes homines terris omnibus sic vicerunt. *Re. Isti sunt triumphatores. vel Isti sunt agni. 88.*

SEPTIMA DIE.

In secundo Nocturno.

Sermo S. Ioannis Chrysostomi.

1. de Pent. tom. 3.

Lectio iv.

Quæ sunt tales stellæ, sicut Apostoli? stellæ in cœlo, Apostoli super cœlos. Stellæ de igne insensibiles, Apostoli de igne intelligibiles. Stel-

læ in nocte lucent, in die obscurantur; Apostoli in die, & in nocte suis radijs, hoc est, virtutibus effulgent. Stellæ orto sole obscurantur; Apostoli sole iustitiæ resplendente, sua charitate lucescunt. Stellæ in resurrectione cadent sicut folia; Apostoli in resurrectione rapiuntur in aera, nubibus. Et in illis quidem syderibus alius Antifer, alius Lucifer appellatur: in Apostolis autem nullus Antifer est, omnes Luciferi, & ideo stellis maiores Apostoli.

Re. Vidi. vel Lux. 87.

Lectio v.

Et quicunque eos luminaria vocauerit mudi, non peccabit: non solum dum esset in corpore, sed etiam magis nunc, quando de hac vita migrarunt: gratia enim, & merita Sanctorum non minuuntur morte, non retardantur die, non dissoluantur in terra, nec nocte obscurantur, nec tenebris obumbrantur, & hoc res ipsa demonstrat. Piscatores quippe erant, & illis dormientibus retia operabatur. Et tunc quidem pisces capiebant ad mortem, nunc autem homines capiunt ad salutem, claudos facientes currere, cæcos illuminantes, leprosos mundantes, dæmones effugantes, testatur multitudo credentium diurna. Vinitores erant, & illis absentibus corpore vinea efflorescit, & botros affert. *Re. Beati. vel Virtute. 87.*

Paulo post med.

Lectio vj.

Vbi sunt nunc, qui audent Ecclesiæ contraire? quando nouella erat, in nullo potuit lædi: & nunc, quando usque ad cælum peruenit, existimas eam posse superari? & tunc quidem cum vndecim essent Apostoli, nullus eos superare potuit, sed pauci homines totum ceperunt mundum: & nunc, quando terra, & mare, & orbis terrarum, & inhabitabiles regiones, & ciuitates, & omnes fines

ter-

terra pietate repleti sunt, putas eam
te posse lædere? sed nō poteris. Chri-
stus enim propter eam passus est,
portæ inferi non preualebunt aduer-
sus eam. Facilius cœlum extermini-
nari potest, & terra perire, quā ali-
quid mali pati Ecclesia.

R. Isti sunt triumphatores. *vel* Isti
sunt agni. 88.

S E P T I M A D I E.

In secundo Nocturno.

Sermo sancti Gregorij Papæ.

Hom. 30. in Euang. post. med. Lect. v.

Scriptum est: Spiritus Dñi ornavit
cœlos. Ornamenta enim celo-
rum sunt virtutes prædicatium. Quæ
videlicet ornamenta Paulus enume-
rat, dicens: Alij datur per spiritum
sermo sapientiæ, alij sermo scientiæ
secundum eundem spiritum, alteri
fides in eodem spiritu, alij gratia fa-
nitatum in vno spiritu, alij operatio
virtutū, alij prophetia, alij discretio
spirituum, alij genera linguarum, alij
interpretatio sermonum. Hæc autē
omnia operatur vnus, atque idē
spiritus diuidens singulis prout vult.

R. Vidi. *vel* Lux. 87. *Lectio vj.*

Quot ergo sunt bona prædican-
tium, tot sunt ornamenta cœ-
lorum. Hinc rursus scriptum est: Ver-
bo Domini cœli firmati sunt. Verbū
enim Domini Filius est Patris. Sed
eosdem cœlos, videlicet sanctos Apo-
stolos, vt tota simul sancta Trinitas
ostendatur operata, repente de sancti
Spiritus diuinitate adiungitur. Et
spiritu oris eius omnis virtus eorū.
Cœlorum ergo virtus de spiritu sū-
pta est; quia mundi huius potestatibus
contraire non præsumerent, nisi
eos sancti Spiritus fortitudo solidas-
set. Quales namque doctores sanctæ
Ecclesiæ ante aduentum huius Spiri-
tus fuerint, scimus, & post aduentum
illius cuius fortitudinis facti sint, cō-

spicimus. *R.* Beati, *vel* Virtute. 87.
Lectio vj.

Certe iste ipse pastor Ecclesiæ, ad
cuius sacratissimum corpus se-
demus, quantæ debilitatis, quantæq;
formidinis ante aduentum Spiritus
fuerit ancilla ostiaria requisita dicat.
Vna enim mulieris voce percussus,
dum mori timuit, vitam negauit.
Et pensandum, quia eum compre-
hensum Petrus negauit in terra, quē
suspensus latro confessus est in cru-
ce. Sed vir iste tātæ fortitudinis, qua-
lis post aduentum Spiritus existat,
audiamus. Fit conuentus magistra-
tus, atque seniorum, cæsis denuncia-
tur Apostolis, ne in nomine Iesu lo-
qui debeant. Petrus magna auctori-
tate respōdet. Obedire oportet Deo
magis, quā hominibus.

R. Isti sunt triumphatores. *vel* Isti
sunt agni. 88.

I N D I E O C T A V A.

In secundo Nocturno.

De expositione S. August. Epif. super
Psalmum octogesimum sextum.

Ante medium.

Lectio iij.

Fundamenta eius in montibus
sanctis, diligit Dominus portas
Sion. Quare fundamenta Apostoli, &
Propheta? Quia eorum auctoritas
portat infirmitatem nostram. Quare
sunt portæ? Quia per ipsos intra-
mus ad regnum Dei. Prædicāt enim
nobis: & cū per ipsos intramus,
per Christum intramus. Ipse est
enim ianua. Et cū dicuntur duo-
decim portæ Ierusalem, & vna
porta Christus, & duodecim portæ
Christus, quia in duodecim portis
Christus, & idē duodenarius nume-
rus Apostolorum Sacramētum ma-
gnū huius duodenarij significatio
est numeri. Sedebitis, inquit, super
duodecim sedes iudicātes duodecim
tribus Israel. *R.* Vidi, *vel* Lux. 87.

Le-

Lectio v.

SI duodecim sella: ibi sunt, non est vbi fideat tertiusdecimus, Paulus Apostolus, & non erit quomodo iudicet: & ipse se iudicaturum dicit, non homines tantum, sed & Angelos. Quos Angelos, nisi apostatas Angelos? Nescitis, inquit, quia Angelos iudicabimus? Responderet ergo turba: Quid te iactas iudicaturum? vbi fedebis? Duodecim sedes dixit Dominus duodecim Apostolos: vnus cecidit Iudas, in locum ipsius sanctus Matthias ordinatus est; impletus est duodenarius numerus sedium: primo locum inueni, vbi fideas, & sic te minare iudicaturum. Duodecim ergo sedes quid sibi velint, videamus. Sacramentum est cuiusdam vniuersitatis, quia per totum orbem terrarum futura erat Ecclesia: vnde vocatur hoc ædificium ad Christi compagem. R. Beati, vel Virtute. 87.

Lectio vj.

ET ideò quia vndique venit ad iudicandum, duodecim sedes sunt sicut, quia vndique intratur in illam ciuitatem: duodecim portæ sunt. Non solum ergo illi duodecim, & Apostolus Paulus, sed & quotquot iudicaturi sunt, propter significationem vniuersitatis ad sedes duodecim pertinet: quemadmodum quotquot intrabunt, ad duodecim portas pertinent. Partes enim mundi quatuor sunt, Oriens, Occidens, Aquilo, & Meridies. Istæ quatuor partes assidue nominantur in scripturis. Ab omnibus istis quatuor partibus, sicut dicit Dominus in Euangelio à quatuor ventis se collecturum electos, vocatur Ecclesia. Quomodo vocatur? Vndique in Trinitate vocatur. Non vocatur nisi per baptismum in nomine Patris, & Filij, & Spiritus sancti. Quatuor ergo ter ducta

duodecim inuehiuntur.

R. Isti sunt triumphatores, vel Isti sunt agni. 88.

Lectioes ij. Nocturni habentur supra in proprijs festis SS. Apostolorum cum sequent. Respons.

R. vj. Isti sunt, qui viuentes in carne, plantauerunt Ecclesiam sanguine suo: * Calicem Domini biberunt, & amici Dei facti sunt. V. In omnem terram exiuit sonus eorum, & in fines orbis terre verba eorum. Calicem.

Tempore Paschali.

R. vj. Ego sum vitis vera, & vos palmites: * Qui manet in me, & ego in eo, hic fert fructum multum, allel. alleluia. V. Sicut dilexit me Pater, & ego dilexi vos. Qui manet.

R. viij. Isti sunt viri sancti, quos elegit Dominus in charitate non ficta, & dedit illis gloriam sempiternam: * Quorum doctrina fulget Ecclesia, vt sole luna. V. Sancti per fidem vicerunt regna, operati sunt iustitiam. Quorum. Gloria Quorum.

Tempore Paschali.

R. viij. Candidi facti sunt Nazareni eius, allel. Splendorem Deo dederunt, allel. * Et sicut lac coagulati sunt, allel. V. Cãdidioreis niue, nitidiores lacte, rubicundiores ebore antiquo, sapphiro pulchriores. Et. Gloria. Et.

INFRA OCTAVAM EVANGELISTARVM. SECUNDA DIE.

In secundo Nocturno.

Sermo S. Ioannis Chrysostomi.

Homil. i. in Matth.

Lectio iv.

P Rincipio requirendum est, quænam illa causa sit, quòd ex tam multis discipulis duo tantum scribunt Apostoli, & duo eorum, qui Apostolos sunt sequuti vnus enim Petri, alteri Pauli discipulus post Ioannem

annem atque Matthæum Euangelia condiderunt: quia scilicet nihil ambitione morificiebant, sed omnia utilitatem referebant: quid igitur? non sufficebat vnus Euangelista cuncta memorare? Sufficiebat quidem, sed cum quatuor sint: qui Euangelia cōscribant, nec eisdem temporibus, nec eisdem locis, neque pariter congregati, & inter se cōferentes, & tamen quasi vno ore omnia prænuntiant: fit hoc sine dubio veritatis grande indicium. *R.* Vidi coniunctos, vel Lux perpetua. 87. *Lectio v.*

Verum è contrario, inquis ista res accidit: in multis enim diffidere redarguuntur: imo hoc ipsum maximum est testimonium veritatis: Si enim ad vnguem in omnibus consonaret, etiam vsque ad tempora, ac loca, ipsaque adeo verba, nemo inimicus credidisset vnquam; eos non communi ad decipiendum consilio congregatos, quasi ex humana quadam conspiratione Euangelium cōdidisse. Non enim simplicitatis fuisse tam sollicitam consonantiam indicarent: nunc verò, quæ videtur in rebus exiguis dissonantia, ab omni illos suspitione defecit, & satis clarè scribentium existimationem tuetur.

R. Beati. vel Virtute. 87. *Lectio vj.*

Si verò aliquid de tēporibus, ac locis variè dixerunt, nihil quidem dictorum obest veritati. Si verò in miraculis non omnes dixerunt, sed hic quidem illa, alter verò alia narravit, nihil te omnino conturbet: nā si vnus vniuersa dixisset, superfluum iam fuisset numerus ceterorum: si varia omnes inter se scripssissent, ac noua omnia, nullū potuisset conuenientia apparere documentum. Vnde simul omnia arguta fuissent mendacij: sed & quiuis illorum peculiare: quiddam sibi sumens, retulit, quo-

minus superfluum haberetur, & adiectus temerè, ac simul veritatis dictorum exactum præberet nobis indicem. *R.* Isti sunt triumphatores, vel Isti sunt agni. 88.

TERTIA DIE

In secundo Nocturno.

De Serm. S. Ioannis Chrysostomi. *Vbi supra.* *Lectio iij.*

Vbi autem eorum vnusquisque degēs scripserit, non valde est, cur cōtendamus: quod verò aduersus se non scripserint, ex toto operis contextu tentabimus demonstrare: & certè aliud est diuerso modo quid dicere, aliud aduerso. Nihil inquam horum loquor. Procul à me absit, ex aliorū dementia pro Euāgelistis satisfactionem parare. Illud sanè libenter rogarim, quoniam modo fidē dissona meruerint, quoniam pacto obtinere potuerint, vnde admirationi fuerint pugnancia inter se dicendo?

R. Vidi, vel Lux. 87. *Lectio v.*

Radicabant passim per orbem habitabilem, quamuis multi testes eorum predicationis existerent etiam inimici, hostesque plurimi: non enim in vno aliquo scribentes angulo, ea quæ scripserant, occultauerunt: sed terras, mariaque lustrantes, in conspectu, & auribus omnium volumina sacra replicabant; quæ sicut etiam nunc fieri videmus, ipsi quoque præsentibus legebantur inimicis: nec quicquam tamen ex his quæ dicta sunt, quemquam offendit: nec immerito: erat enim diuina virtus, quæ omnia capessit; ac corrigit apud omnes. *R.* Beati. vel Virtute. 87. *Lectio vj.*

Nisi enim istud fuisset, vnde publicanus, vnde piscator, vnde illitteratus quiuisset vnquam tam sublimiter philosophari? Quæ enim sapientes sæculi, nec per somnium qui-

quidem aliquando imaginari potuerunt, hæc isti cum asseueratione manifesta annuntiant, atque persuadēt, idque faciunt non tantum in viuīs agentes, sed etiam, vbi fato functi sunt, & non duos, non viginti, non centum, aut mille, aut decem millia, sed vrbes, & gentes, & populos, & terram prorsus, ac mare Græciam simul, ac Barbariam, & inhabitabiles partes orbis ipsumque desertum; & certè ea persuadebant, quæ naturam nostram longè probantur excedere. *R.* Isti sunt triumphatores, vel Isti sunt agni. 88.

Q V A R T A D I E.

In secundo Nocturno.

Sermo S. Ambrosii Episcopi.

Lib. 10. in Luc. c. 23. ante medium.

Lectio iv.

Propter nos diuiduntur vestimenta Christi, quia non possunt singuli habere omnia; & per sortes: quia non pro hominis voluntate diuisio fit Spiritus sancti. Diuisiones enim gratiarum sunt, sed omnia operatus est spiritus, diuidens singulis prout vult. Et fortasse milites isti, quatuor Euangelistarum habent typum, qui scripserunt Euangelii: intueri nunc Christi vestimenta diuisa. Vbi illa quæram? quære in Matthæo, inuenies penes ipsum solum clamydem coccineam, penes Ioannem vestem purpuream, penes Marcum purpuram tantum, penes Lucam vestem albam. Hac enim sola pro sua fuit portione contentus. Quantos verò Christus sua veste vestiuit? Puto autem, quod non quatuor tantum, sed omnes vestiuit milites, & omnibus abundauit. *R.* Vidi, vel Lux. 87.

Lectio v.

Accipe, & aliquid. Istæ quatuor partes, non partes vestium, sed qualitates mihi videntur esse virtu-

tum; alius enim de regno sublimius scripsit, alius de hominis institutione diffusius. Lucas nitorem sibi sacerdotalis vestis elegit; Marcus verborum textum non desiderauit; Ioannes verò quasi quasdam intexit sententias, quibus vestiatur fidem nostrā. Nonne tibi videtur intextum grande illud. In principio erat Verbum, & Verbum erat apud Deum, & Deus erat Verbum: hoc erat in principio apud Deum, omnia per ipsum facta sunt? At verò Marcus, tamquam purpureo fulgore contentus sine vlla intextione verborum: Initium inquit, Euangelii Iesu Christi Filii Dei.

R. Beati, vel Virtute. 87. *Lect. v.*

Ergo cetera vestimenta Christi diuisa, sunt nempe vel gesta, & gratia; tunica verò non potuit diuidi, & ideo, secundum Ioannem, super illa sors agitur, quia fides non pro portione singulorum, sed pro iure est omnium; quod enim non diuiditur singulis manet integrum, & benè desuper texta in Ioanne legitur. Sic enim textitur fides Christi, ut de diuinis ad humana descendebat: eo quod ante secula ex Deo genitus, posteriore tempore susceptionem carnis assumpserit. Per hoc ergo significatur nobis, quod non debeat fides scindi, sed solida permanere.

R. Isti sunt triumphatores. vel Isti sunt agni. 88.

Q V I N T A D I E.

In secundo Nocturno.

Sermo S. Augustini Episcopi.

Lib. 2. de consensu Euang. c. 2. Lect. iv.

Matthæus, & Ioannes, etiam scripta de Christo, quæ scribenda visa sunt, libris singulis ediderunt; at ne putaretur, quod attinet ad percipiendum, & prædicandum Euangelium interesse aliquid vtrum illi annuntient, qui eundem Dominum

hic

S E X T A D I E.

In secundo Nocturno.

De Sermone S. Augustini Episcopi.

Lectio iij.

ET quamuis singuli suum quendā narrandi ordinem tenuisse videntur, non tamen vnusquisque eorū velut alterius præcedentis ignarus voluisse scribere reperitur, vel ignorata prætermisisse quæ scripsisse alius inuenitur: sed sicut vnicuique inspiratum est, non superfluum cooperationem sui laboris adiunxit. Nam Matthæus suscepisse intelligitur incarnationem Domini secundum stirpem regiam, & pleraque secundum hominem præsentem vita, & facta, & dicta eius. Marcus eum subsecutus, tamquam pedisequus, & breuiator eius videtur. Cum solo quippe Ioanne nihil dixit, solus ipse per pauca, cum solo Luca pauciora, cum Matthæo verò plurima, & multa penè toridem, atque ipsis verbis, siue cum solo, siue cum ceteris consonante.

R. Vidi, vel Lux. 87. Lectio v.

Vcas autem circa sacerdotalem Domini stirpem, atque personam magis occupatus apparet: nam & ad ipsum Dauid, non regium stemma secutus, ascendit, sed per eos, qui reges non fuerunt, exijt ad Nathan filium Dauid, qui nec ipse rex fuit; nō sicut Matthæus, qui per Salomonem regem descendens, ceteros etiā reges ex ordine prosequutus est, seruans in eis, de quo postea loquemur, mysticū numerum. Dominus enim Iesus Christus vnus verus Rex, sacerdos, illud ad regendos nos, istud ad expiandos; has duas personas apud antiquos Patres singillatim commendatas suam figuram egisse declarauit, multisque documentis diuinarum scripturam Rex, & Sacerdos Christus apparet.

R.

Hic in carne apparentem discipulatu famulante secuti sunt, an ij, qui ex illis fideliter comperta crediderunt, diuina prouidentia procuratum est per Spiritum sanctum, vt quibusdam etiam ex illis, qui primos Apostolos sequebatur, non solum annuntiandi, verum etiam inscribendi Euangelium tribueretur auctoritas. Hi sunt Marcus, & Lucas.

R. Vidi, vel Lux. 87. Lectio v.

Isti igitur quatuor Euangelistæ, vniuerso terrarum orbe notissimi, & ob hoc fortasse quatuor, quoniam quatuor sunt partes orbis terræ, per cuius vniuersitatem Christi Ecclesiā dilatari ipso sui numeri sacramento quodammodo declararunt, hoc ordine scripsisse perhibentur. Primum Matthæus, deinde Marcus, tertio Lucas, vltimo Ioannes. Vnde alius eis fuit ordo cognoscendi, atque prædicandi, alius autem scribendi. Ad cognoscendum quippe atque prædicandum, primi vtique fuerunt, qui sequuti Dominum in carne præsentem, dicentem audierunt, facientemque viderunt, atque ex eius ore ad Euangelizandum missi sunt.

R. Beati, vel Virtute. 87. Lectio vi.

Sed in conscribendo Euangelio, quod diuinitus ordinatum esse credendum est, ex numero eorum, quos ante passionem Dominus elegit, primum, atque vltimum locū duo tenuerunt, primum Matthæus, vltimum Ioannes: vt reliqui duo, qui ex illo numero non erant, sed tamen Christum in illis loquentem secuti erant, tamquam filii amplectendi; ac per hoc in loco medio constituti, vtroque ab eis latere munirentur. Horum sanè quatuor solus Matthæus Hebræo scripsisse perhibetur eloquio, ceteri Græco. R. Isti sunt triūphatores, vel Isti sunt agni. 88.

R. Beati, vel Virtute. 87. Lectio. vi.

Cum ergo Matthæus circa Regis, Lucas circa Sacerdotis personam gererent intentionem, utique humanitatem Christi maximè commendarunt: Secundum hominem quippè Christus, & rex, & sacerdos effectus est, cui dedit Deus sedem David patris sui, ut regni eius non esset finis, & esset ad interpellandum pro nobis mediator Dei, & hominū homo Christus Iesus. Non autem habuit tamquam breuiatorem coniunctum Lucas, sicut Marcum Matthæus: & hoc fortasse non sine aliquo sacramento, quia regum est non esse sine comitum obsequio; unde ille, qui regiam personam Christi enarrandam suscepit, habuit sibi tanquam comitem adiunctum, qui sua vestigia quodammodo sequeretur. Sacerdos autem, quoniam in sancta sanctorum solus intrabat, propterea Lucas, cuius circa sacerdotium Christi erat intentio, non habuit tamquam socium subsequentem, qui suam narrationem quodammodo breuiaret. R. Isti sunt triumphatores, vel Isti sunt agni. 88.

SEPTIMA DIE

In secundo Nocturno.

De Sermone S. Augustini Episcopi.

Supra cap. 5.

Lectio. iv.

Proinde cum duæ virtutes proposita sint animæ humanæ, una actiua, altera cōtemplatiua; intelligi datur, si diligenter aduertas, tres Euangelistas temporalia facta Domini, & dicta, quæ informandos mores vitæ præsentis maximè valerent, copiosius persecutos, circa illam actiuam virtutem fuisse versatos. Ioannem verò facta Domini multò pauciora narrantem, dicta verò eius ea præfertim, quæ Trinitatis vnitatem, & vitæ eternæ felicitatem insinuarent,

diligentius, & vberius conscribentem, in virtute contemplatiua commendandam suam intentionem, prædicatione tenuisse. R. Vidi. vel Lux. 87.

Lectio. v.

Vnde mihi videntur, qui ex Apocalypsi illa quatuor animalia ad intelligendos quatuor Euangelistas interpretati sunt, probabilius aliquid attendisse, illi, qui Leonem in Matthæo, hominem in Marco, vitulum in Luca, aquilam in Ioanne intellexerunt: de principijs enim librorum quandam coniecturam alii capere voluerunt nō de tota intentione Euangelistarum, quæ magis fuerit perscrutanda: multò enim congruentius ille, qui regiam Christi personam maximè commendauit, per leonem significatus accipitur; unde & in Apocalypsi cum ipsa tribu regia leo commemoratus est: Vicit leo de tribu Iuda. Quod autem per vitulum Lucas significatus sit propter maximam victimam sacerdotis, neutri dubitauerunt.

R. Beati, vel Virtute. 87. Lectio. vi.

Marcus ergo, qui neque stirpem regiam, neque sacerdotalem vel cognationem, vel consecrationem narrare voluit, & tamen in eis versatus ostenditur, quæ homo Christus operatus est, tantum hominis figura in illis quatuor animalibus significatus videtur. Hæc autē animalia tria in terra gradiuntur: unde isti tres Euangelistæ in his maximè occupati sunt, quæ Christus in carne operatus, & quæ præcepta mortalis vitæ exercenda carnem portantibus tradidit. At verò Ioannes super nubila infirmitatis humanæ velut aquila volat lucem incōmutabilis veritatis acutissimis atque firmissimis oculis cordis intuetur. R. Isti sunt triumphatores, vel Isti sunt agni. 88.

IN DIE OCTAVA:

In secundo Nocturno.

In die Octaua S. Lucæ leguntur tres
Lect. de Exposit. S. Greg. super Ezech.

Sancta quatuor animalia, &c. vt in

Breuiar. de Comuni Euangelistarum.

In die verò octaua S. Matthæi. & S.
Marci leguntur tres sequentes lect.

De expositione S. Gregorij Papæ su-
per Ezechielem Prophetam.

Homil. 3. lib. 1.

Lectio iv.

Quatuor ergo facies vni sunt,
quia si requiras quid Matthæus
de incarnatione Domini sentiat; hoc
nimirum sentit; quod Marcus, Lu-
cas, & Ioannes. Si quæras, quid Ioan-
nes sentiat: hoc proculdubio, quod
Lucas, Marcus, & Matthæus. Si quæ-
ras quid Marcus: hoc quod Mat-
thæus, Ioannes, & Lucas. Si quæras
quid Lucas: hoc quod Ioannes, Mat-
thæus, & Marcus sentit. Quatuor er-
go facies vni sunt: quia noticia fidei,
qua cognoscuntur à Deo, ipsa est in
vno, quæ est simul in quatuor. Quid-
quid enim in vno inueneris, hoc in
omnibus simul quatuor cognosces.
Be. Vidi. vel Lux perpetua. 87.

Lectio v.

Et quatuor pennæ vni, quia Dei
omnipotentis filium Dominum
nostrum Iesum Christum simul om-
nes cōcorditer prædicant, & ad diui-
nitatem eius mentis oculos leuantes
penna contemplationis volant. Euā-
gelistarum ergo facies ad humanita-
tem Domini pertinet, penna ad di-
uinitatem, quia in eo corporeum
aspiciunt, quasi facies intendunt.
Sed hunc esse incircumscrip-
tum atque incorporeum ex diuinitate
annunciat, per contemplationis pen-
nam quasi in aere leuantur. Quia
itaque vna est fides incarnationis
eius in omnibus, & par contempla-
tio diuinitatis eius in singulis, recte
Octau. Rom.

nunc dicitur: Quatuor facies vni, &
quatuor pennæ vni. Be. Beati. vel
Virtute. 87. Lectio vi.

Sed quæ virtus esset, si fidem, at-
que contemplationem Domini
habentes prædicatores illius, sancta
opera non haberent? Sequitur. Et
pedes eorum pedes recti. Quid per
pedes, nisi gressus actuum designan-
tur? quatuor ergo animalium pedes
recti esse describuntur, quia sancto-
rum Euangelistarum, atque omniū
perfectorum opera ad sequendam
iniquitatem non sunt retorta. Hi
autem pedes rectos non habent, qui
ad mala mundi, quæ reliquerunt, re-
flectuntur. De quibus scriptum est:
Canis reuersus ad suum vomitum.
Be. Isti sunt triumphatores. vel Isti
sunt agni. 88.

**INFRA OCTAVAM
EVANGELISTARVM.**

In tertio Nocturno.

SECUNDA DIE.

Lectio sancti Euangelij secundum
Lucam. Lectio vij. Cap. 10.

In illo tempore: Designauit Do-
minus & alios septuaginta duos.
Et misit illos binos ante faciem suā
in omnem ciuitatem, & locum, quod
erat ipse venturus. Et reliqua.

De Homilia S. Gregorij Papæ.

Ex Homil. 17. in Euang.

Missis autem prædicatoribus,
quid dicat audiamus. Messis
quidem multa operatorij autem pau-
ci. Ad messem multā operatorij pauci
sunt, quod sine graui mærore loqui
non possumus: quia etsi sunt, qui bo-
na audiunt, desunt tamen qui dicant.
Ecce mundus sacerdotibus plenus
est, sed tamen in messe Dei rarus val-
de inuenitur operator: quia officium
quidem sacerdotale suscipimus, sed

G opus

opus officij non implemus. Sed pensate, fratres charissimi, pensate, quod dicitur: Rogate Dominum messis, vt mittat operarios in messem suam. Vos pro nobis petite, vt digna vobis operari valeamus, ne ab exhortatione lingua torpeat, ne postquam predicationis locum suscipimus, apud iustum iudicem nostra nos taciturnitas addicat. *R. Isti sunt, qui. vel Ego sum vitis. pro varietate temporis. 92.*

Lectio vii.

Sed vtinam si ad predicationis virtutem non sufficimus, loci nostri officium in innocentia vite teneamus. Nam subditur: Ecce ego mitto vos sicut agnos inter lupos. Multi autem cum regiminis curam suscipiunt, ad lacerandos subditos inardescunt. Terrorem potestati exhibent, & quibus prodesse debuerat, nocent. Et quia charitatis viscera non habent, domini videri appetunt, patres se esse minimè recognoscunt, humilitatis locum in elationem dominationis immutant. Et si quando extrinsecus blandiuntur, intrinsecus sauiunt. De quibus alias veritas dicit: Veniunt ad vos in vestimentis ouium, intrinsecus autem sunt lupi rapaces. *R. Isti sūt. vel Candidi. 92.*

Lectio ix.

Contra quæ omnia considerandum nobis est, quia sicut agni inter lupos mittimur, vt sensum seruantes innocentie, morsum malitie non habeamus. Qui enim loci predicationis suscipit, mala inferre non debet, sed tolerare: vt ex ipsa sua mansuetudine iram sauientium mitiget, & peccatorum vulnera in alijs ipse afflictionibus vulneratus sanet. Quod tunc benè rector exhibet, cum seipsum diligere per amorem priuatum nescit, cum nulla, quæ mundi sunt, appetit, cum terrenæ cupidita-

tis oneribus nequaquam mentis colla supponit. Vnde & subditur: Noli te portare sacculum. *I. e. Deum.*

TERTIA DIE.

In tertio Nocturno.

Lectio sancti Euangelij secundum Lucam.

Lectio vii.

In illo tempore: Designauit Dominus, & alios septuaginta duos. Et misit illos binos ante faciem suam in omnem ciuitatem, & locum, quod erat ipse venturus. Et reliqua.

De Homilia S. Gregorij Papæ.

Ex Homil. 18. in Euang.

Predicatori tanta debet in Deo esse fiducia, vt præsentis vite sumptus quamuis non provideat, tamen sibi hoc non deesse certissime sciat: ne dum mens eius occupatur ad temporalia, minus alijs provideat æterna. Quæ si quis verba etiam per allegoriam velit intelligi, in sacculo pecunia clausa est: pecunia verò clausa est sapientia occulta. Qui igitur sapientie verbum habet, sed hoc erogare proximo negligit, quasi pecuniam in sacculo ligatam tenet. Vnde scriptum est: Sapientia ascondita, & thesaurus occultus, quæ utilitas in vtrisque? *R. Isti. vel Ego. 92.*

Lectio viii.

Ecce autem, qui peram, & sacculum portare prohibuit, sumptus, & alimenta ex eadem predicatione concedit. Nam subditur: In eadē autem domo manete, edentes, & bibētes quæ apud illos sunt: vt ab eis terrena stipendia consequamur, quibus præmia vite celestis offerimus. Vnde etiam Paulus hæc ipsa pro minimo suscipiens, dicit: Si nos vobis spiritalia seminauimus, magnum est, si vestra carnalia metamus? Et notandum, quod subditur: Dignus est operarius mercede sua: quia iam de mercede sunt operis sicut ipsa alimenta sustentata.

stentationis, vt hic merces de labore prædicationis inchoetur, quæ illic de veritatis visione perficitur. *Re. Isti.*
vel *Candidi. 92.* *Lectio ix.*

Sed quid nos, quod tamen sine dolore dicere non possumus, quid nos, o pastores, agimus, qui & mercedem consequimur, & tamen operari nequaquam sumus? Fructus quippe sanctæ Ecclesiæ in stipendio quotidiano percipimus, sed tamen pro æterna Ecclesiâ minimè in prædicatione laboramus. Pensamus, cuius damnationis sit, sine labore hic percipere mercedem laboris. Ecce ex oblatione fidelium vidimus, sed nûquid pro animabus fidelium laboramus? Illa in stipendium nostrum sumimus, quæ pro redimendis peccatis suis fideles obtulerunt, nec tamen contra peccata eadem, vel orationis studio, vel prædicationis, vt dignum est, infudamus. *T. e Deum.*

Q V A R T A D I E.

In tertio Nocturno.

Lectio sancti Euangelij secundum Lucam. *Lectio vij.*

In illo tempore: Designauit Dominus & alios septuaginta duos. Et misit illos binos ante faciem suâ in omnem ciuitatem, & locum, quod erat ipse venturus. Et reliqua.

De Homilia S. Gregorij Papæ.

Homilia 17. in Euangelia.

Sed quomodo nos vitâ corrigere valeamus alienâ, qui negligimus nostram? Curis enim secularibus intenti, tantò insensibiliores intus efficitur, quantò ad ea, quæ foris sunt, studiosiores videmur. Vsu quippe curæ terrenæ à cœlesti desiderio obdurescit animus: & dum ipso suo usu durus efficitur per actionem sæculi, ad ea molliri non valet, quæ pertinent ad charitatem Dei. Sacerdos enim non distat à populo, quando

nullo merito vitæ suæ vulgi transcedit actionem. Imploremus Ieremiæ lacrymas: Quomodo obscuratum est aurum, mutatus est color optimus, dispersi sunt lapides sanctuarij in capite omnium platearum? Aurum quippe obscuratum est: quia sacerdotum vita, quondam per gloriâ virtutum clara, tunc per actiones infirmas ostèditur reproba. *Re. Isti.* vel *Ego sum. 92.* *Lectio viii.*

Color optimus est mutatus: quia iste sanctitatis habitus per terrena, & abiecta opera ad ignominiam despectionis venit. Lapidès verò sanctuarij intrinsecus habebantur, nec sumebantur in summi sacerdotis corpore: nisi cum sancta sanctorum ingrediens, in secreto sui conditoris apparebat. Nos ergo sumus lapides sanctuarij, qui apparere semper debemus in secreto Dei: quos numquam necesse est foris conspici, idest, numquam in extraneis actibus videri. Sed dispersi sunt lapides sanctuarij in capite omnium platearum: quia hi, qui per vitâ probam & orationem intus semper esse debuerant, per vitam reprobam foris vacant. Ecce iam penè nulla est sæculi actio, quam sacerdotes non administrent. *Re. Isti.* vel *Candidi. 92.* *Nona Lect.* vel de *S. Vitale*, vel de *S. Hilarione.*

Q V I N T A D I E.

In tertio Nocturno.

Lectio sancti Euangelij secundum Lucam. *Lectio vij.*

In illo tempore: Designauit Dominus & alios septuaginta duos: Et misit illos binos ante faciem suâ in omnem ciuitatem, & locum, quod erat ipse venturus. Et reliqua.

Homilia S. Ambrosij Episcopi.

Lib. 7. in Luc.

Si quem mouet, qua ratione in Ægypto calceati iubentur odere

agnum, Apostoli autem sine calceamentis ad prædicandum Euangelium diriguntur: is considerare debet, quia in Ægypto positus debet adhuc morsus cauere serpentis: multa enim venena in Ægypto, & qui in typo pascha celebrat, patere potest vulneri, qui autem minister est veritatis, euertat venena, non trepidat. Et ut scias hoc verum esse, ipse Dominus ait: ecce dedi vobis potestatem calcandi super serpentes, & scorpiones, & supra omnes virtutes inimici, & nihil vobis nocebit. *R. Isti, vel Ego sum. 92.* *Lectio viij.*

Non virgas in manu iubentur tollere Apostoli. Quid est virga, nisi proferenda potestatis insigne, & vlciscendi instrumentum doloris? ergo humilis Domini (in humilitate enim iudicium eius sublatum est) humilis, inquam, Domini præceptum discipuli eius, humilitatis officijs, exequuntur: eos enim misit ad seminandam fidem, qui non cogeret, sed docerent: nec vim potestatis exerceret, sed doctrinam humilitatis attollerent. Habet tamen quos, & cum virga Apostolos miserit, sicut Paulus testificatur dicens: quid vultis? in virga veniam ad vos, an in charitate, & spiritu mansuetudinis? Hanc virgam etiã & Timotheo dedit Apostolus, dicens: Argue, obsecra, increpa: aut fortasse ante passionem Domini, quæ mutatum populorum corda firmavit, necessaria sola fuerit mansuetudo, post passionem correptio? *R. Isti, vel Candidi. 92.* *Lectio ix.*

Certe mulceat Dominus, increpet Paulus: suadeat, qui potest pectora etiam dura mollire, arguat qui non potest vniuersa suadere. Virgam igitur Paulus ex doctrina legis assumpserat, legerat enim: Qui parcat baculo, odit filium suum: & ideo

Dominus in veteri testamento ait: Visitabo in virga iniquitates eorum. In nouo autem se ipsum obtulit, ut ignosceret vniuersis, dicens: si me queritis, finite hos abire. Sed & Paulus, virgam quidem minatur, sed in spiritu mansuetudinis visitat delinquentes. Denique ut scias mitem esse doctorem, eorum ipsorum, quos arguit, consulit voluntatem: quid vultis, inquit, in virga veniam ad vos, an in charitate & spiritu mansuetudinis? semel virgam dixit, bis mitiora subiecit, adiiciens mansuetudinem charitati. *T. e Deum.*

S E X T A D I E.

In tertio Nocturno.

Lectio sancti Euangelij secundum Lucam. *Lectio vij.*

In illo tempore: Designauit Dominus, & alios septuaginta duos. Et misit illos binos ante faciem suam in omnem ciuitatem, & locum, quod erat ipse venturus. Et reliqua.

De Homilia S. Ambrosij Episcopi.

Fortasse quibusdam hoc durum, & superbum, nec mansueti, & humilis Domini præcepto conuenire videatur, quod ille, qui etiam accubitionis loco præcepit esse cedendum, hoc loco mandet discipulis: Neminem salutaueritis in via, cum iste communis sit usus gratiæ. Sic inferiores superiorum sibi fauorem conciliare consueuerunt. Gentiles quoque cum christianis habent huiusmodi officiorum commercia: quomodo Dominus hunc usum humanitatis auellit? *R. Isti, vel Ego sum. 92.*

Lectio viij.

Sed considera, non hoc esse solum, neminem salutaueritis: sed non frustra additum: In via. Denique & Eliseus cum mitteret seruum suum, ut baculum eius poneret supra corpus defuncti pueruli, mandauit ei, ne

per

per viam aliquem salutaret. Festinatio enim iubebat eum contendere, vt celebrande resurrectionis exequeretur officium, ne confabulatione alicuius obuij, mandato deflecteretur a munere. *Re. Isti. vel Cádidi. 92.*

Lectio ix.

Ergo & hic non salutationis officium aufertur, sed obstaculum impediende deuotionis aboletur: vt quando diuina mandantur, paulisper sequestrentur humana. Pulchra est salutatio, sed eo pulchrior, quò præceptorum maturior executio diuinorum, quæ per moram sæpè traxit offesam. Ideò autem & honesta prohibentur, ne solemnis gratia obrepat officij, & impediat ministerium, cuius mora culpa sit. Te Deum.

S E P T I M A D I E.

In tertio Nocturno.

Lectio sancti Euangelij secundum Lucam.

Lectio vii.

In illo tempore: Designauit Dominus & alios septuaginta duos. Et misit illos binos ante faciem suam in omnem ciuitatem, & locum, quod erat ipse venturus. Et reliqua.

Homilia S. Augustini Episcopi.

Serm. 42. de Sanctis circa medium.

Ipse Dñs noster loculos habuit in via, & ipsos loculos Iudæ commendauerat. Patiebatur quidem furem. Sed ego a Domino meo discere cupiens dico: Domine patiebaris furem, vnde habebas vnde tolleret, me hominem miserum & infirmum monuisti nec sacculum portare. Tu portasti loculos, & erat, vbi furem patereris. Si non portares nec ille inueniret, quod auferret. Quid restat nisi quòd hic dicat mihi; intellige, quod audis, noli portare sacculum. Quid est sacculus? pecunia clausa, id est, occulta sapientia. Nolite fieri sapientes penes vosmetipsos. Acci-

pitate Spiritum sanctum. Fons in te debet esse, non sacculus, vnde erogatur, non vbi includatur. *Re. Isti. vel Ego sum. 92.*

Lectio viii.

Neminem salutetis in via. Potest quidem & simpliciter sic accipi, quia iussit nos festinanter agere iniuncta. Sed est aliud, quod hic magis recogitem non dissimile intelligere, quod plus pertinet ad me, & ad omnes dispensatores, sed & ad vos auditores. Qui salutat, salutem dicit: Nā & antiqui in epistolis suis sic scribebant, ille illi salutem. Salutatio a salute nomen accepit. Qui salutant in via, per occasionem salutant. Video vos citò intellexisse, nec tamen debeo iam finire. Non enim omnes citò intellexistis. Sed quia de via loquimur, tamquam in via ambulemus. Veloces tardos expectare, & pariter ambulare. *Re. Isti. vel Cádidi. 92.*

Lectio ix.

Vid ergo dixi, Qui in via salutatur, per occasionem salutatur? Non ad eum ibat, quem salutatur. Aliud agebat, aliud occurrit, aliud petebat, aliud transuerso quod ageret inuenit. Si ergo prædicas, hoc age per dilectionem, non per occasionem. Sunt ergo homines, qui suam querentes, non aliud prædicant Euangelium: de quibus Apostolus gemens dicit, Omnes enim sua querunt, non quæ Iesu Christi. Et hi salutabant, hoc est, salutem annunciabant, Euangelium prædicabant, sed aliud quærebant, & ideò per occasionem salutabant. Te Deum.

I N D I E O C T A V A.

In tertio Nocturno.

In die Octaua Sancti Marci leguntur præcedentes tres Lectiones de Homilia sancti Augusti. Ipse Dñs, &c. 101.
In die verò Octauas S. Lucæ leguntur sequentes Lect.

**Lectio sancti Euangelij secundum
Lucam.** *Lectio vij.*

IN illo tempore: Designauit Dominus, & alios septuaginta duos. Et misit illos binos ante faciem suam in omnem ciuitatem, & locum, quod erat ipse venturus. Et reliqua.

Homilia venerab. Bedæ Presbyteri.

Ex Comment. in Lucam.

Sicut duodecim Apostolos formam Episcoporum exhibere simul, & præmonstrare nemo est, qui dubitet: sic & hos septuaginta duos figuram presbyterorum, idest, secundi ordinis sacerdotum gessisse sciendum est: tamen primis Ecclesiæ temporibus, vt Apostolica scriptura testis est, vtrique presbyteri, vtrique vocabantur Episcopi; quorum vnum sapientiæ maturitatem, alterum industriam curæ pastoralis significat. Bene autem septuaginta duo mittuntur: siue quia totidem mundi gentibus Euangelium prædicandum erat; vt quomodo duodecim tribus Israel, ita & hi propter exterarum gentes destinarentur imbuendas: seu quod ipso prædicantium numero totus orbis per Euangelium summæ, & indiuiduæ Trinitatis illustrandus intimabatur. *℟. Isti. vel Candidi. 92.*

Lectio viij.

Sicut solem hunc constat triduum suæ lucis ambitum mundo per septuaginta duas horas afflare solitum: nam & Dominus ipse se diem, suos verò Apostolos horas appellat, dicens: Nonne duodecim horæ sunt diei? Si quis ambulauerit in die, non offendit. Et in psalmis præcipitur: bene nunciate diem de die salutari eius: hoc est, lumen de lumine, Deum verum de Deo vero. Sed & multis sanctæ scripturæ locis per tres dies mysterium Trinitatis ostenditur, præcipue quia Domi-

nus tertia die resurrexit à mortuis. Sed & in veteri testamento populus ad montem Sinai perueniens, die tertia legem accepit. Idem fluuium Iordanem, quo baptismi gratia commendata est, tertia, quam adierat, die transiit. *T e Deum.*

Nona Lect. de SS. Chrysantho, & Daria martyres.

INFRA OCTAVAM VNIUS MARTYRIS PONT. SECUNDA DIE.

In secundo Nocturno.

Sermo Sancti Fulgentij Episcopi.

De Sancto Cypriano. *Lectio iij.*

CLaram tanti martyris natalis diem beati scilicet N. quo terrenis, ac moribundis membris exutus, ad æternæ præmiæ vitæ transmigravit, & sacerdotij eius doctrinam, ac martyrij nobis victoriam commendauit, fecitque ex temporalis quondam tristitia liberiores. Dum enim inter periculum cruentæ mortis, & gloriæ deuoti certaminis Episcopus confitendo patitur, Ecclesia orando compatitur. Quis nesciat, hunc ipsum, qui nunc annua circumstitutione festus nobis reuoluitur dies, Christianis, ac religiosis mentibus illo tunc tempore fuisse sollicitum, dum aduersus diabolum ab antistite, suscepto culmine, pia plebis expectatio trepidaret, atque ita fides resisteret persequenti, ne caro succumberet blandienti; ita pastor præcederet, ne ouile desereret, desertumque lupus inuaderet.

℟. Honestum fecit illum Dominus, & custodiuit eum ab inimicis, & a seductoribus tutauit illum. Et dedit illi claritatem æternam. V. Descenditque cum illo in foueam: & in vinculis non dereliquit eum. Et dedit.*

Le.

Lectio v.

Dolebat ecclesia subtrahunt interim suo consortio tam clarissimum sacerdotem: sed tamen gaudebat prostrato aduersario Christi martyrem extitisse victorem. Erat in memoria doctrina laudabilis, verfabatur ante oculos virtus mirabilis, quando Sanctus Deo seruabat, quod docuerat, & quid ceteri facere deberent, non iam verbis, sed operibus demonstrabat; fidem sermonum exemplis, rerum valida soliditate confirmans; credens, & confitens pro omnium salute Christum mortuum, ac se pro eius nomine non subtrahere occidendum. Cuius enim sanguine, tunc indignus redemptus fuerat, dignum suum sanguinem pro illo fundebat, & cuius sanguinem in hac vita fideliter biberat, ab ipso sibi æternam vitam reddi posse crediderat.

R. Desiderium animæ eius tribuisti ei Domine, * Et voluntate labiorum eius non fraudasti eum.

V. Quoniam præuenisti eum in benedictionibus dulcedinis: posuisti in capite eius coronam de lapide pretioso. Et.

Lectio vj.

Interritus contempsit principum iussa, & iudicum edictum. Paratus excepit percussoris ictum, & animum soli Deo subditum etiam ipsa mors seruauit inuictum. Denique nihil eum reuocauit a pastore, gregisque custodia, apparitor violētus, persecutionis tempus, iudicis metus, imminens gladius, proximus mortis occasus. Proinde considerantes eius luctam, perseuerantiam, victoriam pariter & coronam, & quid euaserit, quò peruenit, dulci mentis speculo refouentes, annua deuotione cantemus: Benedictus Dominus, qui non dedit nos in venatione

dentibus eorum: laqueis contritus est, & nos liberati sumus.

R. Stola iucunditatis induit eum Dominus: * Et coronam pulcherrimam posuit super caput eius. **V.** Cibauit illū Dominus pane vitæ, & intellectus: & aqua sapientiæ salutaris potauit illum. Et coronam. Gloria Patri. Et coronam.

T E R T I A D I E.

In secundo Nocturno.

Sermo S. Augustini Episcopi.

De sancto Cypriano 12. Lectio iij.

Sermonem exigit tā grata, & resligiosa solemnitas: qua passionem beati martyris N. celebramus. Tristis proculdubio tunc Ecclesia fuit, non damno cadentis, sed desiderio recedentis: semper cupiens videre præsentem tam bonum rectorem, atque doctorem. Sed quos afflixerat sollicitudo certaminis, consolata est corona victoris. Et nunc non solum sine vlla tristitia, verum etiam cum ingenti lætitia cuncta, quæ tunc gesta sunt, legendo recolimus: dieque isto gaudere nobis cōcessum est, non timere. Neque enim formidamus terribiliter venientem, sed expectamus hilariter redeuntem.

R. Honestum. 102. Lectio v.

Vicina corporis morte, nō moriebatur in animo pastoris vigilantia pastoralis: & cura tuēdi Dominici gregis vsque ad extremum vitæ huius diem mente sobria tenebatur. Nec excutiebat ab animo diligentia fidelissimi dispensatoris manus iam proxima cruenti carnificis. Ita se martyrem cogitabat futurum, ut esse non obliuisceretur Episcopū: magis curans, quam rationem Pastori Principi de commissis sibi ouibus redderet, quā quid infideli de fide propria responderet. Amabat quippe eū, qui Petro dixerat, Amas

G 4 me?

me? Pasce oues meas. Et pascobat oues eius, pro quibus sanguinem fundere illum imitans preparabat.

R. Desiderium. 103.

Lectio vj.

P Ræcesserunt eum multi Martyres, quos flagrantissimis exhortationibus suis ad vincendum diabolum accenderat: & erat utique iustum, ut quos veridicus loquendo præmiserat, patiendi intrepidus sequeretur. Quid ad hæc dicamus? quid ad hæc exultemus tanta conceptione gaudiorum? in quid erumpat cor nostrum, & os nostrum? Habentes memoriam præsentis loci festiuitatem solemnissimi diei, propositionem saluberrimi exempli, omnibus medullis nostris dicamus. Deo gratias.

R. Stola in cunctis. 103.

Q V A R T A D I E.

In secundo Nocturno.

Sermo Sancti Petri Chrysologi.

De S. Apollinar. 128.

Lectio iij.

M ERITO Sanctus N. quia iuxta mandatum Dei sui perdidit animam suam, eam inuenit in vitam sempiternam. Beatus, qui ita cursum consummauit, fidem seruauit, ut verè primus à credentibus suo reperiretur in loco. Nec eum quisquam confessoris vocabulo minorem credat esse quam martyrem, quem, Dei nutu, quotidianum, & multiplicem reuerfum conspicit ad agonem. Audi Paulum dicentem: Quotidie morior. Semel mori parum est ei, qui potest Regi suo gloriosam sæpè de hostibus referre victoriam.

R. Honestum. 102.

Lectio v.

N ON tam mors, quam fides, & deuotio martyrem facit: & sicut virtutis est in acie, in conflictu, pro regis amore succubere; ita perfectæ virtutis est diu agere, & consummare certamina. Nō ideo persequutus est martyrè, quia nō statim intu-

lit mortè; sed probauit martyrem; quia non elicit fidē, iniecit tela, quæ potuit, & omnia armorum suorum genera callidus exegit inimicus; nec tamē fortissimi ductoris mouere mentem potuit, aut temerare constantiā.

R. Desiderium. 103.

Lectio vj.

S ED ut propugnatorem suum sibi Ecclesia sancta retineret, Christo vehementer occurrit; ut vincenti iustitiæ reseruaret coronā, & sibi belli tempore præliatoris sui præsentiam condonaret: & quid plura, fratres? Egit, egit Ecclesia sancta mater, ut nusquam à suo separaretur Antistite. Ecce viuit. Ecce ut bonus pastor suo medi' assistit in grege: nec umquā separatur spiritu, qui corpore præcessit ad tēpus: extinctus est diabolus, persecutor occubuit: ecce regnat, & viuit, qui pro Rege suo desiderauit occidi, qui viuit, & regnat Deus per omnia seculorum secula. **R.** Stola. 103.

Q V I N T A D I E.

In secundo Nocturno.

Sermo S. Augustini Episcopi.

De verb. Dom. 50.

Lectio iij.

P ASTOR bonus Christus. Quid Petrus? Nonne bonus pastor? Nonne & ipse animam suam pro ouibus posuit? Quid Paulus? Quid ceteri Apostoli? Quid eorum tempora cōsequentes beati Episcopi Martyres? Quid etiam iste Sanctus N.? Nonne omnes pastores boni, non mercenarii, de quibus dicitur, Amen dico vobis, perceperunt mercedem suam? Omnes ergo illi pastores boni, non solum quia sanguinem fuderunt, sed quia pro ouibus fuderunt. Non enim fuderunt elatione, sed charitate.

R. Honestum. 102.

Lectio v.

N AM & apud hēreticos, qui propter iniquitates, & errores suos aliquid molestiarum perpeffi fuerūt, nomine martyrij se iactant: ut hoc pal-

pallo dealbati facilius furētur, quia lupi sūt. Si autem vultis scire, in quo numero habendi sunt, pastorem bonum Paulum Apostolū audite: Quoniam non omnes, qui corpora sua in passione etiam ignibus tradunt, estimandi sunt sanguinem fudisse pro ouibus, sed potius contra oues. Si distribuero, inquit, omnia mea pauperibus, & tradidero corpus meum, vt ardeam: iam ipsi sunt. Sed vide, quid sequitur? Charitatem autem non habeam, nihil mihi prodest. Ecce venit ad passionem, ecce venit & ad sanguinis effusionem, venit & ad corporum incensionem: & tamen nihil prodest, quia charitas deest. Adde charitatem, profunt omnia: detrahe charitatem, nihil profunt cetera. *R. Desiderium. 103.*

Lectio vi.

Quale bonū est charitas ista, fratres? Quid pretiosius? Quid luminosius? quid firmitus? quid vtilius? quid securius? Quomodo autē habet vel exiguam charitatem, qui etiā cōuictus non amat vnitatem? Hāc Dominus vnitatē commendans, pastoribus bonis cōmendans pastores bonos, noluit multos appellare pastores. Neque enim vt dixi iam, non erat pastor bonus Petrus, Paulus, Apostoli ceteri, & posteriores sancti Episcopi, beatusque N. Omnes hi pastores boni: & tamen ille pastoribus bonis non commendauit pastores bonos, sed pastorem bonum. Ego sum, inquit, pastor bonus.

R. Stola iucunditatis. 103.

S E X T A D I E.

In secundo Nocturno.

Sermo Sancti Maximi Episcopi.

De S. Cypriano, hom. 2.

Lectio iv.

In martyrio beatissimi N. fratres charissimi, vniuersi nobiscū Christi exultat Ecclesia, quā in omne gau-

dium & celestis eruditione sermonis instruxit, & munere triumphalis sanguinis decorauit. Fuit enim in eo, sicut compertum habemus, & contra errores diaboli spiritualis sapientiae plenitudo aduersum persecutiones mundi Christiani pectoris mitigata constantia. Quis non huiusmodi virum, quantis valet praconijs, prosequatur, cuius eloquentia inspirata diuinitus, & Ecclesias docuit, & seculum conserauit? *R. Honestum. 102.*

Lectio v.

Verē hic mirabilis, atque omnium vbiq; studijs celebrandus, quem sanctitas sacerdotem, peritia doctorem, fides martyrem consecrauit. Pretiosa, inquit David, in conspectu Domini mors sanctorū eius. Videte, charissimi, in quantum venerabilis N. etiam prophetica supergressus est laudem, cuius in conspectu Domini non solum mors, sed & vita extitit pretiosa. Moriendo namque, proprium Christo sanguinem dedit: viuendo nihilominus cohortatione fortissima, innumeros celo martyres acquisiuit. *R. Desiderium. 103.*

Lectio vi.

Vid hoc clarius sacerdote, qui celestis conuersationis emicuit, atque inter Angelicos cœtus, & sua factus est, & aliorum morte conspicuus? Iustissime hic cum Patriarcha David cantauit Domino Deo suo dicens: Cor meum, & caro mea exultauerunt in Deum viuū: exultauit itaque cor eius in Deum viuū, cum morientis, ac morituri seculi vanitate despecta, totum se diuinis mancipauit obsequijs: exultauit & caro eius in Deo, quæ de hoc mundo non miserī corruptione languoris, sed pijs pro religione supplicijs consecrata migravit. *R. Stola. 103.*

S E

SEPTIMA DIE.

In secundo Nocturno.

De Scr. S. Maximi Episc. Lectio iv.

Hic est ille Euāgelicus pater familias, proferens de thesauro suo noua, & vetera, qui veteris, notique testamenti vnum, atque idipsum mysterium prædicans, Ecclesias Christi, locupletissima disputatione ditauit. Incorruptibilis, atque indefessus illius est hodie thesaurus, qui pecuniam Domini sui numularij fenerans, quotidie in corde fidelium cœlestium diuitiarum sanctam conquirat vsuram.

R. Honestum. 102.

Lectio v.

Quid igitur, fratres, tāto speciosius viro, cuius hæc est regula, & mensura sermonis, vt inter varias hominum causas, motusque diuersos, nunc affectione patris, nunc auctoritate doctoris consoletur humiles, superbos comprimat, negligentes arguat, increpet infideles? Tantoque denique decore sacerdotium, vitamque suam vir fidelissimus adornauit, vt doctrinam suam subsequētibz confirmaret operibus, dominicam illam sententiam tenens: Qui docuerit & fecerit: hic magnus vocabitur in regno cœlorum.

R. Desiderium. 103.

Lectio vj.

Quam magnus hic, quamque præcipuus in regno cœlorum est, quem in omnem gloriam sermo propheticus, vita mirabilis, & mors Deo deuota sublimat? Nec immerito, fratres, tanto cum honore nominis eius memoria, per amplissima mundi spatia celebratur, quia per vniuersum orbem ad firmamentum fidei nostrę, & passio eius, & doctrina profecit. R. Stola. 103.

IN DIE OCTAUA.

In secundo Nocturno.

Sermō S. Ioannis Chrysostomi.

De S. Ignatio tom. 5.

Lectio iv.

Tempus animaduertite fratres, quo dignitatem Episcopalem Beatus Nect assecutus: neque enim est eadem nunc, quæ tunc erat Ecclesiam gubernandi conditio; non æqualis est labor viam tritam, & planè paratam post multos ingredi viatores, atque eam, quæ nunc primò secunda est, quæque prærupta & saxosa, ferisque plena, nec vllū adhuc viatorem admisit. Tunc autem, quocumque quis oculos verteret, vbique præcipitia, barathra, & bella, & pugne, & pericula: Imperatores, & Reges, & populi, & ciuitates, & gentes, & domestici, & alieni credentibus insidias tendebant.

R. Honestum. 102.

Lectio v.

Quemadmodū igitur gubernatorem admiramur, non quod viatores possit in portum incolumes ducere, cum mare tranquillum est, cumque naui fertur ventis secundis: sed cum insaniente pelago, ventisque sæuientibus, qui in naui sunt inter se dissentiant, magna tempestate intus, & foris nauigantes exagitante, nauim tamen potest dirigere, & conseruare; sic eos, qui tunc Ecclesiam regebant, multo magis, quam illos, qui eam in præsentia gubernant, suspicere debemus, & admirari, quando multa bella intus, & foris: quando fidei planta imbecillior erat adhuc, & diligentia magis indigebat, quando veluti modo genitus infans Ecclesię populus, magnam prouidentiam, atque sapientiam animæ, a qua nutriendus esset, postulabat.

R. Desiderium. 103.

Lectio vj.

Verū ne totū tempus in Episcopatus cōsideratione collocantes ab ijs, quæ ad eum, vt martyrem spectant, enarrandis excludamur, age ad illius certamina contenda-

damus. Versutus enim diabolus, & ad fruendas aptus insidias existimabat, si pastores sustulisset, ouilia se facile direpturum. Sed qui cōprehendit astutus in eorum astutia, ostendens Ecclesias suas nō ab hominibus gubernari, sed eos, qui in ipsum credunt semper à se regi, id fieri permittebat, vt, cū cerneret rectoribus sublati, non tamen religione deleri, nec veritatis prædicationem extinguī, sed potius augeri ex rebus ipsis, & ipse, & qui ei inferuebant, omnes intelligerent, Christianorum disciplinam, non ab hominibus pendere, sed in celis radices agere, Deumque esse, qui vbique Ecclesias tueretur.
R. Stola. 103.

INFRA OCTAVAM

VNIUS MARTYRIS PONT.

Homilia in Euangelia. Luca 14.

Si quis vult post me venire, &c.

In die festo habetur Homil. S. Greg.

Si consideramus, &c. in Breuiar. de conimuni vniuers Mart.

SECUNDA DIE.

In tertio Nocturno.

Lectio sancti Euangelij secundum Lucam.

Lectio vij.

IN illo tempore: Dixit Iesus turbis: Si quis venit ad me, & nō odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et reliq.

De Homilia sancti Gregorij Papæ.

Homilia 37. in Euangelia.

VT autem Dominus demonstraret hoc erga proximos odium, non de affectione procedere, sed de charitate, addidit protinus, dicens: Adhuc autem & animam suam. Odisse itaq; præcipimur proximos, odisse, & animam nostram. Cōstat er-

go quia amando debet odisse proximum, qui sic eum odit, sicut semetipsum. Tunc etenim benè nostram animam odimus cū eius carnalibus desiderijs non acquiescimus, cū eius appetitum frangimus, eius voluntatibus reluctamur. Quæ ergo contempta ad melius ducitur, quasi per odiū amatur. R. Corona aurea super caput eius. * Expressa signo sanctitatis, gloria honoris, & opus fortitudinis. V. Quoniam præuenisti eum in benedictionibus dulcedinis, posuisti in capite eius coronam de lapide pretioso. Expressa signo.

Lectio viij.

Sic sic nimirum exhibere uxori, & proximis nostris odij discretionē debemus; vt in eis & diligamus, quod sunt, & habeamus odio quod in Dei nobis itinere obstitunt. Certè cum Paulus Ierosolymam pergeret, propheta Agabus zonā illius apprehendit, suisque pedibus alligauit dicens: Virum, cuius hæc zona est, sic alligabunt Iudæi in Ierusalem. Sed is, qui animam suam perfectè oderat, quid dicebat? Ego non solū alligari, sed & mori in Ierusalem paratus sum pro nomine Domini Iesu Christi, nec facio animam meam pretiosiores, quàm me. R. Hic est verè martyr, qui pro Christi nomine sanguinem suum fudit. * Qui minas iudicis nō timuit, nec terrenæ dignitatis gloriā quæsiuit, sed ad cœlestia regna peruenit. V. Iustum deduxit Dominus per vias rectas, & ostēdit illi regnum Dei. Qui. G. loria. Qui.

Sequens Resp. quæritur post viij. Lectionem infra Octauas quinquæ sanctorum Mart. Pont. Marcelli. Ioannis, Si uerij. Martini, & Panciani.

R. Domine præuenisti eum in benedictionibus dulcedinis. * Posuisti in capite eius coronā de lapide pretioso.

fo. **V**itam petijt à te, & tribuisti ei longitudinē dierum in sæculū sæculi. Posuisti. **Glor.** Posuisti. **Lectio ix.**

Ecce quomodo animam suam amando oderat, imò odiēs amabat, quam cupiebat pro Iesu morti tradere, vt hanc ad vitam de peccati morte suscitaret. Ab ergo discretione odij nostri, trahamus formam ad odium proximi. Ametur quilibet in hoc mundo etiam aduersarius, sed in via Dei contrarius nō ametur etiam propinquus. Quisquis enim iam æterna concupiscit, in ea quam agreditur, causa Dei, extra patrem, extra matrem, extra vxorem, extra filios, extra cognatos, extra semetipsum fieri debet, vt eò verius cognoscat Deum, quo in eius causa neminem recognoscit. Te Deum.

T E R T I A D I E.

In tertio Nocturno.

Lectio sancti Euangelij secundum Lucam.

Lectio vij.

In illo tēpore: Dixit Iesus turbis: Si quis venit ad me, & nō odit patrem suum, & matrem, & vxorem, & filios, & fratres, & sorores, adhuc autem & animam suā non potest meus esse discipulus. Et reliqua.

De Homilia S. Gregorij Papæ.

Sciamus autem, quia cū de terra Philisthijm arca Domini ad terrā Israelitarū rediret, plaustro superimposita est, & vacca plaustro subiūcta sunt, quæ fetæ fuisse memorantur, quarū filius clausit domi. Et scriptum est: Ibant autem in directum vacca per viā, quæ ducit Bethsanis, vno itinere gradiebantur pergentes, & mugientes, & non declinabāt neq; ad dexteram, neque ad sinistrā. Quid ergo vacce, nisi fideles quosq; in Ecclesia designāt? qui dum sacri eloquij præcepta considerāt, quasi superimpositam sibi Domini arcam portant.

R. Corona. 107.

Lectio viij.

De quibus hoc etiam est notandum, quod fuisse fetæ memorantur: quia sunt plerique, qui in via Dei intrinsecus positi, foris carnalibus affectibus ligantur, sed nō declinant à recto itinere, quia arcam Dei portant in mente. Ecce enim vacca Bethsanis pergunt. Bethsanis quippe dicitur domus Solis, & propheta ait: Vobis autem, qui timeris Dñm, orietur Sol iustitiæ. Si ergo ad eternā Solis habitationem tendimus, dignū profectò est, vt de Dei itinere pro carnalibus affectibus non declinemus. Tota enim virtute pensandum est, quòd vacca Dei plaustro supposita pergunt, & gemunt. Dant ab intimis mugitus, & tamen ab itinere non deficiunt gressus. Sic nimirum prædicatores Dei, sic fideles quique esse intra sanctam Ecclesiam debent, vt compatiantur proximis per charitatem, & tamen de via Dei non exorbitent per compassionem.

R. Hic est. 107.

Lectio ix.

Hoc ipsum verò animæ odium qualiter exhiberi debeat, veritas subdendo manifestat, dicens: Qui non baiulat crucem suam, &c. Crux quippe à cruciatu dicitur. Et duobus modis crucem Dñi baiulamus, cū aut per abstinentiā carnē afficimus, aut per compassionem proximi, necessitatem illius nostram putamus. Qui enim dolorem exhibet in aliena necessitate, crucem portat in mente. Sciendum verò est, quòd sunt nonnulli, qui carnis abstinentiā nō pro Deo, sed pro inani gloria exhibent. Et sūt plerique, qui compassionem proximo nō spiritaliter, sed carnaliter impendunt, vt ei non ad virtutem, sed quasi miserendo ad culpas faueant. Hi itaque crucem quidem videntur ferre, sed Dominum non sequuntur.

Vn-

Vnde rectē hęc eadem Veritas dicit:
Qui non baiulat crucem suam, & ve-
nit post me, non potest meus esse di-
scipulus. T e Deum laudamus.

Q V R T A D I E.

In tertio Nocturno.

Lectio sancti Evangelij secundum
Lucam.

Lectio vij.

IN illo tempore: Dixit Iesus turbis:
Si quis venit ad me, & nō odit pa-
trem suum, & matrem, & uxorem,
& filios, & fratres, & sorores, adhuc
autem & animam suam, non potest
meus esse discipulus. Et reliqua.

De Homilia S. Gregorij Papæ.

Q Vis enim ex vobis volēs turrim
ędificare, &c. Omnes quod agi-
mus pręuenire per studium cōside-
rationis debemus. Ecce enim iuxta
Veritatis vocem, qui turrim ędificat,
prius ędificij sumptus parat. Si ergo
humilitatis turrim construere cupi-
mus, prius nos preparare contra ad-
uersa huius sæculi debemus. Hoc e-
nim inter terrenum, & coeleste ędifi-
cium distat, quod terrenum ędificiū
expensas colligendo construitur, cę-
leste verō ędificium expensas disper-
gendo. Ad illud sumptus facimus, si
non habita colligamus. Ad istud su-
ptus facimus, si habita relinquamus.

R. Corona. 107.

Lectio viij.

Sed quia de construendo ędificio
comparatio data est, nunc ex mi-
nore ad maius similitudo subditur:
vt ex rebus minimis maiora pensen-
tur. Rex contra regem ex æquo ve-
nit ad prælium, & tamen si se per-
dendi non posset sufficere, legatio-
nem mittit, & ea, quę pacis sunt, po-
stulat. Quibus ergo nos lacrymis ve-
niam sperare debemus qui in illo
tremendo examine, cum Rege no-
stro ex æquo, ad iudicium non veni-
mus? Quos nimirum cōditionis in-
firmitas, & causa inferior. exhibet.

R. Hic est. 107.

Lectio ix.

Mittamus ad hunc legationem,
lacrymas nostras, mittamus
misericordię opera, mactemus in
ara eius hostia placationis, cognos-
camus nos cū eo in iudicio non pos-
se contendere. Pensemus virtutē eius
fortitudinis, rogemus ea, quę pacis
sunt. Hęc est nostra legatio, quę Re-
gem venientem placat. Singulariter
namque ad absolutionem nostram,
oblata, cum lacrymis, & benignitate
mentis sacri altaris hostia sufragatur:
quia is, qui in se resurgēs a mor-
tuis iā non moritur, adhuc per hanc
in suo mysterio pro nobis iterum
patitur. Nam quoties ei hostiam suę
passionis offerimus, toties nobis ad
absolutionem nostram, passionem
illius reparamus. T e Deum.

Q V I N T A D I E.

In tertio Nocturno.

Lectio sancti Evangelij secundum
Lucam.

Lectio vij.

IN illo tempore: Dixit Iesus tur-
bis: Si quis venit ad me, & nō odit
patrem suum, & matrem, & uxorem,
& filios, & fratres, & sorores, adhuc
autem & animam suam, non potest
meus esse discipulus. Et reliqua.

De Homilia Sancti Gregorij Papæ.

Relinquat ergo omnia, qui po-
test. Qui autē relinquere omnia
non potest, cū adhuc loge est Rex,
legationem mittat lacrymarū, elec-
mosynarum, hostiarum munera of-
ferat. Vult enim placari precibus, quī
scit, quia portari non possit iratus.
Quod adhuc moram facit venire, le-
gationem pacis sustinet. Venisset
iam iamq; si vellet, cunctos aduersa-
rios suos trucidasset.

R. Corona. 107.

Lectio viij.

Sed & quā terribilis veniet, indi-
cat, & tamen, ad veniendum tar-
dat, quia non vult inuenire, quos pu-
niat,

niat, sed reatum, nobis contēpus nōstri denunciat, dicēs: Sic ergo omnis ex vobis, qui nō renunciat omnibus, quæ possidet, non potest meus esse discipulus. Ei tamen sperandæ salutis remedium confert: quia qui per irā non potest ferri, per postulatæ pacis vult legationem placari.

R. Hic est. 107.

LECTIO IX.

LAuate ergo, fratres carissimi, lacrymis maculas peccatorum, elemosynis tergite, sacris hostiis expiate. Nolite possidere per desiderium, quæ adhuc per vsum minimè reliquistis. Spem in solo Redemptore figite, ad æternam patriam mente transite. Si enim nil iam in hoc mundo amando possidetis, etiam possidendo cuncta reliquistis. Ipse nobis gaudia desiderata concedat, qui nobis æternæ pacis remedia contulit, Iesus Christus Dominus noster, qui viuit, & regnat cum Patre, in vnitæte Spiritus sancti Deus per omnia secula sæculorum. Amen. Te Deum.

S E X T A D I E.

In tertio Nocturno.

LECTIO sancti Euangelij secundum Lucam.

LECTIO VIJ.

IN illo tempore: Dixit Iesus turbis: Si quis venit ad me, & nō odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et reliqua.

De Homilia S. Ioannis Chrysostomi. Ex Hom. 36. in Matth. longe post init.

SI quis venit ad me: & non habet odio patrem suum, & matrem, & uxorem, & liberos, & fratres, & adhuc animam suam, non potest meus esse discipulus. Non simpliciter iussit te coniunctos tibi homines insequi: id enim iniquum omnino, atque pestiferum est; sed quando plus te petit aliquis diligi, odio ipsum habeas, ait:

Hoc enim tam diligenti, quàm ei; qui diligitur perniciosissimum est: hac doctrina, & credentes filios maioris animi fecit, & patres ne ab amore Christi liberos deturpent, admonuit videntes tantas esse ipsius vires, vt facillè posset à parentibus filios eripere: quare ea tentare non debent, quæ ad finem deducere non possunt. R. Corona. 107. Lect. viij.

DEinde ne molestè, aut grauiter deferant fideles, animaduerte, quò sermonem deducit. Cum enim dixerit: Qui nō odit patrem, & matrem; confestim intulit, & animam suam: quid enim parentes, fratres, sorores, uxorem pro me solum abiciendos putas? nihil est homini anima sua coniunctius, & tamen nisi hanc etiā oderis, non ea, quæ diligenti, sed ea, quæ odio habenti tibi retribuentur: nec simpliciter odisse animam iubet, sed adeo, vt ad bellum, ad pugnas, ad eandem, ad sanguinem prodas.

R. Hic est. 107.

LECTIO IX.

NAm qui non portat crucem suam, & venit post me, non potest meus esse discipulus. Ita non ad mortem simpliciter paratos esse iubet; sed ad mortem etiam violentā: nec ad violentam solum, verum etiā ad maximè omnium exprobrabile: nec tamen aliquid adhuc de sua passione differuit, vt istis interea castigati, æquiori animo de passione ipsius verba facturum audiant. An non est dignum vehementer admirari, atque stupere, quomodo anima à corpore illorum euolauit, qui hæc audierant? quomodo igitur non euolauit? maxima erat, ac ineffabilis virtus dicentis. Te Deum.

S E P T I M A D I E.

In tertio Nocturno.

LECTIO sancti Euangelij secundum Lucam.

LECTIO VIJ.

In

IN illo tempore: Dixit Iesus turbis: Si quis venit ad me, & nō odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et reliqua.

Homilia S. Ambrosij Episcopi.

in Psal. 118. oñon. 15.

SI quis otiosis hoc accipiat auribus fortasse dicat: Tu Domine Iesu legē dedisti, dicens: Dilige Dominum Deum tuum; dilige proximum tuum; & ut impleres hanc legem, venisti. Dixisti per legem; Honora patrem, & matrem; & in Evangelio iubes, ut parētes oderim? quomodo sibi conueniunt ista pręcepta? sic mitis, & humilis corde venisti? Non possum saluo pietatis iure odisse patrem, cui debeo, quō creatus sū; nec matrem longo decem mensium fastidio pij fœtus onera portantem, cui in absolutione plus periculi, in delatione plus tēdij est: quid dulcissimi merentur filij, ut paterno excludantur amore, cum sit impium mori nolle pro liberis? quid vxor charissima, quādam vitæ cohæres, & confortium communis naturæ?

Corona. 107.

Lectio viij.

Oderim ergo pignora charitatis? Ita Evangelij lenitate rigorem prędurę legis Iudeis inflectis, ut quorum lex condemnat iniurias, eorū tu in Evangelio tuo condempnes gratiā? Video istiusmodi assertioni me respondere non posse: sed tu Dñe responde. Respondebit igitur: Egone condempno pietatem, qui odi iniquitatem? Ego parentes pręcipio non amandos, qui inimicos suadeo diligendos? sed non legisti? Tēpus amandi, & tempus odio habēdi, & tempus belli, & tempus pacis; De quo hoc dices Ecclesiastes? nonne de eo, quod ratione tēporis fiat, ut piē & amare,

& odisse possimus: ut quos dilexeris odisses; & quos oderis, amare conueniat? tempus igitur amandi, tempus odio habēdi: hoc est tempus martyrij, quando ea, quæ diuina sunt, omni charitati necessitudinem pręferenda sunt. Tempus belli, quo etiā bellum pro Christi nomine perfidis pignoribus inferamus. Tempus pacis, quia in pace locus eius.

R. Hic est. 107.

Lectio ix.

Denique ipse in Euangelio euidenter exposuit, qua ratione, nostros debeamus odisse, dicens: Qui diligit patrem, aut matrem plus quā me, non est me dignus: non dixit indignos esse, qui parentes suos diligunt, sed eos indignos ait, qui plus parentes, quā Christum diligunt. Si enim idē deferimus parētibus; quia nostrę generationis auctores sunt: quāto magis Christū oportet amare, qui ipsorum est auctor parētum? isti dederunt quod non potestatis est, sed ministerij sui: Christus donat salutem, qui parentum beneficia conseruat.

De Deum laudamus.

IN DIE OCTAVA.

In tertio Nocturno.

Lectio sancti Euangelij secundum Lucam.

Lectio vij.

IN illo tempore: Dixit Iesus turbis: Si quis venit ad me, & nō odit patrem suum, & matrem, & uxorem, & filios, & fratres, & sorores, adhuc autem & animam suam non potest meus esse discipulus. Et reliqua.

Homilia S. Augustini Episcopi.

Ex Epist. 83.

Symptus ad turrim ædificandam, & bellantium valentia decē milliū aduersus regem, qui vigintimillia habet, nihil est aliud, quā ut renuntiet vnusquisq; omnibus, quę sūt eius.

Præ-

Prælocutio autem superior cum extrema conclusione concordat: in eo enim, quod vnusquisque renuntiat omnibus, quæ sunt eius, etiam illud continetur, vt oderit patrem suum, & matrem, & vxorem, & filios, & fratres, & sorores, adhuc & animam suam, omnia enim hæc propria eius sunt, quæ plerumque implicant, & impediunt ad obtinenda, non ista, propriè temporaliter transitura, sed in æternum manfura communia.

R. Corona. 107. Lectio viij.

NEc succenseant parentes hoc præcipere Dominum, vt eos oderimus, quando nobis hoc de anima nostra præcipitur. Sicut autem hoc præceptum, quo perdere iubemur animam nostram, non ad id valet, vt se quisque interimat, quod inexpressibile nefas est: & tamen valet, vt interimat in se carnalem animæ affectum, quo cum impedimento futuræ vitæ præsens vita delectat: ita de parentibus rectissime dicitur, vt qui eos amat, perdat eos, non more parricidarum interficiens, sed spiritali gladio verbo Dei carnalem affectum eorum, quo, & seipsos, & eos, quos genuerunt, irritamentis huius sæculi obligare conantur, piè, fidenterque percutiens, & occidens, illud in eis viuere faciat, quo cum filiis suis temporalibus parentes æternum Deum, Ecclesiamque cognoscunt.

R. Hic est. 107. Lectio 3. vi.

Tolle crucem tuam, & sequere Dominum: crux enim nostra, quam Dominus portari à nobis iubet, vt eum expeditissimi sequamur, quid aliud, quàm mortalitatem carnis huius significat? Ipsa enim nos cruciat, donec absorbeatur mors in victoriam. Crux ergo hæc ipsa crucifigenda est, & transfigenda est clavis timoris Dei, ne solutis, & liberis me-

bris reluctantem portare non possis: sequi enim Dominum, nisi eam portans, omnino nõ vales; nam quo modo eum sequeris, si non es eius? qui autem Iesu Christi sunt, ait Apostolus, carnem suam crucifixerunt cum passionibus, & desiderijs. I. e. Deum.

INFRA OCTAVAM VNIVS MARTYRIS PONT.

Homil. in Euangel. Mat. h. cap. 16.

Si quis vult post me venire, &c.

In die festo habetur Homil. S. Greg.

Quia Dominus, &c. in Brev. de comm. vnius mart.

SECUNDA DIE

In tertio Nocturno.

Lectio sancti Euangelij secundum Mattheum. Lectio vij. Cap. 16.

IN illo tempore: Dixit Iesus discipulis suis: Si quis vult post me venire abneget semetipsum, & tollat crucem suam, & sequatur me. Et rel.

De Homilia S. Gregorij Papæ.

Ex Hom. 32. in Euang.

Quid est, quod dicimus, relinquitur, & nos? Si enim nosmetipsos relinquitur, quo ibimus extra nos? vel quis est qui vadit, si de se deseruit? Sed aliud sumus per peccatum lapsi, aliud per naturam cõditi, aliud quod fecimus, aliud quod facti sumus. Relinquamus nosmetipsos quales peccando nos fecimus, & maneamus nosmetipsi, quales per gratiam facti sumus.

R. Corona. 107.

Lectio viij.

ECce etenim qui superbus fuit, si conuersus ad Christum humilis factus est, semetipsum relinquit: si luxuriosus quisque ad continentiam vitam mutauit, abnegauit vtique; quod fuit. Si auarus quisque; ambire iam desit, & largiri didicit propria; qui prius aliena rapiebat, proculdubio seme-

femetipsum reliquit. Ipse quidem est per naturam, sed nō est ipse per malitiam. Hinc enim scriptum est: Verite impios, & non erunt. Conuersi namque impij non erunt, non quia non erunt omnino in essentia, sed scilicet non erunt in impietatis culpa.

Ex. Hic est. 107.

LECTIO IX.

Pensemus, quomodo se Paulus abnegauerat, qui dicebat: Viuo autem iam non ego. Extinctus quippe fuerat s̄uus ille persecutor, & viuere cēperat pius pr̄dicator. Si enim ipse esset pius profecto non esset. Sed, qui se viuere denegat, dicat: vnde est, quod sancta verba per doctrinam veritatis clamat. Protinus subdit: Viuit verō in me Christus. Ac si apertē dicat: Ego quidem a memetipso extinctus sum, quia carnaliter non viuo, sed tamen essentialiter mortuus non sum, quia in Christo spiritaliter viuo. **T e Deum.**

T E R T I A D I E.

In tertio Nocturno.

LECTIO sancti Euangelij secundum Matthæum.

LECTIO VIJ.

In illo tempore: Dixit Iesus discipulis suis: Si quis vult post me venire abneget semetipsum, & tollat crucē suam, & sequatur me. Et reliq.

De Homilia S. Gregorij Papæ.

Dicat ergo Veritas, dicat: Si quis vult post me venire, abneget semetipsum. Quia nisi quis a semetipso deficiat, ad eum, qui super ipsum est, non appropinquat: nec valet apprehendere, quod vltra ipsum est, si nescierit mactare, quod est. Sic oleŕū plantę transponuntur, vt proficiāt, atque, vt ita dixerim, eradicantur, vt crescant. Sic rerum semina in terrę admixtione deficiunt, vt in reparatione sui generis vberius affurgant. Vnde enim videntur perdidisse quod erant, inde accipiunt hoc apparere

Octau. Rom.

quod non erant.

Ex. Corona. 107.

LECTIO VIII.

Sequitur: Qui enim voluerit animā suā saluam facere perdet eā. Sic dicitur fidei, ac si agricolę dicatur. Frumentum si seruas, perdis: si seminas, renouas. Quis enim nesciat, quod frumentū, cū in semine mittitur, perit ab oculis, in terra deficit? Sed vnde putrescit in puluere, inde virefcit in renouatione. Quia verō s̄cta Ecclesia aliud tēpus habet persecutionis, atq; aliud pacis. Redēptor noster ipsa s̄ua tempora distinguit in pr̄ceptis. Nam persecutionis tēpore ponēda est anima: pacis autem tempore ea, quę amplius dominari possunt, frangenda sunt desideria terrena. **Ex. Hic est. 107.**

LECTIO IX.

Vnde & nūc dicitur: Quid enim prodest homini, si lucretur totum mundum, se autem perdat, & detrimentum sui faciat? Cum persecutio ab aduersarijs deest, valdē vigilantius cor custodiēdum est. Nam pacis tēpore, quia licet viuere, libet etiam ambire. Quę profecto auaritia benē compescitur, si ipse status ambientis sollicitē consideretur. Nā cur instet ad colligendum, quando stare non potest ipse, qui colligit? Cursum ergo suum quisque consideret, & agnoscat sibi posse sufficere parua, quę habet. **T e Deum.**

Q V A R T A D I E.

In tertio Nocturno.

LECTIO sancti Euangelij secundum Matthæum.

LECTIO VIJ.

In illo tempore: Dixit Iesus discipulis suis. Si quis vult post me venire abneget semetipsum, & tollat crucem suam, & sequatur me. Et rel.

Homilia S. Ioannis Chrysostomi.

Ex Hom. 56. in Matth.

Perpende, quomodo nullo pacto cogit oratio: nō enim dixit oportere

H ters

tere ipsos pati; vellent nollentq; sed quid? si quis, ait, post me venire vult, non impello, non vrgeo, sed liberam singulorum voluntatem efficiens, dico, si quis vult. Nō enim ad afflictiones, & onera, nec ad supplicia, & pœnas vt cogere mihi opus sit, sed ad ineffabilia bona conuoco, quorum ea natura est, vt facili per se ipsa vos inuitare possint. His dictis vehementer eos attraxit: potentior enim omnino est oratio mitis, quam violenta. *R. Corona. 107. Lectio viij.*

Magna enim sunt, ait, quæ retribuo, ac talia, vt vltro, ac sponte homines ad ea concursuros dubitare non debeas. Non enim si quis aurum, atque argentum proponeret, vim inferret: quanto igitur magis in cœlestibus bonis inferenda non est? & certè si rerum ipsa natura non persuadet, & nisi sponte curas, nec accipere quidem dignus es; nec si acceperis, quale, quātumcumque sit, quod acceperis cognoscas: ideo non cogit Christus, sed hortatur indulgens nobis. Minimè autem onerosam orationem reddit, quia non sibi soli hæc imminere, sed communiter vniuerso terrarū orbi proponit, dicens: si quis vult, siue vir, siue mulier, siue princeps, siue subditus hanc viam ingrediatur.

R. Hic est. 107. Lectio ix.

Et sermo quidem vnum quid significare videtur, tria verò cōtinet, abnegationem tui ipsius, & vt crucem accipias, & tertiò, vt Christū sequeris: quorum duo cōiuncta sūt, vnum per se ipsum separatim ponitur. Consideremus igitur prius, quidnam sit abnegare seipsum. Si ergo intelligis, quid sit alium abnegare, tunc rectè percipies quid sit abnegare teipsum: quid igitur abnegare alium? qui alium iam abnegauit, fra-

trem puta, aut seruum, aut quemuis alium, si cedi eum virgis, videat, si arcui vinculis, non occurrit, non auxiliatur, nec prorsus vilo modo mouetur, ceu ille, qui penitus ab illo alienatus est. *T. e Deum.*

QVINTA DIE.

In tertio Nocturno.

Lectio sancti Euangelij secundum Matthæum. *Lectio vij.*

In illo tēpore: Dixit Iesus discipulis suis: Si quis vult post me venire, abneget semetipsum, & tollat crucē suam, & sequatur me. Et reliqua.

De Homil. S. Ioannis Chrysostomi.

Et tollat crucem suam, nam, ne quis putet ad verbera vsque tantummodo, ac contumelias, & opprobria, abnegationem hanc sui fieri oportere, id subiunxit, vt videas abnegandos nos esse vsque ad mortem, & mortem turpissimam: quam desig-nans non dixit, abneget seipsum vsque ad mortem, sed tollat crucem suam: non semel, nec bis, sed continuo per totam vitam hanc tecum mortem circumferas, & continuo ad necem paratissimus sis.

R. Corona. 107. Lectio viij.

Multi quidem pecunias contēpsere, multi delicias vitæ, ac gloriam conculcauerunt, mortem autem despiciere non potuerunt, sed pericula & dolores formidarūt. Ego verò ad effusionem vsque sanguinis volo certatores meos luctari, & ad necem vsque pugnam continuare. Quare si mortem obire oporteat, & eam turpissimam, & estimatione hominum pessimam, ferenda omnia sunt æquo, imò potius læto animo. Et sequatur me, inquit.

R. Hic est. 107. Lectio ix.

Nam quomodo posset quis sic talia pati, vt Christum non sequeretur, si nihil videlicet propter ip-

Ipsū pateretur? quippe latrones, sepulchrorum violatores, demonum inuocatores multa plerumque talia patiuntur. Ne igitur credas ipsius passionis naturam per se sufficere, causam eius subiecit. Quam ipsam? Vt, quę dicta sunt, vniuersa faciens, atque patiens, ipsum sequaris: vt scilicet propter ipsum omnia sustineas, vtque omnem virtutis numerum habeas. Id enim est Dominum recte sequi, vt & propter ipsum cuncta sufferas, & alias virtutes non negligas. **T e Deum.**

S E X T A D I E.

In tertio Nocturno.

Lectio sancti Euangelij secundum Matthæum. **Lectio vij.**

IN illo tēpore: Dixit Iesus discipulis suis: Si quis vult post me venire, abneget semetipsum, & tollat crucem suam, & sequatur me. Et reliq. Homilia Sancti Hilarij Episcopi.

Canon. 16. 17.

O Beatum damnū, & iactura felix, dītescere nos Dñs detrimēto animæ, & corporis voluit, & esse sui similes hortatur: quia ipse in figura Dei cōstitutus vsque ad mortem humilis, & obediens factus, principatum potestatis totius, quæ in Deo est, accepit. Sequendus igitur est cruce assumpta, & passionis suæ, si nō forte, attamen voluntate comitandus est; quid enim prodest occupasse mundum, & toto terrenæ potestatis dominatu opibus sæculi incubare, si perdenda anima, & suscipiendum vitæ detrimentum est?

R. Corona. 107. **Lectio viij.**

QUę autem cōmutatio pro anima, cum fuerit amissa, quæretur? cū Angelis enim Christus adderit, reddens singulis vt merebuntur. Quid offeremus ad vitam? præparatos credo terrenarum opum futuris

commercijs thesauros, ambitionis dignitatum, famæque titulos, aut veteres delegatæ nobilitatis imagines? Neganda sunt hæc omnia, vt melioribus abundemus, & contemptu vniuersorum Christus sequendus est, & æternitas spiritualium, terrenorum est damno comparanda. **R.** Hic est. 107. **Lectio ix.**

Graue onus infirmitati humanæ imposuerat, vt cum sensum vitæ homines ex viuendi affectu habere cēpissent, fructum eius, qui præsens corporibus blandiebatur, amitterent: negarentque se sibi, id est, quod esse cēpissent, esse se nollent, cum sensus huius exordium ex affectu voluntatis habuisset. Opus ergo erat veri, ac manifesti exempli auctoritate, vt contra vim, sensumque iudicij, optabile fieret præsentium damnum, lucro deinceps non ambiguo futurorum. Igitur, postquam & tollendam crucem, & perdendam animam, & damno mundi commutandam vitæ æternitatem monuerat: conuersus ad discipulos, ait, quosdam ex his futuros, qui gustaturi mortem non essent, donec filium hominis in regni sui gloria contuerentur. **T e Deum.**

S E P T I M A D I E.

In tertio Nocturno.

Lectio sancti Euangelij secundum Matthæum. **Lectio vij.**

IN illo tēpore: Dixit Iesus discipulis suis: Si quis vult post me venire, abneget semetipsū, & tollat crucem suam, & sequatur me. Et reliq. Homilia S. Hieronymi Presbyteri.

Lib. 3. in Matth. c. 16.

Qui deponit veterem hominem cum operibus suis, denegat semetipsum dicens: Viuo autem, non ego, viuit verò in me Christus: tollit crucem suam, & mūdo crucifigitur.

H 2 Qui

Qui autem mundo crucifixus est, sequitur Dominum Crucifixum. Aut quam dabit homo commutationem pro anima sua? Pro Israel datur commutatio Ægyptus, & Æthiopia, & Syrene: pro anima humana, illa sola est retributio, quam Psalmista canit: Quid retribuam Domino pro omnibus, quæ retribuit mihi? Calicem salutaris accipiam, & nomen Domini inuocabo.

R. Corona aurea. 107. Lect. viij.

Filius enim hominis venturus est in gloria patris sui cum Angelis suis. Petrus ad prædicationem dominicæ mortis scandalizatus sententia Domini fuerat increpatus, provocati sunt discipuli, ut abnegarent se, & tollerent crucem suam, & morientium animo sequerentur magistrum. Grandis terror audientium, & qui possit, Principe Apostolorum perterritus, etiam alijs metum iniungere: idcirco tristibus læta succedunt, & dicit: Filius hominis venturus est in gloria patris sui cum Angelis suis. Times mortem, audi gloriam triumphantis. Vereris crucem, ausculta Angelorum ministeria.

R. Hic est. 107. Lectio ix.

Terrorē Apostolorum spe medicari voluerat promissorum, dicens: filius hominis venturus est in gloria patris sui cum Angelis suis. Insuper auctoritate iudicis addita, reddit vnicuique secundum opera sua. Poterat Apostolorum tacita cogitatio istiusmodi scandalum sustinere, occisionem & mortem nunc dicis esse venturam; quod autem promittis te affuturum in gloria Patris cum Angelorum ministerijs, & iudicis potestate, hoc in dies erit, & in tempora longa differetur. Præuidēs ergo occultorum cognitor, quid possint obijcere, præsentem timorem præ-

senti compensat præmio: quid enim dicit? sunt quidam de hic stantibus, qui non gustabunt mortem, donec videant filium hominis venientem in regno suo. T c Deum.

I N D I E O C T A V A.

In tertio Nocturno.

Lectio sancti Evangelij secundum Matthæum. Lectio vij.

In illo tempore: Dixit Iesus discipulis suis: Si quis vult post me venire abneget semetipsū, & tollat crucem suam, & sequatur me. Et reliq. Homilia S. Augustini Episcopi.

Serm. 47. de diuers.

Durum videtur, & graue, quod Dominus imperauit: ut si quis eum vult sequi, abneget seipsum. Sed non est durum, nec graue, quod ille imperat, qui adiuuat, ut fiat quod imperat. Nam, & illud verum est, quod ei dicitur in Psalmo: Propter verba labiorum tuorum ego custodiui vias duras. Quidquid enim durum est in præceptis, ut sit leue, charitas facit. Nouimus quanta ipse amor facit, quid est, negat se? Non præsumat de se, sentiat se hominem, & respiciat dictum Propheticum: Maledictus omnis, qui spem suam ponit in homine. Subducat se sibi, sed non deorsum versus. Subducat se sibi, ut hæreat Deo.

R. Corona. 107. Lectio viij.

Tollat crucē suam, & sequatur me. Quò sequendus est Dominus? Quò ist, nouimus: resurrexit enim, & ascendit in celū: illò sequendus est. Planè desperandum non est, quia ipse promissit, non quia homo aliquid potest. Iam quare desperemus, si membra illius capitis sumus? Bonum est illò eum sequi, sed videndum est, quò. Etenim verba ista Dominus Iesus non tunc dicebat, quando à mortuis iam resurrexerat. Nōdum

dū erat passus, venturus erat ad crucem, venturus ad exhonorationem, ad contumelias, ad flagella, ad spinas, ad vulnera, ad insultationes, opprobria, mortē. Quasi exasperata est via: pigrum te facis, non vis sequi. Sequere. Nam quis non velit ire ad exaltationem? Omnes delectat celsitudo: sed humilitas gradus est.

R. Hic est. 107.

Lectio ix.

Quid est, Tollat crucem suam? Ferat quidquid molestum est: sic me sequatur. Cum enim cœperit me moribus, & præceptis meis sequi, multos habebit contradictores, multos habebit prohibitores, multos habebit dissuasores, & hos de ipsis quasi comitibus Christi. Cū Christo ambulabant, qui cæcos clamare prohibebant. Siue ergo minas, siue blandimenta, siue quaslibet prohibitiones, si sequi vis, in crucem verte: tolera, porta, noli succumbere. Videntur his verbis Domini exhortata martyria; Si persecutio est, nonne pro Christo debet cuncta cōtemni? Amat mundus, sed præponatur, a quo factus est mundus. 1. e Deum.

INFRA OCTAVAM VNIUS MART. NON PONT.

SECUNDA DIE.

In secundo Nocturno.

Sermo Sancti Ambrosij Episcopi.

Serm. 93. in natali SS. Nazarij, &c. post medium.

Lectio iv.

Tantus Christi testis pretiosius confessione, pretiosior sanguine, crudeli vulnere pretiosior, & tincta veste candidior, licet peculiaris putetur priuilegio sepulchri, sed omnium est communione suffragij. Nō clauditur locis, quod diffunditur meritis. Inuocasti ubiq; martyrem, ubiq; te exaudit ille, qui honoratur in

martyre. Moderante itaque, qui p̄fat vota tua, & disp̄sat munera sua, in tantum vicina præsentia efficacia præbebitur aduocari, in quantum fuerit fides deuota suscepti: oratio enim quæ castitatis, iustitiæ, eleemosynarū operibus adiuuatur, excedit mundum, penetrat paradysum, euolat usque ad ipsum summę maiestatis, Angelo conferente, conspectum.

R. Honestum. 102.

Lectio v.

Quæ cū ita sint, honoremus beatos martyres, principes fidei, intercessores mudi, præcones regni, cohæredes Dei. Quod si dicas mihi, quid honoras in carne iam resoluta, atque consumpta, de qua nulla iam Deo cura est? & ubi est illud, charissimi, quod ipsa veritas loquitur per prophetam? Pretiosa, inquit, in conspectu Domini mors Sactorum eius; & iterum: Mihi autem valde honorificandi sunt amici tui Deus. Honorare debemus seruos Dei, quanto magis amicos Dei? de quibus alio loco dicitur? Dominus, inquit, custodit omnia ossa eorum, & vnum ex his non conteretur.

R. Desiderium. 103.

Lectio vj.

Honoro ergo in carne martyris exceptas pro Christi nomine cicatrices: honoro viuientis memoriam perennitate virtutis: honoro per confessionem Domini sacros cineres: honoro in cineribus femina æternitatis: honoro corpus, quod mihi Domini meum ostendit diligere, quod me propter Domini mortem docuit non timere. Cur autem non honorent corpus illud fideles, quod reuerentur & dæmones? quod & affligerunt in supplicio, sed glorificant in sepulchro? Honoro itaque corpus, quod Christus honorauit in gladio, quod cum Christo regnabit in cœlo. R. Stola. 103.

H 3 TER-

T E R T I A D I E.

In secundo Nocturno.

Sermo S. Augustini Episcopi.

Ser. de S. Cypriano 113. Lectio iv.

Spiritus sanctus doceat nos in hac hora, quæ oporteat dicere. Dicturi enim sumus aliquid de laude N. gloriosissimi martyris, cuius natalē hodie, sicut nostis, celebramus. Quod nomen sic frequentat Ecclesia, idest, natales, vt natales vocet pretio fas martyrum mortes. Quid est hoc, fratres? quando natus est, ignoramus: & quia hodie passus est, natalem eius hodie celebramus. Sed illum diem non celebraremus, etsi nosceremus. Illo enim die traxit originale peccatum, isto autem die vicit omne peccatum. R. Honestum. 102.

Serm. 3. de eodem. Lectio v.

Istū nobis festū diem passio beatissimi N. martyris fecit: cuius nos victoriæ celebritas in istū locū deuotissimos congregauit. Sed celebratio solemnitatis martyrum, imitatio debet esse virtutū. Facile est, honorem martyris celebrari: magnū est, fidē, atq; patientiā martyris imitari. Hoc sic agamus, vt illud optemus: hoc sic celebremus, vt illud potius diligamus. Quid laudemus in fide martyris? Quia vsque ad mortem certauit pro veritate, & ideò vicit. Blandientē mundum contempnit, sæuienti non cessit: ideò victor ad Deum accessit. Abūdāt in isto sæculo errores, & terrores. Beatissimus martyr errores sapiētia, terrores patiētia superauit. R. Desiderium. 103. Lectio vi.

Contemnite ergo sæculū Christiani, contemnite sæculum. Contemnite: contempserunt martyres, contempserunt Apostoli, contempsit beatus N. cuius hodie memoriā celebramus. Diuites esse vultis, honorati esse vultis, sani esse vultis: totū

ille contempsit, ad cuius memoriā conuenistis. Quid obsecro tantum amatis, quod contempsit, quem sic honoratis? Quem, si ista non cōtempisset, non vtique sic honoraretis. Quare te inuenio earum rerū amatorem, quarum veneraris contemptorem? Certē illum, si hæc amaret, non venerareris. Et tu noli amare; non enim intrauit, & ostium contra te clausit. Contemne & tu: & intra post illum. R. Stola. 103.

Q V A R T A D I E.

In secundo Nocturno.

Sermo S. Petri Chrysologi.

De S. Cypriano. 129. Lectio iv.

QVoniā hodie Deo in natali sancti N. martyris conuenimus, in quo miro certamine de Diabolo triumphauit: & quia nobis virtutum suarum gloriosum reliquit exemplū ideò exultare nos conuenit, & letari. Natalem ergo Sanctorum cum auditis, charissimi, nolite putare illum dici, quo nascuntur in terram de carne; sed de terra in cælum, de labore ad requiē, de tentationibus ad quietem, de cruciatibus ad delicias, non fluxas, sed fortes, & stabiles, & æternas; de mundanis risibus ad coronam, & gloriam. Tales natales dignē martyrum celebrantur.

R. Honestum. 102. Lectio v.

Cum ergo huiusmodi festiuitas agitur, noli æstimare, charissime, quod in solis prandijs, & profusioribus epulis natales martyrum celebrentur: sed imitandū tibi proponitur quod in memoria martyris celebras. Aspice ergo, charissime, alacritatem populi circumstātis; in hac enim die aliquando turba astitit impiorum, cum sanctus N. iussu tyranni feriretur: turbæ erant malorū, expectantiū chori; nunc multitudo fidelium ad collatandum deuota cōfluxit:

xit:

xit: tunc turba fauientiū, nunc exultā-
tium; tunc desperatorū, nunc speran-
tiū. R. Desiderium. 103. Lectio vj.

Idcirco ergo natales martyrum
annua læticia celebrātur, vt quod
semel actum est, per omne æuum in
memoria maneat deuotorum. Ge-
stare est, charissime: ne te diceret
ignorare; celebrantur annua, ne di-
cas: oblitus sum. Ad hæc ergo imi-
tanda vos animate, charissimi, hanc
magnanimitatis gratiam concupi-
scite: hoc petite dari vobis, quod ille
meruit adipisci.

R. Stola iucunditatis. 103.

Q V I N T A D I E.

In secundo Nocturno.

Sermo sancti Bernardi Abbatis.

De S. Clemente. Lectio iij.

Pretiosa in conspectu Domini
mors sanctorū eius; audiat pec-
cator, & irascatur, dentibus suis fre-
mat, & tabescat. Deprehensus est in
astutia sua, cecidit in foueam, quam
fecit, in laqueum incidit, quem te-
tēdit: inuidia siquidem diaboli mors
intrauit in orbem terrarum; sed ecce
pretiosa facta est mors sanctorum.
Neque enim aliter, quā ipsa hodie
beatus martyr, cuius solemnia cele-
bramus, morte corporis triumphauit:
fecit siquidem de necessitate vir-
tutem, pœnam peccati in meritum
gloriæ commutauit: fidelem se pro-
bavit in modico, vt dignus inuenire-
tur supra multa constitui.

R. Honestum. 102. Lectio v.

Fidelem se probauit ei, qui dede-
rat, cum pro eius amore vniuer-
sa contempsit, omnia detrimentum
faciens, & arbitratus vt stercora, vt
lucrifaceret Christū. Sed forte mur-
murat etiam nunc inimicus; pellem,
inquiens, pro pelle, & omnia, quæ
habet homo, dabit pro anima sua?
quid ergo? Putas, quō in ipsa corpo-

ris sui vita, quam accepit à Domino,
infidelis inueniatur, vt vel ipsam præ-
ferat illi? ecce habes potestatem, ir-
rue in eū per satellites tuos, vt coar-
ctetur è duobus, aut à Domino, ne-
cesse habens, aut à corpore separari.
Varia, & immania exquire genera
tormentorum: sed noueris te mar-
tyri nostro fabricare coronas.

R. Desiderium. 103. Lectio iij.

Coronabitur ergo, quia legiti-
mè certauit, quia fideliter vicit:
quia nec blandimētis vitæ huius, nec
mortis horrore à charitate Christi
potuit separari: quid nos ad hæc di-
cimus, fratres? Congratulamur mar-
tyri, sed iam gloria eius non sine no-
stra confusione est; ecce enim beatus
N. homo erat similis nobis passibili-
lis, eadem circūdatus infirmitate, &
carni suæ eodē vinculo naturalis af-
fectionis inherēs. Si ergo ille sic glo-
rificauit Christum in corpore suo, &
calicem salutaris accepit; quid nos
retribuimus Domino pro omnibus,
quæ retribuit nobis? R. Stola. 103.

S E X T A D I E.

In secundo Nocturno.

De Ser. S. Bernardi Abb. Lectio iij.

Vt quid ergo non possumus, &
nos cum beato N. Christi bibe-
re calicem? sed fortè respondent ali-
qui: Possemus, si opportunitas non
deesset, sed persecutionis tēpus ces-
sauit. At ego fateor, non satis credi-
derim ita dicentibus: quid enim?
quotidie ceditis punctioni acus v-
nius, & mucroni vos arbitramini
posse resistere? in minimis probate
conflictibus, quā viriliter in ma-
iori certamine stare possitis: nouit
Dominus figmentum nostrum, nec
dat nobis tam forte certamen.

R. Honestum. 102. Lectio v.

Beato N. certamen forte dedit;
vt vinceret, & disceret, quoniam

H 4 om-

omnium potentior est sapientia. Vestrum autem certamen quale est, fratres mei? quotidie vobis suggeritur in cordibus vestris: frange ordinem tuum, murmura, detrahe, age remissius, infirmitatem simula, responde ei, qui fortè durius locutus est, vt satisfacias desiderio tuo: nec dicitur cuiquam, Nisi hæc feceris, morieris: sed vt multum, cum difficultate, & labore resistes animo tuo.

R. Desiderium. 103.

Lectio vj.

SI ergo in huiusmodi certamine periclitamur, si vix resistimus, si interdum etiam succumbimus, quid in illo tam graui certamine faceremus? si iuncis fragilibus cedit infirmitas nostra, quomodo telis resisteret? Videtis, quomodo ad nihilum redacti sumus? & sicut solent mulieres, aut paruuli, pugnantes laudamus alios, pugnare ipsi non possumus?

R. Stola. 103.

SEPTIMA DIE.

In secundo Nocturno.

Tres lectiones S. Augustini. **Triumphalis beati, &c.** quæ habentur in Breuiario in Communi vnius martyris. Quod si lectæ fuerint in die Festo legantur hac die lect. Sancti Ambrosij. **Principes persecuti, &c.** vt in eodem Communi.

IN DIE OCTAVA.

In secundo Nocturno.

De Serm. Sancti Augustini Episcopi. **Serm. 44. de SS. circa medium.**

Lectio iij.

Patenter permittunt ægroti, se à medicis secari, vri, & varijs amaritudinum confessionibus anxii, vt temporali tandem restituantur sanitati: quantò magis vir beatus longanimitè toleratur omnem acerbicatem tormentorum temporalium, vt coronaretur in miseri-

cordia, & miserationibus, & in bonis satiaretur desiderium suum? In torculari itaque conculcari voluit, vt tamquam vua matura in vinum deficeret, & vinum malorum granatorum dilecto suo propinaret, quo mentes religiosæ ebriatæ sciunt vtiliter conculcare, & ad æterna irretortis oculis anhelare.

R. Honestum. 102. Lectio v.

Qui ergo in tyrocinio suo mundanas contempsit diuitias, qui corporales etiam refrænauit illecebras, qui in prouectu militia suæ multas est perpeßus iniurias, in perfectione sacrificij nil sibi reseruans, seipsum obtulit holocaustum, bibens illum calicem pretiosum, quem sedens ad magnam mensam sacræ lectionis sibi prius ab inuitatore suo viderat appositum. Cuius mors quantumcumque videatur in conspectu reproborum despicibilis, in oculis tamen eius est pretiosa, qui in sanctis suis est mirabilis.

R. Desiderium. 103.

Lectio vj.

Ipse enim primò vocauit militem suum, ipse iustificauit, ipse magnificauit, ipse dedit ei pugnare, ipse dedit, & vincere. Longè est dissimilis hæc militia mundanæ militiæ, in qua victores existimantur, qui quod malè desiderant, assequuntur; qui lætantur, cum malefecerint, & exultant in rebus pessimis. In Christiano ergo agone manifesta est pæna, occulta victoria, secundum quod ex persona martyrum clamat Psalmista. Da nobis auxilium de tribulatione: quia vana salus hominis; In Deo faciemus virtutem: tamquam si dicerent: Victoria nostra gloria nostra intus est, non foris est. Foris despecti, intus dilecti.

R. Stola. 103.

IN-

INFRA OCTAVAM VNIſMART. NON PONT.

Homilia in Euangel. Matth. cap. 10.

Nolite arbitrari, &c.

IN DIE FESTO.

In tertio Nocturno.

Leſtio ſancti Euangelij ſecundū
Matthæum. Lect. vii. Cap. 10.

IN illo tempore: Dixit Ieſus diſci-
pulis ſuis: Nolite arbitrari quia
pacem venerim mittere in terram:
non veni pacem mittere, ſed gla-
dium. Et reliqua.

Homilia Sancti Hilarij Epifcopi.

Can. 10.

QUæ iſta diuiſio eſt? inter prima
enim legis præcepta accepi-
mus: Honora patrem tuū, & matrē
tuam, & ipſe Dominus ait: Pacē meā
do vobis: pacem meam relinquo vo-
bis. Quid ſibi vult miſſus potius gla-
dium in terram, & ſeparatus à patre
filius, & filia à matre, & nurus aduer-
ſum focum, & hominis domeſtici
cuius inimici? Igitur exinde publica
auctoritas impietati præferretur. V-
biq; odia, ubiq; bella, & gladius
Domini inter patrem, & filium, &
inter filiam matremque deſcēdens.

R. Corona. 107. Lectio vii.

Gladius telorum omnium telū
acutiſſimum eſt, in quo ſit ius
potentiſſatis, & iudicij ſeueritas, & ani-
maduerſio peccatorum; & huius
quidem tali nomine noui Euangelij
predicationem appellatam frequens
in Prophetis auctoritas eſt. Dei igitur
verbum nuncupatum memineri-
mus in gladio, qui gladius miſſus in
terram eſt; id eſt predicationem
eius hominum cordibus inſuſam;
ſitque grauis in domo vna diſſenſio;
& domeſtica nouo homini erunt
inimica: quia ille per Verbum Dei
diuiſus ab illis, manere, & interior,

& exterior, ideſt, & corpus, & ani-
ma in ſpiritus nouitate gaudebit.

R. Hic eſt. 107.

Lectio ix.

Pergit deinde eodem præcepto-
rum & intelligentiæ decurſu:
nam poſteaquam relinquenda om-
nia, quæ in ſæculo chariſſima ſunt,
imperauerat, adiecit: Qui non acci-
pit crucem ſuam, & ſequitur me, nō
eſt me dignus; quia qui Chriſti ſunt,
crucifixerunt corpus cum vitijs, &
cōcupiſcentia. Et indignus eſt Chriſ-
to, qui non crucem ſuam, in qua cō-
patimur, commemorimur, conſepeli-
mur, conreſurgimus, accipiens, Do-
minum ſit ſecutus, in hoc ſacramen-
to fidei, ſpiritus nouitate viſurus.
Te Deum.

SECUNDA DIE.

In tertio Nocturno.

Leſtio ſancti Euangelij ſecundū
Matthæum. Lectio vii.

IN illo tempore: Dixit Ieſus diſci-
pulis ſuis: Nolite arbitrari quia
pacem venerim mittere in terram:
non veni pacem mittere, ſed gla-
dium. Et reliqua.

Homilia S. Hieronymi Presbyteri.

Lib. 1. in Matth. cap. 10.

SUPRÀ dixerat, quod dico vobis in
ſtenebris, dicite lumine, & quod
in aure auditis, prædicate ſuper te-
cta. Nunc inſert, quid poſt prædica-
tionem ſequatur. Ad fidem Chriſti
totus orbis contra ſe diuiſus eſt: vna-
quæque domus & infideles & credē-
tes habuit, & propterea bellū miſſū
eſt bonū, vt rūperetur pax mala. Ta-
le quid & in Genefi aduerſus rebel-
les homines, qui moti fuerant de o-
riente, & tūrem extruere ſeſtinabāt,
per quam celi alta penetrarēt, ſeciſſe
ſcribitur Deus; vt diuideret linguas
eorū. R. Corona. 107. Lectio vii.

Veni enim ſeparare hominē ad-
uerſus patrem ſuum. Hic lo-
cus

cus propè iisdem verbis in Michæa Propheta scribitur: & notādum vbi-
cumque de veteri testamento testi-
monium ponitur: vtrū sensus tan-
tū an sermo consentiat. Qui amat
patrem, aut matrem plusquam me,
non est me dignus. Qui ante præmi-
serat; Non veni pacem mittere, sed
gladiū, & diuidere homines aduer-
sus patrem, & matrem, nurum, & so-
crū, ne quis pietatem religioni ante-
ferret, subiecit dicens: Qui amat pa-
trem, aut matrē plusquam me: & in
Cātico legimus Cāticorū: Ordinauit
in me charitatem. Hic ordo in omni
affectu necessarius est: ama post Deū,
patrem, ama matrem, ama filios.

¶ Hic est. 107.

Lectio ix.

ORdo pulcherrimus: ad prædi-
cationem mittit, docet pericu-
la non timenda, affectum subiit reli-
gioni. Aurum supra tulerat, es de zo-
na excusserat. Dura Euangelistarum
conditio. Vnde ergo sūptus, vnde vi-
tū necessaria? Austeritatem māda-
torum spe temperat promissorum.
Qui recipit, inquit, vos, me reci-
pit, & qui me recipit, recipit eum, qui
me misit: vt in suscipiēdis Apostolis,
vnusquisque credentium Christū se
suscepisse arbitretur. Te Deum.

TERTIA DIE.

In tertio Nocturno.

Lectio sancti Euangelij secundum
Matthæum.

Lectio vij.

IN illo tempore: Dixit Iesus disci-
pulis suis: Nolite arbitrari quia
pacem venerim mittere in terram,
non veni pacem mittere, sed gla-
dium. Et reliqua.

De Homilia S. Hieronymi Prebyt.

LEgimus in Propheta David: Ad
excusandas excusationes in pec-
catis: quod multi peccatorum suo-
rum quasi iustas prætendant occasio-
nes, vt quod voluntate delinquūt, vi-

deantur necessitate peccare. Domi-
nus scrutator cordis, & rerum, futu-
ras cogitationes in singulis contue-
tur. Dixerat: qui recipit vos, me reci-
pit, sed hoc præceptum multi pseu-
doprophetæ, & falsi prædicatores
poterant impedire, medicatus est
huic quoque scandalo, dicens, qui re-
cipit iustum in nomine iusti, merce-
dem iusti accipiet. R. Corona. 107.

Lectio viij.

REFRUS poterat alios accusare, &
dicere: Paupertate prohibeor,
tenuitas me retinet, vt hospitalis esse
non possim, & hanc excusationem
leuissimo præcepto diluit, vt calicem
aquæ frigidæ toto animo porriga-
mus. Frigidæ, inquit, aquæ, nō calidæ;
ne & in calida paupertatis, ex penu-
ria lignorum occasio quæreretur: ta-
le quid & Apostolus ad Galatas præ-
cepit: Communicet autem is, qui ca-
techizatur verbo ei, qui se cathe-
chizat, in omnibus bonis.

¶ Hic est. 107.

Lectio ix.

ET discipulos ad magistrorum
refrigeria cohortatur. Quia po-
terat quislibet obtendere pauperta-
tem, & præceptum eludere priusquā
ille proponat, imminentem soluit
quæstionem dicens: Nolite errare.
Deus non irridetur, quæ enim semi-
nauerit homo, hæc & metet, & est
sensus, frustra causa inopiat, cum
aliud habeat conscientia tua: me po-
tes fallere cohortantem, sed scito,
quod quantumcumque seminaueris,
tatum & meturus sis. Te Deum.

QUARTA DIE.

In tertio Nocturno.

Lectio sancti Euangelij secundum
Matthæum.

Lectio vij.

IN illo tempore: Dixit Iesus disci-
pulis suis: Nolite arbitrari, quia pa-
cem venerim mittere in terrā: nō ve-
ni pacem mittere, sed gladiū. Et rel.

Ho-

Homilia S. Ioannis Chrysostomi.

Hom. 36. in Matth.

Non veni pacem in terram mittere. Quomodo igitur precipit, cum ad suscipientium domos ingrederentur pacem omnibus dicere? aut quomodo Angeli clamabant: Gloria in excelsis Deo, & in terra pax hominibus bonæ volūtatis? quomodo, & omnes prophetæ pacem tēpore ipsius futurā prænuntiarunt? quia videlicet præcipua, singularisque pax tunc præstatur, quādo quod tæbe vel sanie corruptum est, absconditur, atque proijcitur: quādo factiosa, & improba pars repellitur, aut omnino, & destituitur; sic certē cælis terra coniungi potest.

R. Corona. 107. Lectio viij.

Nam & medicus hoc modo reliquū corpus conseruat facilē, si quod reduci ad sanitatem non potest, inciderit, atque abiecerit: & militiæ dux ad soluendam militum cōspirationem alterum in alterum cōcitāt. Sic in turre factum videmus, quādo pernicioſa illa pax, per discrepantiam dissoluta, tranquillam atq; laudabilem pacem reddidit. Sic etiā Paulus eos, qui aduersus conspīrabant, diuidebat, atque dissipabat. Nec enim semper est concordia laudanda, cum etiam latrones magna inter se concordia conspirare sciamus. Non igitur ex proposito Christi, sed ex mente, animoque hominum vitioso bellum erumpit.

R. Hic est. 107. Lectio ix.

Quid igitur ait: nō veni mittere pacem? nolite, ait, existimare harum rerum causam vos futuros: Ego sum, qui, quoniam homines ad vitia, infidelitatemq; procliues sunt, hæc præparo. Non ergo, si præter expectationem vestram quicquā acciderit, turbatione aliqua moneamini,

cum ideò venerim, vt bellum committam. Hæc voluntas mea est, nulla vos inuadat turbatio, quasi bello, atq; insidijs orbē terrarum ferocius exagito: nam si hoc modo peiorem partem conciderimus, tunc pars melior cælo copulabitur.

Te Deum laudamus.

Q V I N T A D I E.

In tertio Nocturno.

Lectio sancti Euangelij secundum Matthæum. Lectio vij.

In illo tempore: Dixit Iesus discipulis suis: Nolite arbitrari, quia pacem venerim mittere in terram: non veni pacem mittere, sed gladium. Et reliqua.

Homilia S. Ioannis Chrysostomi.

Non dixit bellū, sed quod atrocius est, gladium: quod si acerbior hæc, & minus cōpositē dicta tibi videantur, nequaquā mireris. Nā ne suspicari quis possit, verborum lenocinijs allectos à Christo fuisse Apostolos; ac etiā vt asperitate verborum ad iniustas contumelias auditū præparet; nō iucundē rem asperam, sed asperimē, atque durissimē protulit. Nec ista sibi suffecerunt, sed latius naturam istius belli, ac singulas partes amplificans, omni bello intestino, atque ciuili multò magis pestiferum ostendit, dicens: Veni enim separare hominem aduersus patrem suum, & filiā aduersus matrem suā, & nūrum aduersus socrum suam, & inimici hominis domestici eius.

R. Corona. 107. Lectio viij.

Magnum enim omnino, ac super hominē est, quod qui prius hæc audierint, libenter suscipere, & alij persuadere potuerunt; & quāquam non ipse, sed hominū improbitas horum omnium causa futura esset, se tamen facturum omnia dicit, talis quippe scripturarum est cōsuetudo:

tudo: vt enim etiam alibi dicitur. De-
dit ipsis Deus oculos ne videant: sic
etiam in hoc loco, vt quemadmodū
diximus, hæc omnia præmeditari;
atq; his verbis stabiliti, cum oppro-
brijs, & contumelijs peterentur, mi-
nus turbari possent. *R.* Hic est. 107.

Lectio ix.

SI autem grauiora hæc cuiquam
videantur. priscam historiam ani-
mo verfet. Hoc enim ipsum & supe-
rioribus temporibus contigit, quod
maximo argumento est, cognata es-
se vetera nouis. & eundem esse, qui
hæc dicat, & illa imperauit. Iudæis
enim tūc pepercit, cum singuli pro-
ximos suos interemissent, sic etiam,
quando vitulum consecrarunt, &
quando Beelphegor dedicarunt. Vbi
ergo sunt, qui dicere audent, pestifer
est ille Deus, hic propitius, atque mi-
tis? *T*e Deum.

S E X T A D I E.

In tertio Nocturno.

Lectio sancti Euangelij secundum
Matthæum.

Lectio vii.

IN illo tempore: Dixit Iesus disci-
pulis suis: Nolite arbitrari, quia
pacem venerim mittere in terram:
non veni pacem mittere, sed gladium.
Et reliqua.

De Homilia S. Ioānis Chrysostomi.

ANimaduertis, quot, quibusque
causis persuadet, & domos to-
tius orbis Apostolis aperit, cum pla-
nè his omnibus significet vniuersos
sibi homines debitores futuros? Pri-
mum, quia dixit: Dignus est opera-
rius cibo suo. Deinde, quia nudos
nihil habentes emisit. Tertiò, quia in
bella, & pugna pro suscipientibus eos
emisit. Quartò, quia mirabilibus, at-
que inauditis signis eos illustrauit.
Quintò, quia, quòd omnium bono-
rum causa, pacem ipsorum ore ad
domos recipientium adducit. Sextò,

quia grauiora non suscipiētibus mi-
natus supplicia, quàm Sodoma me-
reantur. Septimò, quia ipsum etiam
cum patre accipientes hospitari as-
seruit.

R. Corona. 107.

Lectio viij.

O Crauò, quia prophetæ merce-
dem ac iusti futuram recipiēti
pollicetur. Nonò, quòd aquæ frigi-
dæ calicem præbentes non paruas
sint retributiones habituri. Quorum
vnumquodque per se ipsum satis
magnas vires ad attrahendum pos-
sident: quis enim militæ ducem, quā-
uis vulneribus sanguinolentum vi-
deat, non magno gaudio tamen do-
mi recipiat, cum ab acie redeuntem
magnis trophæis, & singulari victo-
ria videat? *R.* Hic est. 107.

Lectio ix.

Sed quisnā talis modò est, inquires,
& recipiamus ipsum? propterea
discipuli, prophetæ, ac iusti denique
nomen adiecit, vt discas, non ex di-
gnitate recepti, sed ex voluntate re-
cipientis mercedem omnem esse
constitutam: nam quod in hoc loco
de prophetis, discipulis, ac iustis di-
cit, id alibi de recipientibus abiectos,
ac minimos homines protulit: in-
quātum enim, inquit, vni minimorū
fecisti, mihi fecisti: & cōtra rursus,
si nulli horum, nec mihi. *T*e Deum.

S E P T I M A D I E.

In tertio Nocturno.

Lectio sancti Euangelij secundum
Matthæum.

Lectio vii.

IN illo tempore: Dixit Iesus disci-
pulis suis: Nolite arbitrari, quia pa-
cem venerim mittere in terram: non
veni pacem mittere, sed gladium. Et
reliqua.

Homilia sancti Petri Chrysologi.

Serm. 164.

PVtatis, quia pacem veni mittere
in terram? non dico vobis, sed
sepa-

separationem. Et vbi est illud, ecce agnus Dei? vbi illud: sicut ouis ad occisionem ductus est, & sicut agnus corā tondente se mutus, sic non aperuit os suum? sed & illud: dicite filiæ Sion, ecce rex tuus venit tibi mansuetus? & quid est, quod agnus iste tam durē in prædicatione percutit? quid sic arietat in verbo, qui in passionē tanta patientia tacet, in morte tota humilitate succumbit?

R. Corona. 107. *Lectio viii.*

ET re vera, fratres, mūdum Christus per omnia mitis, & māfuetus intrauit, dum nascitur nostro dulcis in germine: dum cunis blande blandior ipse fouetur: dum paruulus in gremio se fundit, & resoluit humano: dum parentis in collo stringitur, & stringit toto charitatis amplexu: pauper agit semper solitarius sēper incedit, quia pauper communis est semper, paret omnibus solitarius semper. Et quid est, quod tantum verbis spargit ignem, quod tanta, & talia inflamat, & dilatat incendia?

R. Hic est. 107. *Lectio ix.*

VRget aqua ignem: cogitanda est talis, tāq; diuīsa coniunctio. Vrget vnda flammam, multiplicat flammā vnda: quæ est talis, tam concors ista discordia? geritur hic agricolæ diuini species: plena namque omnia calore germinat, humore nutriuntur. Vnde rerum parens Deus ignis, & aquæ commercio nos germinat, nos enutrit, quorum tanto ardet, calet, exesuat, anhelat affectus? Putatis, ait, quia pacem veni mittere in terram? Non; quare? quia coniunctio cœlestis est in ista separatione, terrena: nemo potest connecti terræ, & iungi cœlo. Grata ergo, & cara sit ista terrena separatio, quæ nos sic à terrenis separat, vt inferat nos diuinis. Te Deum.

IN DIE OCTAVA.

in tertio Nocturno.

Lectio sancti Euangelij secundum Matthæum. *Lectio vii.*

In illo tempore: Dixit Iesus discipulis suis: Nolite arbitrari quia pacem venerim mittere in terram: non veni pacem mittere, sed gladiū. Et reliqua.

Homilia sancti Ambrosij Episcopi.

Ex lib. 7. in Luc. 12.

Cum in omnibus ferē Euangelij locis spiritalis intellectus operetur, tamen in præsentī maxime, & ne quem duritia nudæ expositionis offendat, spiritali altitudine sēsus ferries temperanda est; præsertim cum sacrosancta religio moralibus disciplinis & mitibus pietatis exemplis, etiam fidei exules ad reuerentiam tamen sui clementer inuitet, vt præuia fidei disciplina, mansuetudine sui superflitionum dura dissoluat, & obnoxia erroribus mentes cogat etiam fide credere, quas potuit pietate mulcere: etenim cum fidei alta pectoribus nō capiuntur infirmis, per ea, quæ præcepta sunt, ea, quæ veneranda sūt, æstīmantur; vt iusta de iusto, sancta de sancto, bonorum suorum bonum testentur auctorem.

R. Corona. 107. *Lectio viii.*

ERgo Dominum illum, qui simul diuinitatis reuerentiam, & pietatis gratiam sua lege cōplexus est, dicens: Diliges Dominum Deum tuum, & diliges proximum tuum: ita nunc mutatum esse opinabimur, vt abolere necessitudinū nomina, collidere pietatis affectus, carissimorum pignorum dissidia mandasse credamus? & quomodo ipse est pax nostra, qui fecit vtraque vnum? quomodo ipse dicit: Pacem meā do vobis, pacem meā relinquo vobis, si patres à filiis, filios à parentibus diuidio-

ne-

neccessitudinis separaturus aduenit? quomodo maledictus, qui non honorat patrem; religiosus, qui deserit.

R. Hic est. 107. Lectio ix.

Sed si aduertamus, quia prima causa religionis, secunda pietatis est, enodandam etiam hanc aestimabimus quaestionem: oportet enim, vt diuinis humana post habeas. Nam si officium parentibus exhibendum est; quanto magis auctori parentum cui gratiam etiam pro parentibus tuis debes? Aut si illo omnino non recognoscunt parētem, quemadmodū tu recognoscas? Non igitur dicit, renuntiandum esse pignoribus, sed Deum omnibus praferendum. Non diligere parentes, sed Deo praferre prohiberis; etenim naturae pignora Domini beneficia sunt.

T e Deum laudamus.

INFRA OCTAVAM VNIUS MART. NON PONT.

Homilia in Euangel. Matth. cap. 10.

Nihil est opertum, &c.

IN DIE FESTO

In tertio Nocturno.

Lectio sancti Euangelij secundum Matthaeum.

Lectio vij.

In illo tempore: Dixit Iesus discipulis suis: Nihil est opertū, quod non reuelabitur; neque occultum, quod non sciatur. Et reliqua.

Homilia sancti Hilarii Episcopi.

Comment. in Matth. cap. 10.

Dominus diem iudicii ostendit, quae abstrusam voluntatis nostrae conscientiam prode: & ea, quae nunc occulta existimantur, luce cognitionis publicae deteget. Igitur non minas, non consilia, non potestates inscientium monet esse metuendas: quia dies iudicii nulla haec fuisse, atque inania reuelabit, Et quod dico vobis

in tenebris, dicite in lumine: & quod in aure auditis, predicate super terram. Non legimus Dominum solitum fuisse noctibus sermocinari, & doctrinam in tenebris tradidisse: sed quia omnis sermo eius carnalibus tenebrae sunt, & verbum eius infidelibus nox est.

R. Corona. 107. Lectio viij.

Itaque id quod a se dictum est, cum libertate fidei, & confessionis vult esse loquendum: idcirco, quae in tenebris dicta sunt, praedicari iussit in lumine: vt quae secreto aurium commissa sunt, super terram, id est, excelsio loquentium praekonio audiantur. Costanter enim Dei ingerenda cognitio est, & profundum doctrinae Euangelicae secretum in lumine praedicationis Apostolicae reuelandum: non timentes eos, quibus cum sit licentia in corpora tantem in animam ius nullum est: sed timentes potius Deum cui perdenda in gehenna & animae, & corporis sit potestas.

R. Hic est. 107. Lectio ix.

Nolite timere eos, qui occidunt corpus. Nullus igitur corporum nostrorum casus est pertimescendus, neque vllus interimenda carnis admittendus est dolor: quando pro naturae suae, atque originis conditione resoluta, in substantiam spiritalis animae refundatur. Et quia doctrinis talibus confirmatos oportet liberam confitendi Dei habere constantiam, etiam conditionem, qua teneremur, adiecit negaturum se eum Patri in caelis, qui se hominibus in terra negasset: eum porro, qui confessus coram hominibus se fuisset, a se in caelis confitendum, qualesque nos nominis sui testes hominibus fuissimus, tali nos apud Deum Patrem testimonio eius vsuros. T e Deum.

S E-

SECUNDA DIE.

In tertio Nocturno.

Lectio sancti Euangelij secundum Matthæum. *Lectio vii.*

In illo tempore: Dixit Iesus discipulis suis: Nihil est opertum, quod non reuelabitur: neque occultum, quod non scietur. Et reliqua.

Homilia S. Hieronymi Prebyti.

Ex Comment. in Matth. 10. lib. 1.

Et quomodo in presenti sæculo multorum vitia nesciuntur, sed de futuro sæculo scribitur: quādo iudicabit Deus abscondita hominum, & illuminabit latebras tenebrarum, & manifestabit consilia cordium: & est sensus: nolite timere persecutorum sæuitiam, & blasphemantium rabiem: quia veniet dies iudicii, in quo vestra virtus, & eorum nequitia demonstrabitur: Quod dico vobis in tenebris, dicite in lumine, & quod in aure auditis, prædicate super tecta, quod auditis in mysterio, apertius prædicate; quod discitis abscondite, publice loquimini: quod vos erudiui in paruulo Iudææ loco, in vniuersis vrbibus, & in toto mundo audacter dicite.

R. Corona. 107. Lectio vii.

Evm timete, qui potest animam & corpus perdere in gehennam; Nomen gehenna, in veteribus libris non inuenitur: sed primum a Salvatore ponitur: quæramus ergo, quæ sit sermonis huius occasio. Idolum Baal iuxta Ierusalem, ad radicem montis Maria, in quibus Siloe fluit, nō semel legimus. Hæc vallis & parua capi planities irrigua erat, & nemorosa, plenaque delicijs, lucusque in ea idolo consecratus erat, in tantam autem demerentiam populus venerat, vt deserta templi vicina, ibi hostias immolaret, & rigorem religionis deliciaz vincerent, filiosque suos demo-

nij incederent, vel initiarent, & appellabatur locus iste gehennon, id est vallis filii Hennon.

R. Hic est. 107. Lectio ix.

Futura ergo supplicia, & pœnæ perpetuæ, quibus peccatores cruciandi sunt, huius loci vocabulo denotatur. Duplicem autem esse gehennā nimii ignis, & frigoris, in Iob plenissime legimus. Quod autem ait: Vestri autem capilli capitis omnes numerati sunt: derident intelligentiam ecclesiasticam in hoc loco, qui carnis resurrectionem negant quasi & nos capillos, qui numerati sunt, & a tonsore recisi, omnes dicamus resurgere: cum Saluator nō dixerit. Vestri autem capilli capitis omnes saluandi sunt, sed numerati sunt: vbi numerus, & scientia numeri demonstratur, non eiusdem numeri conseruatio. *T e Deum.*

TERTIA DIE.

In tertio Nocturno.

Lectio sancti Euangelij secundum Matthæum. *Lectio vii.*

In illo tempore: Dixit Iesus discipulis suis: Nihil est opertum, quod non reuelabitur: neque occultum, quod non scietur. Et reliqua.

Homilia sancti Petri Chrysologi.

Serm. 101.

Vobis autem dico amicis meis, ne terreamini: quia libertatem probat virtus, metus indicat seruitutem: nam liber ad gloriā, seruus natus est ad timorem. Merito ergo ad Dei amicitias sublimatur qui propter Deum humanas despicit mortes, nescit timores: si amicos morum facit imitatio, morū similitudo coniungit; conuenienter eos amicos vocat Christus, quos imitatione sua mūdi iacula, & ipsam mortis formidinem conspiciat, & prauidet calcaturos. *R. Corona. 107.*

Lc.

Lectio viij.

Vobis autem dico, id est, non omnibus, sed amicis. Vobis autem dico, quos mors absoluit, ista non finit. Vobis dico, quos corporis resolutionis promouet ad melius. non transducit ad poenam. Vobis dico, quibus morte vita inchoatur, non finitur. Vobis dico, quorum mors pretiosa sit, non sui qualitate, sed causa, dum vitæ magis lucra inuenit, quam vitæ perdat usuram; sed audiamus, quid dicat amicis suis. Ne terreamini ab his, qui occidunt corpus.

R. Hic est. 107.

Lectio ix.

Audiat, qui de bono mortis veterum vetusta volumina detruerunt, nihil tamen inde capere virtutis, aut consolationis aliquid inuenire valuerunt, quis homini, quis sapienti dicat? Mori natura est; necesse est deperire: nobis vixerunt veteres, viuimus nos futuris; nemo sibi: quod non potest tolli, velle virtutis est: suscipe volutarius, ad quod virgeris inuitus: mors antequam veniat, non est: cum autem venerit, venisse nescitur. Nec ergo amississe te doleas, quod, cum amiseris, non dolebis.

Te Deum laudamus.

Q V R T A D I E.

In tertio Nocturno.

Lectio sancti Euangelij secundum Mattheum.

Lectio vij.

In illo tempore: Dixit Iesus discipulis suis: Nihil est opertum, quod non reuelabitur: neque occultum, quod non sciatur. Et reliqua.

Homilia S. Augustini Episcopi.

Serm. 18. de verb. Apost. circa med.

Cum dicis mihi, gehennam timeo, ardere timeo, in æternum puniri timeo: quid dicturus sum? Male times? vanè times? Non audeo, quando quidem ipse Dominus ablato timore subiecit timorem: & ait vbi di-

xit. Nolite timere eos, qui corpus occidunt, & postea non habent quid faciant: sed eum timere, qui habet potestatem & corpus, & animam perdere in gehennam ignis; ita dico vobis, hunc timete. Cum ergo Dominus timorem incusserit, & vehementer incusserit, & repetendo verbum, comminationem geminauerit, dicturus ego sum: Male times? Ista non dicam. Planè times, nihil melius times; nihil est, quod magis timere debeas. R. Corona. 107.

Lectio viij.

Sed interrogo te. Si non te videret Deus, quando facis, nec quicquam te conuinceret iudicio illius, faceres? Tu te vide. Non enim potes ad verba omnia mea respondere, inspicere te ipsum. Faceres? Si faceres, ergo poenam times, charitatem nondum habes, seruiliter times, formido est mali, nondum dilectio boni. Sed time tamè, ut ista formido custodiat te, ut perducatur ad dilectionem. Timor enim iste, quo gehennam times, & ideo mala non facis, continet te: & sic volentem peccare animum interiore non finit: est enim quidam custos timor, quasi pedagogus legis, littera est minans, nodum gratia iuuans. R. Hic est. 107. Lectio ix.

Custodiat tamen te timor iste, dum non facis timendo, & venit charitas: intret in cor tuum, & quantum illa intrat, tantum timor exit. Timor enim id agebat, ne faceres, charitas id agit, ne velis facere, etiam si impune possis admittere. Dixi quid timeatis, dixi quid appetatis. Secutimini charitatem, intret charitas, admittite illam, timendo peccare, admittite amorem non peccantem, admittite amorem bene viuentem. Habet secum suum timorem, quem introducit ipsa: sed illum castum permanen-

manentem in seculum seculi.

Te Deum.

Q V I N T A D I E.

Intertio Nocturno.

Lectio sancti Evangelij secundum Matthæum.

Lectio vij.

In illo tempore: Dixit Iesus discipulis suis: Nihil est opertum, quod non reuelabitur; neque occultum, quod non sciatur. Et reliqua.

De Homil. S. Ioannis Chrysostomi.

Homil. 35. in Matth.

Vides, quod non promittit ipsis huius vitæ perpetuitatem, mori autem promittit, vt maiora, sublimioraque conferat, quâ si nunquam morti traderentur. Et certè multo melius est mortem omninò despicerè, quam eam effugere; quo circa nò in periculum mortis, cum nati essent homines, ipsos introducit, sed terrore moriendi morte superiores facit. Ita breui oratione duobus, vel tribus verbis, absoluta, salutarè de immortalitate opinionem in animis eorum fixit, atque locauit.

Re. Corona. 107. Lectio viij.

Postea ne putarentur quasi se derelictos ab eo, ad cædem, & violentum peruenturos interitum, de providentiâ Dei disputat, dicens: Nonnè duo passeret assè venduntur, & vnus ex ipsis nò cadit in laqueum sine patre vestro, qui est in cælis? Vestri autem, & capilli capitis omnes numerati sunt: quid enim vilius passeribus ait, sed tamen numquã ignorante Deo capiuntur: non enim cooperante Deo incidere in laqueum passeret ait, quod diuinæ maiestatis indignum est, sed non esse clam Deo, etiam vilissimarum auium causam ostendit, quod si nihil penitus Deus ignorat: at vos paterna charitate prosequitur, & ita amat, vt pilos capitis quoque vestri non negligat,

Octau. Rom.

quid timendus vobis est.

Re. Hic est. 107.

Lectio ix.

Hoc autem dicebat, non quòd Deus capillos numeret, sed quia perfectam cognitionem rerum omnium, & summam de omnibus Dei providentiam ostendere voluit. Si ergo cuncta nouit, quæ sunt, si vult, potest simul seruire vos: nolite, cum tribulationes vobis acciderint, derelictos vos esse à Deo existimare: non enim ab incommodis corporis liberare vos non vult, sed ad eã perfectionem adducere studet, vt incommoda corporis contemnatis.

Te Deum.

S E X T A D I E.

In tertio Nocturno.

Lectio sancti Evangelij secundum Matthæum.

Lectio vij.

In illo tempore: Dixit Iesus discipulis suis: Nihil est opertum, quod non reuelabitur: neque occultum, quod non sciatur. Et reliqua.

Homilia S. Augustini Episcopi.

Serm. 13. de Mart.

Admonent nos eloquia diuina, quæ lecta sunt timendo nò timere, & non timendo timere. Ait enim: Nolite timere eos, qui corpus occidunt, animam autem non possunt occidere. Ecce vbi monuit vt timeremus. Videre, nò monuerit vt timeremus. Sed eũ, inquit, timete, qui potestatem habet corpus, & animã occidere in gehenna. Ergo timeamus, vt non timeamus. Timor videtur ad ignauia pertinere. Timor infirmorum videtur esse, non fortium. Sed videte quid ait Scriptura. Timor Domini spes fortitudinis. Timeamus, ne timeamus; hoc est prudenter timeamus, ne inaniter timeamus.

Re. Corona. 107.

Lectio viij.

Dicat ergo fortissimus martyr stans homo ante hominẽ: Non

I timeo

timeo, quia timeo; tu quod minaris, si ille nolit, non facis. Quod autem ille minatur vt faciat, a nullo impeditur. Deinde tu quod minaris, & si permittaris, quid facis? Vique ad carnem seuis: anima tuta est. Non occides, quod non vides: visibilis visibilem terres. Habemus ambo inuisibilem creatorem, quem simul timere debeamus; qui hominem ipsum ex visibili, & inuisibili creauit: visibilem de terra fecit, inuisibilem flatu suo animauit. Potes ferire habitaculum, numquid habitatorem? Fugit percussio vinculo colligatus, & erit in occulto coronatus.

R. Hic est. 107.

Lectio ix.

Quid ergo minaris, qui animam nihil facere potes? Per meritum eius, cui facere nihil potest, resurget, cui facere aliquid potes. Per meritum enim animæ resurget & caro: & habitatori reddetur iam non ruitura, sed mēsurā. Ecce verba martyris dico. Ecce propter ipsam carnem meā timeo comminantem. Caro mea subiacet potestati, sed etiam capilli capitis mei numerati sunt creatori. Quid timeo ne carnem perdam, qui nec capillum perdo? Quomodo non attendit carnem meam, cui sic nota sunt vilia mea? Te Deum.

S E P T I M A D I E.

In tertio Nocturno.

Lectio sancti Euangelij secundum Matthæum.

Lectio vij.

In illo tempore: Dixit Iesus discipulis suis: Nihil est opertū, quod non reuelabitur: neque occultum, quod non sciatur. Et reliqua.

De Homilia S. Augustini Episcopi.

Scitote, certumque tenete corpus mortuum esse sine anima: animam mortuam esse sine Deo. Omnis homo sine Deo mortuam habet animam. Plangis mortuum:

magis plange impium, plange infidelē. Scriptum est, Luctus mortis, septem dies: fatui autem, & impij, omnes dies vitæ illorum. An verò non in te sunt viscera Christianæ miserationis, vt plangas corpus, a quo discessit anima; & non plangas animam, a qua recessit Deus?

R. Corona. 107.

Lectio viij.

Hoc tenens martyr respondeat cōminatori; Quid me cogis? vt negem Christum? Si noluerō, quid facis? Percutis corpus meum, vt recedat inde anima mea. Sed ipsa anima mea ad se habet corpus: Non est imprudens, non est insipiens. Tu vis ferire corpus meum: vis, vt cum timeo, ne ferias corpus meum, & recedat inde anima mea, ego feriam animam meam, & recedat inde Deus meus? Inde ergo Dominus, Qui habet potestatem & corpus, & animam occidere in gehenna ignis. Quomodo, quando mittetur in gehennam impius ardebit? Ibi corpus, ibi anima. Mors corporis, sempiterna pœna: mors animæ, Dei absentia. R. Hic est. 107.

Lectio ix.

Vis nosse, quæ sit mors animæ? Intellige Prophetam dicentem, Tollatur impius, vt non videat claritatem Domini. Timeat ergo anima mortem suam, & non timeat mortem corporis sui. Quia si timuerit mortem suam, & vixerit in Deo suo, non eum offendendo, & a se repellendo, merebitur in fine recipere corpus suum non ad pœnam æternam, sicut impij, sed ad vitam æternam, sicut iusti. Illam mortem timentes, & illam vitam martyres diligentes, promissa Dei expectantes, minas persecutorum contemnentes, & ipsi apud Deum coronari meruerunt, & nobis celebranda illa sollemnia reliquerunt. Te Deum.

IN

IN DIE OCTAVA.

In tertio Nocturno.

LECTIO sancti Euangelij secundum Matthæum. LECTIO vii.

IN illo tempore: Dixit Iesus discipulis suis: Nihil est opertū, quod non reuelabitur: neque occultum, quod non sciatur. Et reliqua.

Homilia S. Ambrosij Episcopi.

In Luc. lib. 7. c. 12.

SI tanta est Dei, & tam æterna maiestas, vt vnus ex passeribus, aut nostrorum numerus capillorū præter sciētiam Dei non sit, quā indignum est estimare, quōd fideiū corda Dominus aut ignoret, aut spernat, qui viliora cognoscit? Fortasse dicat aliquis; quomodo Apostolos dixit: Numquid de bouibus cura est Deo, cum vtique bos passere pretiosior sit: sed aliud est cura, aliud scientia. Denique numerus capillorum non in actū computationis, sed in facilitate cognitionis accipitur.

R. Corona. 107.

LECTIO viij.

NON enim sollicitam Deus curę numerantis intendit excubiā, sed, cui cognita sunt omnia, quasi numerata sunt omnia. Benè tamen numerati dicuntur, quia illa, quæ volumus seruare, numeramus. Possumus tamen hic discutere aliquod intelligentiæ spiritualis arcanum, præsertim cum hoc videatur absurdum; vt homines non potius hominibus, quam passeribus comparentur. Vnde benè Matthæus duos passeres posuit, corpus, animamque significans, quoniā caro quoque si consentiens Dei legi, & exuens se lege peccati in naturam animæ sensuum puritate transierit, alis ad cælum spiritualibus eleuatur.

R. Hic est. 107.

LECTIO ix.

I Am illud non dubium est, animæ passerem comparari, cum legis: Anima nostra sicut passer erepta

est de laqueo venantium. Et alibi: quomodo dicitis animæ meæ, transmigra in montem, sicut passer. In summa igitur hic sensus est: Si Dominus vilibus auib; & infidelibus hominibus, vel in oriūdo sole, vel in terrena secunditate prospexit, si misericordiæ suæ omnibus munus impartit, haud esse dubitandū, contemplationem a pud illum fideiū valituram esse meritorum. Te Deum.

INFRA OCTAVAM VNIVS MARTYR. PONT.

Homilia in Euangel. Ioann. cap. 12.

Nisi granum frumenti, &c.

IN DIE FESTO.

In tertio Nocturno.

LECTIO sancti Euangelij secundum Ioannem. LECTIO vii. Cap. 12.

IN illo tempore: Dixit Iesus discipulis suis: Amen, amen dico vobis, nisi granum frumenti cadens in terram, mortuum fuerit, ipsum solum manet. Et reliqua.

Homilia sancti Augustini Episcopi.

Tract. 51. in Ioann. sub med.

IPSE Dominus Iesus erat granum mortificandum, & multiplicandum, mortificandum infidelitate Iudeorum, multiplicandum fide populorum. Iam verò exhortans nos ad passionis suæ sectanda vestigia. Qui amat, inquit, animam suam, perdet eam. Quod duobus modis intelligi potest. Qui amat perdet, id est si amas, perdes. Si cupis vitam tenere in Christo, noli mortem timere pro Christo. Item alio modo, Qui amat animam suā, perdet eam: noli amare, ne perdas: noli amare in hac vita, ne perdas in æterna vita.

R. Corona. 107.

LECTIO viij.

H Oc autem, quod posterius dixi, magis habere videtur Euā-

gelicus sensus: Sequitur enim: Et, qui odit animam suam in hoc mundo, in vitam æternam custodit eam. Ergo, quod supra dictum est, qui amat, subintelligitur, in hoc mundo, ipse utique perdet: qui autem odit? utique in hoc mundo, in vitam æternam ipse custodit eam. Magna, & mira sententia, quemadmodum sit hominis in animam suam amor, ut pereat, odiū ne pereat. Si malè amaueris, tunc odisti: si bene oderis, tunc amasti. Felices, qui oderunt custodiendo, ne perdant amando.

R. Hic est. 107.

Lectio ix.

Sed vide ne tibi subrepat, ut te ipsum velis interimere, sic intelligendo, quod debes odisse in hoc mundo animam tuam. Hinc enim quidam maligni, atque peruersi homines, & in seipsis crudeliores, & sceleratiores homicidæ flammis se donant, aquis se præfocant, præcipitio se collidunt, & pereunt. Hoc Christus non docuit: immò etiam diabolo præcipitium suggerenti respondit; Redi retrò sathanas: scriptum est, Non tentabis Dominum Deum tuum. Petro autem dixit, significans, qua morte clarificaturus erat Deū: Cum esses iunior, cingebas te, & ambulabas quò volebas: cum autem senueris, alter te cinget, & feret quò tu non vis. Vbi satis expressit, non à seipso, sed ab alio debere occidi, qui vestigia sequitur Christi.

Te Deum.

SECUNDA DIE.

In tertio Nocturno.

Lectio sancti Euangelij secundum Ioannem.

Lectio vii.

In illo tempore: Dixit Iesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

De Homilia S. Augustini Episcopi.

Cum ergo causæ articulus venerit, ut hæc conditio proponatur, aut faciendum esse contra Dei præceptum, aut ex hac vita emigrandum; quorū duorum homo si cogatur alterum eligere, cōminatē mortem persecutore, ibi eligat Deo dilecto emori, quàm offēso viuere. Ibi oderit in hoc mundo animam suam, ut in vitam æternam custodiat eam. Si quis mihi ministrat, me sequatur. Quid est, Me sequatur? nisi, Me imitetur? Christus enim pro nobis passus est, ait Apostolus Petrus, relinquens nobis exēplū, ut sequamur vestigia eius. R. Corona. 107. Le. viij.

Ecce quod dictum est: Si quis mihi ministrat, me sequatur. Quofructu? qua mercede? quo præmio? Et ubi sum, inquit, ego, illic, & minister meus erit. Gratis ametur, ut operis, quo ministratur illi, pretium sit, esse cū illo. Vbi enim bene erit sine illo, aut quando esse malè poterit cū illo? Audi euidentius: Si quis mihi ministraverit, honorificabit eum Pater meus, Quo honore, nisi, ut sit cum filio eius? Quod enim superius ait: Vbi ego sum, illic & minister meus erit: hoc intelligitur exposuisse, cum dicit: Honorificabit eū Pater meus. Nam quem maiorem honorē accipere poterit adoptatus, quàm, ut sit ubi est vnicus, non æqualis factus diuinitati, sed confociatus æternitati?

R. Hic est. 107.

Lectio ix.

Quid sit autem ministrare Christo, cui operi merces tanta proponitur, hoc potius debemus inquirere. Si enim hoc putauerimus esse Christo ministrare, ea, quæ sunt corpori necessaria, præparare, aut cœnanti cibum coquere, vel apponere, vel poculum dare, potumque miscere: fecerunt hoc illi, qui potue-

tuerunt eum in corpore habere presentem, sicut Martha & Maria, quando, & Lazarus vnus erat ex discumbentibus. Sed eo modo Christo etiā Iudas perditus ministravit. Nam, & loculos ipse habebat: & quamuis ex eis, quæ mittebantur, sceleratissime furaretur per illum tamen etiam necessaria parabantur.

T e Deum.

T E R T I A D I E.

In tertio Nocturno.

Lectio sancti Evangelij secundum Ioannem. *Lectio vij.*

In illo tempore: Dixit Iesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

De Homilia S. Augustini Episcopi.

Nullo modo igitur de huiusmodi ministris diceret Dominus: Vbi sum ego, illic, & minister meus erit: & Si quis mihi ministrauerit, honorificabit eum Pater meus: quoniam Iudam talia ministrantem, reprobatum potius, quam honoratum videmus. Vt quid ergo alibi querimus, quid sit ministrare Christo, & non potius in istis ipsis verbis agnoscimus? Cum enim dixit: Si quis mihi ministrat, me sequatur: hoc intelligi voluit, ac si diceret: Si quis me non sequitur, non mihi ministrat. Ministrant ergo Iesu Christo, qui non sua querunt, sed quæ Iesu Christi.

R. Corona. 107.

Lectio viij.

Minister est Christi vsque ad illud opus magnæ charitatis, quod est animam suam pro fratribus ponere: hoc est enim, & pro Christo ponere: quia & hoc propter sua membra dicturus est: Cum pro istis fecistis, pro me fecistis. De tali quippe opere etiam se ministrum facere, & appellare dignatus est, vbi

ait: Sicut Filius hominis non venit ministrari, sed ministrare, & animam suam ponere pro multis. Hinc est ergo vnusquisque minister Christi, vnde est minister & Christus. Sic ministrantem Christo honorificabit Pater eius honore illo magno, vt sit cum Filio eius, nec vnquam deficiat felicitas eius.

R. Hic est. 107.

Lectio ix.

Cum ergo auditis, fratres, Dominum dicentem: Vbi ego sū, illic & minister meus erit; nolite tantummodo bonos Episcopos, & clericos cogitare: etiam vos pro modulo vestro ministrare Christo, bene viuendo, eleemosynas faciendo, nomen, doctrinamque eius, quibus potueritis, prædicando: vt vnusquisque etiam paterfamilias hoc nomine agnoscat paternum affectum suæ familie se debere. Pro Christo, & pro vita æterna suos omnes admoneat, doceat, hortetur, corripiat, impendat benevolentiam, exerceat disciplinam: ita in domo sua ecclesiasticum, & quodammodo Episcopale, implebit officium, ministrans Christo, vt in æternum sit cum ipso.

T e Deum.

Q V A R T A D I E.

In tertio Nocturno.

Lectio sancti Evangelij secundum Ioannem. *Lectio iij.*

In illo tempore: Dixit Iesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

Homilia S. Ioannis Chrysostomi.

Homil. 65. in Ioann. post med.

Talem, de resurrectione disputans, rationem Paulus etiam attulit. Quam igitur habebunt excusationem, qui resurrectionem non credunt? cum in seminibus, & in plā-

tis quotidie hoc videamus, ac etiam in nostro genere? Primum enim corrumpi semen oportet, inde fieri generationem. Omnino autem, cum Deus aliquid facit, nulla opus est ratione. Quomodo nos ex nihilo fecit? Hoc ad Christianos dico, qui se dicunt credere scripturis.

R. Corona. 107.

Lectio viij.

EGo autem & aliud dicam ex humanis rationibus. Alij malitiā, alij virtutem sectantur: sed malitiæ sectatorum multi feliciter in vitam perueniunt fenestram, virtutis autem contra. Quomodo ergo pro meritis vnusquisque accipiet? quando? Certè, inquiunt, sed corpora non resurgent. Nonnè audiunt Paulum dicentem: Oportet autem corruptibile hoc induere incorruptionem? Neque animam intelligit, quippe quæ non corrumpitur: & resurrectio de mortuo dicitur. Cecidit autem corpus.

R. Hic est. 107.

Lectio ix.

OVare corporis resurrectionem negas? An non possibile Deo est? quod dicere summę amentię est. An non decet? quamobrem? vt corruptibile, quod & laboris est, & mortis particeps, in præmijs communicet. Si non decuisset, neque a principio factum esset: nonnè carnem ipse accepit? quod acceperit, & ipsum suscitauerit, audi, quid dicat: Infer digitum tuum huc, & vide, quia spiritus ossa, & nervos non habet. Quare Lazarum suscitauit, si melius fuisset sine corpore suscitare? Nolite, dilectissimi, ab hæreticis decipi: est enim resurrectio, est iudicium. Hæc tollunt quicumque nolunt operum suorum rationem reddere.

T. e. Deum.

QVINTA DIE:

In tertio Nocturno.

Lectio sancti Euangelij secundum Ioannem. Lectio vij.

In illo tempore: Dixit Iesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

Homilia S. Ioannis Chrysostomi.

Homilia 66. in Ioannem.

DVlcis præfens vita est, & multę plena voluptatis, non tamen omnibus, sed ijs tantum, qui illi sunt affixi. Quod si quis in cœlum suspenderit, & quæ ibi præclara sunt, contemplatus fuerit, statim hanc contemnet, ac nullius pretij existimabit. Nam & corporum pulchritudo, quoad pulchrius non deprehenditur, in admiratione habetur: cum verò aliud præstantius apparuerit, illa prior despicitur. Quod si illam pulchritudinem etiam nos intueri voluerimus, & cœlestis regni speciem considerare, confestim nos huius sæculi vinculis dissoluemus.

R. Corona. 107.

Lectio viij.

Vinculum namque est terrenarum rerum affectio: ad cuius dissolutionem vt nos induceret Christus, quid dicat, attende. Qui amat animam suam, perdet eam: & qui odit animam suam in hoc mundo, in vitam æternam custodit eam. Enigmati simile hoc dictum videtur: non tamen ita est, immò verò præcipuæ sapientię plenum. Et quomodo, qui amat animam suam, perdet eam? Qui absurdus eius cupiditatibus obtemperat, qui præter debitum ei indulget: quemadmodum econtrario, qui odit eam in hoc mundo, custodit eam; hoc est, qui non paret ei, cum noxia iubet.

R. Hic est. 107.

Le-

Lectio ix.

ET non dixit, qui non paret, sed qui odit. Sicuti enim, quos odio habemus, ne vocem quidem audire, nec vultum eorum videre æquo animo patimur: ita & animæ, si quid præter Dei voluntatem nobis imperat, vehementer auersari oportet. Cum enim iam de morte ad eos verba facturus esset, de morte videlicet sua, & præuideret eorum tristitiam, & exanimationem, per excessum locutus est, inquiens: Quid dico, si mortem meam generose non feretis? nisi vos ipsi moriamini, nullū vos sequetur emolumentum. Te Deum.

S E X T A D I E.

In tertio Nocturno.

Lectio sancti Euangelij secundum Ioannem.

Lectio vij.

In illo tempore: Dixit Iesus discipulis suis: Amen, amen dico vobis, nisi granum frumenti cadens in terram, mortuum fuerit, ipsum solum manet. Et reliqua.

De Homilia sancti Ioannis Chrysostomi.

ET vide quomodo lenit sermonem suum, grauius enim & molestius videbatur dicere homini, animam amanti, esse moriendum: & quid antiquitus dico, quando, & nunc multos inueniemus libenter omnia tolerantes, vt hac vita fruantur, & maximè qui futuram credunt? qui cum vidēt ædificia, molesque, & machinas, lacrymantur dicentes: quot homo, & quanta? & sic puluis. Sic magna præsentis vitæ cupiditas.

R. Corona. 107.

Lectio viii.

Hæc vincula Christus dissoluēs, inquit: qui odit animam suam in hoc mundo, in vitam æternam custodit eam: quod enim ad eorū tollendum metū hæc diceret, audi, quæ sequuntur: Qui mihi ministrat, me

sequatur: de morte locutus, & operum sequelam, atque imitationem exigit; oportet enim omnino ministrum, eum, cui ministrat, sequi.

R. Hic est. 107.

Lectio ix.

ET considera, quando hæc loquitur, non cum persecutionem patiebantur, sed cum confidebant, cum se in tuto esse arbitrabantur, quod à multis honorarentur, colebanturque quando, & consurgere poterant, & audire; & tollat crucem suam, & sequatur me, hoc est, semper paratus sis, inquit, ad pericula, ad mortem, ad terrena exilia. Inde cum grauiā dixisset, præmium ponit; quod, qui sequetur ipsum, erit vbi ipse est: quibus verbis ostendit resurrectionem post mortem; Vbi ego sum, inquit, illic & minister meus erit.

Te Deum.

S E P T I M A D I E.

In tertio Nocturno.

Lectio sancti Euangelij secundum Ioannem.

Lectio vij.

In illo tempore: Dixit Iesus discipulis suis: Amen, amen dico vobis, nisi granum frumenti cadens in terram mortuum fuerit, ipsum solum manet. Et reliqua.

Homilia S. Augustini Episcopi.

Serm. 37. Lib. 50. homil.

MOdò, fratres charissimi, cum diuina lectio legeretur, audiuius Dominum dicentem: Qui amat animam suam, perdet illam. Huic sententiæ quasi contrarium videtur esse quod ait Apostolus. Nemo vnumquam carnem suam odio habuit. Si ergo nemo est, qui carnem suam oderit, quantò magis nemo est, qui oderit animam suam? Multū quippe anima carni præponitur, quia ipsa est habitatrix, caro habitaculum? Et anima dominatur, caro autem seruit; Anima superior est, ca-

ro subiecta. R. Colona. 107.

Lectio viij.

SI ergo nemo vmquam carnem suam odio habuit; quis est, qui animam suam oderit? Propter hoc non paruam questionem nobis intulit præfens Euangelica lectio, vbi audiuius, Qui amat animam suam, perdet illam. Sunt ergo qui peruersè animam suam amant: & hoc vult Dei sermo corrigere, non vt oderint animam suam, sed vt rectè diligant. Male enim diligendo perdunt eam, & sic quiddam magnum quasi præposterum, & contrarium. Sed ita tamen fit, vt, si diligas eam peruersè, perdas illam: si oderis illam rectè, conserues illam. Est ergo quidam peruersus amor eius, & quoddam rectum odiū eius. Sed amor peruersus ab odio, odium rectum ab amore eius.

R. Hic est. 107.

Lectio ix.

QVis igitur modus diligēdi animā? Putatis, martyres non amabant animas suas? Videtis certè modò si huius vita præsetis sæculi periclitetur, quomodo amici eius currūt pro ea: quomodo curritur ad Ecclesiam, rogatur Episcopus, vt intermittat, si quas habet actiones, currat, festinet. Quare? Pro anima. Et omnes cōtremiscūt, omnibus ceteris rebus intermissis, festinandū esse decernūt. Quid est, pro anima? Ne moriatur homo. Non nouerant martyres amare animas suas: & tamen hoc est pro anima, ne moriatur homo. Mors hominis iniquitas est. Si curris pro hac vita centum millia: quot millia debes currere pro vita eterna? T e Deum.

IN DIE OCTAVÆ.

In tertio Nocturno.

Lectio sancti Euangelij secundum Ioannem.

Lectio vij.

IN illo tempore: Dixit Iesus discipulis suis: Amen, amen dico vo-

bis, nisi grānum frumenti cadens in terram mortuum fuerit; ipsum solum manet. Et reliqua.

De Homilia S. Augustini Episcopi.

Discamus ergo fratres animas nostras: omnis voluptas sæculi transitoria est. Est amor utilis, est amor noxius: amor amore impeditur, amor noxius recedat, & amor utilis succedat. Sed quia homines non sunt illinc recedere, ideò in illos non potest aliud introire: vt non capiant. pleni sunt, fundant, & capiunt. Vis, vt intret mel, vnde acetum nondum fudisti? Funde, quod habes, vt capias, quod non habes. Ideò prima renunciatio est huic sæculo, & deinde conuersio ad Deum. Qui renunciat, fundit; qui conuertitur, impletur: sed si non fiat corpore solo, sed & corde.

R. Corona. 107.

Lectio viij.

Queritur autem, fratres, quomodo crescat iste amor. Habet enim initia sua, habet augmenta sua, habet perfectionem suam. Primò illud attendat charitas vestra, amores omnes, & dilectiones prius sunt in hominibus de se, & sic de alia re, quā diligunt. Si diligis aurum, prius te diligis, & sic aurum: quia si tu mortuus fueris, nullus erit, qui aurū possideat. Ergo dilectio vnicuique à se incipit, & non potest nisi à se incipere, & nemo mouetur, vt se diligat. Primum ergo dilige Deum, deinde teipsum: post hæc dilige proximum tuum sicut te ipsum. Prius tamen discere amare teipsum: sic diliges proximum tuum sicut te ipsum. Nam, si teipsum non nosti amare, quomodo proximum poteris in veritate diligere? R. Hic est. 107.

Lectio ix.

SI ergo vis veræ charitatis ordinē custodire, fac iustitiam, dilige misericordiam, fuge luxuriā, incipe, secundum præceptum Domini, non solum

lūm amicos, sed etiam inimicos diligere. Et hæc cum fideliter custodire toto corde contenderis, istis virtutibus quasi quibusdam gradibus poteris ascendere, vt merearis Deū toto animo, & tota virtute diligere. Et cum ad istam felicem perfectionem veneris, omnes concupiscentias istius mūdi tamquam stercora computabis: Et cum Propheta poteris dicere: Mihi autem adhærere Deo bonum est. Te Deum.

INFRA OCTAVAM MARTYRVM, TEMPORE Paschali.

SECUNDA DIE.

In secundo Nocturno.

Leguntur tres Lect. S. Ambrosij. **Dignum, & congruum, &c.** quæ habentur in Breu. in Cōmuni mart. temp. Paschali cum sequent. responsorijs. Quod si lectæ fuerint in die Festo legantur hac die sequēt. Lect. **Et licet hos, &c.** posita infra in 3. die.

R. iv. **Lux perpetua** lucebit sanctis tuis Dñe, *Et æternitas temporū, alleluia, allel. V. Læticia sēpiterna erit super capita eorū: gaudium, & exultationem obtinebunt. Et æternitas.

R. v. In seruis suis, all. *Consolabitur Deus, allel. V. Iudicabit Dñs populū suū, & in seruis suis. Consolabitur.

R. vi. Filia Ierusalem venite, & videte Martyres cū coronis, quibus coronauit eos Dominus, *In die solemnitatis, & lætitiæ, alleluia.

V. Quoniam confortauit feras portarum tuarum, benedixit filios tuos in te. In die. Gloria Patri. In die.

TERTIA DIE.

In secundo Nocturno.

Si sequentes tres Lect. lectæ fuerint in ij. die, legantur hodie Lect. vt in ij. die infra. **Quibus ergo, &c.**

De Serm. S. Ambrosij Episcopi.

Lectio iv.

ET licet nos in resolutione corporis mortis vmbra circumdet, tamen gressus suos vita non deserit, sed inter ipsas medias inferni leges incunstanter Christi virtutibus ambulamus. Vnde ait Sanctus Propheta. Nam & si ambulauero in medio vmbre mortis, non timebo mala, quoniam tu mecum es. Quod manifestius Dominus ait de fidei, dicens: qui credit in me, non morietur in æternum: & licet moriatur, viuet.

R. Lux perpetua. Lect. v.

ERgo fratres cum Sāctis martyribus Paschæ Dñi gloriam conferamus, cōferamus inquam: & licet melius nouerint omnia, tamē nos illis prædicemus, quemadmodū de sepulchri gremio resurrexit ad superiores. Illi nobis reuelent, quo pacto de inferni profundo remeauerit ad sepulchrū. Notum, inquam, nobis faciant, quemadmodum in examine iā corpus, & frigidū, sese calor insinuaerit, spiritus ingesserit, sanguis infunderit, & gelatas humore venas pristino frigori pulsus agitaerit.

R. In seruis. vt sup. Lectio vj.

Notum, inquam, nobis faciant, quemadmodum organū corporis dissipatum, in priorem statum neruorum rursus coaptauerit resoluta compago, harmoniam viscerum iam silentem in veterem concentum spiritus viuificans animauerit. Sacerdotes ergo prædicent, quæ Saluator post resurrectionem mirabilia gessit ad superiores; martyres reuelent, quanta in ipsa morte refrigeria operatus sit in defunctis.

R. Filia Ierusalem. vt supra.

QUARTA DIE.

In secundo Nocturno.

Legunt. tres Lect. S. Cypriani. **Quibus**

bus ego vos laudibus, &c. Quæ habentur in Breuiario in Comuni Martyr. temp. Pasch. Quod si lectæ fuerint in die festo, pro hac die, & reliq. totius Octauæ sumantur Lectio- nes de Octauis Comm. vnus vel plur. Mart. extra tempus Pasch.

INFRA OCTAVAM MARTYRVM, TEMPORE Paschali.

Homilia in Euang. Ioann. cap. 15.

Ego sum vitis vera, &c.

In die festo habentur Lect. de Horn. S. August. Iste locus Euāgelicus, &c.

in Breu. de Comm. Mart. tēp. Pasch.

SECUNDA DIE.

In tertio Nocturno.

Lectio sancti Euangelij secundum Ioannem. Lectio vij. Cap. 15.

In illo tempore: Dixit Iesus discipulis suis: Ego sum vitis vera, & Pater meus agricola est. Et reliqua.

Homilia S. Augustini Episcopi.

Tract. 80. in Ioan. sub med.

Denique cum de Patre, tamquā de agricola dixisset, quod infertuosos palmites tollat, fructuosos autem purget, vt plus afferat fructus: continuò etiam se ipsum mundatorem palmitum ostendens. Iam vos, inquit, mundi estis propter sermonē, quem locutus sum vobis. Ecce, & ipse mundator est palmitum, quod est agricola, nō vitis, officium, qui etiam palmites operarios suos fecit: nam etsi non dant incrementum, impēdunt tamen aliquod adiumentum, sed non de suo, quia sine me, inquit, nihil potestis facere.

R. Ego sum vitis vera, & vos palmites: * Qui manet in me, & ego in eo, hic fert fructum multum, alleluia, alleluia. **V.** Sicut dilexit me pater, & ego dilexi vos. Qui.

Lectio viij.

AVdi etiam ipsos confitentes: Quid autem est Apollo? Quid autem Paulus? Ministri, per quos credidisti, & vnicuique sicut Dominus dedit. Ego plantavi, Apollo rigauit: & hoc ergo sicut vnicuique Dominus dedit, non itaque de suo; Iam verò quod sequitur, sed Deus incrementum dedit: non per illos, sed per seipsum facit. Excedit hoc humanam humilitatem, excedit angelicam sublimitatem: nec omninò pertinet, nisi ad agricolam Trinitatem.

R. Candidi facti sunt Nazaræi eius, alleluia, splendorem Deo dederunt, alleluia: * Et sicut lac coagulati sunt, alleluia, alleluia.

V. Candidiores niue, nitidiores lacte, rubicundiores ebore antiquo, sap-phiro pulchrioris. Et sicut.

Gloria. Et sicut. Lectio ix.

Iam vos mundi estis, mundi scilicet, atque mundandi. Neque enim nisi mundi essent, fructum ferre potuissent, & tamen omnem, qui fert fructum, purgat agricola, vt fructus plus afferat. Fert fructum, quia mundus est; atque vt plus afferat, purgatur adhuc. Quis enim est in hac vita sic mundus, vt non sit magis, magisque mundandus? Vbi si dixerimus, quia peccatum non habemus, nos ipsos seducimus, & veritas in nobis non est. Mundet itaque mundos, hoc est fructuosos: vt tanto sint fructuosiores, quanto fuerint mundiores. Te Deum.

TERTIA DIE.

In tertio Nocturno.

Lectio sancti Euangelij secundum Ioannem. Lectio vij.

In illo tempore: Dixit Iesus discipulis suis: Ego sum vitis vera, & Pater meus agricola est. Et reliqua.

De

De Homilia S. Augustini
Episcopi.

Quare non ait, mundi estis propter baptismum, quo loti estis, sed ait: propter verbum, quod locutus sum vobis: nisi quia & in qua verbum mundat? Detrahe verbum, & quid est aqua, nisi aqua? Accedit verbum ad elementum, & fit sacramentum etiam ipsum, tamquam visibile verbum. Nam & hoc utique dixerat, quando pedes discipulis lauit; Qui lotus est non indiget ut pedes lauet, sed est mundus totus: Vnde ista tanta virtus aquæ, ut corpus tangat, & cor abluat: nisi faciente verbo; non quia dicitur, sed quia creditur. *R.* Ego sum. 138.

Lectio viij.

Nam & in ipso verbo aliud est sonus transiens, aliud virtus manens. Hoc est verbum fidei, quod predicamus, ait Apostolus. Vnde in Actibus Apostolorum legitur: Fide mundans corda eorum. Christus quippe nobiscum vitis, cum Patre agricola dilexit Ecclesiam, & se ipsum tradidit pro ea. Lege Apostolum, & vide quod adiungat: Ut eum sanctificaret, inquit, mundans eam lauacro aquæ in verbo. *R.* Candidi. 138.

Lectio ix.

Mundatio igitur nequaquam fluxo, & labili tribueretur elemento, nisi adderetur in verbo. Hoc verbum fidei tantum valet in Ecclesia Dei, ut per ipsam credentem, offerentem, benedicentem, tingentem, etiam tantillum mundet infantem: quamuis nondum valentem corde credere ad iustitiam, & ore confiteri ad salutem. Totum hoc fit per verbum, de quo Dominus ait: Iam vos mundi estis, propter verbum, quod locutus sum vobis. Te Deum.

Q V A R T A D I E.

In tertio Nocturno.

Lectio sancti Euangelii secundum Ioannem. Lectio vij.

In illo tempore: Dixit Iesus discipulis suis: Ego sum vitis vera, & Pater meus agricola est. Et reliqua. De Homilia S. Augustini Episcopi.

Tract. 18. in Ioan.

Vitem se dixit esse Iesus, & discipulos suos palmites, & agricolam patrem: vnde iam pridem, sicut potuimus, disputatum est. In hac autem lectione, cum adhuc de se ipso, qui est vitis, & de suis palmitibus, hoc est discipulis loquitur. Manete, inquit, in me, & ego in vobis. Non eo modo illi in ipso, sicut ipse in illis. Vtrumque autem prodest non ipsi, sed illis. Ita quippe in vite sunt palmites, ut viti non conferant, sed inde accipiant, vnde viuant, ita verò vitis est in palmitibus, ut vitale alimentum subministret eis, non sumat ab eis. *R.* Ego sum. 138.

Lectio viij.

Ac per hoc, & manentem in se habere Christum, & manere in Christo, discipulis prodest vtrumque non Christo. Nam præciso palmitate potest de viua radice alius pullulare, qui autem præcisus est, sine radice non potest viuere. Denique adiungit, & dicit. Sicut palmes non potest ferre fructum à semetipso, nisi maserit in vite, sic nec vos, nisi in me manseritis. Magna gratiæ commendatio, fratres mei. Corda instruit humilium, ora obstruit superbiorum. *R.* Candidi. 138.

Lectio ix.

Ecce cui si audent, respondeant, qui ignorantes Dei iustitiam, & suam volentes constituere, iustitiæ Dei non subiecti. Ecce cui respondeant, sibi placentes, & ad bona opera facienda Deum sibi necessarium non

non putantes; Nonne huic resistunt veritati, homines mēte corrupti, reprobi circa fidem, qui respondent, & loquuntur iniquitatem dicentes: A Deo habemus, quod homines sumus a nobis ipsis autem, quod iusti sumus? Hæc sunt inania præsumptionis vestra. Sed quid vobis sequatur, videte, & non est in vobis vllus sensus, horrete. Qui enim a semetipso se fructum existimat ferre, in vite non est: qui in vite non est, in Christo non est. Te Deum.

Q V I N T A D I E.

In tertio Nocturno.

Lectio sancti Euangelij secundum Ioannem.

Lectio vij.

IN illo tempore: Dixit Iesus discipulis suis: Ego sum vitis vera: & Pater meus agricola est. Et reliqua.

Homilia S. Augustini Episcopi.

Tract. 81. in Ioan. sub med.

NE quisquam putaret saltè paruum aliquem fructum posse a semetipso palmitem ferre, cum dixisset, Hic fert fructum multum; non ait: Quia sine me parum potestis facere, sed: Nihil potestis facere. Siue ergo parum, siue multum, sine illo fieri non potest, sine quo nihil fieri potest: quia etsi parum attulerit palmes, Eum purgat agricola, vt plus afferat. Tamen nisi in vite manserit, & vixerit de radice, quantumlibet fructum a semetipso non potest ferre. Quamuis autem Christus vitis non esset: nisi homo esset: tamen istam gratiam palmitibus nō præberet, nisi etiam Deus esset.

R. Ego sum. 138.

Lectio viij.

Verum quia ita sine ista gratia non potest viuī, & mors in potestate sit liberi arbitrij: Si quis in me, inquit, non manserit, mittetur foras sicut palmes, & arefcet, & colli-

gent eum, & in ignem mittent, & ardet. Ligna itaque vitis tantò sunt cōtēptibilia, si in vite non manserint, quantò gloriosiora, si manserint. Deniq; sicut de his, etiam per Ezechielem Prophetam Dominus dicit: Precognis nullis agricolarum vñbus profuerunt, nullis fabrilibus operibus deputantur. Vnum de duobus palmiti cōgruit, aut vitis, aut ignis: si in vite nō est, in igne erit: vt ergo in igne non sit, in vite sit.

R. Candidi. 138.

Lectio ix.

Si manseritis in me, inquit, & verba mea in vobis manserint: quodcumque volueritis peteris, & fiet vobis. Manendo quippe in Christo, quid velle possunt, nisi quod conuenit Christo? Quid velle possunt manendo in Saluatore, nisi quod non est alienum a salute. Aliud quippe volumus, quia sumus in Christo, & aliud volumus, quia sumus adhuc in hoc sæculo. De mansione namque huius sæculi nobis aliquando subrepat, vt hoc petamus, quod nobis non expedire nescimus. Sed absit, vt fiat nobis, si manemus in Christo, qui non facit, quando petimus, nisi quod expedit nobis.

Te Deum laudamus,

S E X T A D I E.

In tertio Nocturno.

Lectio sancti Euangelij secundum Ioannem.

Lectio viij.

IN illo tempore: Dixit Iesus discipulis suis: Ego sum vitis vera, & Pater meus agricola est. Et reliqua.

De Homilia S. Augustini Episcopi.

Manentes ergo in eo cum verba eius in nobis manent, quodcumque voluerimus petimus, & fiet nobis. Quia si petimus, & non fiet, non hoc petimus, quod habet mansio in eo, nec quod habent verba eius, quæ manent in nobis: sed quod ha-

habet infirmitas, & cupiditas carnis, quæ non est in eo, & in qua non manent verba eius. Nam vtique ad verba eius pertinet oratio illa quam docuit: vbi dicimus; Pater noster, qui es in cælis.

R. Ego sum. 138. *Lectio viij.*

AB huius orationis verbis, & sē-
sibus non recedamus petiti-
onibus nostris, & quicquid petierimus fiet nobis. Tunc enim dicenda sunt verba eius in nobis manere, quando facimus quæ præcepit, & diligimus, quæ promissit; quando autē verba eius manent in memoria, nec inueniuntur in vita, non computatur palmes in vite, quia vitam nō attrahit ex radice.

R. Candidi. 138.

Lectio ix.

AD hanc differentiā valet quod scriptum est, Et memoria retinentibus mandata eius, vt faciant ea: multi enim memoria retinent, & contemnunt, vel etiam derident, & oppugnant ea. In his verba Christi non manent, qui tangunt quodammodo, non cohærent; & ideo illis non erunt in beneficium, sed in testimonium. Et quia sic insunt eis, vt non maneat in eis, ad hoc tenentur ab eis, vt iudicentur ex eis.

T. e. Deum.

S E X T A D I E.

In tertio Nocturno.

Lectio sancti Euangelij secundum Ioannem.

Lectio vij.

IN illo tempore: Dixit Iesus discipulis suis: Ego sum vitis vera, & Pater meus agricola est. Et reliqua.

Homilia S. Ioannis Chrysostomi.

Ex Hom. 75. in Ioan.

EGO sum vitis, vos palmites: quid vult hæc parabola significare? quod qui non vacat doctrinæ, viuere non potest, & quod futura signa

Christi virtute proueniunt. Pater meus agricola est? quid? auxilio indiget Filius? Absit: neque sic intelligitur. Vide, quā diligenter hanc parabolam exequitur: non enim radici, sed palmitibus agricolæ curam conferre dicit. Radicis autem non alia causa hic meminit, quam vt discerent, sine ipsius potentia nihil fieri posse: & quod ita ipsi fide vnien-
di sunt, vt palmes viti.

R. Ego sum. 138.

Lectio viij.

OMnem palmitem in me non ferentem fructum, tollet eum Pater: Hic signat vitam, ostendens, sine operibus neminem in ipso esse posse: & omnem, qui fert fructum, purgabit; id est, incirabit ad virtutis curam. Atqui radix circumfossione, & cultu primum indiget; sed nihil de ea nunc dicit, sed de palmitibus: sibi ipsi se sufficere ostendens. Discipuli autem multa præceptoris cura indigent, etiā si studiosi sint, ideo inquit, omnem, qui fructum fert, purgabit eum, qui fructum non facit, non potest esse in vite: qui fructum fert, eum reddet fecundiores.

R. Candidi. 138.

Lectio ix.

Dicet aliquis: purgare palmitem, incidere est, vt fecundiores faciat: vnde ostendit tentationibus effici fortiores: inde, ne de quibus dicat, interrogent, & iterum sollicitarentur, inquit. Iam vos mundi estis propter sermonem, quem locutus sum vobis. Vides qualem se palmitum curatorem profiteatur? Ego vos purgaui, inquit. Atqui superius hoc Patris officium ostendit: sed nulla est inter Patrem, & Filium differentia; iam vestra opus est diligentia.

T. e. Deum laudamus.

IN

I N D I E O C T A V A .

In tertio Nocturno.

Lectio sancti Euangelii secundum
Ioannem. *Lectio vii.***I**n illo tempore: Dixit Iesus disci-
pulis suis: Ego sum vitis vera, &
Pater meus agricola est. Et reliqua.
Homilia S. Cyrilli Episcopi Alex.*Lib. 10. & 14. in Ioan.***E**A de causa vitem se appellasse
manifestè Dominus ostendit, vt
quasi oculis hoc exemplo cernere-
mus manentes in eo vt palmites; ex
vite, humore tracto, spiritualem
posse fructum asserre. Resilientes
verò ab eo, vel quia in fide, vel quia
in seruatione mandati deficiant, non
modo nihil fructus producturos, sed
æternum etiam ignem passuros, qui
enim à pietate, vel charitate Christi
decidit, suppliciis seipsum tradit, si-
cut recisus palmes ad nihil aliud,
quàm ad ignem vtilis est.*R. Ego sum. 138. Lectio viij.***R**adicem supernæ beneuolentiæ,
ac firmamentum esse ait; si
quasi spiritale depositum, euange-
licæ disciplinæ dogmata, & manda-
ta seruarint: seruantibus autem sine
mora petita bona pollicetur affutu-
ra: si manseritis inquit in me, &
verba mea in vobis manserint, quod-
cumque volueritis, & petetis, & fiet
vobis. Fieri enim potest, vt in Chri-
sto maneas, & verba eius in te non
habeas. Duplex enim via est, per fi-
dem, & charitatem, propter quam
mandata seruantur.*R. Candidi. 138. Lectio ix.***O**Væ cum ira sit, qui verbis nu-
dis Christum confitentur, sed
mandatorum obseruatione, idest,
charitate ad perfectionem non con-
formantur; quamuis Christo fide in-
hæreant, inque eo hac ratione ma-
neant, verba tamen eius non habent:non oblitī quidem illi prædicationis
euangelicæ, sed illecebris voluptatū
capti spiritus gratiam abiiciūt. Qua-
re oportet ad fidem opera charitatis
accedere: nam, qui sic facit, is & in
Christo per fidem manet, & in corde
suo verba eius conseruat, vt in Psal-
mis dicitur: In corde meo abscondi
eloquia tua, vt non peccem tibi.
Te Deum.

I N F R A O C T A V A M

MART. TEMPORE PASCH.

Homilia in Euang. Ioan. cap. 15.

Ego sum vitis, vos palmites,

In die festo habentur tres lect. hom.
S. Augustini Ne quisquā putaret, &c.
vt in Breviar. de Communi martyr.
temp. Paschali.

S E C V N D A D I E .

In tertio Nocturno.

Lectio sancti Euangelii secundum
Ioannem. *Lectio viij. Cap. 15.***I**n illo tempore: Dixit Iesus disci-
pulis suis: Ego sum vitis, vos pal-
mites: qui manet in me, & ego in
eo, hic fert fructum multum: quia
sine me nihil potestis facere. Et re-
liqua.

De Homilia S. Augustini Episcopi.

*Tract. 80. in Ioann.***M**Anentes ergo in eo cum ver-
ba eius in nobis manent
quodcumque voluerimus petimus,
& fiet nobis. Quia si petimus, & non
fiet, non hoc petimus, quod habet
mansio in eo, nec quod habent verba
eius, quæ manent in nobis: sed quod
habet infirmitas, & cupiditas carnis,
quæ non est in eo, & in qua non ma-
nent verba eius. Nam utique ad
verba eius pertinet oratio illa, quam
docuit: vbi dicimus; Pater noster,
qui es in cælis.*R. Ego sum. 138.*

Lectio viij.

AB huius orationis verbis, & sensibus non recedamus petitionibus nostris, & quidquid petierimus fiet nobis. Tunc enim dicenda sunt verba eius in nobis manere, quando facimus quæ præcepit, & diligimus, quæ promissit; quando autem verba eius manent in memoria, nec inueniuntur in vita, non computatur palmes in vite, quia vitam non attrahit ex radice. R. Candidi. 138.

Lectio ix.

AD hanc differentiã valet quod scriptum est, Et memoria retinentibus mandata eius, vt faciant ea: multi enim memoria retinent, & cõtemnunt, vel etiam derident, & oppugnant ea. In his verba Christi non manent, qui tangunt quodammodo, non cohærent; & idcõ illis non erunt in beneficium, sed in testimonium, & quia sic infunt eis, vt non maneat in eis, ad hoc tenentur ab eis, vt iudicentur ex eis. Te Deum.

T E R T I A D I E

In tertio Nocturno.

Lectio sancti Euangelij secundum Ioannem.

Lectio vij.

IN illo tempore: Dixit Iesus discipulis suis: Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Et reliqua. De Homilia S. Augustini Episcopi.

Tract. 82. in Ioann.

IN hoc inquit, glorificatus est Pater meus, vt fructum plurimũ afferatis, & efficiamini mei discipuli. Siue glorificatus, siue clarificatus dicatur, ex vno Græco verbo vtrumque translatus est. Doxa enim quæ Græcè dicitur. Latine Gloria est. Hæc est ad Deum gloria, qua glorificatur non homo, sed Deus: si non ex operibus, sed ex fi-

de iustificatur, vt ex Deo ille sit, quod etiam bene operatur, quoniam palmes, sicut iam superius dixi, non potest ferre fructum à semetipso. Vnde & alibi, cum dixisset, Sic luceat lumen vestrum coram hominibus, vt videant opera vestra bona: ne à semetipsum putarent esse bona opera sua, mox addidit, Et glorificent Patrem vestrum, qui in cœlis est.

R. Ego sum. 138.

Lectio viij.

MAnete, inquit, in dilectione mea. Quomodo manebimus? Audi, quid sequitur: Si præcepta mea, inquit, seruaueritis, manebitis in dilectione mea. Dilectio facit præcepta seruare, an præcepta seruata faciunt dilectionem? Sed quis ambigat, quod dilectio præcedit? Vnde enim præcepta seruet, non habet, qui non diligit. Quod ergo ait, Si præcepta mea seruaueritis, manebitis in dilectione mea; ostendit, non vnde dilectio generetur, sed vnde monstretur. R. Candidi. 138.

Lectio ix.

QVamuis, quod ait, Manete in dilectione mea, non apparet quam dixerit dilectionem, vtrum, qua cum diligimus, an qua ipse diligit nos: sed ex verbo superiore dignoscitur. Dixerat quippe, & ego dilexi vos: cui verbo continuo subiunxit, Manete in dilectione mea: illa ergo: quia dilexit eos. Quid est ergo, manete in dilectione mea, nisi manete in gratia mea? Et quid est, si præcepta mea seruaueritis, manebitis in dilectione mea: nisi, ex hoc sciatis, quod in dilectione mea, qua vos diligo, manebitis, si præcepta mea seruabitis? Non ergo, vt vos diligat, prius eius præcepta seruamus: sed nisi nos diligat, præcepta eius seruare non possumus. Te Deum.

QVAR-

Q V A R T A D I E.

In tertio Nocturno.

Lectio sancti Euangelij secundum
Ioannem. Lectio vij.

IN illo tempore: Dixit Iesus discipulis suis: Ego sū vitis, vos palmites: qui manet in me, & ego in eo, hic fert fructum multum: quia sine me nihil potestis facere. Et reliqua.

Homilia S. Augustini Episcopi.

Tract. 83. in Ioan.

AVdistis, charissimi, Dominum dicentem discipulis suis: Hæc locutus sum vobis, vt gaudium meū in vobis sit, & gaudium vestrum impleatur. Quid est gaudium Christi in nobis, nisi quod dignatur gaudere de nobis? Et quid est gaudium nostrum, quod dicit implendum, nisi eius habere consortium? Propter quod beato Petro dixerat: Si non lauro te, nō habebis partem mecum. Gaudium ergo eius in nobis gratia est, quam præstitit nobis: & ipse est gaudium nostrum. Sed de hac ille etiā ex æternitate gaudebat, quando nōs elegit ante constitutionem mundi.

R. Ego sum. 138. Lectio vij.

NEc rectē possumus dicere, quōd gaudium eius plenum nō erat: non enim Deus imperfectē aliquando gaudebat. Sed illud eius gaudium in nobis non erat: quia nec nos, in quibus esse posset, iam eramus, nec quando esse cœpimus, cum illo esse cœpimus. Gaudium igitur eius de salute nostra, quod in illo semper fuit, cum præsciuit, & prædestinavit nos, cœpit esse in nobis, quando vocauit nos: & hoc gaudium meritō nostrū dicimus, quō & nos beati futuri sumus: sed hoc gaudium nostrum crescit, & proficit, & ad suam perfectionem perseuerando pertendit: Ergo inchoatur in fide renascentium, implebitur in præmio resurgentium.

R. Candidi. 138.

Lectio ix.

ECce vnde dictum existimo, Hæc locutus sum vobis, vt & gaudium meum in vobis sit, & gaudium vestrum impleatur. In vobis sit meū, impleatur vestrū. Semper enim erat meum plenum, & antequam vocaremini, cum vocandi a me præsciremini, sed sit, & in vobis, cū hoc efficiamini, quod præsciui de vobis. Impleatur autem vestrum: quia beati eritis, quod nondum estis, sicut creati estis, qui non fuistis. Te Deum.

Q V I N T A D I E.

In tertio Nocturno.

Lectio sancti Euangelij secundum
Ioannem. Lectio vij.

IN illo tempore: Dixit Iesus discipulis suis: Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Et reliqua.

Homilia S. Ioannis Chrysostomi.

Ex Hom. 75. in Ioan.

QVid vult hæc parabola significare? quōd qui non vacat doctrinæ, viuere non potest, & quōd futura signa Christi virtute proueniunt. Patet meus agricola est: quid? auxilia indiget Filius? Absit: neque sic intelligitur. Vide quā diligenter hanc parabolam exequitur: non enim radici, sed palmitibus agricolæ curam conferre dicit. Radicis autem non alia causa hic meminit, quā vt discerent, sine ipsius potentia nihil fieri posse: & quōd ita ipsi fide vniendi sunt, vt palmes viti. R. Ego sum. 138.

Lectio vij.

OMnem palmitem in me non ferentem fructum, tollet eum pater: Hic signat vitam, ostendens; sine operibus neminē in ipso esse posse: & omnem, qui fert fructum, purgabit; idest, incitabit ad virtutis curam. Atqui radix circūfossione, & cultui primum

mum indiget: sed nihil de ea nunc dicit, sed de palmitibus, sibi ipsi se sufficere ostendens. Discipuli autem multa præceptoris cura indigent, etiam si studiosi sint, ideo inquit omnis, qui fructum fert, purgabit eum; qui fructum non facit, non potest esse in vite: qui fructum fert, eum reddet fecundiores. *R. Candidi. 138.*

Lectio ix.

Dicet aliquis; purgare palmitem, incidere est, ut fecundiores faciat: unde ostendit tentationibus effici fortiores: inde, ne de quibus dicat interrogent, & iterum sollicitarentur inquit: Iam vos mundi estis propter sermonem, quem locutus sum vobis. Vides, qualem se palmitum curatorem profiteatur? Ego vos purgaui, inquit. Atqui superius hoc patris officium ostendit, sed nulla est inter Patrem, & Filium differentia: iam vestra opus est diligentia.

T e Deum.

S E X T A D I E.

In tertio Nocturno.

Lectio sancti Euangelij secundum Ioannem.

Lectio vij.

IN illo tempore: Dixit Iesus discipulis suis: Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Et reliqua.

Homilia S. Ioannis Chrysostomi.

Considera quanta eos auctoritate alloquatur. Non enim dixit: manete in dilectione Patris, sed mea: inde ne dicerent: Quando nos omnibus inimicos reddidisti, tunc nos dimittis, tunc discedis, hoc negat, sed ita eis, modo velint, conglutinari dicit, ut palmes viti; rursusque in fiducia hac pigriores ne redderetur, non duraturum bonum dixit: si id negligerent: & ne, si ad seipsum omnia referret, promptiores ad ca-

Octau. Rom.

sum redderet, inquit; In hoc clarificatus est Pater, semper enim & suam & patris in eos dilectionem ostendit. *R. Ego sum. 138.*

Lectio viij.

Non ergo Iudæorum res gloria patris erat, sed quæ ipsi erant accepturi. Inde ne dicerent; Patrias traditiones reliquimus, & tunc omnium nudi deferimur: In me, inquit, respice; diligit me Pater, & tamen hæc mihi subeunda proponuntur. Non igitur ego vos, quia non diligam, in præsentia relinquo, nam, si ego morior, nec tamen propterea non amari à Patre coniectura facio: neque vos perturbari oportet, si in dilectione mea manebitis, nihil vobis horum nocere poterit.

R. Candidi. 138.

Lectio ix.

Magnum namque & insuperabile quiddam dilectio est, quæ non nudis verbis, sed re ostendenda est: ipse inimicos reconciliauit, nos in amore perstemus: ipse incepit, nos saltem prosequamur: ipse non sui commodi gratia, nullius enim eget; nos saltem ad nostram utilitatem diligamus: ipse inimicos, nos saltem amicos amore prosequamur & e contrario facimus.

T e Deum.

S E P T I M A D I E.

In tertio Nocturno.

Lectio sancti Euangelij secundum Ioannem.

Lectio vij.

IN illo tempore: Dixit Iesus discipulis suis: Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Et reliqua. *Homil. S. Cyrilli Episcopi Alexandr.*

Lib. 10. cap. 14. in Ioann.

EA de causa vitem se appellasse manifestè Dominus ostendit, ut quasi oculis hoc exëplo cerneremus

K

ma-

manentes in eo vt palmites, ex vite humore tracto, spiritalem posse fructum afferre. Resilientes verò ab eo, vel quia in fide, vel quia in seruatione mandati deficiant, non modò nihil fructus producturos, sed eternum etiam ignem passuros; qui enim à pietate, vel charitate Christi decedit, supplicij seipsum tradit, sicut decifus palmes ad nihil aliud, quàm ad ignem utilis est.

R. Ego sum. 138. Lectio viij.

Radicem supernæ beneuolentiæ, ac firmamentum esse ait; si quasi spiritale depositum, euangelicæ disciplinæ dogmata, & mandata seruauerint: seruantibus autem sine mora petita bona pollicetur affuturas; si manseritis, inquit, in me, & verba mea in vobis manserint, quodcumque volueritis petetis, & fiet vobis: Fieri enim potest, vt in Christo maneas, & verba eius in te non habeas. Duplex enim via est, per fidem, & per charitatem, propter quam mandata seruantur.

R. Candidi. 138.

Lectio ix.

Quæ cum ita sint, qui verbis nudis Christum confitentur, sed mandatorum obseruatione, id est, charitate ad perfectionem non conformantur; quamuis Christo fide inhæcant, inque eo hac ratione maneant, verba tamen eius non habent: non oblitī quidem illi prædicationis euangelicæ, sed illecebris voluptatum capti spiritus gratiam abijciunt. Quare oportet ad fidem opera charitatis accedere: nam qui sic facit, is & in Christo per fidem manet, & in corde suo verba eius conseruat, vt in Psalmis dicitur: In corde meo abscondi eloquia tua, vt non peccem tibi.

Tc Deum laudamus.

IN DIE OCTAVA:

In tertio Nocturno.

Lectio sancti Euangelij secundum Ioannem.

Lectio vij.

In illo tempore; Dixit Iesus discipulis suis: Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Et reliqua.

De Homilia Sancti Cyrilli Episcopi Alexandrini.

Consideratius videamus quid est quod his verbis: vt gaudium meum in vobis sit, Christus significauit. Duplex igitur esse mihi sensus videtur; aut enim nihil curiosius hic locus affert, sed hoc planè dicit, vt gaudium in me habeatis, & sic ipsi quoque gaudeatis, supernæ beatitudinis, atque gloriæ magnitudinem intelligentes. Alius est, in quo altius quiddam latet, quod enodare non recusabimus. Quid igitur illud est; aut quid significat, vt gaudium meum in vobis sit?

R. Ego sum. 138. Lectio viij.

Homo factus vnigenitus Dei Filius absque peccato omnia sustinuit, quæ Iudæorum excogitare peruicacia potuit: nec vmquam sputis dedecoratus; verbis derisus, verberibus cæsus, & tandem patibulo affixus vllō mœrore affectus fuit, sed decenti semper ipse gaudio plenus (quoniam voluntatem patris consummari videbat, & homines hinc salutem habituros non ignorabat) illa opprobria delicias esse putabat. Exultauit enim spiritu instante iam cruciatu, & dixit: Confiteor tibi Pater, Domine cœli, & terræ, quia occultaisti hæc à sapientibus, & prudentibus, & reuelasti ea paruulis.

R. Candidi. 138.

Le-

Lectio ix.

QVis ergo dubitabit, delicias illi fuisse salutem hominum? hanc enim voluntatem patris appellat: Hæc, inquit, vobis locutus sum, vt gaudium meum in vobis sit: idest, vt illis solummodò letari rebus velitis, quibus ego gaudeo. Sic enim fortes ad certamina eritis, & spe saluandorum hominum pericula libenter subibitis, non parum gaudentes: quoniam voluntas patris, qui vult omnes ad cognitionem veritatis venire, pro virili parte vestra perficitur. Hanc ego elegi lætitiā, hanc etiam si vos habebitis, sincero, ac integro efficiemini gaudio. T e Deum.

INFRA OCTAVAM MARTYRVM, TEMPORE Paschali.

Homilia in Euangel. Matth. cap. 16.

Plorabitis, & flebitis, &c.

IN DIE FESTO.

In tertio Nocturno.

Lectio sancti Euangelij secundum Ioannem. Lectio vij. Cap. 16.

In illo tempore: Dixit Iesus discipulis suis: Amen, amen dico vobis: quia plorabitis, & flebitis vos, mundus autem gaudebit. Et reliqua. Homilia S. Ioannis Chrysostomi.

Homil. 78. in Ioann.

VT ostenderet post tristitiam gaudium secuturum, naturale adducit exemplum. Mulier, cum parit, tristitiam habet: qua parabola in calamitatibus prophetæ vsi sunt: quasi dicat. Dolores capietis, sed quales partus, qui lætitiæ causa sunt. Simul, & resurrectionem confirmat, indicans abitum suum perinde esse, ac si ex utero matris in lucem prodiret: quasi dicat: Nolite admirari, si

per hanc tristitiam ad optima vos ducam, nam & mater in pariendo sic per tristitiam transit.

R. Ego sum. 138.

Lectio viii.

Significat autem hic, & mysteriū quoddam, quod mortis dolores soluerit, & nouum hominem regenerari fecerit. Neque dixit tantum tristitiam transcuram, sed magnitudine lætitiæ succedente, nihil eius penitus remansurum, ita erit Sanctus. Atqui nō propterea gaudet mulier, quia venit homo in mundum, sed quod filium peperit. Nam, si id esset, nihil prohiberet, quin, quæ non pariunt, alijs parientibus gauderent.

R. Candidi. 138.

Lectio ix.

QVa ergo gratia sic inquit? quia ad hoc solum adduxit exemplum, vt post breuē tristitiam perpetuum gaudium secuturum, & se ad vitam transferri, & magnum malorum lucrum ostenderet. Et non dixit, peperit filium: sed, quia venit homo in mundum, vbi suam significat resurrectionem, & non morti illi, sed regno parturiendum. Ideo non dixit, quia natus est filius, sed homo. Et vos nunc quidem tristitiam habetis: iterum autem videbo vos, & gaudebit cor vestrum: inde, quod non amplius morietur, inquit: & gaudium vestrum nemo tollet a vobis. T e Deum.

Infra Octau. legatur Euangelium in Missa, & Offic. Ego sum vitis vera cum suis Homil. supra. 138.

In die verò Oct. vt in die Festo.

INFRA OCTAVAM PLVRIMORVM MART. S E C V N D A D I E.

In tertio Nocturno.

Ex Epist. Sancti Cypriani Episcopi,
& Mart. ad Martyres.

K 2 Ex

Ex Epist. 25.

Lectio iv.

Imposuerunt compedes pedibus vestris, & membra felicia, ac Dei templa infamibus vinculis ligauerāt, quasi cum corpore ligetur & spiritus, aut aurum vestrum ferri contagione maculetur. Dicatis Deo hominibus, & fidem suam religiosa virtute testantibus ornamenta sunt ista, non vincula: nec Christianorum pedes ad infamiam copulant: sed clarificant ad coronam. O pedes feliciter vincti, qui non a fabro, sed a Domino resoluuntur. O pedes feliciter vincti, qui itinere salutari ad paradysum diriguntur. O pedes in saeculo ad praesens ligati, vt sint semper ad Dominum liberi.

R. Sancti tui Domine mirabile concuti sunt iter, seruientes praeceptis tuis: vt inuenirentur illesi in aquis validis: * Terra apparuit arida, & in mari Rubro via sine impedimento.

V. Quoniam percussit petram, & fluxerunt aquae, & torrentes inundauerunt. Terra.

Lectio v.

Quis non libenter, & promptè calicem salutis accipiat? Quis non appetat gaudibundus, & lætus, in quo aliquid & ipse Domino suo retribuat? quis non pretiosam in conspectu Dei mortem fortiter, & constanter excipiat, placiturus eius oculis, qui nos in congressione nominis sui desuper spectans, volentes comprobatur, adiuvat dimicantes, vincentes coronat, retributione bonitatis, ac pietatis paternae remunerans in nobis quicquid, ipse praestitit, & honorans quod ipse perfecit?

R. Verbera carnificum non timuerunt sancti Dei, morientes pro Christi nomine; * Vt heredes fierent in domo domini. **V.** Tradiderunt corpora sua propter Deum ad supplicia. Vt hæredes.

Lectio vi.

Quis nunc vobis dilectissimi fratres, conscientiae victricis vigore quae sublimitas animi? quae in sensu exultatio? qui triumphus in pectore? vnumquemque vestrum stare ad promissum Dei praemium, de iudicii die esse securum? ambulare, captiuo quidem corpore; sed corde regnare scire Christum secum esse praesentem, gaudetem tolerantia seruorum suorum per vestigia, & vias suas ad regna aeterna gradientium? Planè, quia nunc vobis in precibus efficacior sermo est, & ad impetrandum, quod petitur, facilius oratio est: petite impetius, & rogare, vt qui hic charitatis, & pacis vinculo copulati steterimus, pariter in regnis coelestibus gaudeamus. **R.** Tamquam aurum in fornace probauit electos Dominus, & quasi holocausti hostiam accepit illos: & in tempore erit respectus illorum: * Quoniam donum, & pax est electis Dei. **V.** Qui confidunt in illum, intelligent veritatem, & fideles in dilectione acquiescent illi. Quoniam. Gloria. Quoniam.

TERTIA DIE.

In secundo Nocturno.

Sermo Sancti Basilij Episcopi.

In Psalm. 115.

Lectio iv.

Re vera pretiosa est mors sanctorum eius, cum videlicet anima per vitae istius curriculum expurgata, ab omni eluuiæ, & inquinamento carnis emancipata, ac libertati reddita, nullam in se retinens maculam, aut rugam, duris pro pietate agonibus exantlatis probata, insignita corona iustitiae, perque hæc omnia admirabili decore virtutis interlucent Domino suo, atque omnium iudici se praesentarit, lapide omni pretioso rutilantior, Dei munere eam adepta claritatem, quoniam pacto non

cen-

cenferi debet pretioſa hominis iſtius mors in conſpectu Domini. *R. Sancti tui.* 148.

Lectio v.

EXitus itaque Sanctorum virorū ē vitę iſtius ſtadio ne lugeamus, imō ſletu magis proſequerenda venit ipſa natiuitas, & ex vtero in hac vita progreſſio: naturę etenim neceſſitas preſcripſit nobis, & ſanxit carnalis generationis ingreſſum: contra, exitus, atque hinc emigratio pretioſa eſt, & illuſtris, neque interim omnium talis eſt, ſed eorum, qui vitam hanc ſuam ſanctę, & iuſtę traduxerunt; itaque pretioſa eſt mors, non item pretioſa natiuitas: nam teſte Apoſtolo, ſeminatur in ignobilitate, ſurgit in gloria: ſeminatur in corruptione, ſurgit in incorruptione.

R. Verbera. 148.

Lectio vj.

PRo legis Iudaicę ritu, ſi qui moriebantur, horum morticinia habebantur abominationi; contra, mors ſi cuiſpiam irrogatur pro Chriſti nomine, pretioſę cenſentur reliquię Sanctorum eius: in priori lege dicebatur Sacerdotibus, & Nazareis illud: Non contaminabitur ſuper vilo mortuo: &, ſi quis tetigerit cadauer, immūduſ erit, & hic lauabit veſtimenta ſua. Nunc ē diuerſo, Martyris oſſa quiſquis attigerit, ob gratiam corpori inſidentem ſit quatenus ſanctificationis particeps; quare, pretioſa eſt in conſpectu Domini mors Sanctorum eius.

R. Tamquam aurum. 148.

Q V A R T A D I E:

In ſecundo Nocturno.

Sermo Sancti Ambroſij Episcopii.

Sermo 77.6. ad Rom.

Lectio iv.

EXemplo Martyrum didicimus Chriſto credere, didicimus cōtumelijs vitam æternam querere, mortē didicimus non timere. Vide te ergo quid martyribus debeamus,

in quo alter tortus eſt, vt alius ſaluetur. Alter carnificem pertulit, vt Chriſtū alter agnoſceret. Alter morti addiſtus eſt, vt alius vita potiretur æterna: & ad poſtremū Sanctus occiſus eſt, vt peccator euaderet. Beati igitur martyres nec ſibi vixerūt, nec ſibi ſūt mortui: exemplū enim nobis reliquerunt, benē viuēdo, conuerſationis; tolerando fortiter, paſſionis. *R. Sancti tui.* 148.

Lectio v.

NAm, ideō Dominus per totum mundum, diuerſis in locis pati martyres voluit, vt tamquam idonei teſtes non præſenti quodam fidei exemplo ſuę confeſſionis vrgerent, vt humana fragilitas, quę prædicationi Dominicę aditu longiore vix credit, vel præſenti oculorum martyrio crederet beatorum. Cuncti igitur martyres deuotiſſimē percolendi ſunt: ſed ſpecialiter ij venerandi ſunt a nobis, quorum reliquias poſſidemus: illi enim nos orationibus adiuuant, iſti etiam adiuuant paſſione. Cum hiſ autem nobis familiaritas eſt; ſemper enim nobiſcum ſunt, nobiſcum morantur, hoc eſt, & in corpore nos viuētes cuſtodiunt, & de corpore recedentes excipiunt.

R. Verbera. 148.

Lectio vj.

CUm ſanctis ergo Martyribus quieſcētes, euadimus inferi tenebras eorum proprijs meritis, attamen confocij ſanctitate. Martyres enim inferni porta nō poſſidet: quoniā eos paradifi regna ſuſcipiūt. Nā videmus eos vtiq; iam regnare: cernimus enim ab ijs frequēter obſeſſos ab immundiſſimis Dæmonibus homines liberari, ita vt cęleſti medicina & captiua anima de diaboli laqueis eruatur, & ipſe diabolus vinculis igneis alligatus producatur de ſua captiuitate captiuus, vt qui prædam

paulò antè ceperat, ipse subdatur in prædam. Hæc & alia potiora mirabilia per Sanctos fieri omnibus notum est, & ideo, fratres, veneremur eos in sæculo, quos defensores habere possumus in futuro.

R. Tamquam. 148.

QVINTA DIE.

In secundo Nocturno.

Sermo Sancti Gregorij Nysseni.

In 40. mar. or. 2. post initium.

Lectio iv.

QUale in cœlestibus accidit miraculis, cum serena, ac pura nocte stellarum decor alius per alium distinguitur, & ornatur, vnaquaque earum suum splendorem ad communem ornatum cœli simul contribuent: tale erat Sactorum spectaculum, verè, ut alicubi inquit Ezechiel Propheta, visio lampadarum inter se coeuntium, & quasi conuolutarum. Quàm pulchrum igitur tunc intuentibus erat spectaculum? pulchrum, inquam, ijs, qui pulchra, atque præclara contueri volunt: pulchrum angelis, pulchrum supra mundanis virtutibus: acerbum verò dæmonibus, & quotquot dæmonum cultum amplectabantur: homines, si modò homines dicendi, qui tanta magnitudine indolis excelluerunt, milites Christi, Sancti spiritus armigeri, fidei antesignani, turres diuinæ ciuitatis.

R. Sancti tui. 148.

Lectio v.

QUo vi omnem tormentorum pœnam, atque contumeliam, omnes terrores ingruentes, omnem minarum vim tamquam puerilem quâdam amentiam deridebant: perinde ac si non corpora verberibus præberent, sed corporum vmbras: qui cum carne carnem deuicissent, & contemptus mortis, omnes tyrannorum terrores magnitudine animi superassent, humana conditione supe-

riores visi sunt. O qui præclare corporeis trophæis excitati; qui peritiam bellandi in aciem aduersus diabolum instructam transfulerunt: non glacio manus armantes, neque clypeum ligneum obijcientes, sed armaturam Dei sumentes, quam Prætor, & Dux Ecclesiæ, diuinus ille Apostolus describit, scutum, & lorica, & galea, & gladium, ita tendebant aduersus copias aduersariorum.

R. Verbera carnicum. 148.

Lectio vj.

DVx autem erat horum quidem cœlestis gratia; diaboli autem aciei, is, qui mortis imperium tenet. Locus eis aciei, nefariorum, & sanguinariorum tribunal erat: illic congressi decertabant, illi quidem minis pugnam laceffentes: hi verò per patientiam propulantes, & resistentes. Ignis sub hæc intentabatur, & gladius, & barathrum, & quæcumque sunt alia nomina suppliciorum. Vna vox ad hæc omnia audiebatur, Christus, quem ore Sancti illi confitebantur: Hoc erat aduersariorum vulnus: hanc cuspidem aduersarij obijciebant: per hanc vocem in medio corde vulnus aduersarius accipit. Hic est lapis, qui per manum Davidis funda emittebatur, qui à galea aduersarij, quò destinatus erat, non aberrauit: nam Christi confessio, boni militis funda existit: cadit inimicus, & caput amittit.

R. Tamquam. 148.

S E X T A D I E.

In secundo Nocturno.

Tres Lect. Sancti Augustini. Quod tescumque fratres, &c. ut in Breuiar. de Comuni plurim. Martyr. Quod si lectæ fuerint in die Festo, legantur sequentes.

Sermo Sancti Fulgentij Episcopi 50. de Sanctis.

Lectio iv.

Quo;

Quoniam dies Sanctorum martyrum est, unde potius aliquid delectet nos dicere, nisi de gloria ipsorum? Adiuuet nos Dominus martyr. Audiuius paulo ante beatum Apostolum praedicantem: Quis nos separabit a charitate Christi? Ista vox est martyrum; Tribulatio, an angustia, an persecutio, an fames, an nuditas, an periculum, an gladius? Sicut scriptum est, Propter te mortificamur tota die, deputati sumus ut oues occisionis. Sed in his omnibus superamus propter eum, qui dilexit nos. Haec est vox martyrum, omnia tolerare, & de se nihil praesumere, illum diligere, qui glorificatur in suis; ut qui gloriatur, in Domino gloriatur.

R. Sancti tui. 148. Lectio v.

Nouerant, & illud, quod nos cantauimus paulo ante, Latamini in Domino, & exultate iusti. Si iusti in Domino letantur, iniusti vero non nouerunt letari, nisi in saeculo, sed ipsae sunt primae acies debellandae, primo vincendae sunt delectationes, & postea dolores. Quomodo potest superare mundum fauentem, qui non potest superare blandientem? Blanditur hic mundus pollicendo honores, diuitias, voluptates: Minatur hic mundus intendendo dolores, egestates, humilitates. Qui non contemnit quod pollicetur, quomodo superare potest, quod minatur?

R. Verbera. 148. Lectio vj.

Modo elige, modo pugna, modo videamus, si non sine causa cantasti; Latamini in Domino, & exultate iusti: modo videamus, si non sine causa audisti, Quis nos separabit a charitate Christi? Equidem praetermisit omnia, quibus blanditur mundus, & te voluit commemorare, cui blanditur mundus. Quare?

Quia certamina martyrum prenunciabat, illa utique certamina, ubi uicerunt persecutionem, famem, sitim, egestatem, ignominiam, & extremum timorem mortis, hostemque nouissimum. R. Tamquam. 148.

S E P T I M A D I E.

In secundo Nocturno.

Tres Lect. de Ser. S. Ioannis Chrys. Nemo est qui nesciat, &c. ut in Breuiar. de Coi plur. Mart. Quod si lectae fuerint in die Festo, hac die legantur praecedens. Quoniam dies. supra.

I N D I E O C T A U A.

In secundo Nocturno.

Sermo Sancti Fulgentij Episcopi. Serm. 10. Lectio iv.

Delectat videre campos segetum aureis maturitatis calamis aristarum, delectabilius libet attendere campos ecclesiae martyrum micantes, plattatos de vno cruore per Agni sanguinem innocentem. Segetes etenim sunt passionis martyrum, iuxta cursus aquarum rigari fontibus lacrymarum: nam sic modo beatus David martyr purpurata germina, & ante messores gaudiorum tamquam manceps secanti messoria, cythara decantabat; Qui seminant, inquit, in lacrymis, in gaudio metent. Vbi seminant in lacrymis, nisi iuxta arborem crucis, ubi est fons proximus Saluatoris?

R. Sancti tui. 148. Lectio v.

Inde de latere eius sanguinis guttae stillarunt, & pluuia cruoris, & aquae seminata est tolerantia confessorum. De ipso ligno virentis crucis iuxta fontem sanguinis plantata uirginitas floruit castitatis: inde plantata martyrum tolerantia, cepit feminis sui germina colligere purpurata: nam unde martyres tolerant, nisi per dominicam crucem? unde martyres, in quorum cordibus lex Dei est,

maledictiones non timent hominū, nisi quia Christus Dominus pertulit patiēter impropria Iudæorum? Ista ergo feminatio sāguinis Christi fecit semina martyrum pullulare in campo matris ecclesiæ, & dicit Dauid: qui seminant in lacrymis in gaudio merent: euntes ibant, & flebant.

R. Verbera. 148.

Lectio v.

Sic perrexerunt, quomodo reuertuntur? non flentes, sed gaudentes: non adhuc seminantes, sed manipulos suos læta ceruice portantes. O germina, quæ non vrit flamma, quia iuxta flumen sunt vitreum in Ierusalem, & perpetuo virescunt flore immortalitatis vitæ æternæ. Nesciunt marcescere, quia non timuerunt pro iustitia flammis ardere, quia agnus deducet eos ad vitæ fontes aquarum, & delebit omnem lacrymam ab oculis eorum, & florebit sicut lilium in medio Angelorum.

R. Tamquam aurum. 148.

INFRA OCTAVAM PLVRIMORVM MARTYR.

Homilia in Euag. Lucæ. cap. 21.

Cum audieritis prælia, &c.

In die festo habentur tres lect. hom.

S. Greg. Dominus, ac Redēpter, &c. in Breuiar. de Comuni plur. mart.

SECUNDA DIE.

In tertio Nocturno.

Lectio sancti Evangelij secundum Lucam. I. Lectio vij. Cap. 21.

In illo tempore: Dixit Iesus discipulis suis: Cum audieritis prælia, & seditiones, nolite terreri: oportet primum hæc fieri, sed nōdum statim finis. Et reliqua.

De Homilia S. Gregorij Papæ.

Ex homil. 35. in Luc.

Omnia, quæ ad vsum vitæ accepimus, ad vsum conuertimus

culpe; sed cūcta, quæ ad vsum prauitatis infleximus, ad vsum nobis vertuntur vltionis. Tranquilatē quippe humanæ pacis ad vsum vertimus vanæ securitatis: peregrinationē terræ pro habitatione diligimus patriæ: salutem corporū redigimus in vsum vitiorum. Ipsa serena blandimenta aeris ad amorē nobis seruire coegimus terrene delectationis. Iure ergo restat, vt simul nos omnia feriāt, quæ simul omnia vitijs nostris malè subacta seruiebant: vt quot prius in mundo incolumes habuimus gaudia, tot de ipso postmodum cogamur sentire tormenta. *R. Propter testamentum Domini, & leges paternas sācti Dei persisterūt in amore fraternitatis: * Quia vnus fuit sēper spiritus in eis, & vna fides. V. Ecce quā bonum, & quā iucundū habitare fratres in vnum. Quia.* *Lectio vij.*

OVia autem cūcta hæc non de iniustitia ferientis sunt, sed de merito mūdi patientis, facta prauorum hominum præmittuntur, cūm dicitur: Sed ante hæc omnia iniicient vobis manus suas. Ac si apertē dicat: Prius corda hominum, & post elementa turbantur, cūm rerum ordo confunditur, ex qua iam retributione veniat, demonstratur. Nam quāuis finis mundi ex ipso suo ordine pendeat, peruersiores tamen quosq; inueniens, quia dignē ruinis illius opprimantur, innotescit.

*R. Sācti mei qui in carne positi, certamē habuistis: * Mercedem laboris ego reddam vobis. V. Venite benedicti Patris mei, percipite regnum. Mercedem. G. loria. Mercedem.*

Sequēs Resp. dicitur inf. Octa. plur. Mart. fratrum post Octauam Lect.

R. Hæc est vera fraternitas, quæ nūquā potuit violari certamine: qui effuso sanguine secuti sunt Dominum:

** Con.*

*Contemnentes aulam regiã per-
uenerunt ad regna cœlestia.

V. Ecce quã bonum, & quã iu-
cundum habitare fratres in vnum.
Contemnentes. Gloria Patri. Con-
temnentes.

Lectio ix.

S Ed auditis tot terroribus turbari
poterant infirmorum corda, at-
que ideò consolatio adiungitur, cum
protinus subinfertur: Ponite ergo in
cordibus vestris, non præmeditari
quemadmodum respondeatis. Ac si
apertè membris suis infirmantibus
dicat: Nolite terreri, nolite pertime-
scere, vos ad certamen acceditis, sed
ego prælior; vos verba editis, sed ego
sum qui loquor.

T e Deum.

T E R T I A D I E.

In tertio Nocturno.

Lectio sancti Euangelij secundum
Lucam.

Lectio vij.

I N illo tempore: Dixit Iesus disci-
pulis suis: Cùm audieritis prælia,
& seditiones, nolite terreri: oportet
primum hæc fieri, sed nondum sta-
tim finis. Et reliqua.

De Homilia Sancti Gregorij
Papæ.

S Equitur: Trademini autem à pa-
rentibus, & fratribus. Minorem
dolorem mala ingerunt, quæ ab ex-
traneis inferuntur. Plus verò in no-
bis ea tormenta sæuiunt, quæ ab illis
patimur, de quorum mentibus præ-
sumebamus: quia cum damno cor-
poris, mala nos cruciât amissæ cha-
ritatis. Hinc est enim, quòd de Iuda
traditore suo, per Psalmistam, Do-
minus dicit: Homo pacis meę, in quo
sperabam, & qui edebat panes meos,
ampliauit aduersum me supplantationem.
Ac si dicat: Transgressionem eius tantò
gravius pertuli, quantò hanc ab eo, qui meus esse vi-
debatur, sensi. R. Propter. 152.

Lectio viij.

O Mnes ergo electi, quia summi
capitis membra sunt, caput
quoque suum in passione sequuntur,
ut ipsos quoque aduersarios in sua
morte sentiant, de quorum vita præ-
sumebant, & tantò eius crescat mer-
ces operis, quantò eis virtutis lucrū
proficit ex alienæ damno charitatis.
Sed quia dura sunt quæ prædicuntur
de afflictione mortis, protinus con-
solatio subditur de gaudio resurre-
ctionis, cùm dicitur: Capillus de ca-
pite vestro non peribit.

R. Sancti mei. 152.

Lectio ix.

S Cimus, fratres, quia caro incisa
dolet, capillus incisus non dolet.
Ait ergo martyribus suis: Capillus
de capite vestro non peribit. Videli-
cet apertè dicens: Cur timetis, ne
pereat quod incisum dolet, quando
& illud in vobis perire non potest,
quod incisum non dolet? Sequitur: in
patientia vestra possidebitis animas
vestras. Idcirco possessio animæ in
virtute patientiæ ponitur: quia radix
omnium, custoque virtutum paci-
entia est: T e Deum.

Q V A R T A D I E.

In tertio Nocturno.

Lectio sancti Euangelij secundum
Lucam.

Lectio vij.

I N illo tempore: Dixit Iesus disci-
pulis suis: Cùm audieritis prælia,
& seditiones, nolite terreri: oportet
primum hæc fieri, sed nondum sta-
tim finis. Et reliqua.

De Homilia S. Gregorij Papæ.

P Er patientiam verò possidemus
animas nostras: quia dum nobis
ipsis dominari discimus, hoc ipsum
incipimus possidere quod sumus. Pa-
tientia verò est, aliena mala æquani-
miter perpeti, contra eum quoque,
qui mala irrogat, nullo dolore mor-
dri.

deri. Nam qui sic proximi mala portat, vt tamen tacitus doleat, & tempus dignæ retributionis querat, patientiam non exhibet, sed ostendit. Scriptum quippe est. Charitas patiens est, benigna est. Patiens est, vt aliena mala tolleretur, benigna verò est, vt ipsos, etiã, quos portat, amet.

R. Propter. 152. *Lectio viij.*

Sed quia natale martyrum hodierna die colimus, fratres mei, nequaquam nos à virtute eorum patientiæ existimare extraneos debemus; Si enim, adiuuante nos Domino, virtutem patientiæ seruare contendimus, & in pace Ecclesiæ viuimus, & tamen martyrij palmam tenemus. Duo quippe sunt martyrij genera, vnum in mente, aliud in mente simul, & actione. Itaque esse martyres possumus, etiã si nullo percutiuntur ferro trucidemur. Mori quippe à persequente, martyrium in aperto opere est: ferre verò contumelias, odientem diligere, martyrium est in occulta cogitatione.

R. Sancti mei. 152. *Lectio ix.*

Probamus quotidie verum esse, quod ante nos dictum est: quia sancta Ecclesia electorum floribus plena, habet in pace lilia, in bello rosas. Sciendum præterea est, quod tribus modis virtus patientiæ exerceri solet. Alia namque sunt, quæ à Deo; alia, quæ ab antiquo aduersario; alia, quæ à proximo sustinemus. A proximo namque persecutiones, damna, & contumelias: ab antiquo verò aduersario tentamenta; à Deo autem flagella tolleramus. *T e Deum.*

Q U I N T A D I E.

In tertio Nocturno.

Lectio sancti Euangelij secundum Lucam. *Lectio vij.*

In illo tempore: Dixit Iesus discipulis suis: Cum audieritis praelia,

& seditiones, nolite terreri: oportet primum hæc fieri, sed nondum statim finis. Et reliqua.

De Homilia S. Gregorij Papæ.

Sed in his omnibus tribus modis vigilantem oculo semetipsam debet mens circumspicere, ne contra mala proximi pertrahatur ad retributionem mali: ne contra tentamenta aduersarij seducatur ad delectationem, vel consensum delicti, ne contra flagella opificis ad excessum conueniat murmurationis. Perfecit enim aduersarius vincitur, quando mens nostra, & inter tentamenta eius ad delectationem, atque consensum non traditur: & inter contumelias proximi custoditur ab odio: & inter flagella Dei compescitur à murmuratione. R. Propter. 152. *Lect. viij.*

Nec hæc agentes retribui nobis bona presentia requiramus: nam pro labore patientiæ, bona speranda sunt sequentis vite, vt tunc premium nostri laboris incipiat, quando omnis iam labor funditus cessat. Vnde & per Psalmistam dicitur: Non in finem obliuio erit pauperis: patientia pauperum non peribit in finem. Quasi enim perijisse patientia pauperum cernitur, cum nihil pro illa in hac vita humilibus recompenfatur. Sed patientia pauperum in finem non peribit: quia tunc eius gloria percipitur, cum simul omnia laboriosa terminantur.

R. Sancti. 52. *Lectio ix.*

Seruate ergo fratres in mentem patientiam, eamque, cum res exigit, exercete in operatione. Nullum vestrum ad odium proximi contumeliosa verba commoueat, nulla peritura rerum damna perturbent. Si enim fixa mente mansura damna pertimescitis, damna rerum transeuntium graui non putatis: Si eterne retributionis gloriam concupiscitis, de temporali

rali iniuria non doletis. Tolerare ergo aduersarios vestros: sed vt fratres diligite, quos toleratis: Aeterna præmia pro damnis temporalibus quaerite. Nec quisquam vestrum suis se viribus hanc implere posse confidat: sed obtinet precibus, vt ipse, hanc qui imperat, præstet.

T e Deum laudamus.

S E X T A D I E.

In tertio Nocturno.

Lectio sancti Evangelii secundum Lucam.

Lectio vij.

IN illo tempore: Dixit Iesus discipulis suis: Cum audieritis prælia, & seditiones nolite terreri: oportet primum hæc fieri, sed nondum statim finis. Et reliqua.

Homilia venerabilis Bedæ Presbyt.

Lib. 6. in Luca 21.

Capillus de capite discipulorum Domini non peribit, quia non solum fortia quæque gesta, vel dicta Sanctorum, de quibus dicitur: Dominus custodit omnia ossa eorum; sed & volatilis, vt ita dicam, ac tenuissima cogitationum fidelium superficies, quæ de occulta cordis radice, quasi de cerebro cæsaries exit, apud iustum iudicem conseruata digna mercede donabitur.

Propter. 151.

Lectio viij.

Vnde rectè propheta, vt bonorum etiam cogitatum merita Domino, quam sint accepta, demonstret: & reliquæ, inquit, cogitationum diem festum agent tibi, Vnde etiam Nazareni in lege tempore consecrationis commam nutrire iubentur, & nouacula super caput Samuel non ascendisse perhibetur. At contra mulier captiua, vt viro Israelitæ nubere queat; mundatus à lepra, vt ecclesiæ communicare mereatur, omnes sui corporis pilos præcipiuntur eradere. R. Sancti. 152.

Lectio ix.

QVia videlicet omnis sapientum cogitatio, quæ bona, placens, & perfecta est, saluatur, & perpetuum, & apud Dominum est merces eius: stultorum verò, prauorumque quasi Dei aspectibus indigna radix, operum cogitatio poenitendo debet excidi. Et in patientia vestra possidebitis animas vestras: Sic enim conditi mirabiliter sumus, vt ratio animæ, & anima possideat corpus, ius verò animæ à corporis possessione repellitur, si non prius anima à ratione possidetur. Custodem igitur conditionis nostræ patientiam Dominus esse monstrauit, qui in ipsa nos possidere nosmetipsos docuit.

T e Deum laudamus.

S E P T I M A D I E.

In tertio Nocturno.

Lectio sancti Evangelii secundum Lucam.

Lectio vij.

IN illo tempore: Dixit Iesus discipulis suis. Cum audieritis prælia, & seditiones, nolite terreri: oportet primum hæc fieri, sed nondum statim finis. Et reliqua.

Homilia S. Ambrosij Episcopi.

In Luc. lib. 10. cap. 21.

QVia in occasu sæculi sumus, præcedunt quædam ægritudines mundi; Ægritudo mundi est fames, ægritudo mundi est pestilentia, ægritudo mundi est persecutio. Sunt autem & alia bella, quæ vir sustinet Christianus; Diuersarum prælia cupiditatum, studiorumque conflictus, multoque grauiores domestici hostes, quam extranei. Nunc avaritia stimulat, nunc accendit libido, nunc metus terret, nunc iracundia exagitat, nunc ambitio mouet, nunc terre tentant spiritualia nequitie, quæ sunt in cœlestibus.

R. Propter. 152.

Le-

Lectio viij.

ITaque quasi quibusdam vrgetur prælijs, & quibusdam terræmotibus quatitur mobilis animi nutantis affectus: sed fortior dicit, si consistat aduersus me castra, non timebit cor meum: si exurgat aduersum me prælium, in hoc ego sperabo: stat in acie ferens hosti obuium pectus: etiam si quis Goliath exurgat immitis, atque præcelsus timentibus, tamen cæteris, exurgit humilis quasi David Regis abiiciens arma terreni, sumens fidei tela leuiora, & triplici sparto iaculum puræ confessionis intorquens persecutionis vulnerat imprudentiam, contemptor minarum, negligens potestatum: etiam idoneus, in quo Christus loquatur.

R. Sancti. 152.

Lectio ix.

Alibi Christus, alibi Pater, alibi Spiritus loquitur Patris: non discordant ista, sed cōgruunt. Quod vnus loquitur, tres loquuntur: quia vox vna est Trinitatis. Huic victori, qui suo Goliath gladio peremerit, dū mortem pro Christo excipit, fugatis Allophylis, occurrunt iuuenclæ, illæ scilicet sicut aquilæ dicentes: Percussit Saul in millibus, David in decem millibus; quod indicio est victores sæculi principibus anteferri. Deniq; mors tuis Regibus in perpetuū Martyres regnum, cœlestis gratiæ honore succedunt: & illi sunt supplices, hi patroni. Te Deum.

IN DIE FESTO.

In tertio Nocturno.

Lectio sancti Euangelij secundum Lucam.

Lectio vij.

IN illo tempore: Dixit Iesus discipulis suis: Cum audieritis prælia, & seditiones, nolite terreri: oportet primum hæc fieri, sed nondum statim finis. Et reliqua.

Homilia S. Augustini Episcopi.

Serm. 14. lib. 50. hom.

Dominus noster Iesus Christus, testibus, idest, martyribus suis pro humana fragilitate sollicitis, ne forte eum confitendo, atque moriendo perirent, magnam securitatem dedit, dicens: Capillus de capite vestro non peribit. Times ergo ne pereas, cuius capillus non peribit? Si sic custodiuntur superflua tua, in quanta securitate est anima tua? Non perit capillus, qui cum tonderetur, non sentis, & petit anima, per quam sentis? Sanè multa dura eos passuros esse prædixit, vt prædicendo faceret paratiores, dicerentque illi, Paratum cor meum.

R. Propter. 152.

Lectio viij.

Quid est, Paratum cor meum, nisi parata voluntas mea? Paratam ergo habent martyres voluntatem in martyrio, sed preparatur voluntas à Domino. Illis autem in malis duris, atque asperis futuris commemorans adiecit: In patientia vestra possidebitis animas vestras. In vestra patientia, inquit. Non enim esset patientia tua, si non ibi esset, & volūtas tua. In vestra patientia: sed vnde vestra? Nostrum est, quod à nobis habetur nostrum est, & quod nobis donatur.

R. Sancti mei. 152.

Lectio ix.

Quomodo enim aliquid donas, nisi vt eius sit, cui donas? Aperta est enim illa confessio: Nonne Deo subiicietur anima mea: ab ipso enim est patientia mea? Dicit nobis ipse. In vestra patientia. Dicamus illi & nos, Patientia mea ab ipso est. Tuum fecit donando, noli ingratus esse, tibi assignando. Nonne in oratione Dominica dicimus, & nostrum esse, quod à Deo.

à Deo est? Quotidie dicimus, Panem nostrum quotidianum. Iam dixisti, Nostrum, & dicis, Da nobis; Ecce nostrum, ecce da nobis. Illo dante fit nostrum.

T e Deum laudamus.

INFRA OCTAVAM

PLVRIMORVM MARTYR.

Homilia in Euangel. Lucæ cap. 6.

Descendens Iesus, &c.

In die festo habentur tres Lectiones
Homilia S. Ambr. Aduerte omnia.
in Breviar. de Communi plur. Mar.

SECUNDA DIE.

In tertio Nocturno.

Lectio sancti Euangelij secundum
Lucam. *Lectio vij. Cap. 6.*

IN illo tempore: Descendens Iesus de mōte, stetit in loco campestri, & turba discipulorum eius, & multitudo copiosa plebis ab omni Iudæa, & Ierusalem, & maritima, & Tyri, & Sydonis. Et reliqua.

De Homilia Sancti Ambrosij Episc.
lib. 5. in Luc. cap. 6.

Secunda benedictio, Beati, inquit, smites. Tertia, Beati qui lugent. Quarta, Beati qui esuriunt, & sitiunt iustitiam. Quinta, Beati misericordes. Sexta, Beati mundo corde. Septima, Beati pacifici, & benè septima: quoniam eo die ab omnibus mundi operibus requieuit Deus. Dies enim quietis, & pacis est. Octaua, Beati qui persecutionem patiuntur propter iustitiam. Veni Domine Iesu, doce nos ordinem beatitudinum tuarum.

Re. Propter. 152.

Lectio viij.

Nequè enim sine ordine dixisti primò: Beatos pauperes spiritu, secundo: Beatos mites, & tertio: Beatos, qui lugent: nam etsi co-

gnosco aliquid; tamen ex parte cognosco. Si enim Paulus ex parte cognouit; quid ego possum cognoscere, qui Paulo quantum vita, tantum etiam verbo inferior sum? vita enim verbum exigit, & acquirit: sermo autem sine vita non est sermo Dei: Quanto me sapientior Paulus? Ille gloriatur in periculis, ego in successibus.

Re. Sancti. 152.

Lectio ix.

Sed tamen potest Deus de lapidibus istis homines suscitare, & verbum proferre de clausis, vocem elicere de mutis. Quid si oculos aperuit, vt videret angelum; potens est & nobis quoque aperire oculos, vt possimus Dei videre mysterium. Beati, inquit, pauperes; non omnes beati pauperes; paupertas enim media est; possunt, & boni, & mali esse pauperes; nisi fortè ille intelligendus pauper beatus, quem propheta describit dicens: Quia melior pauper iustus, quàm diues mendax, & Deum.

TERTIA DIE.

In tertio Nocturno.

Lectio sancti Euangelij secundum
Lucam. *Lectio vii.*

In illo tempore: Descendens Iesus de mōte, stetit in loco campestri, & turba discipulorum eius, & multitudo copiosa plebis ab omni Iudæa, & Ierusalem, & maritima, & Tyri, & Sydonis. Et reliqua.

De Homilia sancti Ambrosij Episc.

Beatus pauper, qui clamauit, & Dominus exaudiuit eum. Pauper à crimine, pauper à vitijs, pauper, in quo mundi principes nihil inuenit. Pauper illius enulus pauperis, qui cū diues esset, propter nos pauper factus est. Vnde plenè Matthæus aperuit dicens: Beati pauperes spiritu. Pauper enim

enim spiritu non inflatur, non extol-
litur mente carnis suæ.

R. Propter. 152. **Lectio viij.**

Prima ergo ista benedictio est,
cum deposuero omne pecca-
tum, & exuero omnem malitiam,
& simplicitate contentus fuero, in-
ops malorum; superest, vt & mo-
res meos temperem: quid enim mi-
hi prodest carere secularibus, nisi
fuero mitis, atque mansuetus? Nam
qui sequitur viam rectam, sequitur
vtique illum, qui ait: Discite à me,
quia mitis sum, & humilis corde.

R. Sancti mei. 152.

Lectio ix.

Deponere igitur quæ improba sūt,
dege diuitijs secundum bona
paupertatem, mitiga affectum tuum,
vt non irascaris, aut certè iratus ne
peccaueris, iuxta quod scriptum est:
Irascimini, & nolite peccare. Præ-
clarum est enim morum temperare
consilio; nec minoris virtutis ducitur
cohibere iracundiam, indignationē-
que compescere; quam omnino non
irasci, cum plerumque illud lentius,
hoc fortius æstimetur. Cum hoc fe-
ceris, memento, quia peccator es, &
lugeto peccata tua, lugeto delicta.

Te Deum laudamus.

Q V A R T A D I E.

In tertio Nocturno.

**Lectio sancti Euangelij secundum
Lucam.**

Lectio vij.

In illo tempore: Descendens Iesus
de monte, stetit in loco campe-
stri, & turba discipulorum eius, &
multitudo copiosa plebis ab omni
Iudæa, & Ierusalem, & maritima, &
Tyri, & Sydonis. Et reliqua.

De Homilia S. Ambrosij Episcopi.

Et benè tertia benedictio est
peccata desentis, quia Trinitas
est, quæ peccata condonat: Ablue igitur
te lacrymis tuis, fletibus lina; si

tu ipse te fleueris, alijs te non flebit:
nā si Saul defleuisset peccata sua, Sa-
muel cum non fleuisset. Habet vnus-
quisque quos fleat, mortuos suos.
Mortui sumus quando peccamus:
quando implemur ossibus mortuo-
rum: mortuus est sermo malus, qui
exit de ore, exit enim de sepulchro
malo; sepulchrum autem patens est
guttur eorum. **R.** Propter. 152.

Lectio viij.

Ideo dicit Apostolus: Imitatores
mei estote: vult nos delictorum
meminisse nostrorum. Paulus non
habebat quod lugeret, ex quo in
Christum credidit; & tamen priora
deflebat, dicens: Quia non sum di-
gnus vocari Apostolus, quia perfec-
tus sum Ecclesiam Dei. Ille igitur
peccator ante fidem, nos verò adhuc
peccamus post fidem. Qui peccator
est defleat se, & arguat se, vt fiat ius-
tus. Iustus enim accusator est sui.
Ordinem igitur prosequamur, quia
scriptum est: ordinate in me charita-
tem. **R.** Sancti mei. 152. **Lectio ix.**

Deposui peccatum, temperaui
mores, delicta defleui, esurire
incipio, & sitire iustitiā. Ager enim,
cū in graui morbo est, non esurit;
quia ægritudinis dolor famem ex-
cludit; sed quæ est ista fames iustitiæ?
qui sunt isti panes, quos esurit iustus?
Ne fortè panes illi, de quibus dictum
est: Iuuenis fui, & senui, & nō vidi ius-
tum derelictum, nec semen eius
quærens panem? qui esurit, vtique
virum quærit augmentum: quod
autem maius virtutis incrementum,
quàm norma iustitiæ? **T**e Deum.

Q V I N T A D I E.

In tertio Nocturno.

**Lectio sancti Euangelij secundum
Lucam.**

Lectio vij.

In illo tempore: Descendens Iesus
de monte stetit in loco cæpestri,
&

& turba discipulorum eius, & multitudo copiosa plebis ab omni Iudæa, & Ierusalem, & maritima, & Tyri, & Sydonis. Et reliqua.

De Homilia sancti Ambrosij Episc.

Post hæc, Beati, inquit, misericordes: iustitiam enim sequitur misericordia: unde dictum est: Dispersit dedit pauperibus, iustitia eius manet in æternum, sed etiam, qui misericordiam defert, mercedem amittit, nisi mundo corde misereatur: nã si iactantiam quærat, nullus est fructus: emunda igitur interiora mentis tuæ, & si diligenter pectoris tui secreta mūdaueris, competere ijs, qui impugnantur: & intellige quanti hominum, quanti fratrum tuorum auxilium tuum quærant, sed nisi tu prius interiora tua vacua feceris ab omni labe peccati, ne dissensiones, contentionesque ex affectu tuo prodeant, non potes alii ferre medicinam.

R. Propter. 152. Lectio viij.

A Te igitur pacem incipe, vt, cū fueris ipse pacificus, pacem aliis feras. Quomodo enim potes aliorum corda mundare, nisi tuum ante mundaueris? Profuisti igitur aliis: tulisti auxilium pluribus, festina, contende ad finem. Multi cū essent exitus vitæ, vnus Domino competeat. Nam quod natum erat secundum carnem, oportebat secundum carnem mori, elegit passionem, vt moreretur pro nobis: & tu dic de omnibus, quæ retribuit tibi Dominus: Calicem salutaris accipiam hoc est, passionem. R. Sancti mei. 152.

Lectio ix.

Vide igitur ordinem, oportet te fieri pauperem spiritu. Humilitatis enim spiritus diuitiæ virtutū sunt, nisi pauper fueris, mitis esse nō poteris. Qui mitis est, potest lugere præsentia. Qui inferiora lugeat, potest

desiderare meliora. Qui superiora quærit, inferiora deuitat, vt, & ipse a superioribus adiuuetur. Qui misereatur, cor suum mundat. Patientia verò perfectio est charitatis. Qui autē patitur persecutionē, in vltimo certamine constitutus probatur aduersis: vt, cū legitime certauerit, coronetur. Te Deum.

S E X T A D I E.

In tertio Nocturno.

Lectio sancti Euangelij secundum Lucam. Lectio vii.

In illo tempore: Descendens Iesus de mōte, stetit in loco campestri, & turba discipulorum eius, & multitudo copiosa plebis ab omni Iudæa, & Ierusalem, & maritima, & Tyri, & Sydonis. Et reliqua.

De Homilia S. Ambrosij Episcopi:

Hos quidem gradus volunt esse virtutum; per quos ab vltimis ad superiora possumus ascendere: denique sicut incrementa virtutum, ita etiam sunt incrementa præmiorum. Plus est enim Dei esse filium, quàm possidere terram, & consolationem mereri, sed quia, & primum præmium regnum cœlorum est, & vltimum præmium regnum cœlorum est; nunquid æquale præmium incipientibus, atque perfectis est?

R. Propter. 152. Lectio viij.

Habes primum regnum, quādo Sancti rapiuntur in nubibus obuiā Christo in aera. Multi enim dormientium surgent, isti in vitam æternam; illi in opprobrium. Primum ergo regnum cœlorum Sanctis propositū est in dissolutione corporis. Secundū regnum cœlorum est, post resurrectionem esse cum Christo. Cū fueris in regno cœlorum, tunc processus est mansionum: etsi vnum regnum, diuersa tamen merita sunt in regno cœlorum. R. Sancti mei. 152.

Le -

Lectio ix.

Post resurrectionem terram tuā incipies possidere absolutus a morte. Ille enim, cui dicitur: Terra es, & in terram ibis: non possidet terram suam: non enim potest esse possessor, qui non capit fructum. Absolutus igitur per dominicam crucem, si tamen infra iugum Domini fueris inuentus, consolatione in ipsa possessione reperies. Consolationem sequitur delectatio, delectationem diuina miseratio: quem autem Dominus miseretur, & vocat: qui vocatur, videt vocantem: qui Deum viderit, in ius diuinæ generationis assumitur: tuncque demum quasi Dei filius celestis regni diuitijs delectatur: ille igitur incipit, hic repletur.

Te Deum.

SEPTIMA DIE.

In tertio Nocturno.

Lectio sancti Evangelij secundum Lucam.

Lectio vij.

In illo tempore: Descendens Iesus de monte stetit in loco campestri, & turba discipulorum eius, & multitudo copiosa plebis ab omni Iudæa, & Ierusalem, & maritima, & Tyri, & Sydonis. Et reliqua.

De Homilia S. Ambrosij Episcopi.

Nunc dicamus, quemadmodum in quatuor benedictionibus Sanctus Lucas benedictiones sit octo complexus, & quidem scimus virtutes esse quatuor cardinales, temperantiā, iustitiam, prudentiam, fortitudinem. Qui pauper est spiritu, avarus non est. Qui flet, non superbit, sed mitis est, & pacatus. Qui luget humiliatur. Qui iustus est non negat, quod sit omnibus ad usum communiter datum. Qui miseretur, largitur de suo. Qui suum donat, non querit alienum, nec dolum proximo suo struit.

R. Propter. 152.

Lectio viij.

Connexæ igitur sibi sunt, conca- tenatæque virtutes, ut qui vnā habeat, plures habere videatur, & sanctis vna competit virtus; sed eius, quæ fuerit vberior, vberius est præmium, quanta hospitalitas in Abraham, quanta humilitas? quanta charitas, ut fratris filiū ab hoste seruaret: quanta abstinentia, ut nihil de præda quæreretur? sed quia fide præstitit, fidei præ ceteris meruit principatum: ergo unicuique plura præmia, quia plura incentiua virtutum.

R. Sancti mei. 152.

Lectio ix.

Sed, quod in aliquo merito copiosius, hoc etiam in præmio redundatius. Beati igitur pauperes spiritu. Habes temperantiā, quæ a peccato abstinere, sæculum calcare, illecebrosa non querit. Beati, qui esuriunt, & sitiunt, qui enim esurit, esurienti compatitur, compatiendo largitur, largiendo fit iustus: quia iustitia eius manet in æternum.

Te Deum.

IN DIE OCTAVA:

In tertio Nocturno.

Lectio sancti Evangelij secundum Lucam.

Lectio vij.

In illo tempore: Descendens Iesus de monte, stetit in loco campestri, & turba discipulorum eius, & multitudo copiosa plebis ab omni Iudæa, & Ierusalem, & maritima, & Tyri, & Sydonis. Et reliqua.

De Homilia S. Ambrosij Episcopi.

Et in Matthæo sitim, & famem intelligimus spiritale, quia cibis, aut potus desideratur iustitiæ, quæ quasi materia quædam virtutum est: ut iustus equalē se inferioribus præstet, dolum excludat, veritatē requirat. Beati, qui nunc fletis: quia ridebitis. Habes prudentiam, cuius est flere

flere occidua, & ea, quæ æterna sunt querere, lugere secularia, quæ se ipsa compugnet, Deum pacis inquirere, qui stulta mundi eligit, vt confundat sapientes, & qui ea, quæ non sunt, destruat, vt, quæ sunt, possit adipisci.

R. Propter. 152.

LECTIO viij.

BEati eritis, cum vos oderint homines. Habes fortitudinem, sed eam, quæ non odium mereatur ex crimine, sed persecutionem patiat ex fide. Sic enim ad passionis peruenitur coronam, si gratiam hominum negligas, diuinam sequaris. Denique vt scias consummationem esse fortitudinis passionem: ait; secundum hæc enim faciebant prophetis patres eorum: quia prophetas Iudæi vsque ad mortem corporis persecuti sunt.

R. Sancti mei. 152.

LECTIO ix.

Est etiam fortitudinis iram vincere, indignationemque cohibere, ac per hoc fortitudo animi iuxta corpus confirmat, nec perturbari finit timore aliquo, vel dolore: quibus velut prauis interpretibus plerumque percellimur. Ergo temperantia cordis habet, animique munditiam, iustitia misericordiam; pacem prudentia; mansuetudinem fortitudo. Te Deum.

Homilia sancti Hilarij Episcopi.

Comment. in Matth. c. 25.

Discipuli Dominum interrogant, quando hæc fierent, quodve signum & aduentus sui, & consummationis sæculi noscerent. Et quia tria hæc in vnum quæ sita sunt; distinctis, & temporis intelligentiæ significationibus separantur. Respondetur igitur primum de ciuitatis occasu: & confirmatur veritate doctrinæ, ne quis fallax ignorantibus posset obrepere. Venturi enim erant, etiam eorum tempore, qui se Christum essent nuncupaturi. Vt igitur fides pestifero mendacio detrahi posset, admonitio præcessit.

R. Propter. 152.

LECTIO viij.

Confirmat igitur eos ad tolerationis, interitus, & publici in eos odij propter nomen eius. Atque his quidem vexationibus multi turbabuntur, & tantis insurgentibus malis scandalizabuntur; & vsque in mutuum odium excitabuntur. Et falsi prophetæ erunt, multosque ementita veritate peruerterent: & abundante nequitia charitas refrigescet.

R. Sancti mei. 152.

LECTIO ix.

Sed vsque in finem perseverantibus salus reservata est: ac tunc per omnes orbis partes viris Apostolicis dispersis, Euangelij veritas predicabitur. Et cum vniuersis fuerit cognitio sacramenti cœlestis inuenta, tum Ierusalém occusus, & finis incubet: vt predicationis fidem & infidelium penam, & metus ciuitatis erutz consequatur. Hæc igitur in eam, vt fuerant prædicta, perfecta sunt, & lapidatis, fugatis, peremptis Apostolis, fame, bello, captiuitate consumpta est. Actum fuit digna non esse, cum electis prædicatoribus Christi indignam Dei predicatione se præbuit. Te Deum.

L

SE-

INFRA OCTAVAM PLVRIMORVM MARTYR.

Homilia in Euang. Matth. cap. 24.

Sedente Iesu super montem.

IN DIE FESTO.

In tertio Nocturno.

LECTIO sancti Euangelij secundum Matthæum. Lect. viij. Cap. 24.

In illo tempore: Sedente Iesu super montem Oliueti, acceperunt ad eum discipuli secretò, dicentes: Dic nobis, quando hæc erunt? Et reliqua.

Octau. Rom.

S E C V N D A D I E .

*In tertio Nocturno.**Lectio sancti Euangelij secundum Matthæum.* *Lectio vii.*

IN illo tēpore : Sedente Iesu super montem Oliueti , accesserunt ad eum discipuli secretò, dicentes : Dic nobis, quando hæc erunt? Et reliq.

*Homilia S. Hieronymi Presbyt.**Lib. 4. in Matth. c. 24.*

VBi verum lumen scientiæ nascebatur, accedunt ad eum discipuli secretò, qui mysteria, & futurorum reuelationem nosse cupiebant, & interrogant tria : quo tempore Ierusalem destruenda sit : quo venturus Christus : quo consummatio sæculi futura sit : multi enim venient in nomine meo, dicentes : Ego sum Christus, & multos seducunt, quorum vnus est Simon Samaritanus, quem in Actibus Apostolorum legimus, qui se magnam dicebat esse Dei virtutem : hæc quoque & cætera in suis voluminibus scripta dimittens : Ego sum fermo Dei, ego sum speciosus, ego paracletus, ego omnipotens, & ego omnia Dei.

R. Propter. 152. *Lectio viii.*

Hæc autem omnia initia sunt dolorum . Non ambigo, hæc quidē iuxta litteram futura, quæ scripta sunt, sed mihi videtur regnū contra regnum, & pestilētia eorum, quorum fermo serpit vt cancer, & fames audiendi verbum Dei, & commotio vniuersæ terræ, & a vera fide separatio in hæreticis magis intelligi : qui contra se inuicem dimicantes, ecclesiæ victoriam faciunt : Quod autem dixit : Hæc autem omnia initia sunt dolorum : melius transferretur Parturitionum : vt quasi conceptus quidam aduentus Antichristi, non partus, intelligatur.

*R. Sancti mei 152.**Lectio ix.*

ET quoniam abundabit iniquitas, refrigescet charitas multorum . Non omnium negauit fidem, sed multorum : multi enim vocati, pauci verò electi. Nam in Apostolis, & similibus eorum permansura est charitas, de qua scriptum est : aquæ multæ non potuerunt extinguere charitatem. Et ipse Paulus : Quis nos separabit à charitate Christi? tribulatio, an angustia, an fames? & reliqua. e Deum.

T E R T I A D I E .

*In tertio Nocturno.**Lectio sancti Euangelij secundum Matthæum.* *Lectio vii.*

IN illo tēpore : Sedente Iesu super montem Oliueti, accesserunt ad eum discipuli secretò, dicentes : Dic nobis, quando hæc erunt? Et reliqua.

*Homilia S. Ioannis Chrysostomi :**Ex homil. 76. in Matth.*

Idcircò seorsum accesserunt, quia de magnis, & occultioribus rebus interrogaturi erant. Duo igitur interrogant : vnum, quando hæc erunt : templi huius scilicet euerfio : alterum, quod aduentus tui signum est . Lucas verò vnum de Ierosolymis, videlicet interrogasse ipsos exponit : putabant enim tunc statim aduentum eius futurum . Marcus autem non omnes de Ierosolymorum euerfione, sed Petrum, & Ioannem, qui maiorem apud eum fiduciam habebant, interrogasse ait.

*R. Propter. 152.**Lectio viii.*

Quid igitur ipse? Videte, ne quis vos seducat : nā, quoniam de Ierosolyma supplicijs audientes, quasi omnes periculi inexpertes futuri, de secūdis solummodò cogitabant, quæ se citò consecuturos arbitrabantur : idcirco rursus difficiliora eis prædicat, suspensos faciēs, & dupliciter ad vigilandum exhortans, ne adulatione sedu-

seducentium circumueniantur, ne uel periculorum vi opprimantur: duplex enim bellum futurum asserit, alterum a seductoribus, alterum ab hostibus: sed illud multo grauius, atque periculosius quod in confusione, atque turbatione rerum hominibus timore perterritis incumbet.

R. Sancti mei. 152. Lectio ix.

Magna enim tunc profecto tempestas Iudæam turbabat, Romana vi superante, multis urbibus expugnatis, & armis uniuersa regione referta; qua de causa multa facillime credebantur. Nam bella nunc non ea, quæ in alijs partibus orbis gesta fuerunt, nulla enim illorum cura erat; sed ea, quæ aduersus Ierusalem Romani susceperunt, prænunciat: iam enim Romanorum potestiam sollicitos eos faciebat: ac quoniam turbatura ipsos erat, hæc omnia prædicuntur; ut ostendat deinde se quocumque ipsum in Iudæos insurrecturum, non pugnas solum, verum etiam illata diuinitus vulnera prædicit.

T e Deum.

Q V A R T A D I E.

In tertio Nocturno.

Lectio sancti Euangelij secundum Matthæum.

Lectio vij.

In illo tempore: Sedente Iesu super montem Oliueti, accesserunt ad eum discipuli secretò, dicentes: Dic nobis, quando hæc erunt? Et reliq.

Homilia S. Ioannis Chrysostomi.

Posteaquam sollicitos, curiososq; reddidit, & ad vigilandum paratiores, seductores, & pseudochristorum facta mentione, tunc demum Ierosolymorum exponit afflictiones, a præteritis semper ita futura confirmans, ut vel rudiōres ad credenda hæc facillè induci queant. Bella verò, & bellorum auditum primos impetus appellat: & ne post il-

la bella consumptionem omnium futuram putarent, prænunciens intulit: sed nondum est finis: surget enim, ait, gens aduersus gentem. Afflictionum originem intelligit, hæc autem omnia dolorum principium sunt, eorum uidelicet, quæ illis accidunt. R. Propter. 152. Lectio viij.

Opportunè pericula discipulorum inferuit, ut a communibus eos consolaretur, nec tamen id ei sufficit, sed adiecit: propter nomē meum: eritis enim, ait, odio omnibus propter nomen meum. Tunc scandalizabuntur multi: maius id malum est, si quidem intestina quoque bella ipsi imminēt: multi enim falsi fratres facti eos turbabunt. Vides bellum triplex futurum; Vnum ab hostibus, alterum a seductoribus, tertium a falsis fratribus.

R. Sancti mei. 152. Lectio ix.

A Vdi nunc Paulum de his plan- gentem, atque dicentem: De foris pugna, intus timores, & pericula in falsis fratribus. Et rursus, tales enim falsi apostoli sunt, dolosi operarij, in Apostolos Christi se transformantes. Affert inde, quod multo ceteris grauius erat, nec ab ipsa quidem charitate vllum eos solamen habituros. Deinde ostendens, generoso, excelsoque animo nihil hæc officere posse; nolite timere, aut turbari, ait; nam si tolerantiam, ut decet, habebitis, non superabunt vos hæc mala. T e Deum.

Q V I N T A D I E.

In tertio Nocturno.

Lectio sancti Euangelij secundum Matthæum.

Lectio vij.

In illo tempore: Sedente Iesu super montem Oliueti, accesserunt ad eum discipuli secretò, dicentes: Dic nobis, quando hæc erunt? Et reliqua.

Homilia venerabilis Bedæ Presbyt.

Ex lib. 4. com. in Marcum.

Sedet Dominus in monte Oliuarum contra templum, cum de ruina templi, & excidio gentis disputat, ut etiam ipso corporis situ verbis, quæ loquitur congruat, mysticè designans, quia quietus manens in factis, superbiorum detestatur amentiam. Quis enim non videat, quod mons Oliueti fructiferam designet sanctæ Ecclesiæ celsitudinem, quam Dominus semper inhabitare delectatur? quia videlicet mons ille non infructuosus habere arbores, & syluâ sterilem, sed oliuas gignere solebat, quibus ad repellendas noctium umbras lumen alitur, soluuntur infirmitates, & requies lassis tribuitur.

R. Propter. 152. Lectio viii.

Ovæ cuncta specialiter in Ecclesia fieri probat ipsa, cum dicit: Ego autem sicut oliua fructifera in domo Domini sperabo in misericordia Dei mei. Videte, ne quis vos seducat: multi imminente Ierosolymorum excidio Principes extitere, qui se esse Christos dicerent, tempusque libertatis iam iamque appropinquare referrent. Multi in Ecclesia ipsis etiam temporibus Apostolorum heresiarchæ prodire: qui inter alia plurima veritati contraria, diem Domini prædicarent instare; quos Apostolus in epistola ad Thesalonicensis damnat.

R. Sancti mei. 152. Lectio ix.

Multi in nomine Christi venerunt Antichristi, quorum primus est Simon Magus, cui, sicut in Actibus Apostolorum legimus, ausculta-bant omnes, qui in Samaria erant, à minimo usque ad maximum, dicentes: Hic est virtus Dei, quæ vocatur magna, eo quod multo tempore magicis artibus suis dementasset eos,

Cum audieritis autem bella, & opinioniones bellorum, ne timueritis. Bella ad hostes pertinent, seditiones ad ciues. Quæ utraque à tempore dominicæ passionis in populo Iudæorum, qui sibi pro Salvatore Christo seditionis latronem elegit, satis superque constat abundasse. Te Deum.

S E X T A D I E.

In tertio Nocturno.

lectio sancti Evangelij secundum Matthæum. *Lectio vij.*

In illo tempore: Sedete Iesu super montem Oliueti, accesserunt ad eum discipuli secretò, dicentes: Dic nobis, quando hæc erunt? Et reliqua.

Homilia S. Augustini Episcopi.

De corrept. & grat. c. 6.

Negare non possumus, etiã perseuerantiã in bono proficientem usque in finem magnum esse Dei munus; nec esse nisi ab illo, de quo scriptum est: Omne datum optimum, & omne donum perfectum desursum est, descendens à patre luminum: nam si dixerimus, istam perseuerantiã tam laudabilem, tamque felicem sic esse hominis, ut ei non sit ex Deo: illud primitus euacuamus, quod ait Dominus Petro: Rogavi pro te, ne deficiat fides tua; quid enim ei rogauit, nisi perseuerantiã usque in finem?

R. Propter. 152. Lectio viii.

Deinde, cum dicit Apostolus? Oramus autè ad Deum, ne quid faciatis mali: proculdubio perseuerantiã eius orat ad Deum, neque enim nihil mali facit, qui bonum deserit, & à quo declinare debet, inclinatur in malum, non perseuerans in bono. Nec aliud oramus, cum oramus, qui stat, stet, nisi ut perseueret. Quid est etiã, quod in Apostolorum Actibus legimus: Audientes autem gentes gauisæ sunt, & exceperunt verbum Domini

ni

ni, & crediderunt, quotquot erant ordinati in vitam æternam? Quis in æternum vitam potuit ordinari, nisi perseverantiæ dono?

R. Sancti mei. 152. *Lectio ix.*

Qui perseverauerit vsque in finem, hic saluus erit. Qua salute, nisi æterna? cum in oratione Dominica Deo Patri dicimus; Sanctificetur nomen tuum; quid aliud dicimus, quam vt nomen eius sanctificetur in nobis? quod cum iam per lacuum regenerationis affectum sit, quare quotidie à fidelibus poscitur, nisi vt in eo, quod factum est in nobis, perseveretur à nobis? nullo autem dubitante, quisquis à Domino, vt in bono perseveret, precatur, donum eius esse talem perseverantiam confiteretur. T. e Deum.

S E P T I M A D I E.

In tertio Nocturno.

Lectio sancti Euangelij secundum Matthæum. *Lectio vij.*

In illo tempore: Sedente Iesu super montem Oliueti, accesserunt ad eum discipuli secretò, dicentes: Dic nobis, quando hæc erunt? Et reliqua.

Homilia S. Ioannis Chrysostomi.

Ex homil. 34. in Matth.

Qui autem perseverauerit vsque in finem, hic saluus erit. Hæc etiam alioquin animos discipulorum extollere possent, atque confirmare: quoniam tantam prædicationis suæ virtutem audiebant futuram, vt omnis sanguinis coniunctio virtute illius contemneretur, omnis affinitas sperneretur, omnia illi cederent aduersa, omnis potestas vndique pelleretur. Nam si nulla naturæ vis aduersus sermonem vestrum potest reluctari, sed vniuersa deprimitur, atque resoluitur, quidnam aliud vincere vos poterit? R. Propter. 152.

Lectio viij.

Ego certè stupeo, quod nulla ambiguitate detenti fuerunt, nullam liberationem ab his malis quaesierunt, præsertim cum non per duos, vel tres annos, sed per totam vitam hoc impendere sibi perciperent. Hoc enim ipsum signanter expressit, cum dixit: Qui autem in finem perseverauerit, hic saluus erit. Vult quippe non solum gratia sui ipsos esse munitos, sed à se ipsis etiã non nihil conferre. Quod ita esse videbis, si altius consideraueris, alia omnino ad eum, alia etiam ad discipulos posse referri.

R. Sancti mei. 152. *Lectio ix.*

Continuum ergo patientiã quaerit: nam, ne quis nihil Apostolis, sed totum Christo attribuat; ne quis nihil mali pertulisse Apostolos putet, atque ideo de patientia ipsorum non admiretur, idcirco patientia quoque vestra opus est, ait: nam et si primos vos à periculis eruam, grauiora tamen alia, atque alia deinde succedent, nec exitus vniquam illorum erit in hac vita: qui enim perseverauerit in finem, hic saluus erit. T. e Deum.

I N D I E O C T A V A.

In tertio Nocturno.

Homilia S. Gregor. in Euang. Cum audieritis, &c. vt in Breuiario in Communi plurim. martyr. Vel ea, quæ in hac Octau. fortasse fuerit omissa ob Dominicam, vel Festum infra Oct. occurrens.

I N F R A O C T A V A M
P L U R I M O R V M M A R T Y R.

Homilia in Euangel. Matth. cap. 5.

Videns Iesus turbas.

I N D I E F E S T O.

In tertio Nocturno.

L 3 L caio

Lectio sancti Euangelij secundum
Matthæum. *Lectio vij.*

In illo tempore: Videns Iesus tur-
bas ascendit in montem, & cum
sedisset, accesserunt ad eum discipu-
li eius. Et reliqua.

Homilia S. Augustini Episcopi.

Lib. I. de ser. Dom. in monte, sub init.

Si queritur quid significet mons,
benè intelligitur significare ma-
iora præcepta iustitiæ, quia minora
erant; quæ Iudeis data sunt. Vnus ta-
men Deus per sanctos Prophetas, &
famulos suos, secundum ordinatissi-
mam distributionem temporum de-
dit minora præcepta populo, quem
timore adhuc alligari oportebat: &
per Filium suum maiora populo,
quem charitate iam liberari conue-
nerat. Cum autem minora minori-
bus, maiora maioribus dantur, ab
eo dantur, qui solus nouit congrue-
tem suis temporibus generi humano
exhibere medicinam.

R. Propter. 152. Lectio viij.

Nec mirum est, quòd datur præ-
cepta maiora propter regnum
celorum, & minora data sūt propter
regnum terrenum ab eodem vno
Deo, qui fecit cælum, & terram. De
hac ergo iustitia, quæ maior est, per
Prophetam dicitur iustitia tua sicut
montes Dei: & hoc benè significat,
quòd ab vno magistro, solo docēdis
tantis rebus idoneo, docetur in mō-
te. Sedens autem docet, quòd perti-
net ad dignitatem magisterij. Et ac-
cedunt ad eum discipuli eius, vt au-
diendis illius verbis hi essent etiam
corpore viciniore, qui præceptis
adimplendis etiam animo propin-
quabant. Et aperiens os suum doce-
bat eos, dicens. Ista circumlocutiō,
qua scribitur: Et aperiens os suum,
fortassis ipsa mora commendat ali-
quanto longiorem futurum esse ser-

monem. Nisi fortè non vacet, quòd
nunc eum dictum est aperuisse os
suum, quòd ipse in lege veteri aperi-
re solet ora Prophetarum.

R. Sancti mei. 152. Lectio ix.

Quid ergo dicit? Beati pauperes
spiritu: quoniam ipsorum est
regnum celorum. Legimus scriptum
de appetitione rerum temporalium:
Omnia vanitas, & præsumptio spiri-
tus. Præsumptio autem spiritus au-
daciam, & superbiam significat. Vul-
go etiam magnos spiritus superbi
habere dicuntur: & rectè quando
quidem spiritus etiam ventus voca-
tur. Vnde scriptum est: Ignis, gran-
do, nix, glacies, spiritus procellarum.
Quis verò nesciat, superbos inflatos
dici, tamquam vento distentos? Vn-
de est etiam illud Apostoli: Scientia
inflat, charitas verò ædificat. Qua-
propter rectè hic intelliguntur pau-
peres spiritu, humiles, & timentes
Deum, idest, non habentes inflan-
tem spiritum.

T e Deum.

SECUNDA DIE.

Intertio Nocturno.

Lectio sancti Euangelij secundum
Matthæum. *Lectio vij.*

In illo tempore: Videns Iesus tur-
bas, ascendit in montem, & cum
sedisset, accesserunt ad eum discipu-
li eius. Et reliqua.

De Homil. S. August. Episcopi.

Ex lib. I. de ser. Dom. in mon. c. I. & 2.

Nec aliunde omnino incipere
oportuit beatitudinem, quam
à paupertate spiritus, siquidem per-
uentura est ad summam sapientiam.
Initium autem sapientiæ timor Do-
mini: quoniam, & econtrario, Ini-
tium omnis peccati superbia scribi-
tur. Superbi autem appetunt, & dili-
gunt regna terrarum. Beati mites:
quoniam ipsi hereditate possidebunt
ter-

terram. Illam credo terram, de qua in Psalmo dicitur: Spes mea es tu, portio mea in terra uiuentium. Significat enim quamdam soliditatē, & stabilitatem hereditatis perpetuę, ubi anima per bonum affectum, tamquam loco suo requiescit, sicut corpus in terra: & inde cibo suo alitur, sicut corpus ex terra: ipsa est requies & vita sanctorū. Mites autē sunt, qui cedūt improbitatibus, & nō resistunt malo, sed vincunt in bono malum.

R. Propter. 152. Lectio viij.

BEati lugentes, quoniam ipsi cōsolabūtur. Luctus est tristitia de amissione carorum: conuersi autem ad Deum, ea, quę in hoc mundo cara amplectabantur, amittunt. Non enim gaudent his rebus, quibus ante gaudebant: & donec fiat in illis amor æternorum, nonnulla mœstitia sauiantur. Consolabuntur ergo Spiritu sancto, qui maximē propterea Paracletus nominatur, idest, consolator: ut temporalia amittentes, æterna lætitia perfruantur.

R. Sancti mei. 152. Lectio ix.

BEati, qui esuriunt, & sitiunt iusti. Etiam: quoniam ipsi saturabuntur. Iam istos amatores dicit veri, & inconcussi boni. Illo ergo cibo saturabatur, de quo ipse Dominus dicit: Meus cibus est, ut faciam voluntatem Patris mei, quod est iustitia: & illa aqua, de qua quisquis biberit, ut idem dicit, fiet in eo fons aquę salientis in vitam æternam. Beati misericordes, quoniam ipsorum miseretur Deus. Beatos esse dicit, qui subueniunt miseris: quod eis ita reppenditur, ut de miseria liberentur.

Te Deum.

T E R T I A D I E.

In tertio Nocturno.

Lectio sancti Euangelij secundum Matthæum.

Lectio vij.

IN illo tempore: Videns Iesus turbas, ascendit in montem, & cum sedisset, accesserunt ad eum discipuli eius. Et reliqua.

De Homilia S. Augustini Episcopi.

Lib. 2. de ser. Domini in monte, c. 2.

BEati mūdo corde: quoniam ipsi Deum videbunt. Quam ergo stulti sunt, qui Deum istis exterioribus oculis quærunt, cum corda videantur, sicut alibi scriptum est: Et in simplicitate cordis quærite illum. Hoc est enim mundum cor, quod & simplex cor. Et quemadmodum lumen hoc videri non potest, nisi oculis mundis: ita nec Deus videtur, nisi mundum sit illud, quo videri potest. Beati pacifici: quoniam ipsi filij Dei vocabuntur. In pace perfectio est, ubi nihil repugnat: & ideo filij Dei pacifici, quoniam nihil in his resistit Deo, & utique filij similitudinem patris habere debent.

R. Propter. 152. Lectio viij.

Pacifici autem in semetipsis sunt, qui omnes animi sui motus componentes, & subijcientes rationi, idest menti, & spiritui, carnalesque concupiscentias habentes edomitās, sunt regnum Dei. In quo ita sunt ordinata omnia, ut id, quod est in homine præcipuum, & excellens, hoc imperet, cæteris non reluctans, quę sunt nobis, bestiisque communia: atque id ipsum, quod excellit in homine, idest, mens & ratio, subijciatur potiori, quod est ipsa veritas, vnigenitus Filius Dei. Neque enim imperare inferioribus potest, nisi superiori se ipse subijciat. Et hæc est pax, quę datur in terra hominibus bonę voluntatis: hæc vita consummati, perfectique sapientis.

R. Sancti mei. 152.

DE huiusmodi regno pacatissimo, & ordinatissimo missus est

L 4 foras

foras princeps huius sæculi, qui peruersis inordinatisque dominatur. Hac pace intrinsecus constituta, atque firmata, quasumque persecutiones ille, qui foras missus est, forinsecus concitauerit, auget gloriā, quæ secundum Deum est; non aliquid in illo ædificio labefactans, sed deficientibus machinis suis, innotescere faciens, quanta firmitas intus extructa sit. Ideo sequitur: Beati qui persecutionem patiuntur propter iustitiam, quoniam ipsorum est regnum cœlorum. **T e Deum.**

Q V A R T A D I E.

In tertio Nocturno.

Lectio sancti Euangelij secundum Matthæum. **Lectio vij.**

IN illo tempore: Videns Iesus turbas, ascendit in montem, & cum sedisset, accesserunt ad eum discipuli eius. Et reliqua.

De Homilia S. Augustini Episcopi.

Lib. 1. de ser. Domini in monte, c. 2.

Sunt autem omnes istæ octo sententiæ. Iam enim cetera compellans loquitur ad illos, qui aderāt, dicens: Beati eritis, cū vobis maledicēt & persequerentur vos; Superiores autē sententiæ generaliter dirigebat. Non enim dixit: Beati pauperes spiritu: quoniam vestrum est regnum cœlorum, sed, Quoniam ipsorum est, inquit, regnum cœlorum: neque Beati mites: quoniam vos possidebitis terram, sed, Quoniam ipsi possidebunt terrā: & ita ceteras, vsq; ad octauam sententiā, vbi ait: Beati qui persecutionem patiuntur propter iustitiam: quoniam ipsorum est regnum cœlorum. **R. Propter. 152. Lect. viij.**

INde iam incipit loqui, præsentibus compellans; cū, & illa, quæ supra dicta sūt, ad eos etiā pertinerent, qui præsentibus audiebant: & hæc postea, quæ videntur præsentibus specialiter

dicti, pertineant etiam ad illos, qui absentes, vel post futuri erant. Quapropter iste sententiarum numerus diligenter considerandus est. Incipit enim beatitudo ab humilitate. Beati pauperes spiritu: idest non inflati, dum se diuinæ auctoritati subdit anima, timens post hanc vitam ne pergat ad pœnas, etiam si fortē in hac vita beati sibi esse videantur.

R. Sancti mei. 152. Lectio ix.

INde venit ad diuinarū Scripturarum cognitionem, vbi oportet eā se mitē præbere pietate: ne id quod imperitis videtur absurdū, vituperare audeat, & peruicacibus concertationibus efficiatur indocilis. Inde iā incipit scire, quibus nodis sæculi huius per carnalem consuetudinem, ac peccata teneatur. **T e Deum.**

Q V I N T A D I E.

In tertio Nocturno.

Lectio sancti Euangelij secundum Matthæum. **Lectio vij.**

IN illo tempore: Videns Iesus turbas, ascendit in montem, & cum sedisset, accesserunt ad eum discipuli eius. Et reliqua.

De Homilia S. Augustini Episcopi.

ITaque in hoc tertio gradu, in quo scientia est, lugetur amissio summi boni, quia inhæretur extremi. In quarto autem gradu labor est: vbi vehementer incumbitur, vt sese animus auellat ab eis, quibus pestifera dulcedine innexus est. Hic ergo esuritur & sititur iustitia, & multum necessaria est fortitudo: quia non relinquitur sine dolore quod cū delectatione retinetur. Quinto autē gradu perseverantibus in labore datur euadēdi consiliū: quia nisi quisque adiunetur a superiori, nullo modo sibi est idoneus, vt sese tantis miseriarū implicamētis expediat. Est autem iustū cōsiliū, vt qui se a potētiori adiunari vult,

Vult, adiuuet & infirmiorē, in quo est ipse potentior. Itaque beati misericordes, quia ipsorum miserebitur Deus.

R. Propter. 152. Lectio viij.

Sexto gradu est cordis munditia, de bona conscientia bonorum operum, valens ad contemplandum summum illud bonū, quod solo, puro, & sereno intellectu cerni potest. Postremo est septima ipsa sapientia, id est, contemplatio veritatis, pacificans totum hominem, & suscipiens similitudinem Dei; quæ ita concluditur: Beati pacifici, quoniam ipsi filij Dei vocabuntur. Octaua tamquā ad caput redit, quia consummatum, perfectumque ostendit, & probat. Itaque in prima, & in octaua nominatum est regnum celorum: Beati pauperes spiritu: quoniam ipsorum est regnum celorum: & Beati, qui perfectionem patiuntur propter iustitiā: quoniam ipsorum est regnum celorum. R. Sancti mei. 152. Lectio ix.

Cum iam dicitur: Quis nos separabit a charitate Christi? Tribulatio, an angustia, an persecutio, an fames, an nuditas, an periculum, an gladius? Septem sunt ergo, quæ perficiunt: nā octaua clarificat, & quod perfectum est demonstrat, ut per hos gradus perficiatur, & ceteri, tamquā a capite rursus exordiens. Videtur ergo mihi etiam septiformis operatio Spiritus sancti, de qua Isaias loquitur, his gradibus, sententiisque congruere. Sed interest ordini: nam ibi enumeratio ab excellentioribus cœpit, hic verò ab inferioribus. Ibi namque incipit a sapientia Dei & desinit ad timorem Dei: sed initiū sapientiæ timor Domini est. I & Deum.

S E X T A D I E.

In tertio Nocturno.

Lectio sancti Evangelij secundum Matthæum.

Lectio vij.

In illo tempore: Videns Iesus turbas, ascendit in montem, & cum sedisset, accesserunt ad eum discipuli eius. Et reliqua.

De Homilia S. Augustini Episcopi.

Lib. 1. de ser. Domini in monte. c. 4.

OVapropter si gradatim tamquam ascendentes numeremus, primus ibi est timor Dei, secunda pietas, tertia scientia, quarta fortitudo, quintum consilium, sextus intellectus, septima sapientia. Timor Dei congruit humilibus, de quibus hic dicitur: Beati pauperes spiritu: quoniam ipsorum est regnum celorum: id est, non inflati, non superbi, de quibus Apostolus dicit: Noli altum sapere, sed time; id est, noli extolli. Pietas congruit mitibus. Qui enim piæ querit, honorat sanctam Scripturam, & non reprehendit quod nondum intelligit, & propterea non resistit; quod est mitem esse. Vnde hic dicitur: Beati mites, quoniam ipsi hereditate possidebunt terram.

R. Propter. 152. Lectio viij.

Scientia congruit lugentibus, qui iam cognouerunt in Scripturis, quibus malis vincti teneantur, quæ tamquam bona, & vtilia ignorantes appetierunt; de quibus hic dicitur: Beati, qui lugent nunc. Fortitudo congruit esurientibus, & sitientibus. Laborant enim desiderans gaudiū de veris bonis, & amorem a terrenis, & corporalibus auertere cupientes; de quibus hic dicitur: Beati qui esuriunt, & sitiunt iustitiā. Consilium congruit misericordibus: hoc enim vnum remedium est de tantis malis euadendi, ut dimittamus, sicut nobis dimitti volumus: & adiuuemus, in quo possumus alio, sicut & nos, in quo non possumus, cupimus adiuuari; de quibus hic dicitur: Beati misericordes, quoniam ipsorum miserebitur Deus.

R. San-

R. Sancti mei. 152. Lectio ix.

INtellectus congruit mundis corde, tamquam purgato oculo, quo cerni possit, quod corporeus oculus nō vidit, nec auris audiuit, nec in cor hominis ascendit; de quibus hic dicitur: Beati mundo corde: quoniam ipsi Deum videbunt. Sapientia congruit pacificis, in quibus iam ordinata sunt omnia, nullusque motus aduersus rationem rebellis est, sed cuncta obtemperant spiritui hominis, cum & ipse obtemperet Deo; de quibus hic dicitur: Beati pacifici. Vnum autem præmium, quod est regnum cælorum, pro his gradibus variè nominatum est. T. e Deum.

S E P T I M A D I E.

In tertio Nocturno.

Lectio sancti Euangelij secundum Matthæum. Lectio vij.

IN illo tempore; Videns Iesus turbas ascendit in montem, & cūm sedisset, accesserunt ad eum discipuli eius. Et reliqua.

De Homilia S. Augustini Episcopi.

Ex li. 1. de ser. Domini in monte, c. 3.

IN primo gradu, sicut oportebat, positum est regnum cælorum, quod est perfectæ, summæque sapientiæ animæ rationalis. Sic itaque dictum est: Beati pauperes spiritu: quoniam ipsorum est regnum cælorum: tamquam diceretur, Initium sapientiæ timor Domini. Mitibus hereditas data est, tamquam testamentum Patris cum pietate querentibus. Beati mites: quoniam ipsi hereditate possidebunt terram. Lugentibus consolatio, tamquam scientibus, quid amiserint, & quibus meriti sunt. Beati, qui lugent nunc: quoniam ipsi consolabuntur. Esurientibus, & sitientibus saturitas, tamquam refectio laborantibus, fortiterque certantibus ad salutem. Beati, qui esuriunt,

& sitiunt iustitiam: quoniam ipsi saturabuntur. R. Propter. 152.

Lectio viij.

Misericordibus misericordia; tamquam vero, & optimo consilio vtentibus, vt hoc eis exhibetur a potentiore, quod inualidoribus ipsi exhibent. Beati misericordes: quoniam ipsorum miserebitur Deus. Mundis corde facultas est videndi Deum, tamquam purum oculum ad intelligenda æterna gerentibus. Beati mundo corde: quoniam ipsi Deum videbunt. Pacificis Dei similitudo est, tamquam perfectè sapientibus, formatisque ad imaginem Dei per regenerationem renouati hominis. Beati pacifici: quoniam ipsi filij Dei vocantur. Et ista quidem in hac vita possunt compleri, sicut completa esse in Apostolis credimus. Nam ista omnimoda, & in Angelicam formam mutatio, quæ post hanc vitam promittitur, nullius verbis exponi potest.

R. Sancti mei. 152. Lectio ix.

Beati ergo, qui persecutionem patiuntur propter iustitiam: quoniam ipsorum est regnum cælorum. Hæc octaua sententia, quæ ad caput redit, perfectumque hominem declarat, significatur fortasse, & circumcissione octaua die in veteri testamento: & Domini resurrectione post Sabbatum, qui est vtique octauus, idemque primus dies, & celebratione octauarum feriarum, quas in regeneratione noui hominis celebramus; & numero ipso Pentecostes: nam septenario numero septies multiplicato, quo sunt quadraginta nouem, quasi octauus additur, vt quinquaginta compleantur. Et tamquam reddeatur ad caput, quo die missus est Spiritus sanctus, eo in regnum cælorum ducimur, & hæredita-

ultatem accipimus, & cōsolamur, & pascimur, & misericordiam consequimur, & mundamur, & pacificamur. Atque ita perfecti, omnes extrinsecus illatas molestias pro veritate, & iustitia sustinemus.

T e Deum.

IN DIE OCTAVA.

In tertio Nocturno.

Lectio sancti Evangelij secundum Matthæum. Lectio vij.

IN illo tempore: Videns Iesus turbas ascendit in montē, & cū sedisset, accefferunt ad eum discipuli eius. Et reliqua.

Homilia S. Augustini Episcopi.

Ex lib. I. de ser. Domini, in monte c. 5.

BEati eritis, inquit, cū vobis maledicent, & persequentur vos, & dicent omne malum aduersum vos, mentientes propter me: & gaudete, & exultate, quoniam merces vestra multa est in celis. Animaduertat quisquis delicias huius sæculi, & facultates rerum temporalium quærit in nomine Christiano, intrinsecus esse beatitudinem nostram, sicut de anima ecclesiastica ore prophetico dicitur: Omnis gloria eius filiæ Regis ab intus. Nam extrinsecus maledicta, & persecutiones, & detractioes promittuntur: de quibus tamen magna merces est in celis, quæ sentitur in corde patientium, eorum, qui iam possunt dicere; Gloriamur in tribulationibus, scientes quod tribulatio patientiam operatur, patientia autem probationem, probatio verò spem, spes autem nō confundit, quia charitas Dei diffusa est in cordibus nostris per Spiritū sanctum, qui datus est nobis. *R. Propter. 152.*

Lectio viij.

Non enim ista perpeti fructuosum est, sed ista pro Christi nomine non sunt equo animo, sed etiā

cum exultatione tolerare. Nam multi hæretici nomine Christiano animas decipientes, multa talia patiuntur: sed ideò excluduntur ab ista mercede, quia non dictum est tantum, Beati, qui persecutionem patiuntur: sed additum est, Propter iustitiam. Vbi autem sana fides non est, non potest esse iustitia, quia iustus ex fide viuit. Neq; schismatici aliquid ex ista mercede promittant: quia similiter, vbi charitas non est, non potest esse iustitia. Dilectio enim proximi malum non operatur, quam si haberent, non dilaniarent corpus Christi, quod est Ecclesia.

R. Sancti mei. 152.

Lectio ix.

Quid est sanè, quod etiam hoc nō est nudè positum, vt diceretur: Et dicent omne malum aduersum vos: sed additum est, mentientes: additum est etiam, propter me? Propter eos additum puto, qui volunt de persecutionibus, & de famæ suæ turpitudine gloriari; & ideò dicere, ad se pertinere Christum, quia multa de illis dicuntur mala, cū & vera dicantur, quando & de illorum errore dicuntur: etsi aliquādo etiam nonnulla falsa iactantur, quod temeritate hominum plerumque accidit, non tamen propter Christum ista patiuntur. Non enim Christum sequitur, qui non secundum veram fidem, & Catholicā disciplinam Christianus vocatur. *T e Deum.*

INFRA OCTAVAM PLVRIMORVM MARTYR.

Homilia in Euang. Matth. cap. 11.

Confiteor tibi Pater, &c.

IN DIE FESTO.

In tertio Nocturno.

Lectio sancti Evangelij secundum Matthæum. Lectio vij. Cap. 11.

In

IN illo tempore respondens Iesus dixit: Confiteor tibi Pater, Domine cœli & terræ, quia abscondisti hæc a sapientibus, & prudentibus, & reuelasti ea paruulis. Et reliqua.

Homilia S. Augustini Episcopi.

Sermo. 10. de verbis Domini.

Venite, inquit, ad me omnes, qui laboratis. Quare enim omnes laboramus, nisi quia sumus homines mortales, fragiles, infirmi, lutea vasa portantes quæ faciunt inuicem angustias? Sed si angustiantur vasa carnis, dilatantur spatia charitatis. Quid ergo dicit: Venite ad me omnes, qui laboratis, nisi, ut non laboretis? Denique promissio eius in promptu est quoniam laborantes vocauit. Quærent fortè qua mercede vocati sunt. Et ego vos, inquit, reficiam. Tollite iugum meum super vos, & discite a me, non mundum fabricare, non cuncta visibilia, & inuisibilia creare, non in ipso mundo mirabilia facere, & mortuos suscitare, sed, Quoniam mitis sum, & humilis corde.

18. Propter. 152. Lectio viij.

MAgnus esse vis? a minimo incipe, Cogitas magnam fabricam construere celsitudinis? de fundamento prins cogita humilitatis. Et quantam quisque vult, & disponit superimponere molem ædificij, quāto erit maius ædificium, tantum altius fodit fundamentum. Et fabrica quidem cum constituitur, in suprema confurgit; qui autem fodit fundamentum ad ima deprimitur. Ergo, & fabrica ante celsitudinem humiliatur, & fastigium post humiliationem erigitur. Sancti mei. 152.

Lectio ix.

Quod est fastigium construendæ fabricæ, quā molimur? quo perueniendum est cacumen ædificij? Citò dico, usque ad cōspectum Dei. Vide-

tis, quā excelsum est, quanta res est conspiciere Deum. Qui desiderat, & quod dico, & quod audit, intelligit. Promittitur nobis conspectus Dei, veri Dei, summi Dei. Hoc enim bonum est videntem videre. Nam qui colunt falsos deos, facile illos vident; sed eos vident, qui oculos habent, & non vident. Nobis autem promittitur visio Dei viuientis, & videntis. Ite Deum.

SECUNDA DIE.

In tertio Nocturno.

Lectio sancti Euangelij secundum Matthæum. Lectio vij.

IN illo tempore: Respondens Iesus dixit: Confiteor tibi Pater Domine cœli, & terræ, quia abscondisti hæc a sapientibus, & prudentibus, & reuelasti ea paruulis. Et reliqua.

Homilia S. Ioannis Chrysostomi.

Homilia 69. in Matth.

Non hic, aut ille, sed omnes, qui curis, qui doloribus, qui peccatis laboratis, venite ad me, non ut penas luatis, verum ut dolores, peccataque vestra resoluantur, venite ad me, non quia glorificari me a vobis opus est mihi, sed quia salutem vestram maximè sitio. Ego, inquit, requiem vobis tribuam, non dixit saluos faciam: sed, quod maius est, in omni quiete constituam. Tollite iugum meum super vos. Nolite onus pertimescere; suauitatis enim eximia plenum.

18. Propter. 152. Lectio viij.

Quomodo autē in superioribus dicebat angustam esse ianuam, & arduam tribulationibus viā? quando videlicet insula; quando ignauia dissolutus es. Nam, quādo, quæ dicta sunt, perfeceris, leue tunc erit onus: qua propter magnitudine retributionis etiā nūc leue appellatur. Quomodo autē, inquires, quæ dicta sunt, perficiam

ciam animo? si humilitate sincera, si mansuetudine vera, si moderatione integra te communies. Humilitas quippe virtus est, & sublimioris philosophiæ mater est, atque origo.

R. Sancti mei. 152. Lectio ix.

Considera, quomodo hic omnibus, vt humilitatem præcipue colant, ipsis persuadet. Primò in ijs, quæ ipse peregit: Discite, inquit, à me, quoniam mitis sum: Deinde magnitudine retributionis: Inuenietis enim requiem animabus vestris, Præterea ijs, quæ se gratis offert: Ego enim, inquit, requiem vobis comprehendo ad hæc, quia facilem rem, atque suauem esse approbavit: Suaue namque iugum meum est, inquit, & onus meum leue.

Te Deum laudamus.

TERTIA DIE.

In tertio Nocturno.

Lectio sancti Evangelij secundum Matthæum.

Lectio vij.

In illo tempore respondens Iesus dixit: Confiteor tibi Pater, Dñe cœli, & terræ, quia abscondisti hæc à sapientibus, & prudentibus, & reuelasti ea paruulis. Et reliqua.

Homilia S. Ioannis Chrysostomi.

Sed quomodo, inquires, leue hoc onus est? doceat te Paulus dicēs: Quis nos separabit à charitate Christi: tribulatio, an angustia, an persecutio, an fames, an nuditas, an periculum, an gladius? Doceant te illi, qui à synagogis Iudeorum post mille flagella, ac verbera summo gaudio affecti redibant, quia videlicet digni sunt inuenti, qui, pro Christi nomine vexarentur: quòd si adhuc iugum, ac onus audiendo formidas nimirum, atque perhorrescis, non naturæ rerum huiusmodi timorem, sed ignariæ totum attribuas.

R. Propter. 152.

Lectio viij.

Quapropter etiam Christus, vt quanta cura vigilandum esset certiores nos redderet: non sinit onera nec, suauia tacuit: sed vtrumque complexus, & iugum dixit, & suauē appellauit: onus apposuit, & leue adiecit, vt ne, aut tamquam laboriosa nimium fugeres, aut tamquam nimium facilia contēptu prosequeris: quòd si post hæc omnia vehementer ardua, difficilisque tibi virtus videtur, veniat in mente tibi, quanto difficilior vitiositas est: quòd ipse occultius significat, cum antequam de iugo aliquid dixerit. Venite ad me omnes, exclamauerit, qui laboratis, & onerati estis.

R. Sancti. 152.

Lectio ix.

Hic enim ostendere voluit quantum laborem, quantum grauamen intolerabile peccatum hominibus afferat: idcirco non, qui laboratis solummodo ait, sed etiam, qui onerati estis; quòd Psalmista significauit, & apertius, & naturam ipsius peccati descripsit dicens: sicut onus graue grauata sunt super me: Zacharias, quoque similiter plumbi talentum esse ait. Nullo enim pondere grauius præmitur anima, nihil tam vehementer mentis restringit oculos, nihil magis deiicit, atque prostermit, quam malè actæ vitæ, ac peccatorum conscientia, & recordatio.

Te Deum laudamus,

QUARTA DIE.

In tertio Nocturno.

Lectio sancti Evangelij secundum Matthæum.

Lectio vij.

In illo tempore respondens Iesus dixit: Confiteor tibi Pater, Domine cœli & terræ, quia abscondisti hæc à sapientibus, & prudentibus, & reuelasti ea paruulis. Et reliqua.

Ho-

Homilia S. Hieronymi Presbyt.
lib. 2. in Matt. cap. 11.

A Vdiant, qui Salvatorem, non natum, sed creatum calumniatur: quod patrem suum vocet cœli, & terrę Dominum; si enim & ipse creatura appellare potest: stultum fuit non & sui, & cœli, ac terrę Dominum, vel patrem similiter appellare. Quia abscondisti hæc a sapientibus. Gratias agit, & exultat in patre, quod Apostolis suis aduentus aperuerit sacramenta, quę ignorauerint Scribę, & Pharisei, qui sibi sapientes videntur, & in conspectu suo prudentes, iustificata est sapientia a filiis suis. *R. Propter. 152.*

Lectio viij.

OMnia mihi tradita sunt a patre meo, & tradentem patrem, & accipientem filium mysticę intellige. Alioquin si iuxta fragilitatem nostram sentire volumus; cum ceperit habere, qui accipit, incipiet non habere, qui dederit: tradita autem sibi omnia, non cœlum, & terra, & elementa intelligenda sunt, & cætera, quę ipse fecit, & condidit, sed hi, qui per filium accessum habent ad patrem, & ante rebelles, Deum postea sentire ceperunt. *R. Sancti mei. 152.*

Lectio ix.

EOS, qui grauissimo legis iugo premebatur ad euangelij inuitat gratiam: Iugum enim meum suauē est, & onus meum leue, quo modo lenius lege euangelium, cum in lege homicidium, in Euangelio ita damnetur? qua ratione, Euangelij gratia faciliior; cum in lege adulterium, in Euangelio concupiscentia puniatur? In lege multa præcepta sunt, quę Apostolus non posse compleri plenissime docet. In lege opera requiruntur, quę qui fecerit, viuet in eis. In Euan-

gelio volūtas queritur: quę etsi effectum non habuerit, tamen præmium non amittit. Te Deum.

Q V I N T A D I E.

In tertio Nocturno.

Lectio sancti Euangelij secundum Matthæum. *Lectio viij.*

IN illo tempore respondens Iesus dixit: Confiteor tibi Pater, Domine cœli, & terrę, quia abscondisti hæc a sapientibus, & prudentibus, & reuelasti ea paruulis. Et reliqua.

Homilia S. Augustini Episcopi.

Serm. 9. de verbis Domini.

SI dignę si diligenter, si quod primum est, pię consideremus, inuenimus primitus, non semper cum in Scripturis legimus confessionem, debere nos intelligere vocem peccatoris. Maximē autem hoc dicendum fuit, & hinc admonenda charitas vestra: quia mox ut hoc verbum sonuit lectori, secutus est etiam sonus confessionis pectoris vestri, audito scilicet, quod Dominus ait, Cōfiteor tibi Pater. Tundere autem pectus, quid est, nisi arguere, quod latet in pectore, & euidenti pulsū occultum castigare peccatum?

R. Propter. 152.

Lectio viij.

NVnc ergo aduertite. Si Confiteor, Christus dixit, a quo longē est omne peccatum: non solum est peccatoris, sed etiam laudatoris. Confitemur ergo, siue laudantes Deum, siue accusantes nos ipsos. Pia est vtraque confessio, siue cum te reprehendis, qui non es sine peccato: siue cum illum laudas, qui non potest habere peccatum. Si autem benē cogitemus, reprehensio tua laus ipsius est. Quare enim iam confiteris in accusatione peccati tui? In accusatione tui ipsius quare confiteris, nisi quia ex mortuo vnus factus es?

R. Sancti mei. 152.

Le-

Lectio ix.

Scriptura quippe ait: A mortuo, quasi qui non sit, perit confessio. Si perit a mortuo confessio, qui confitetur, viuit: Et si peccatum confitetur, vtique a morte reuixit. Si peccati cōfessor reuixit a morte, quis eū suscitauit? Nullus mortuus est sui ipsius suscitator. Ille se potuit suscitare, qui mortua carne, mortuus non est. Etenim hoc suscitauit, quod mortuū fuerat. Ille suscitauit se, qui vivebat in se. Mortuus autem est peccator, Maximè ille, quem moles consuetudinis premit, quasi sepultus Lazarus. Quis eum suscitauit, nisi qui femoto lapide clamauit, dicens: Lazare prodi foras? Ergo in confessione, sui accusatio, Dei laudatio est.

Te Deum laudamus.

S E X T A D I E.

In tertio Nocturno.

Lectio sancti Evangelij secundum Matthæum.

Lectio vij.

In illo tempore respondens Iesus dixit: Confiteor tibi Pater, Domine cœli, & terræ, quia abscondisti hæc a sapientibus, & prudentibus, & reuelasti ea paruulis. Et reliqua.

De Homilia S. Augustini Episcopi.

A Vdi ergo Dominum confitem, Confiteor tibi Domine pater cœli, & terræ. Quid confiteor? In quo te laudo? Hæc enim confessio, vt dixi, laudem habet. Quia abscondisti hæc a sapientibus, & prudentibus, & reuelasti ea paruulis. Quid est hoc, fratres. A contrario sensu intelligite. Abscondisti hæc, inquit, a sapientibus, & prudentibus: & non dixit, reuelasti ea stultis, & imprudentibus: sed ait. Et reuelasti ea paruulis, Sapientibus, & prudentibus irridendis, arrogantibus falsò grandibus, verè autem timentibus oppositum non insipientes,

nón imprudentes, sed paruuli.

R. Propter. 152.

Lectio viii.

Q Vi sunt paruuli? Humiles, Ergo abscondisti hæc a sapientibus, & prudentibus. Nomine sapientum, & prudentium, superbos intelligi posse ipse exposuit, cum ait, Reuelasti ea paruulis. Ergo abscondisti non paruulis. Quid est, non paruulis? non humilibus. Quid est non humilibus, nisi superbis? O via Domini, aut non erat, aut latebat, vt reuelaretur nobis! Vnde Dominus exultauit? Quia reuelatum est paruulis. Debemus esse paruuli: nam si voluerimus esse magni, quasi sapientes, & prudentes, non nobis illud reuelatur. R. Sancti. 152.

Lectio ix.

Q Vi sunt magni? Sapientes, & prudentes. Dicentes se esse sapientes, stulti facti sunt. Habes remedium a contrario. Si dicendo te esse sapientem, stultus factus es: dic te stultum, & sapiens eris. Sed dic, dic, & intus dic: quia sic est, vt dicis. Si dicis, noli corā hominibus dicere, & coram Deo dicere. Prorsus, quod ad te ipsum pertinet, quod ad tua: tenebrosus es: Quid enim est aliud, esse stultum, nisi esse tenebrosum in corde? Dic, quia tu tibi lumen non es. Te Deum.

S E P T I M A D I E.

In tertio Nocturno.

Lectio sancti Evangelij secundum Matthæum.

Lectio vij.

In illo tempore respondens Iesus dixit: Confiteor tibi Pater, Dñe cœli, & terræ, quia abscondisti hæc a sapientibus, & prudentibus, & reuelasti ea paruulis. Et reliqua.

De Homilia S. Augustini Episcopi.

Serm. 9. de verbis Domini.

Mirum quibusdam videtur, cum audiunt Dominum dicentem: Venite ad me omnes, qui laboratis, &

& onerati estis, & ego reficiam vos: tollite iugum meum super vos, & inuenietis requiem animabus vestris; iugum enim meum leue est, & sarcina mea leuis; & considerant eos, qui iugū ipsum intrepida ceruice subierunt, & illam sarcinam mansuetissimis humeris acceperunt, tantis agitari, & exerceri difficultatibus huius sæculi, vt non à laboribus ad quietem, sed à quiete ad laborem vocati videantur: cum & Apostolus dicat: Omnes, qui volunt in Christo piè viuere, persecutionem patientur.

R. Propter. 152.

Lectio viij.

AIt ergo aliquis. Quomodo iugum leue est, & sarcina leuis: quandoquidem illud iugum, & sarcinam ferre, nihil est aliud, quā piè viuere in Christo? Et quomodo dicitur, Venite ad me omnes, qui laboratis, & onerati estis, & ego reficiam vos: ac nō potius dicitur, Venite qui vacatis, vt laboretis? Nam & vacantes inuenit, quos conduxit in vineā, vt ferrent æstum diei. Et sub illo iugo leni, & sarcina leui audiamus Apostolum dicere? In omnibus commendantes nosmetipsos, tamquam Dei ministros, in multa patientia, in tribulationibus, in necessitatibus, in angustis, in plagis.

R. Sancti mei.

Lectio ix.

OMnia ergo illa, quę commemorauit aspera, & grauiā, frequentius, & abudatius sustinebat; sed profectō aderat ei Spiritus sãctus, qui in exterioris hominis correptione, interiorem renouaret de die in diem, & gustata requie spiritali in affluentia deliciarum Dei, in spe beatitudinis futurę omnia præsentia deliniret, aspera & omnia grauiā releuaret. Omnia enim sæua, & immania, prorsus facilia, & propè nulla efficit amor. Te Deum.

IN DIE OCTAUA

In tertio Nocturno.

Lectio sancti Euangelij secundum Matthæum.

Lectio vij.

IN illo tempore respondens Iesus dixit: Confiteor tibi Pater, Domine cœli, & terrę, quia abscondisti hæc à sapientibus, & prudentibus, & reuelasti ea paruulis. Et reliqua.

Homilia S. Gregorij Papæ.

Ex lib. moral. 34. c. vlt. post medium.

AVdiamus cuncti, quod magistra veritas docet, dicens: Discite à me, quia mitis sum, & humilis corde. Ad hoc namque vnigenitus Dei Filius formam infirmitatis nostrę suscepit, ad hoc inuisibilis, non solum visibilis, sed etiam despectus apparuit, ad hoc contumeliarum ludibria, irrisionum oppobia, passionumque tormenta tolerauit: vt superbum non esse hominem doceret humilis Deus. Quanta ergo humilitatis virtus est, propter quam solam veraciter edocendam, is, qui sine estimatione magnus est, vique ad passionem factus est paruus.

R. Propter. 152.

Lectio viij.

QVia enim originem perditionis nostrę superbia prædit diabolis, instrumentum redemptionis nostrę inuenta est humilitas Dei. Hostis quippe noster magnus inter omnia conditus, videri, super omnia voluit elatus. Redemptor autem noster magnus, manens super omnia, fieri inter omnia dignatus est paruus. Sed melius, & elationis causam detegimus, & fundamenta humilitatis aperimus, si breui commemoratione perstringimus quid mortis auctor, quid vitę conditor dicat. Ille namque ait: In cœlum ascendam. Iste autem per Prophetam dicit: Repleta est malis anima mea, & vita mea inferno appropinquauit.

R. San-

R. Sancti mei. 152. **Lectio ix.**

Ille nihil aliud mentes sibi subditas docet, quam celsitudinis culmen appetere, cuncta æqualia mentis tumorem transcendere, societatem omnium hominum alta elatione transire, ac sese, & contra potentiam conditoris erigere, sicut de eisdem per Psalmistam dicitur: Transierunt in dispositionem cordis, cogitauerunt, & locuti sunt nequitas, iniquitatem in excelsis locuti sunt. Ille ad sputa, ad palmas, ad colaphos, ad spineam coronam, ad lanceam, Usque ad mortem veniens, membra sua adinonet, dicens: Si quis mihi ministrat, me sequatur.

Te Deum.

INFRA OCTAVAM PLVRIMORVM MARTYR.

Homilia in Euangel. Luc. cap. II.

Væ vobis, qui ædificatis, &c.

I N D I E F E S T O .

In tertio Nocturno.

Lectio sancti Euangelij secundum
Lucam. **Lectio vij.** Cap. II.

In illo tempore: Dicebat Iesus turbis Iudæorum, & principibus Sacerdotum: Væ vobis, qui ædificatis monumenta Prophetarum: patres autem vestri occiderunt illos: Et reliqua.

De Homilia venerab. Bedæ Presbyt.

Lib. 4. in Luc. II.

Non monumenta Prophetarum ornare, sed interfectores Prophetarum imitari sceleris est. Iudæi ergo Prophetarum monumenta ædificando, patrum suorum facta, qui eos occiderunt, arguebant, sed paterna facinora æmulando, dum Christum, Apostolosque illius insequuntur, in se ipsos sententiam retorquebant, eadem videlicet ipsi, quæ in

Octau. Rom.

parentibus damnhabant, agentes: simulabant quidem se ob fauorem vulgi captandum, patrum suorum horrere perfidiam, memorias Prophetarum, qui ab eis occisi sunt, magnificè ornando: sed ipso opere testificantur quantum paternæ nequitiae consentiant, Dominum, qui ab ijsdem Prophetis est prænunciatus, iniurijs agendo.

R. Propter. 152.

Lectio viij.

VT inquiratur sanguis omnium Prophetarum, qui effusus est à constitutione mundi à generatione ista. Queritur, quomodo sanguis omnium Prophetarum, atque istorum ab vna Iudæorum generatione requiratur, cum & multi Sanctorum, siue ante Incarnationem, seu post mortem; resurrectionemque Saluatoris, ab alijs sint nationibus interempti, & ipse Dominus, Iudæis licet acclamantibus, à Romano tamen Præfide, Romanisque sit militibus crucifixus?

R. Sancti. 152.

Lectio ix.

Sed mos est scripturarum, duas sæpè generationes hominū, bonorum scilicet, malorumque computare, hoc est, eorum qui non ex sanguinibus, neque ex voluntate carnis, neque ex voluntate viri, sed ex Deo nati sunt: & eorum quibus dicitur: Vos ex patre diabolo estis & alibi: serpentes generatio viperarum. A sanguine Abel, usque ad sanguinem Zachariæ. Quare usque ad sanguinem Zachariæ, cum & multi post eum sint ab hac generatione perempti, nisi fortè, quia Abel pastor ouium, Zachariæ Sacerdos fuit; & ille in campo, hic in atrio templi necatus est, vtriusque gradus martyres, & laici scilicet, & altaris officio mancipati, sub eorum voluit intinmare vocabulo.

Te Deum.

M

Infra

Infra Octauam in Missa & Officio
legatur Euangel. *Descendens Iesus.*
cum suis Homil. vt in hoc eodem.
Communi supra. 157.
In die Octaua, vt in die Festo.

INFRA OCTAVAM PLVRIMORVM MARTYR.

Homilia in Euangel. Luc. cap. 10.

Qui vos audit, me audit.

IN DIE FESTO.

In tertio Nocturno.

Lectio sancti Euangelij secundum
Lucam. Lectio vij. Cap. 10.

In illo tēpore: Dixit Iesus discipu-
lis suis: Qui vos audit, me audit,
& qui vos spernit, me spernit. Et rel.
Homilia venerabilis Bedæ Presbyt.

Lib. 3. in Luca c. 42.

VT in audiendo quisq; vel sper-
nendo Euangelij prædicatore
non viles quasque personas, sed Do-
minum Saluatorem, imò ipsum Pa-
trem spernere se, vel audire disceret,
ait: Qui vos audit, me audit: qui vos
spernit, me spernit: qui autem me
spernit, spernit eum, qui me misit:
quia proculdubio in discipulo magi-
ster auditur, & in filio pater hono-
ratur. Potest & ita intelligi: qui non
facit misericordiam vni de fratribus
meis minimis, nec mihi facit, quia, &
ipse pro his formam serui, & paupe-
ris habitum suscepit.

R. Propter. 152. Lectio viij.

Reuersi sunt autem septuaginta-
duo cum gaudio dicentes: Do-
mine, etiam daemonia subiiciuntur
nobis in nomine tuo. Benè quidem
confessi sunt, deferentes honorem
nomini Christi, sed quia infirma adhuc
fide gaudebant virtutibus, vi-
de quid audiunt. Et ait illis: Vide-
bam Satanam sicut fulgur de celo
cadentem: nō modò video, sed prius

videbam, quando corruit: quòd au-
tem ait: sicut fulgur vel præcipitem
de supernis ad ima lapsum significat,
vel quia deiectus, adhuc transfiguratur
se in angelum lucis.

Id. Sancti mei. 152. Lectio ix.

ECce dedi vobis potestatem cal-
candi supra serpentes, & scor-
piones. Hoc est, omne genus im-
mundorum spirituum de obsessis
corporibus eijciendi: quamuis, & ad
litteram rectissime possit accipi: si
quidem & Paulus à vipera inuasus,
nihil aduersis patitur. Hoc sanè in-
ter serpentes, qui dente, & scorpio-
nes, qui cauda nocent, distare arbi-
tror: quòd serpentes apertè sæuien-
tes, scorpiones clam aculeo insidian-
tes, vel homines, vel daemones signi-
ficent: serpentes, qui inchoandis vir-
tutibus venena prauæ persuasionis
objiciunt: scorpiones, qui consum-
matas virtutes ad finem vitare con-
tendunt. Verumtamen in hoc nolite
gaudere: quia spiritus eijcere, sicut
& virtutes alias facere, interdum
non est eius meriti, qui operatur,
sed inuocatio nominis Christi hoc
agit. Te Deum.

Infra Octau. in Missa & Officio le-
gatur Euang. Sedente Iesu. cum suis
Homil. supra. 161.

In die Octaua, vt in die Festo.

INFRA OCTAVAM PLVRIMORVM MARTYR.

Homilia in Euangel. Luc. cap. 12.

Attendite à fermento, &c.

IN DIE FESTO.

In tertio Nocturno.

Lectio sancti Euangelij secundum
Lucam. Lectio vij. Cap. 12.

In illo tempore: Dixit Iesus disci-
pulis suis: Attēdite à fermento Pha-
risæorum, quòd est hypocrisis. Et rel.
Homil.

Homilia venerab. Bedæ Presbyteri.

Lib. 4. in Luc. c. 52.

DE hoc fermento Apostolus præcipit: Itaque epulemur, non in fermento veteri, neque in fermento malitiæ, & nequitæ, sed in azy-
mis sinceritatis, & veritatis. Nam si-
cut modicum fermentum totam fa-
rinæ, cui inijcitur, massam corrup-
pit, vniuersamque mox conspersio-
nem suo sapore commaculat, sic ni-
mirum simulatio, cuius semel animū
imbuerit, tota virtutum sinceritate,
& veritate fraudabit. Est ergo sen-
sus; Attendite, ne æmulemini simu-
latores, quia veniet profectō tem-
pus, in quo & vestra virtus omnibus,
& eorum reueletur hypocrisis.

R. Propter. 152.

Lectio viij.

Verū quod sequitur: Quoniā
quæ in tenebris dixistis, in lu-
mine dicentur: non solum in futuro,
quando cuncta cordium abscondita
proferentur ad lucem, sed & in præ-
senti tempore potest cōgruenter ac-
cipi, quoniam quæ inter tenebras
quondam pressurarum, carcerumq;
vmbas vel locuti, vel passi sūt Apo-
stoli, nunc clarificata per orbem Ec-
clesia, lectis eorum actibus publicè
prædicantur. Ne terreamini ab his,
qui occidunt corpus. Si persecuto-
res Sanctorum, occisis corporibus,
non habent ampliùs quid contra il-
los agant, ergo superuacua fuerunt
infamia, qui mortua Martyrum mē-
bra feris, auiusque discerpenda
proijciunt, cū nequaquam omni-
potentiæ Dei, quin ea resuscitando
viuificet, obfistere possint.

R. Sancti mei. 152.

Lectio ix.

DVo autem sunt genera perfe-
ctorum: vnum palam fauient-
ium, alterum fictè, fraudulentèque
blandientium. Contra vtrumque
nos munire, atque instituere volens

Saluator, & supra ab hypocrisi Pha-
risæorum attendere, & hic a carnifi-
cum cæde præcipit non timere: quia
videlicet post mortem, nec horum
crudelitas, nec illorum valeat simu-
latio durare. Nonnè quinque passe-
res dipondio veneunt? Si minutissi-
ma, inquit, animalia, & quæ quoli-
bet per aera feruntur volatilia, Deus
obliuisci non potest; vos qui ad ima-
ginem facti estis creatoris, non de-
betis terri ab his, qui occidunt
corpus: quia, qui irrationabilia ani-
malia gubernat, rationabilia curare
non desinit. I. e. Deum.

S E C V N D A D I E.

In tertio Nocturno.

Lectio sancti Euangelij secundū
Lucam. Lectio vij.

In illo tempore: Dixit Iesus disci-
pulis suis: Attendite à fermento
Pharisæorum, quod est hypocrisis.
Et reliqua.

De Homilia venerab. Bedæ Presbyt.

Quærit fortasse aliquis quomo-
do dicat Apostolus: Numquid
bobus cura est Deo? cū vtique bos
passere pretiosior existat, sed aliud
cura, aliud verò est scientia. Deni-
que numerus capillorum, de quo
consequenter ait: Sed & capilli capi-
tis vestri omnes numerati sunt: non
in actu computationis, sed in facul-
tate cognitionis accipitur. Non
enim sollicitam Deus curæ nume-
rantis intendit excubiam, sed cui co-
gnita sunt omnia, quasi numerata
sunt omnia. Benè tamen numerata
dicuntur: quia quæ volumus serua-
re, numeramus.

R. Propter. 152.

Lectio viij.

Derident intelligētiam ecclesia-
sticā in hoc loco, qui carnis re-
surrectionē negant, quasi nos ipsam
terrenam maturiem, quæ, discedente
anima, sit cadauer, ita resurrectione

M 2 re-

reparādam dicāmus, vt eā quæ dilabuntur, & in alias, atque alias aliarum rerum species, formasque vertuntur, quamuis ad corpus redeant, vnde dilapsa sunt, ad easdem quoque corporis partes, vbi fuerunt, redire necesse sit: alioquin, si capillis capitis redit, quod tam crebra tonsura detrahit: si vnguibus quod toties demptis exsectio immoderata, & indecens cogitantibus, & ideo resurrectionem carnis non credentibus occurrit informositas.

R. Sancti mei. 152. Lectio ix.

Sed quemadmodū si statua cuiuslibet solubilis metalli, aut igne liquefceret, aut confunderetur in massam, & eā vellet artifex rursus ex illius materie quantitate reparare, nihil interesset ad eius integritatē, quæ particula materie, cui membra statuar redderentur, dum tamen totum, ex quo constituta fuerit, resumeret: ita Deus mirabiliter, atque ineffabiliter artifex de toto, quo caro nostra cōstiterat, eam restituet, nec aliquid attinebit ad eius redintegrationem, vtrum capilli ad capillos redeant, & vngues ad vngues, an quicquid eorum perierat mutetur in carnem, & in partes alias corporis reuocetur, curante artificis prouidentia, ne quid indecens fiat. Te Deum.

T E R T I A D I E.

In tertio Nocturno.

Lectio sancti Euangelij secundum Lucam.

Lectio vij.

In illo tēpore: Dixit Iesus discipulis suis: Attēdite à fermēto Pharisæorū, quod est hypocrisis. Et reliq. Homilia Sancti Petri Chrysologi.

Ex Serm. 172.

Quia in fermento non est moles magnitudinis, sed tumoris, & cōspersio tali specie inflata est, nō ditata; quantum enim efferbuerit fer-

uentius, tantum farris massa turgescit, & totam formam leuitatis implet, & tumoris, congruē à Domino dictum est: Attendite vobis à fermēto Pharisæorum, quod est hypocrisis. Quid est hypocrisis, nisi species arte composita, quæ aliud in re agit, aliud promit in vultu? Hæc penes Pharisæos per scientiam tumescebat. Apostolo sic dicente: Scientia inflat. Illos namque scientia inflabat ad superbiam, non instruebat ad vitam: & corrumpibat ad malitiam, non ad prudentiam promouebat.

R. Propter. 152.

Lectio viij.

Erat in eorum facie hypocrisis; erat in eorum mēte inuidiæ hydrops: erat in pectore siticulosus fons: erat ardens vnda, quæ suis magis, ac magis inflammabatur fluentis, vt bibentis non extingueret sitim, sed augetet incendium. Sic, sic hypocrisis ministrante, suis semper inuidia propinat. Ab hoc nos morbo subtrahit Apostolus: cum nos non in fermento veteri, neque in fermento malitiæ, & nequitie, sed in azymis sinceritatis, & veritatis sanctum pascha Domini celebrare compellit.

R. Sancti mei. 152.

Lectio ix.

Veritas nescit tumorē, simplicitas hypocrisis prorsus ignorat: in azymis sinceritatis, & veritatis. Hæc sunt cordis azyma; hæc celesti dulcedine confecta; hæc gratiæ saporata pinguedine; hæc sancti Spiritus igne decocta; hæc nos māducantes agnū Dei, agnū qui tollit peccatum mundi, nostrum pascha solemner immolamus: quibus Christus ad letitiam totam est natus, & immutatus ad gloriam. Te Deum.

Q V A R T A D I E.

In tertio Nocturno.

Lectio sancti Euangelij secundum Lucam.

Lectio vij.

In

IN illo tempore: Dixit Iesus discipulis suis: Attendite ad fermentum Phariseorum, quod est hypocrisis. Et reliqua.

Homilia S. Ambrosij Episcopi.

Lib. 7. in Luc. c. 12.

Pulcherrimum locum tenende simplicitatis, & emulandæ fidei Saluator intexit; ne Iudaicæ perfidiæ more alia premamus affectu, alia voce simulemus: cum ultimo tempore occulta cogitationum accusantium, aut etiam defendentium, secretum nostræ mentis aperitura videantur: quæ enim maior est simplicitatis illecebra, quam ut unusquisque cognoscat, latebram fraudis esse non posse?

R. Propter. 152. Lectio viij.

Sed quoniam gemina est causa perfidiæ, quia aut ex inolita malitia, aut ex accidentali metu nascitur: ne quis metu terribus potestatis, Deum, quem corde cognoscit, negare cogatur; pulchre addidit, animæ tantum formidabile esse supplicium, poenā corporis non esse metuendam. Mors enim nature finis, non poena est; & ideo mortem supplicij corporalis esse defectum, poenam verò animæ esse perpetuam: eoque Deum solum esse metuendum, cuius potestati non natura præscribat, sed eadem natura subiaceat.

R. Sancti. 152. Lectio ix.

Inspirauerat Dominus simplicitatis affectum, virtutem mentis crexerat, fides sola nutabat, bene eam de vilioribus roborauit. Nam si Deus oblivionem passerum non habet, hominum habere, qui potest? quod si tanta est Dei, & tam æterna maiestas, ut unius ex passeribus, aut nostrorum numerus capillorum præter scientiam Dei non sit: quam indignum est æstimare quod fidelium corda Dominus aut ignoret, aut spernat, qui viliora cognoscat? Te Deum.

Q V I N T A D I E.

In tertio Nocturno.

Lectio sancti Evangelij secundum Lucam. Lectio vij.

IN illo tempore: Dixit Iesus discipulis suis: Attendite ad fermentum Phariseorum, quod est hypocrisis. Et rel. De Homilia S. Ambrosij Episcopi.

Videntur quinque isti passeris, quinque esse corporis sensus, tactus, odoratus, gustus, visus, auditus, qui modo passerum, si terrenarum sordium timentur illuuiem, atque ex incultis locis, & foetidis cibis quarant, delictorum suorum laqueis occupati, ad superiorum operum fructus, quibus epulantur animi, reuolare non possunt. Itaque variarum capti illecebris voluptatum aut venundamur sub peccato, aut redimimur à peccato. Christus nos redimit, aduersarius vendit.

R. Propter. 152. Lectio viij.

Itaque docemur, quia volandi nobis gratiam natura dedit, voluntas abstulit, quæ malorum escis grauat animam, atque in naturam corporeæ molis inclinat. Meritoque posuit, quia nemo illorum cadit sine voluntate Dei: quod enim cadit, vergit in terram: & quod volat, ad fastigium immortalitatis euehitur. Ne cui autem dubium esset, quod Matthæus dixit, Lucas euidenter absoluit; quia voluntas Dei, cognitio est Dei; non enim quisquam voluntate Dei cadit: sed qui delictorum suorum mole ruerit, Deum latere non poterit.

R. Sancti mei. 152. Lectio ix.

Ergo passer bonus est, cui volandi vim natura suppeditat. Est etiam malus passer, qui volandi usum terrenæ vitio labis aboleuerit: quales sunt isti passeresset; qui dipondio veneunt: alibi esse veneunt, alibi dipondio, quanta vilitas delictorum? mors enim vi-

lis, sed pretiosa virtus. Etenim aduersarius tãquam captiua mancipia vilioris pretio estimationis addicit. At verò Dominus, tamquam speciosa seruituta, quæ ad imaginem, & similitudinem suam fecit, idoneus sui operis æstimator, magno pretio nos redemit, sicut sanctus Apostolus dixit: empti enim estis pretio magno. **T e Deum.**

S E X T A D I E.

In tertio Nocturno.

Lectio sancti Euangelij secundum Lucam.

Lectio vij.

In illo tẽpore: Dixit Iesus discipulis suis: Attẽdite à fermẽto Pharisæorum, quod est hypocrisis. Et rel. Homilia Sancti Petri Chrysologi.

Serm. 101.

Vobis autem dico amicis meis, ne terreamini: quia libertatem probat virtus, metus indicat seruitutem, nam liber ad gloriã, seruus natus est ad timorem. Meritò ergo ad Dei amicitias sublimatur, qui propter Deum humanas despicit mortes, nescit timores: si amicos morum facit imitatio, morum similitudo coniungit, conuenienter eos amicos vocat Christus, quos imitatione sua mundi iacula, & ipsam mortis formidinem conspiciat, & prauidet calcaturos.

R. Propter. 152.

Lectio viij.

Vobis autem dico, idest nõ omnibus, sed amicis. Vobis autem dico, quos mors absoluit, ista non finit. Vobis dico, quos corporis resolutio promouet ad melius, non transducit ad pœnam. Vobis dico: quibus morte vita inchoatur, non finitur. Vobis dico, quorũ mors pretiosa sit, non sui qualitate, sed causa, dum vitæ magis lucra inuenit, quàm vitæ perdat vlturam: sed audiamus, quid dicat amicis suis. Ne terreamini ab his, qui occidunt corpus.

R. Sancti. 152.

Lectio ix.

Avdiant qui de bono mortis veterum vetusta volumina detriuerunt, nihil tamen inde capere virtutis, aut consolationis aliquid inuenire valuerunt, quis homini, quis sapienti dicat? Mori nature est; necesse est deperire: nobis vixerunt veteres, viuimus nos futuris; nemo sibi: quod non potest tolli, velle virtutis est: suscipe voluntarius, ad quod vrgeris inuitus: mors antequam veniat non est, cum autem venerit, venisse nescitur. Nec ergo amisisse te doleas, quòd cum amiseris non dolebis. **T e Deum.**

S E P T I M A D I E.

In tertio Nocturno.

Lectio sancti Euangelij secundum Lucam.

Lectio vij.

In illo tẽpore: Dixit Iesus discipulis suis: Attẽdite à fermẽto Pharisæorum, quod est hypocrisis. Et rel. De Homilia S. Augustini Episcopi.

Ser. 18. de ver. Apoc. circa med.

Cum dicis mihi gehennam timeo, ardere timeo, in æternũ puniri timeo: quod dicturus sum? Malè times? vanè times? Non audeo, quãdo. quidem ipse dominus ablato timore subiecit timorẽ: & ait, vbi dixit, Nolite timere eos, qui corpus occidunt, & postea non habent, qui faciant: sed eum timeate, qui habet potestatem & corpus, & animam occidere in gehennam ignis: ita dico vobis, hunc timeate. Cum ergo Dominus timorem incusserit, & vehementer incusserit, & repetendo verbum, comminationem geminauerit, dicturus ego sum, malè times? ista non dicam. Planè time, nihil melius times: nihil est, quod magis timere debeas.

R. Propter. 152.

Lectio viij.

Sed interrogo te, Si non te videret Deus, quando facis, nec quisquã

tc

te conuinceret in iudicio illius, faceres? Tu te vide. Non enim potes ad verba omnia mea respondere, inspicere te ipsum. Faceres? Si faceres, ergo poenam times, charitatem nondum habes: feruenter times, formido est mali, nondum dilectio boni. Sed time tamen, ut ista formido custodiat te, ut perducat ad dilectionem. Timor enim iste, quo gehennam times, & ideo mala non facis, continet te: & sic volentem peccare animum interiore non sinit; est enim quidam custos timor, quasi pædagogus legis, littera est minans, nondum gratia iuuans.

R. Sancti mei. 152. *Lectio ix.*

Custodiat tamen te timor iste, cum non facis timendo, & veniat charitas: intret in cor tuum, & quantum illa intrat, tantum timor exit. Timor enim id agebat, ne faceres, charitas id agit, ne velis facere, etiam si impunè possis admittere. Dixi, quid timeatis, dixi, quid appetatis. Sectamini charitatem, intret charitas, admittite illam timendo peccare, admittite amorem non peccantem, admittite amorem bene uiuentem. Habet secum suum timorem, quem introducit ipsa, sed illum calsum permanentem in sæculum sæculi. Te Deum.

IN DIE OCTAVÆ.

Intertio Nocturno.

Lectio sancti Evangelij secundum Lucam.

Lectio vij.

In illo tempore: Dixit Iesus discipulis suis: Attēdite à sermōto Pharisæorū, quod est hypocrisis. Et reliq. Homilia S. Ioannis Chrysostomi.

Homil. 35. in Matth.

Vides, quod non promittit ipsi huius vitæ perpetuitatē, mori autē promittit, ut maiora, sublimioraque conferat, quā si numquam

morti traderentur. Et certè multò melius est mortem omnino despiciere, quā eam effugere: quo circa, non in periculum mortis, cum nati essent homines, ipsos introducit; sed terrore moriendi morte superiores facit. Ita breui oratione duobus, vel tribus verbis absoluta, salutarem de immortalitate opinionem in animis eorum fixit, atque locauit.

R. Propter. 152.

Lectio viij.

Propterea ne putarentur quasi se derelictos ab eo, ad eandem, & violentum peruenturos interitum, de prouidentia Dei disputat, dicens; Nonne duo passeret assē venduntur, & vnus ex ipsis nō cadit in laqueum sine patre vestro, qui est in cœlis? Vestri autem capilli capitis omnes numerati sunt; quid enim vilius passeribus? ait, sed tamen numquam ignorante Deo capiuntur: non enim cooperante Deo incidere in laqueū passeret ait, quod diuinæ maiestatis indignum est, sed non esse clam Deo, etiam vilissimarum auium causam ostendit; quod si nihil penitus Deus ignorat: at vos paterna charitate, prosequitur, & ita amat, ut pilos capitis quoque vestri non negligat, quid timendum vobis est?

R. Sancti mei. 152.

Lectio ix.

Hoc autem dicebat, non quod Deus capillos numeret, sed quia perfectam cognitionem rerum omnium, & summam de omnibus Dei prouidentiam ostendere voluit. Si ergo cuncta nouit, quæ sunt, vult, potest simul seruare vos: nolit cum tribulationes vobis acciderint, derelictos vos esse, à Deo existimare: non enim ab incommodis corporis liberare vos vult, sed ad eam perfectionem adducere studet, ut incommoda corporis contemnatis. Te Deum.

INFRA OCTAVAM CONFESS. PONTIFICIS. SECUNDA DIE.

In secundo Nocturno.

Sermo Sancti Ambrosij Episcopi.

De S. Euseb. 70. 6. ed. Rom.

Lection. iv.

Depositionem Sancti N. hodie celebramus: quid est depositio? non illa vtique, quæ, sepeliendis in terra membrorum reliquijs, clericorum manibus procuratur: sed illa, qua homo vinculis carnalibus absolutus, liber iturus ad celum terrenum corpus exponit. Ipsa planè est depositio, in qua concupiscere abijcimus, cessamus delinquere, peccare desinimus, & totum quicquid salutis est græue, quasi abiecta sarcina oneris, exponimus. Nam idè hæc dies pro celebritate maxima procuratur, quia verè est summa festiuitas, mortuum esse vitij, soli vigere iustitiæ.

R. Inueni David seruum meum: oleo sancto meo unxi eum: * Manus enim mea auxiliabitur ei. *V.* Nihil proficiet inimicus in eo, & filius iniquitatis non nocebit ei. Manus. *Lection. v.*

Vnde & depositionis ipsa dies natalis dicitur, quod delictorum carcere liberati, libertati nascimur Saluatoris, sed videamus, Sanctus N. cum qua gloria ad hanc diè depositionis aduenerit. Volare non potest, nisi quod purum, leue, atque subtile est, cuius nec sinceritatis intemperantia retardatur, nec alacritas, nec velocitas mole grauatur: grauari autem volatum dico, non tam mole membrorum, quam pondere delictorum. Vnde puto etiam in ipsis auiibus idè velocius columbæ penè præ omnibus volitare, quod alacritatem, & innocentiam comitetur.

R. Posui adiutorium super poten-

tem, & exaltavi electum de plebe mea: * Manus enim mea auxiliabitur ei. *V.* Inueni David seruum meum, oleo sancto meo unxi eum. Manus.

Lection. vi.

Denique sanctus David, cum puritate mentis volare concupisceret, non alterius animantis, nisi columbæ optauit alas, dicens: Quis dabit mihi pennas sicut columbæ, & volabo, & requiescam? intelligebat enim, quod altiora facilius penetrantur simplicitate mentis, quam leuitate pennarum. Volauit ergo hac die Sanctus N. Estimemus iam eius innocentiam de volatu, & puritatem eius de ipsa elatione iudicemus: tamquam columba enim in domo Dei degens assumpsit spirituales pennas, & requieuit in monte.

R. Ille est, qui ante Deum magnas virtutes operatus est, & omnis terra doctrina eius repleta est: * Ipse intercedat pro peccatis omnium populorum. *V.* Ille est, qui contempsit vitam mundi, & peruenit ad celestia regna. Ipse. Gloria Patri. Ipse.

TERTIA DIE.

In secundo Nocturno.

Sermo Sancti Gregorij Nysseni.

In fun. mag. Melet.

Lection. iv.

Cum primum benè morata, ac modesta Ecclesia beatum N. vidit, vidit faciem ad imaginem Dei verè formatam: vidit dilectionem fontis modo scaturientem: vidit gratiam labijs circumfusam, animi demissionis summum gradum, post quem amplius quicquam cogitari non potest, vidit mansuetudinem, atque clementiam, qualis in Dauide fuit: qualis in Salomone intelligentiam, atque prudentiam: qualis in Moyse, bonitatem: qualis in Samuele perfectionem: qualis in Iosepho.

pho continentiam, pudicitiamque, qualis in Daniele sapientiam: quem admodum magnus Elias zelo fidei præditum: sicut sublimis Ioannes integritate corporis ornatum: sicuti Paulus inexcuperabili præditum dilectione: vidit tot bonorum circa vnā animam concursus; amore beato vulnerata est, casto, bonoque sponsum suum amore, atque beneuolentia profecuta dilexit.

R. Inueni. 184.

LECTIO v.

Sed priusquam cupiditatem expleret, antequam desiderium recrearet, atque sedaret, amoris vi feruens, tentationibus athletam ad certamina vocantibus, sola relicta est. Atque ille quidem in certaminibus proprietate susceptis desudabat; hæc verò durabat in castitate matrimonium conseruans. Non ablatum est à nobis sponsus, in medio nostrum stat, etiam si nos non videamus, inadytis, ac penetralibus Sacerdos est: in interioribus velis, quæ præcursor pro nobis ingressus est Christus, reliquit carnis tegumentum: non amplius signo, & vmbra celestium seruauit, sed in ipsam rerum imaginem intuetur: non amplius per speculum, atque per transfennam, & ænigma: sed ipsa facie cum facie collata intercedit apud Deum.

R. Posui. 184.

LECTIO vj.

Intercedit autem pro nobis, & populi erratis: deposuit tunicas pelliceas, neque enim talibus tunicis opus habent, qui in paradiso degunt: sed habet indumenta, quæ puritate vitæ suæ contexuit, iisque sese exornauit. Honorata, ac pretiosa coram Domino talis viri mors est; immò verò non mors, sed ruptura membrorum est. Dirupisti enim, inquit, vincula mea: dimissus est Simeon, liberatus est à vinculis corporis: la-

queus contritus est, & anicula auolauit: ingressus est terram promissionis: in monte cum Deo Philosophatur: soluit animæ calceamentum, vt pura planta mentis terram sanctam, vbi conspicitur Deus, conscenderet.

R. Iste est. 184.

Q V A R T A D I E.

In secundo Nocturno.

Sermo S. Ioannis Chrysostomi.

In c. 15. epist. ad Rom. ser. 29. circa fin.

LECTIO iij.

Chrisum diligens, & gregem illius vtique diligit: & Moysen tum primum super populum Iudeorum posuit, quando, qua esset in illū beneuolentia, re ipsa iam declarauerat. Dauid quoque simili modo regno inauguratus est, posteaquam apparuerat, quam amico esset in populum affectu: ita quippe iuuenis adhuc populi causa doluit, ac zelauit, vt & animam suam exponeret, cum videlicet barbarum illum è medio tollebat. Quod verò dicebat: quid dabitur ei, qui alienigenam hunc interfecerit? non ideo dicebat, quod mercedem exigeret, sed quò sibi crederetur, & in pugnam cum illo committeretur: nam cum adepta iam victoria ad regem esset ingressus, nihil de mercede meminit.

R. Inueni. 184.

LECTIO v.

Et Samuel quoque benignus erat, & amator populi: vnde & dicebat: Absit autem hoc à me peccatum, vt cessem pro vobis orare Dominū. Ita & Paulus, immò non ita, sed multò plus omnibus ardebat erga subditos. Vnde & discipulos ita erga se animauit, vt diceret: si possibile fuisset, oculos vestros eruissetis, mihiq; dedissetis. Et Christus optimi Pastoris regulā proferens dixit: Bonus pastor animā suā ponit pro ouibus: sūt enim sanctorū animæ vehementer mittes

&

& hominum amantes, non solum erga domesticos, sed alienos, ita ut hanc suam mansuetudinem etiam ad animantia bruta extendant. Propterea & Sapiens quispiam dixit: iustus miseretur animarum iumentorum suorum: si iumentorum, multò magis hominum.

R. Posui. 184.

Lectio vj.

Verum quoniam pecorum mentionem feci, perpendamus, & ouium pastores illorum, qui in Capadocum regione sunt, qualia, & quanta pro pecorum suorum custodia patiantur: illi sæpè numero vniuersum triduum nunc obrupti perdurant. Dicuntur autem, & qui in Lybia sunt, non minora mala ferre, dum integros menses difficilem illam solitudinem, pessimamque bestiarum plenâ vagando circumueunt. Si tantum erga pecora diligentie impendunt pastores illi, quam quæso excusationem habebimus, quibus rationales animæ concreditæ sunt, quòd profundum hunc somnum dormimus? An ignoras gregis huius dignitatem? An illius gratia Dominus tuus innumera non fecit? An non postremo, & sanguinem suum fudit? Tu verò requiem quæris, & quid poterit peius esse pastoribus istis?

R. Ille est. 184.

QVINTA DIE.

In secundo Nocturno.

De sermone S. Ioannis Chryso.

Lectio iij.

Et homines quidem, qui populis præsent, si quando de rebus fortuitis consultaturi sunt diebus non contenti, noctes etiam vigilando adhibent; nos verò, qui pro ipso cælo certamen habemus, ipso quoque die dormimus? quis quæso ab eo nos supplicio eripiet, quod istis debetur? si enim corpus trucidandum expo-

nere, si innumeras mortes ferre oportebat, numquid ad hoc mūdus, tamquam ad nundinas currendus erat? Hæc autem non solum pastores, sed & oues audiant, ut alacriores faciant pastores, aliud quidem nihil, verum omnem obedientiam, animumque, cui persuaderi queat, exhibentes. R. Inueni. 184.

Lectio v.

Ita Paulus præcipit dicens: Obedite ducibus vestris, & subditi estote, nam ipsi vigilant pro animabus vestris, tamquam rationem daturi. Quando verò dicit: nam ipsi vigilant, innumeros labores, curas, & pericula complectitur. Bonus enim pastor, & talis, qualem Christus vult, innumeris certat martyrijs. Propter ipsum quippe Christus semel quidè est mortuus, hic verò milles propter gregem, si quidem talis sit grex, qualè esse oportet. Talis enim pastor singulis diebus mori potest. Propterea & vos, cognito isto labore, & precibus, & diligentia, & animi alacritate, & dilectione nos iuuate, & nos vestra, & vos vicissim nostra gloriatio sitis. R. Posui. 184. Lec. vj.

Nam idè Christus istud Apostolorum Summo, & plus ipsum, quàm reliqui diligenti, commendans, & iniungens primum rogabat, an ab ipso diligeretur, ut dicas, quòd istud sit ante omnia reliqua dilectionis in Christum positum signum: strenuò si quidem animo hoc opus est. Hæc verò mihi de optimis pastoribus dicuntur, nò de me ipso, & mei similibus: sed si quis talis sit, qualis erat Paulus, qualis Petrus, qualis N. Istos itaque imitemur, & superiores, & subditi: licet enim, & subdito pro parte pastorem agere, nempe, domus suæ, amicorum, domesticorum, vxoris, liberorum. R. Ille est. 184.

SEX-

SEXTA DIE.

In secundo Nocturno.

Tres lect. item S. Maximi. Ad Sancti, ac Beatissimi Patris, &c. ut in Breuiario de Cōi Confess. Pontific. Quod si lecta fuerint in die festo, sumantur hodie lect. ex sequenti die septima.

SEPTIMA DIE.

In secundo Nocturno.

Tres lect. serm. S. Maximi. Beati Patris N. &c. ut in Breuiar. in hoc eodem communi. Quod si lecta fuerint in die festo sumatur pro hac die lect. sequentis diei octauæ.

IN DIE OCTAUA.

In secundo Nocturno.

Si sequentes lectiones lecta fuerint in precedenti die, sumantur hodie lect. recitata in die festo.

Sermo S. Gregorij Papæ.

2. par. pastor. cap. 1.

Lectio iv.

Tantum debet actionem populi actio transcendere præfatis: quantum distare solet a grege vitæ pastoris. Oportet namque, ut meriti se sollicitè studeat, quanta tenenda reuerentiæ necessitate constringitur, sub cuius æstimatione populus grex vocatur. Sit ergo (necesse est) cogitatione mundus, actione præcipuus, discretus in silentio, utilis in verbo, singulis compassione proximus, præcunctis contemplatione suspensus, benè agentibus per humilitatem socius contra delinquentium vitia per zelum iustitiæ erectus, interiorum curam in exteriorum occupatione non minuens, exteriorum prouidentiam in interiorum sollicitudine non relinquens.

R. Inueni. 184.

I. par. cap. 10.

Lectio v.

Considerandum quoque est, quia cum curam populi electus præfatus suscipit, quasi ad ægrum medicus accedit. Si ergo adhuc in eius corpo-

re passiones viuunt, qua præsumptione percussus mederi properat, qui in facie vulnus portat? Ille igitur modis omnibus debet ad exemplum benè viuendi pertrahi, qui cunctis carnis passionibus moriens, iam spiritualiter viuunt; qui prospera mundi possunt: qui nulla aduersa pertimescit; qui sola interna desiderat. Cuius intentioni benè congruens, nec omnino per imbecillitatem corpus; nec valde per contumaciam repugnat spiritus. Qui ad aliena cupienda non ducitur, sed propria largitur.

R. Posui. 184.

Ibid. cap. 8.

Lectio vi.

Vnde ipsum quoque Episcopus officium boni operis expressione diffinitur, cum dicitur: Si quis Episcopatum desiderat, bonum opus desiderat. Ipse ergo sibi testis est, quia Episcopatum non appetit, qui non per hunc boni operis ministerium, sed honoris gloriam querit. Sacrum quippe officium non solum non diligit omnino, sed nescit, qui ad culmen regiminis anhelans, in occulta meditatione cogitationis; ceterorum subiectione pacitur, laude propria lætatur, ad honorem cor eleuat; rerum affluentium abundantia exultat. Mundi ergo lucrum queritur sub eius honoris specie, quo mundi destrui lucra debuerat.

R. Ille est. 184.

INFRA OCTAVAM

CONFESS. PONTIFICIS.

Homilia in Euang. Matth. cap. 25.

Homo quidam peregrè, &c.

In die festo habetur. Homil. S. Greg. Lectio S. Euangel. &c. in Breuiar. in eodem Communi Confess. Pont.

SECUNDA DIE.

In tertio Nocturno.

Le-

lectio sancti Euangelij secundum
Matthæum. *Lectio vij.*

In illo tēpore: Dixit Iesus discipu-
lis suis parabolam hanc: Homo
peregrē proficiscens vocauit seruos
suos, & tradidit illis bona sua. Et rel.

Homilia S. Gregorij Papæ.

Sciēdum verò est, quòd nullus pi-
ger ab hac talēti a ceptione secu-
rus est. Nullus nāq; est, qui veraciter
dicat: Talentū minimē accepi, nō est,
vnde rationes ponere cogat. Talen-
ti enim nomine cuilibet pauperi etiā
hoc ipsum reputabitur, quod vel ni-
mum acceperit. Alius namq; acceperit
intelligētiā prædicationis, ministe-
rium debet ex talento. Alius terrenā
substātiā acceperit, erogationem ta-
lenti debet ex rebus. Alius didicit ar-
tem, qua pascitur, ipsa ars ei in talēti
acceptiōe reputatur: Alius familia-
ritatis locū apud diuitē meruit, talē-
tum profectō familiaritatis acceperit.
Si ergo nihil ei pro indigentibus lo-
quitur, pro talenti retētiōe damna-
tur. *R.* Amavit eum Dñs, & ornauit
eum, stolam gloriæ induit eum; * Et
ad portas Paradisi coronauit eum.
V. Induit eum Dñs lorica m fidei, &
ornauit eum. Et. *Lectio viii.*

Talentum quippe ab vno quoq;
nostrum venturus iudex exigit,
quantum dedit. Vt ergo de talēti sui
rationibus, redeunte Domino, quis-
que securus sit, cum tremore penset
quotidie quid acceperit. Ecce namque
iam iuxta est, ille, qui peregrē pro-
fectus est, redat. Quasi quippe pe-
regrē abiit, qui scilicet de hac terra,
in qua natus est, longē discessit, sed
profectō reuertitur, vt de talentis ra-
tiones ponas: quia si à bona actione
poscimus, de ipsis donis, quæ con-
tulit, nos districtius indicat.

R. Sint lumbi vestri præcincti, & lu-
cernæ ardentes in manibus vestris: *

Et vos similes hominibus expectan-
tibus Dominum suum, quādo reuer-
tatur à nuptijs. *V.* Vigilate ergo,
quia nescitis, qua hora Dñs vester
venturus sit. Et. *Glor. Et. Lectio ix.*

Consideremus ergo quæ acce-
pimus, atq; in eorum erogatio-
ne vigilemus. Nulla nos à spiritali o-
pere terrena cura impedita, ne si in
terra talentū absconditur, talēti Dñs
ad iracundiā prouocetur. Piger ete-
nim seruus, cum iā culpas iudex exa-
minat, talentum de terra leuat, quia
sunt plerique, qui tunc se à terrenis
desiderijs, vel operibus subtrahunt,
quando iam per animaduersionē iu-
dicis ad æternum supplicium trahū-
tur. Ante ergo de talenti nostri ponē-
da ratione vigilemus, vt cum iam
iudex ad feriēdum imminet, luctus
nos, quē fecimus, excuset. *T e Deū.*

T E R T I A D I E.

In tertio Nocturno.

lectio sancti Euangelij secundum
Matthæum. *Lectio viii.*

In illo tempore: Dixit Iesus disci-
pulis suis parabolā hanc: Homo pe-
regrē proficiscens vocauit seruos
suos, & tradidit illis bona sua. Et rel.
Homilia S. Ioannis Chrysostomi.

Ex homil. 79. in Matth.

Telenta hic pro eo, quod vnus-
quisq; facere potest, accipimus,
siue auctoritate protegere, siue pe-
cuniis iuuare, siue doctrina admo-
nere, siue alia quapiam re proximis
prodesse queas. Nemo secum dicat:
cum vnum talentum habeam, nihil
possumus efficere: potes profectō ex
ea vna re sola comprobari. Non es
pauperior illa vidua: non es Petro,
atque Ioanne rusticior: qui quam-
uis rudes simul, atque illiterati fue-
runt, quoniam magno studio com-
munem vtilitatem complexi fue-
rant, cœlorum principes facti sunt.

R. Ama-

De. Amavit. 188. Lectio viii.

QVippe nulla res Deo gravior est, quam ut vniuersam vitam ad commune commodum conferas: idcirco ratione, atque oratione nos Deus decorauit, mentem, & ingenium concessit, manus, pedes, vires corporis dedit, ut his omnibus & nos ipsos, & proximos tutemur. Non enim ad agendas gratias solummodo confert oratio, verum etiam ad docendum, & admonendum perutilis est: quia in re si ea diligenter utemur, Dominum; sin vero in contrariis, Diabolū imitabimur. De. Sint lumbi. 188.

Lectio ix.

Nam & Petrus quando quidem Christum confitebatur, quasi ea dicens, quæ Patris sunt, beatificabatur: quod autem crucē horrebat, atque repellebat, quasi ea, quæ Diaboli sūt, sapiēs, acriter increpabatur. Si ergo ignoratione crucem recusando reprehensus est, quam nos sponte peccates veniam impetrabimus? Ea ergo loquamur, quæ Christi verba esse confestim cognoscunt. Te Deū.

Q V A R T A D I E.

In tertio Nocturno

Lectio sancti Euangelii secundum Matthæum. Lectio vii.

IN illo tēpore: Dixit Iesus discipulis suis parabolam hanc: Homo peregrē proficiscens vocauit seruos suos, & tradidit illis bona sua. Et rel.

Homilia S. Hieronymi Presbyt.

lib. 4. in Matt. cap. 25.

Homo iste paterfamilias, haud dubium quin Christus sit: qui ad Patrem post resurrectionem victos ascendens, vocatis Apostolis, doctrinam Euangelicam tradidit, non pro largitate, & paritate alteri plus, & alteri minus tribuens, sed pro accipientium viribus, quomodo & Apostolus eos, qui solidum

cibum capere non poterant, lacte potasse se dicit. Denique & illum, qui de quinque talentis decem fecerat, qui de duobus, quatuor, simili recepit gaudio: non considerans luctri magnitudinem, sed studii voluntatem. De. Amavit. 188. Lectio viii.

IN quinque, & duobus, & vno talento: vel diuersas gratias intelligamus, quæ unicuique traditæ sunt. Vel in primo omnes sēsus examinatos: in secundo intelligentiā, & opera: in tertio rationem, quia homines à bestiis separamur. Acceptis ille terrenis sensibus, cœlestium sibi notitiā duplicauit, ex creaturis intelligens creatorem, ex corporalibus incorporalia, ex visibilibus inuisibilia, ex breuius æterna. Et iste pro viribus quidquid in lege didicerat, in Euangelio duplicauit, siue scientiam, & opera præsentis vitæ futuræ beatitudinis typos intellexit.

De. Sint lumbi. 188. Lectio ix.

GRande tempus est inter ascensionem Saluatoris, & secundum eius aduentum: si autem Apostoli reddituri sunt rationem, & sub metu iudicis surrecturi, quid nos oportet facere? Et notandum, quod omnia, quæ in præsentī habemus, licet magna videantur: & plurima: tamen comparatione futurorum, parua & pauca sunt; Intra, inquit, in gaudium Domini tui; & suscipe, quæ nec oculus vidit, nec auris audiuit, nec in cor hominis ascenderunt, quid autem potest maius dari fidei seruo, quàm esse cum Domino, & videre gaudium Domini sui? Te Deum.

Q V I N T A D I E.

In tertio Nocturno.

Lectio sancti Euangelii secundum Matthæum. Lectio vii.

IN illo tempore: Dixit Iesus discipulis suis parabolā hanc: Homo pe-

re-

regre proficiscens, vocauit seruos suos, & tradidit illis bona sua. Et rel. Homilia S. Hilarij Episc. *Can. 27.*

Diuiso pecuniæ inæqualis est, sed non ad diuidentem referenda diuersitas est. Ait enim, vnumquemq; secundum virtutem suam accepisse. Igitur vnusquisque secundum fidei suæ mensuram talentum, idest, Euāgelij prædicationem à prædicatione suscepit, sed seruus ille, qui quinque talenta accepit, populus ex lege credentium est; ex qua profectus meritum ipsius recte, probèque perfectus, euangelicæ fidei operatione duplicauit, in ratione autem ponenda iudicij examen est, quo cœlestis verbi vsus, & redditus dispensati talenti postulatur. R. Amauit. 188.

Lectio viij.

Igitur, cui erant quinque commissa Domino reuerſo, de quinque decem obtulit, talis scilicet in fide repperitus, qualis in lege: qui decem verborum quinque libris Moysi præceptorum obedientiam per gratiam euangelicæ iustificationis expleuerit. Igitur iubetur in gaudium Domini introire, idest, in honorē gloriæ Christi recipitur. Ille verò seruus, cui duo talenta commissa sunt, gentium populus est fide, atque confessione, & Filij iustificatus, & Patris: Dominum nostrum Iesum Christum Deum, atque hominem, & spiritu, & carne confessus: nam & corde fides, & ore confessio est. Hæc ergo huic sunt duo talenta commissa.

R. Sint lumbi. 188. *Lectio ix.*

Sed, vt prior ille omne Sacramentum in quinque talentis, idest, in lege cognouerat, idque ipsum fide Euangelij duplicauerat: ita iste incremento duorum talentorum, atq; operatione promeruit ratione, ac redditu dissimili. Par tamen à Do-

mino munus amborum est, vt gentium fidem exæquatam credentium ex lege scientiæ nosceremus: nā cum laudatione eadem iubetur in gaudiū Domini introire. Est autem duplicatio sumptæ pecuniæ operationem fidei addidisse; &, quæ opinione crediderant, rebus, factisque gessisse.

Te Deum.

S E X T A D I E.

In tertio Nocturno

Lectio sancti Euangelij secundum Matthæum. *Lectio vii.*

In illo tempore: Dixit Iesus discipulis suis parabolam hanc: Homo peregre proficiscens vocauit seruos suos, & tradidit illis bona sua. Et rel. De Homilia S. Ioannis Chrysostomi. *in Gen. c. 18. homil. 41.*

Nobis non satis est, quòd extradammum sumus, & quod nostrum est implemus: sed volumus, vt vos ex dinumeratis pecuniis multum negotiemini, vt ne obnoxii fiat supplicio, quod luit ille, qui talentum recondidit, & dominicam pecuniam non solum non multiplicauit, sed & ipsam in terra defodit: tales enim sūt, qui sermones audiunt; talentum enim hoc vocat, & pecuniam; neque operam dant, vt fructum afferant.

R. Amauit. 188. *Lectio viij.*

Sed fortè dixerit quispiam, parabolam istam talentorum de doctoribus esse dictam; nec ego hoc nego; verum si diligenter eā intueamini scietis, quòd doctores quidem debent dinumerare pecuniam; sed vos non solum eam seruare, sed & similiter negotiari debetis. Et quare ille, qui duo attulit talenta, eundem consequitur honorem, quem ille, qui talenta quinque attulerat? meritò augmentationem enim, & immunitationem, non vel huius diligentia, vel illius negligentia

fecit

fecit, sed concreditorum quantitas: nam quod ad diligētiam attinet, ambo patres fuerunt, proinde & eandē dignitatem assecuti sunt.

℟. Sint lumbi. 188.

Lectio ix.

Verū alius ille nihil tate fecerat, sed quid? Accessit dicens: Cognoui te, quod austerus homo sis, metens vbi non seminas, & congregans vbi non spargis: & veritus abii, & occultaui talentum in terra. O nequitiam serui, o insignem ignauiam! Nam non solum iusta contempsit, & nihil negotiatus est talento sibi concredito, sed & pro lucro accusatio- nē attulit: ita enim solet malitia; ob- tenebrat rationem, & eum, qui semel a via aberrauit, per abrupta præcipi- tem dat. Te Deum laudamus.

S E P T I M A D I E.

In tertio Nocturno.

Lectio sancti Euangelij secundum Matthæum.

Lectio vij.

In illo tempore: Dixit Iesus disci- pulis suis parabolam hanc: Homo peregrē proficiscens, vocauit seruos suos, & tradidit illis bona sua. Et rel. De Homilia S. Ioannis Chrysostomi.

Hæc autem omnia de magistris dicta sunt, vt talenta sibi con- credita non abscondant, sed omni diligētia discere cupientibus apponant. Verum vltra audi, dilecte, ex in- dignatione erga illum quomodo & discipuli rei sunt: & non solum illa repetuntur, quæ concredita, sed & cum lucro operatio quæritur: quid igitur dicit illi Dominus? Serue ne- quam. Terribilis indignatio, & mi- næ valentes per se percellere ani- mum. Oportebat te pecuniam tuam dinumerare mensarij, & ego, cum ve- nisseni, cum lucro repetissem illā. Pecuniam dicens eloquia pretiosa: nū- mularios autem vos, qui suscipitis.

℟. Amauit. 188.

Lectio viii.

Quo circa, dilecti, cum vobis co- credita dinumerauerimus, vo- bis necessarium erit duplicem asserre laborem, & vigilantiam: tum quod dinumerata custodienda sunt, vt fi- xa maneant, tum quod operandum, vt & aliis communicetur, & multos in viam virtutis inducant: vt bifa- riam vobis lucrum accrescat, tum pro salute vestra, tum pro aliorum vtilitate. Igitur fratres vestros no- lite negligere, neque solum speciare, quæ ad vos attinent; sed vnicuique cura sit, quomodo proximum suum ē diaboli faucibus eripiat.

℟. Sint lumbi. 188.

Lectio x.

Simili modo, & nos erga fratres nostros benē affecti magnam ad- hibeamus diligētiā, & obluemur maligno illi Dæmoni, vt irritos eius faciamus conatus; nam si singuli, qui adsunt, vnum lucrificare possent, co- gita quanta nobis lætitiā Ecclesia multitudine filiorum suorum affer- ret, & quomodo diabolus confun- deretur, videns in vanum, & frustra extendi sua retia? quod si hoc fece- rit, audietis & vos in die illo: Ser- ue bone, & fidelis, in pauca fuisti fi- delis, supra multa te constituam. Te Deum.

I N D I E O C T A V A.

In tertio Nocturno.

Lectio sancti Euangelij secundum Matthæum.

Lectio vii.

In illo tempore: Dixit Iesus disci- pulis suis parabolam hanc: Ho- mo peregrē proficiscens vocauit ser- uos suos, & tradidit illis bona sua. Et reliqua.

De Homilia sancti Ambrosij Episc.

2. de voc. gen. c. 2. post med.

Datur vnicuique hic sine merito, vnde tendat ad meritum, & da- tur

tur ante vllō labore, vnde quisque mercedem accipiat secundum laborem, quod ita esse etiam euangelicæ veritatis testimonio agnoscitur, vbi per comparationem dicitur, quod homo peregrè proficiscens vocauit seruos suos, & tradidit illis substantiã suã, & vni dedit quinque talenta, alii autẽ duo, alii verò vnum, vnicuique secundum propriam virtutem, idest, secundum propriam, & naturalem possibilitatem, non autem secundum proprium meritum: quia aliud est posse operari, aliud operari, & aliud est posse habere charitatẽ, aliud habere charitatem. *R. Amauit. 188.*

Lectio viij.

Non itaque omnis reparabilis reparatur, nec omnis sanabilis sanatus est, quia reparabilem, & sanabilem esse, de natura est: reparatũ autem, & sanatum esse, de gratia est. Denique isti, quibus secundum modulum capacitatis suæ, quem in eis distributor substantiæ prauidebat, dispar creditus est numerus talentorum, non meriti remunerationem, sed operis acceperunt materiam.

R. Sint lumbi. 188.

Lectio ix.

In qua duorũ seruorum vigilantissima industria, nõ solum gloriosius laudibus honestatur, sed etiam in æterna Domini sui gaudia intrare precipitur. Tertiũ verò pigrum otium, & desidiosa nequitia sic punitur, vt & vituperationis deduceretur opprobrio, & portione, quam acceperat, exuatur. Dignus enim erat perdere inutilem fidem, qui non exercebat charitatem. *T. e Deum.*

INFRA OCTAVAM

CONFESS. PONTIFICIS.

Homilia in Euangel. Matt. cap. 24.

Vigilate, quia nescitis, &c.

In die festo habetur homil. S. Hilarii. *Vt ignorantim, &c.* vt in Breuiar. de Commun. Confess. Pontif.

SECUNDA DIE.

In tertio Nocturno.

Lectio sancti Euangelii secundum Matthæum. *Lectio vii. Cap. 24.*

In illo tempore: Dixit Iesus discipulis suis: Vigilate, quia nescitis qua hora Dominus vester venturus sit. Et reliqua.

Homilia sancti Fulgentii Episcopi. *Serm. de Confessoribus.*

Dominicus sermo, quem debemus omnes non solum studio, verum etiam sapienter audire, cui nos oportet humiliter, ac delectabiliter obedire, moderationi suæ tenes vbiq; temperem, vt nec ouibus definit pabula, nec pastoribus alimẽta: quædam specialiter solis præcipit nobis, quædam verò generaliter, & nobis, & vobis. Nobis namque (idest seruis, quos ille pater familias, rerũ omnium Dominus ad hoc in sua magna domo constituit, vt populo eius verbum gratiæ ministremus) specialiter iniungitur sanctę prædicationis officium: generaliter verò & nobis, & vobis salutaris indicitur obedientia mandatorum.

R. Amauit. 188.

Lectio viij.

Seruorum igitur, quos populo suo spræposuit Dominus, specialiter volens officium demonstrare, ait, quod ex euangelio modò audiuius: quis putas est fidelis dispensator, & prudens, quem constituit Dñs super familiam suam, vt det illis in tẽpore tritici mensuram? Beatus ille seruus, quem, cum venerit Dominus, inuenerit ita facientem. Quis est iste Dominus, fratres. Christus sine dubio, qui suis discipulis ait. Vos vocatis me magister & Dñe, & benè dictis, sum etenim. *R. Sint lumbi. 188.*

Le.

Lectio vi.

QUæ est etiam huius Domini familia? Nimirum illa est, quam ipse Dominus de manu inimici redemit, & suo dominio mancipauit. Hæc familia est Sancta Catholica Ecclesia, quæ per orbem terræ copiosa fertilitate diffunditur, & redemptionem pro multis, Ipse est etiam pastor bonus, qui animam suam posuit pro ouibus suis. Grex ergo boni pastoris, ipsa est familia Redemptionis. T e Deum.

TERTIA DIE.

In tertio Nocturno.

Lectio sancti Euangelij secundum Matthæum.

Lectio vij.

IN illo tempore: Dixit Iesus discipulis suis: Vigilate, quia nescitis, qua hora Dominus vester venturus sit. Et reliqua.

Homilia sancti Fulgentij Episcopi.

Dispensator verò, quis sit, quem oportet esse fidelem pariter & prudentem, Paulus nobis ostendit Apostolus, qui de se, suisque socijs loquens ait: Sic nos existimet homo, vt ministros Christi, & dispensatores misteriorum Dei. Ne quis autem vestrum solos Apostolos dispensatores factos existimet, neglectoque militiæ spiritualis officio, seruus piger, infideliter, imprudenterque dormitet. Ipse beatus Apostolus Episcopos quoque dispensatores esse ostendens, ait: Oportet enim Episcopum sine crimine esse, sicut Dei dispensatorem.

R. Amavit. 188. Lectio viij.

Serui autem patrisfamilias sumus, dispensatores Domini sumus, mensuram tritici, quam vobis Octau. Rom.

erogemus, accepimus, quæ verò sit ista mensura tritici, si quæramus, ipsam quoque nobis beatus Paulus Apostolus ostendit, dicens: Vnicuique sicut Deus diuisit mensuram fidei: quam ergo mensuram tritici Christus nuncupat, ipsam mensuram fidei Paulus appellat: vt agnoscamus, non aliud esse spiritale triticum, quam Christianæ fidei venerabile Sacramentum.

R. Sint lumbi. 188.

Lectio ix.

Huius tritici mensuram vobis in nomine Domini damus: quoties illuminati dono gratiæ spiritualis, secundum regulam veræ fidei disputamus: & eandem tritici mensuram per Dominicos dispensatores accipitis, cum quotidie per Dei famulos verbum veritatis auditis. De ipsa ergo tritici mensura loquamur; ex ipsa, sicut Deus diuidit, vniuersi pascamur; inde alimenta bonæ vitæ sumamus, vt ad æternæ vitæ præmia peruenire possimus in illum credentes, in illum sperantes, illum præ omnibus, & in omnibus diligentes, qui seipsum nobis & alimentum præstat, ne deficiamus in via, & præmium seruat, vt gaudeamus in patria.

T e Deum.

QUARTA DIE.

In tertio Nocturno.

Lectio sancti Euangelij secundum Matthæum.

Lectio vij.

IN illo tempore: Dixit Iesus discipulis suis: Vigilate, quia nescitis, qua hora Dominus vester venturus sit. Et reliqua.

De Homilia S. Ioannis Chrysostr.

Ex homil. 78. in Matth.

Propterea hæc dicit Dominus discipulis, vt vigilant, vt iugiter parati sint, quia quæ nō existimat hora, venturus est: sollicitos igitur facit, & curiosos, ne vniquæ virtutē negligat

N

talē

tale quid autem est, quod dicitur : si præscirent homines, quādo morituri sunt, diligentiam suam circa illā horam ostenderēt . Ne igitur in illo solummodo tempore, sed cōtinuē diligētes sint, nec generalem, nec singularem horam prædicit, vt semper expectando, semper vigilant : hac enim ratione terminum vitę non occuluit.

R. Amavit. 188.

Lectio viij.

DEinde liquidō, adeō vt numquam liquidius, Dominum se ipsum appellauit . Hęc autem etiam ad erubescētiā desidię mihi dicta videntur : maiorem enim diligentiam habent furem expectantes, quam vos salutis animę : vigilant enim tunc, ne aliquid sibi surripiatur . Vos verō, quamuis certē sciatis venturum Dominum, non perseveratis tamen; neque ita vigilatis, vt possitis non impręparati ex hac vita discedere, quapropter cum perniciē dormientium dies ille venturus est .

R. Sint lumbi. 188.

Lectio ix.

NAm quemadmodum non laderetur ille furto, si furem sciret venturum, sic & vos, quoniam scitis Dominum venturum, paratiores esse debetis . Cęterum quoniam iudiciij mentionem fecit, ad Doctores etiam vertit orationem de pęna, & meritis differens, & primō bonis collatis, ad peccatores exitum facit, commodissimē orationem concludens : Quis ergo, inquit, fidelis seruus, & prudens, quem constituit Dominus super familiam suam, vt det illis cibum in tempore ?

T e Deum.

QVINTA DIE.

Intertio Nocturno.

Lectio sancti Euangelij secundum Matthæum.

Lectio vij.

IN illo tempore : Dixit Iesus discipulis suis : Vigilate, quia nescitis

qua hora Dominus vester venturus sit . Et reliqua .

De Homilia S. Ioannis Chrysost.

Dic, quęso, num & hoc ignorantis est? Nam, si, quoniam nec Filium scire dictum est, ignorare ipsum affirmas: quid modō dices, cum dubitando dicere videatur, quis igitur fidelis seruus? An, & hoc ipsum ignorare confinges? Nequaquam: nullus enim nisi mente captus id diceret: atqui causam de illo dicere possumus, de hoc verō nullam. Quid porrō, quando interrogando dicit: Petre diligis me: neque illud sciebat? aut quando quęrit: vbi posuisti eum? R. Amavit. 188.

Lectio viij.

EGo verō etiam Patrem ita loquentem inuenio. Ipse enim est, qui dicit: Adā vbi es? & Clamor Sodomorum multiplicatus est in me, descendens igitur videbo, si secundū clamorem venientem opera fiant: si autem non ita, vt cognoscam . Et alibi: Si fortē audierint, si fortē intellexerint; & in Euangelio: Verebuntur fortasse filium meum: quę omnia verba, quamuis ignoratiōnem significant, non ignorans: tamen, sed, vt eum decet, dispensans ita dicebat . R. Sint lumbi. 188.

Lectio ix.

DE Adam ergo illo modo quęsiuit, vt ad apologiam, hoc est, ad dicendam causam peccati eum induceret . De Sodomis autem ita locutus est, vt nos erudiret, nihil antea esse determinandum, quā ad rem ipsam certius perueniremus . Per prophetam autem ambiguē loqui videtur, ne perditio inobedientiam necessariō facere videretur . In Euangelio verō ostendere voluit, quia reuereri filium debuissent .

T e Deum.

SEX-

S E X T A D I E.

In tertio Nocturno.

Lectio sancti Euangelij secundum
Matthæum.

Lectio vij.

In illo tempore : Dixit Iesus discipulis suis : Vigilate, quia nescitis qua hora Dominus vester venturus sit. Et reliqua.

De Homilia S. Ioannis Chrysost.

Hoc autē in loco, ne rursus curiosius perscrutetur, & adhuc, vt, quod rarius est, pluris ostendat. Expende autem qualem hæc verba ignorantiam significare possunt, siquidem à te cōstitutum super familiam tuam ignorare non potes. Præterea beatificat quidem eum. Beatus enim, inquit seruus ille: quis verò sit, silentio tradidit: quis enim est, aut quomodo cōstituet Dominus super familiam suam, quem inuenit sic facientem? Hæc non de pecunijs solūmodò, verū etiam de verbis, de virtute, de omni dispensatione singulo homini concessa, dicta sunt.

R. Amauit. 188.

Lectio viij.

Hæc parabola vel ad gerentes, gubernantesque rempublicam accommodari potest. Docet enim, vnumquemque ad communem utilitatem omnia conferre, quæ sua sūt, siue sapientiam, siue principatum, siue quicquid aliud, non ad detrimentum conseruorum, nec ad perditionem suam. Quapropter vtrumque ab eo flagitat, prudentiam scilicet, atque fidem. Delicta enim ab amentia originem habent.

R. Sint lumbi. 188.

Lectio ix.

Idelem igitur appellat, quoniam nihil ex rebus domini sibi attribuit, nec incassum quicquam expendit. Prudentem autem quia dispensare nouerit; opportunè siquidem vtræque re nobis opus est, ne scilicet, quæ domini sunt, ad proprios vsus

rapiamus, & vt opportunè omnia dispensemus. Te Deum.

S E P T I M A D I E.

In tertio Nocturno.

Lectio sancti Euangelij secundum
Matthæum.

Lectio vij.

In illo tempore: Dixit Iesus discipulis suis: Vigilate, quia nescitis, qua hora Dominus vester venturus sit. Et reliqua.

De Homil. S. Ioannis Chrysostomi.

Nam si alterum horū absit, eius absētia alterum omnino claudicat: si enim fidelis ita sit, vt non furatur, disperdat autem non necessario consumens impendio, non paruum id crimen est. Si verò econtrario rectè dispenfet, sibi verò accumulet, ingens rursus hæc culpa. Audiamus etiam, qui pecuniosi sumus.

R. Amauit. 188.

Lectio viij.

Non enim doctoribus hæc solū, sed diuitibus etiam dicit, cū vtrisque Dominus diuitias suas crediderit, maximas quidem doctoribus, sed locupletibus non paruas. Si ergo docentes maiores diuitias seminent, atque dispergant; vos autem nullam in minoribus liberalitatem ostendatis (cur liberalitatem, & non gratitudinem dixi? non enim vestra, sed aliena tributis) quænam vobis futura est excusatio?

R. Sint lumbi. 188.

Lectio ix.

Sed interim, antequam de punitione dicatur, approbati præmia serui qualia sunt, audiamus. Amen dico vobis, in omnibus suis constituet eum: quid hoc honore maius? quæ oratio hanc dignitatem, hanc beatitudinem assequi poterit, cū celorum conditor, cui omnia seruiunt, hominem in omnibus suis constituturus est? Præterea, & prudentem eum appellauit, quia nouit magna pro paruis perdenda non esse: quia

moderatè vità hic peragens, cœlos
consecutus est. Te Deum.

IN DIE OCTAVA.

In tertio Nocturno.

Lectio sancti Euangelij secundum
Matthæum. *Lectio vij.*

In illo tempore: Dixit Iesus disci-
pulis suis: Vigilate, quia nescitis,
qua hora Dominus vester venturus
sit. Et reliqua.

Homilia S. Augustini Episcopi.

De fide lib. 5. c. 8.

Quærimus, qua ratione Domi-
nus designare momenta nolue-
rit: si quæramus, non ignorantia in-
ueniemus esse, sed sapientia. Nobis
enim scire nō proderat, vt dum cer-
ta futuri iudicij momenta nescimus,
semper tamquam in excubijs consti-
tuti, & in quadam virtutis specula
collocati, peccandi consuetudinem
declinemus, ne nos inter vitia dies
Domini deprehendat.

R. Amavit. 188. *Lectio viij.*

Non enim prodest scire, sed me-
tuere, quod futurum est: scri-
ptū est enim: Noli alta sapere, sed ti-
me. Nā si diem designasset expressè,
vni ætati hominū, quæ proxima erat
iudicio, videretur disciplinā præscri-
pisse viuendi superioris tēporis; aut
iustus esset remissior, aut peccator
securior. Nāq; adulter, nisi quotidiana
penam metuat, nō potest adul-
terandi cupiditatem desinere.

R. Sint lumbi. 188. *Lectio ix.*

Plerumq; enim, quibus incentiuū
est impunitas, timor tædium est.
Ideo ergo dixi, quod scire nō prode-
rat, imo proderat ignorare, vt igno-
rātes timeremus, vt obseruātes emē-
daremur, sicut ipse dixit: Estote pa-
rati, quia nescitis qua hora filius ho-
minis vēturus est. Nāq; miles, nisi bel-
lū in manibus esse cognoscat, præte-
dere non nouit in caltris. Te Deū.

INFRA OCTAVAM CONFESS. PONTIFICIS.

Homilia in Euangel. Luc. cap. 17.

Nemo lucernam accendit, &c.

IN DIE FESTO.

In tertio Nocturno.

Lectio sancti Euangelij secundum
Lucam. *Lectio vij. Cap. 12.*

In illo tempore: Dixit Iesus disci-
pulis suis: Nemo lucernam ac-
cendit, & in abscondito ponit, neque
sub modio: sed supra candelabrum,
vt qui ingrediuntur, lumen videant.
Et reliqua.

Homilia S. Ambrosij Episcopi.

Lib. 7. Comment. in Luc.

Quia in superioribus Ecclesiam
synagogæ prætulit, hortatur
nos, vt fidem potius nostram ad Ec-
clesiam transferamus. Lucerna enim
fides est, iuxta quod scriptū est: Lu-
cerna pedibus meis verbum tuum,
Domine. Verbum enim Dei fides
nostra est: verbum Dei lux est, lucer-
na est fides. Erat lux vera, quæ illu-
minat omnem hominem venientem
in hunc mundum. Lucerna autem
lucere non potest, nisi aliunde lumen
acceperit.

R. Amavit. 188. *Lectio viij.*

Hæc est lucerna, quæ accendi-
tur, virtus scilicet nostræ men-
tis, & sensus, vt drachma illa possit,
quæ perierat, reperiri. Nemo ergo
fidem sub lege constituat. Lex enim
intra mensuram est; vltra men-
suram gratia: lex obumbrat, gratia cla-
rificat. Et ideo nemo fidem suam in-
tra mensuram legis includat, sed ad
Ecclesiam conferat, in qua septiformis
Spiritus relucet gratia, quam
princeps ille sacerdotum fulgore su-
perna diuinitatis illuminat, ne eam
legis vmbra restinguat.

R. Sint lumbi. 188.

Lectio ix.

D Enique lucerna illa, quam matutinis, vespertinisque temporibus ritu veteri Iudæorum princeps Sacerdotum solebat accendere, velut sub modio sicla legis euauit: & ciuitas illa Ierusalem, quæ in terris est, quæ occidit Prophetas, quasi in conualle fletus posita delitescit: illa autem Ierusalem, quæ in cælo est, in qua militat fides nostra, in illo altissimo omnium locata monte, hoc est Christo, non potest tenebris, & ruinis huius mundi abscondi, sed fulgens candore solis æterni, luce nos gratiæ spiritalis illuminat. **T e Deum.**

S E C V N D A D I E.

In tertio Nocturno.

Lectio sancti Euangelij secundum Lucam. *Lectio vij.*

In illo tempore: Dixit Iesus discipulis suis: Nemo lucernam accendit, & in abscondito ponit, neque sub modio: sed supra candelabrum, ut qui ingrediuntur, lumen videant. Et reliqua.

Homilia Sancti Gregorij Papæ.

28. mor. c. 6. circa finem.

Quid per oculum exprimitur, nisi opus suum præueniens cordis intentio? quæ prius quam se in actione exerceat, hoc iam, quod appetit, contemplatur. Et quid appellatione corporis designatur, nisi unaquæque actio, quæ intentionem suam, quasi intuentem oculum sequitur? Lucerna itaque corporis est oculus, quia per bonæ intentionis radium merita illustrantur actionis.

R. Amavit. 188. *Lectio viij.*

Et si oculus tuus simplex fuerit, totum corpus tuum lucidum erit: quia si recte intendimus per simplicitatem cogitationis, bonum opus efficitur, etiam si minus bonum esse videatur. Et si oculus tuus nequam fuerit,

totum corpus tuum tenebrosum erit: quia, cum peruersa intentione quid vel rectum agitur, etsi splendere coram hominibus cernitur, apud examinem interni iudicis obscuratur. Unde & recte subiungitur: Vide ergo, ne lumen, quod in te est, tenebræ sint. Si lumen, quod in te est, tenebræ sunt, ipsæ tenebræ quantæ erunt?

R. Sint lumbi. 188. *Lectio ix.*

Quia si hoc, quod bene nos agere credimus, ex mala intentione suscamus: quanta ipsa mala sunt, quæ mala esse, etiam cum agimus, non ignoramus. Et si ibi nil cernimus, ubi quasi discretionis lumen tenemus: qua cæcitate in illa offendimus, quæ sine discretionem perpetramus? Vigilanti igitur cura per cuncta opera intentio nobis nostra pensanda est, ut nihil temporale in his, quæ agit, appetat, totam se in soliditate æternitatis figat: ne, si extra fundamentum actionis nostræ fabrica ponitur, terra dehiscite soluat.

T e Deum.

T E R T I A D I E.

In tertio Nocturno.

Lectio sancti Euangelij secundum Lucam. *Lectio vij.*

In illo tempore: Dixit Iesus discipulis suis: Nemo lucernam accendit, & in abscondito ponit, neque sub modio: sed supra candelabrum, ut qui ingrediuntur, lumen videant. Et reliqua.

Homilia S. Augustini Episcopi.

Ser. Domini in monte, Lib. 1.

Quid putamus, ita esse dictum sub modio, ut occultatio tantum lucernæ accipienda sit, tamquam si diceret, nemo accendit lucernam, & occultat illam? An aliquid etiam modius significat, ut hoc sit ponere lucernam sub modio, superiora facere corporis comoda, quæ prædicationem veri-

tatis: vt ideo quisque veritatem non prædicet, dum timet, ne aliquid in rebus corporalibus, & temporalibus molestia patiat? *R. Amavit. 188.*

Lectio viij.
ET bene modius dicitur, siue propter retributionē mensurę, quia ea quisque recipit, quę gessit in corpore, vt illic, inquit Apostolus, recipiat vnusquisque, quę gessit in corpore; siue quoniam temporalia bona, quę corpore peraguntur, certa dierum mensura, & inchoantur, & transeunt, quam fortasse significat modius: eterna verò, & spiritalia nullo tali fine coercentur: non enim ad mensuram dat Deus spiritum. Sub modio ergo lucernam ponit, quisque lucem bonę doctrinę commodis temporalibus obscurat, & tegit. *R. Sint lumbi. 188.*

Lectio ix.
Super candelabrum autem, qui corpus suum ministerio Dei subiicit, vt superior sit prædicatio veritatis, & inferior seruitus corporis; per ipsam tamen corporis seruitutē excellentior luceat doctrina, quę per officia corporalia, idest, per vocem, & linguam, & ceteros corporis motus in bonis operibus insinuat discipulis: super candelabrum ergo ponit lucernam, cum dicit Apostolus: Non sic pugno tamquam aerem cædens, sed castigo corpus meum, ne fortē alijs prædicans, ipse reprobis inueniar. *r e Deum.*

Q V A R T A D I E.

In tertio Nocturno.

Lectio sancti Euangelij secundum Lucam.

Lectio vij.

In illo tempore: Dixit Iesus discipulis suis: Nemo lucernam accendit, & in abscondito ponit, neque sub modio: sed supra candelabrum, vt qui ingrediuntur, lumen videant. Et reliqua.

De Homilia S. Augustini Episc.

Serm. Domini in monte, lib. 2. cap. 13.

SI oculus tuus simplex fuerit, totum corpus tuum lucidum erit: qui locus sic intelligendus est, vt nouerimus omnia opera nostra tunc esse munda, & placere in conspectu Dei, si fiant simplici corde, idest, intentione superna, sine illo charitatis; quia plenitudo legis charitas. Oculum ergo hic accipere debemus ipsam intentionē, qua facimus quicquid facimus, quę, si munda fuerit, & recta, & illud aspiiciens, quod aspiendum est, omnia opera nostra, quę secundum eā operamur, necesse est bona sint, quę omnia opera totum corpus appellauit. *R. Amavit. 188.*

Lectio viij.

Non ergo, quid quisque faciat, sed, quo animo faciat, considerandum est. Hoc est enim lumen in nobis; quia hoc nobis manifestum est, bono animo nos facere, quod facimus: omne enim, quod manifestatur, lumen est: nam ipsa facta, quę ad hominū societatem a nobis procedunt, incertum habent exitū, & ideo tenebras eas vocauit. Itaque, si bono animo feci, quod mihi facerem, notum erat, & ideo lumen vocatur; illuminatur etiam factum meum, qualemcumque exitum habuerit: si autem malo animo feci, etiam ipsum lumen tenebrę sunt; lumen enim dicitur, quia nouit quisque, quo animo faciat; sed ipsum lumen tenebrę sunt, quia ad inferiora declinat in interiorē. *R. Sint lumbi. 188.*

Lectio ix.

SI ergo lumen, quod in te est, tenebrę sunt, ipsę tenebrę quantę erunt? Hoc est, si ipsa cordis intentio, qua facis, quod facis, quę tibi nota est, sordidatur appetitu rerum temporalium, atque cæcatur: quanto magis ipsum factum, cuius incertus est exitus, sordidum, & tenebrosum

sum est ? quia et si bene alicui proueniat, quod tu non recta, & munda intentione facis, quomodo tu feceris, tibi imputatur, non quomodo illi prouenerit. Te Deum.

QVINTA DIE

In tertio Nocturno.

LECTIO sancti Euangelij secundum Lucam.

LECTIO vij.

IN illo tempore: Dixit Iesus discipulis suis: Nemo lucernam accendit, & in abscondito ponit, neque sub modio: sed supra candelabrum, ut qui ingrediuntur, lumen videant. Et reliqua.

Homilia sancti Bernardi Abbatis.

Ex Tract. de prac. & dispens.

SI oculus tuus fuerit simplex, totum corpus tuum lucidum erit. Ut interior oculus verè simplex sit, duo illi esse arbitror necessaria, charitatè in intentione, & in electione veritatem: nam si bonum quidem diligit, sed verum non eligit, habet quidem zelum Dei, sed non secundum scientiam: nescio quemadmodum iudicio veritatis verè esse possit cum falsitate simplicitas: volens denique ad veram discipulos instruere simplicitatem, magistra veritas: estote, inquit, prudentes, sicut serpentes, & simplices, sicut columbæ. Præmisit prudentiam, sine qua neminem satis esse posse simplicem sciret.

Be. Amavit. 188.

LECTIO viij.

Quomodo denique verè simplex erit oculus cum ignorantia veritatis? aut verò vera potest dici simplicitas, quam simplex ignorat veritas? scriptum est enim, Ignorans ignorabitur. Ceterum, sicut oculum simplicem duo ista faciunt bona, amor boni, & cognitio veri: sic nequā oculi duo è regione mala constituunt, cæcitas, qua fit, ut veritatem non agnoscat; & peruersitas, qua fit, ut

diligit iniquitatem; Secundum hoc duplex malum, & illud item geminum bonum, quadrifariam diuidamus oculum cordis, in bonum, & meliorem, in malum, & peiorem.

Be. Sint lumbi. 188.

LECTIO ix.

Alius est itaque pius oculus, non quidem fallere promptus, sed tamen falli pronus, de quo Propheta Ephraim, inquit, quasi columba seducta non habens cor. Alius is, quem Dominus simplicem dicit, tamen fallere facilis, quam nec falli: de quo & Apostoli docentur, cum eis dicitur; estote prudentes, sicut serpentes, & simplices, sicut columbæ. Et item est alius oculus simpliciter malus, fallens utique libenter, sed non facile falsus; qualem profectò habet illi, qui ore Dominico astruitur prudentiores esse filijs lucis in generatione sua, & alius, quem nequam esse definimus, quia sit dupliciter malus, cui quippe & malitia, parit ignorantiam, & ignorantia malitiam operit, ita ut sepe nesciens, & malum, quod vult, non faciat, & bonum faciat, quod non vult.

Te Deum.

S E X T A D I E

In tertio Nocturno.

LECTIO sancti Euangelij secundum Lucam.

LECTIO vij.

IN illo tempore: Dixit Iesus discipulis suis: Nemo lucernam accendit, & in abscondito ponit, neque sub modio: sed supra candelabrum, ut qui ingrediuntur, lumen videant. Et reliqua.

Homilia venerab. Bedæ Presbyteri.

Ex Comment. in Luc. c. 50.

DE se ipso Dominus hæc loquitur, ostendens, etsi supra dixerit, nullum generationis nequā, nisi signum Ionæ dandum, nequaquam tamen lucis suæ claritatem fidelibus

SEPTIMA DIE.

In tertio Nocturno.

occultandam. Ipse quippe lucernam accendit, qui testam humanæ naturæ flamma suæ diuinitatis impleuit, quam profectò lucernam, nec credentibus abscondere, nec modio supponere, hoc est, sub mensura legis includere, vel vltra vnus Iudææ Gentis terminos voluit cohibere: sed supra candelabrum, inquit, vt qui ingrediuntur lumen videant.

Re. Amavit. 188.

Lectio viij.

Candelabrum Ecclesiam dicit, cui lucernam superposuit: quia nostris in frontibus fidem suæ incarnationis adfixit, vt, qui Ecclesiam fideliter ingredi voluerint, lumen veritatis palam queant intueri, quia sententia Iudæorum quoque proceres condemnat, qui signa quærentes exterius, apertam lucis ianuam noluerint intrare credendo. Denique præcipit, ne opera tantummodò, sed & cogitationes, & ipsas etiam cordis intentiones mundare, & castigare meminerint.

Re. Sint lumbi. 188.

Lectio ix.

Lucerna corporis tui est oculus tuus. Corpus quippe dicit opera, quæ palam cunctis apparent, oculus verò ipsam mentis intentionem, qua operatur, & de cuius merito eadem opera, lucis, an tenebrarum sint opera, discernuntur, sicut ipse consequenter exposuit, dicens: si oculus tuus fuerit simplex, totum corpus tuum lucidum erit. Si, inquit, pura, rectaque intentione, quæ potes, agere bona studueris; lucis profectò sunt opera, quæ facis, etiam si coram hominibus imperfectionis aliquid habere videantur; quoniam diligentibus Deum omnia cooperantur in bonum.

Te Deum.

Lectio sancti Euangelij secundum Lucam.

Lectio viij.

In illo tempore: Dixit Iesus discipulis suis: Nemo lucernam accendit: & in abscondito ponit, neque sub modio: sed supra candelabrum, vt qui ingrediuntur, lumen videant. Et reliqua.

De Homilia venerab. Bedæ Presb.

Si autem nequam fuerit, etiam corpus tuum tenebrosum erit: si autem peruersa est intentio, quæ præcedit, prauum est omne opus, quod sequitur, quamuis rectum esse videatur. Vide ergo, ne lumen, quod in te est, tenebræ sint. Hoc est, ne ipsa cordis intentio, quæ lumen est animæ, vitiorum caligine fuscetur, sedula discretionem perpende.

Re. Amavit. 188.

Lectio viij.

Iuxta quod alibi præcipitur: omni custodia serua tuum cor, quoniã ex ipso vita procedit. Si ergo corpus tuum totum lucidum fuerit, non habens aliquam partem tenebrarum, erit lucidum totum. Totum corpus nostrum omnia nostra opera dicit: quia, & Apostolus membra nostra nūcupat quædam opera, quæ improbat, & mortificandæ præcipit, dicens: Mortificatè ergo membra vestra, quæ sunt super terram, fornicationem, immunditiam, libidinem, & cætera talia.

Re. Sint lumbi. 188.

Lectio ix.

Siquidem ipse bonum bona intètionem patraueris; non habens in tua cōscientia aliquam partem tenebræ cogitationis, etiam si contigerit aliquem proximorum tua bona actione noceri, verbi gratia, aut de pecunia, quam à te indigens, & petes acceperat, facere, vel pati aliquid mali, aut de verbo exhortationis, quo errantem corrigere volebas, fortè perniciosius errare:

errare; tu tamen pro tuo simplici, & lucido corde, & hic, & in futuro lucis gratia donaberis. *T e Deum.*

IN DIE OCTAVA.

In tertio Nocturno.

Lectio sancti Evangelii secundum Lucam. *Lectio vij.*

In illo tempore: Dixit Iesus discipulis suis: Nemo lucernam accendit, & in abscondito ponit, neque sub modio: sed supra candelabrum, ut qui ingrediuntur, lumen videant. Et reliqua.

Homilia S. Ioannis Chrysostomi.

In Matth. homil. 21.

Lucerna corporis tui est oculus tuus: quod oculus corporis, hoc intellectus est anime, ut enim nequam opes auro ornari, veste serica conspici, si sit oculis tibi carendum, sed horum proculdubio sanitatem desiderabiliorem rebus omnibus iudicares, quæ si tibi certè depereat, nihil te iam totum delectat; quanto magis pro oculis debes mentis efficere? sicut enim postquam corporali lumen oculorum extinctum est, omnia iam membra in miseria versantur, ac tenebris, ita etiam mente cæcata, innumeris prorsus malis hominum vita cumulatur.

R. Amauit. 188. *Lectio viij.*

Quemadmodum igitur in corpore hoc maximè prouidemus, ut oculos habeamus incolumes; sic etiam in anima intellectus conseruamus salutem? si verò cecamus istum, quo alijs quoque debemus lumen inferre, unde iam ipsi poterimus aspicere? sicut enim, qui caput ipsum fontis obstruxit, totum simul exiccavit, & fluiuium: sic etià qui oculum mentis tenebris obduxit, omnes quoque vitæ istius actus vna confusione cæcavit; propter quod ait: si lumen, quod in te est, te-

nebræ sunt, ipse tenebræ quantæ erunt? &c. Sint lumbi. 188.

Lectio ix.

QVando enim lucerna extinguatur, quando gubernator mergitur, quando dux ipse capitur, quæ tandem obedientibus supererit spes salutis? propterea nunc quidem omisit dicere eas, quæ diuitijs tenduntur, insidias, lites videlicet ac pugnas, sed ponens his omnibus sæuiores, & quæ absque dubio semper accidunt, à maligna concupiscentia liberat audientes: etenim multò horribilius est, mentem huic ægritudini mancipare, quam carceris squalore macerari. Dedit enim nobis intellectum Deus, ut ignorantiam fugemus & mentibus, ut rectum teneamus, iustumque iudicium.

T e Deum.

INFRA OCTAVAM
CONFESSORIS PONTIF.

Homilia in Euangel. Marci. cap. 13.

Videte, vigilate, &c.

IN DIE FESTO.

In tertio Nocturno.

Lectio sancti Evangelii secundum Marcum. *Lectio vij.*

In illo tempore: Dixit Iesus discipulis suis: Videte, vigilate, & orate: nescitis enim quando tempus sit. Et reliqua.

Homilia Sancti Petri Chrysologi.

Ex Serm. 24.

Semper & ad omnia vigilas esse salutes nullus ignorat: quia re vera plus vigilare, plus viuere est: nā quid tā mortis simile, quam dormientis aspectus? quid tā vitæ plenū, quam forma vigilantis? Indulgendum somno est, ut corpus reparet, non resoluat; & vires reuocet, nō enervet; semper ergo ad omnia vigilas esse salutes nullus

nullus ignorat, quæ ars, quod opus, quod tempus, quæ potestas, quod officium non vitæ lucra lucubratione perquirat. R. Amavit. 188. Lect. viij.

Hinc est, quod Rex in procinctu perusgil, callidi hostis præcæuet, & euitat insidias, tunc in castris miles superuenientes nocturnos impetus cauta pernoctatione propellit. Sic nauta vigilando diffusi itineris incertas vias intrat, & calles transit inuios, & vestigio furtiuo ad lucrosi portus votiuam peruenit mansionem. Hinc pastor adiungit noctes diebus, & totum sibi tempus denegat dormiendi, ne qua lupis, suffragante somno, grafsandi in gregem præbeatur occasio.

R. Sint lumbi. 188. Lectio ix.

Sic viator solers per auras noctis æstus solis preuenit; actumque diem præuidentius deputat mansioni. Hoc propheta sciens, non die solo, sed & nocte tota clamabat ad Dominum, Domine Deus salutis meæ, in die clamaui, & nocte coram te; quid plura? Ipse Dominus pernoctat in oratione Dei; vt, ante, vos oratione liberet, quam redimat passionem; &, si pro seruis Dominus vigilat, meritò pro se ipsis seruos vigilare sic iubet. Te Deum.

Infra Oct. legatur in Missa, & Offic. Euang. **Vigilate, quia &c.** cum suis Homil. de hoc eodem côm. sup. 192. In die verò Octaua vt in die Festo.

INFRA OCTAVAM DOCTORVM. SECUNDA DIE.

In secundo Nocturno.

Sermo S. Ioannis Chrysostomi.

In c. 7. Matt. ho. 18. post init. Lect. iv.

Deus ita nos disposuit esse, vt nec studēs, & laborantes cir-

ca scripturas, acquiramus salutem scientiæ sine gratia Dei, vt nec nobis imputemus, quod scimus: nec tamen gratiam acquiramus: nisi studuerimus, & laborauerimus circa scripturas, ne donum Dei detur negligentibus: sicut enim in bello, non omnis, qui pugnat, vincit, nemo tamen vincere potest, nisi pugnaverit: nō omnes, qui student, & legunt, acquirunt scientiam spiritualem; nemo tamen acquirere potest, nisi qui aut studiosus fuerit ad legendum, aut assiduus ad audiendum.

Lectio v.

Et infideles quidem, & non timētes Deum inueniunt scientiam legendo, & studendo, sed non illam, quæ ex Deo est, quæ per Spiritum sanctum datur, sed hanc, quæ est ex natura carnali, quæ per exercitationem carnis acquiritur, quam habuerunt etiam gētilium studiosi; multa enim differentia est inter scientias istas. Qui enim orationibus nō instat, nec operibus bonis, sed per solum studiū lectionum factus est sciens, quando alijs prædicat, ipse sibi non sentit, quod prædicat.

Lectio vj.

Sed quando alios docet, ab intus scōscientia eius ridet sibi de verbis suis, quia scientia, quæ ex solis lectionibus est, ex ore procedit: quæ autem de Spiritu sancto est, de corde profertur, & idē spiritualis scientia nō solum dicitur, sed & sentitur: non tantū in scripturis legitur, sed ex corde suggeritur: & idē, si alios terret, ipse amplius timet: si consolatur, ipse melius gaudet, & omne, quod loquitur, nō tantum legit, sed experimēto probauit. Idē ergo, petamus Deum & operemur bona, vt nō carnalē, sed spiritalem scientiam mereamur.

In tertio Nocturno.

Lectio sancti Euangelij secundum Matthæum.

Lectio vij.

In

IN illo tempore: Dixit Iesus discipulis suis; Vos estis sal terræ. Quod si sal euauerit, in quo salietur? Et reliqua.

Homilia S. Hieronymi Presbyteri.

Lib. 1. comment. in Matth.

Sal appellatur Apostoli, & Doctores: quia per illos vniuersum hominum conditur genus. Quod si sal euauerit, in quo salietur? Si doctor errauerit, a quo alio doctore emendabitur? Ad nihilum valet ultra, nisi ut mittatur foras, & conculcetur ab hominibus. Exemplum de agricultura sumptum est. Sal enim sicut in ciborum condimentum, & siccandas carnes necessarium est, ita alium vsum non habet. Certè legimus in scripturis, vrbes quasdam ira victorum sale seminatas, ut nullum in ipsis germen oriretur.

Lectio vii.

Caveant ergo Doctores, & Episcopi, & videant potentes potenter sustinere tormenta, nihilque esse remedij, sed maiorum ruinas ad tartarum ducere. Vos estis lux mundi. Non potest ciuitas abscondi supra montem posita: neque accendunt lucernam, & ponunt eam sub modio, sed super candelabrum: ut luceat omnibus, qui in domo sunt. Docet fiduciam predicandine Apostoli abscondantur ob metum, & similes sint lucernæ sub modio; sed tota libertate se prodant: ut quod audierunt in cubiculis, prædicent in tectis.

R. In medio Ecclesiæ aperuit os eius, * Et impleuit eum Dominus spiritu sapientiæ, & intellectus.

V. Iucunditatem, & exultationem thesaurizauit super eum. Et impleuit. Gloria. Et impleuit.

Lectio ix

Nolite putare, quoniā veni soluere legem, aut Prophetas: nō veni soluere, sed adimplere. Siue quod de se per alios prophetas con-

pleuerit: siue quod eam, quæ ante propter infirmitatem audientium rudia, & imperfecta fuerant, prædicatione compleuerit, iram tollens, & vicem talionis excludens, & occultam in mente concupiscentiam dampnans. Donec transeat cælum, & terra. Promittuntur nobis cæli noui, & terra noua, quæ facturus est Dominus Deus. Si ergo noua creanda sunt, consequenter vetera transitura.

T e D e u m .

T E R T I A D I E .

In secundo Nocturno.

Ex libro sancti Augustini Episcopi. de ciuitate Dei.

lib. 8. cap. 41.

Lectio iv.

Auctores nostri, in quibus non frustra sacrarum litterarum figitur, & terminatur Canon, absist, ut inter se aliqua ratione dissentiant: unde non immeritò cum illa scriberent, eis Deum, vel per eos locutum, non pauci in scholis, atque gymnasijs, litigiosi disputationis garruli, sed in agris, atque in urbibus cum doctis, atque indoctis tot, tanti; populi, crediderunt. Ipsi sanè pauci esse debuerunt, ne multitudo vilesceret, quod earum religione esse oporteret; nec tamen ita pauci, ut eorum nō sit miranda consensio.

Lectio v.

Neque enim in multitudine philosophorum, qui labore etiam litterario monumenta suorum dogmatum reliquerunt, facile quis inuenit, inter quos cuncta, quæ sensere, conueniant, quod ostendere hoc opere longum est. Vbi etsi aliqua vera dicebantur, eadem licentia dicebantur, & falsa prorsus, ut non frustra talis ciuitas mysticum vocabulum Babylonis acceperit. Babylon quippe interpretatur confusio, quod nos iam dixisse meminimus. Nec interest diaboli regis eius, quam-

con-

contrarijs inter se rixerūt erroribus: quos meritò multæ, variæque impietatis, pariter possidet. *Lectio vj.*

AT verò gens, populus, ciuitas, respublica, Israelitæ, quibus credita sunt eloquia Dei, nullo modo pseudopphetas cum veris prophetis pari licentia confuderūt, sed concordēs inter se: atque in nullo dissentientes, sacrarum litterarum veraces ab eis agnoscebantur, tenebantur auctores. Ipsi eis erant philosophi, hoc est amatores sapientiæ, ipsi sapientes, ipsi Theologi, ipsi Prophetæ, ipsi Doctores probitatis, atque pietatis. Quicumque secundum illos sapuit, & vixit non secundum hominem, sed secundum Deum, qui per eos locutus est, sapuit, & vixit.

In tertio Nocturno.

Lectio sancti Euangelij secundum Matthæum. *Lectio vij.*

IN illo tēpore: Dixit Iesus discipulis suis: Vos estis sal terræ. Quod si sal euauerit, in quo salietur? Et rel. Homilia sancti Hilarii Episcopi.

Comm. in Matth. can. 5.

Vos estis sal terræ, quòd si sal infatuatum fuerit ad nihilum valet id, quod salietur. Sal, vt arbitror, terræ nūlum est: quomodo ergo Apostolo os sal terræ nuncupauit? Sed proprietas eò quærenda dictorum, quam & Apostolorum officium, & ipsius salis natura monstrabit. Sal est in se vno continens aquæ & igni elementum, & hoc ex duobus est vnum.

Lectio viij.

Hic igitur in omnē vsum humani generis effectus, incorruptio nem corporibus, quibus fuerit aspersus, impertit, & ad omnē sensum cōditi saporis aptissimus est. Apostoli autem sunt rerum cœlestium prædicatores, & æternitatis velut satores, immortalitatem omnibus corpori-

bus, quibus eorum sermō aspersus fuerit, conferentes. Meritò igitur sal terræ nuncupati sunt, per doctrinæ virtutem saliendo modò æternitatis corpora referuantes.

R. In medio. 203.

Lectio ix.

Sed natura salis semper eadē est, nec immutari vnquam potest. Verum quia conuersioni homo subiaceret, & solus beatus, qui vsq; ad finem in omnibus Dei operibus permanserit: idē eos sal terræ nuncupatos monet in traditæ sibi potestatis virtute persistere, ne infatuati nihil saliant, & ipsi, sensu accepti saporis amisso, viuificare corrupta non possint, & proiecti de Ecclesiæ prōptuariis, cum iis, quos salierint, pedibus incedentiū proterantur. *T. e Deum.*

Q V A R T A D I E.

In secundo Nocturno.

De exposit. S. Augustini Episcopi in epist. primam B. Ioannis.

Traet. 3. cap. fin.

Lectio iv.

Non habetis necessitatē, vt aliquis vos doceat, quia vnctio ipsius docet vos de omnibus; quid ergo nos facimus fratres, quia docemus vos? si vnctio eius docet vos de omnibus, quasi nos sine causa laboramus, & vt quid tātum clamamus? Dimittamus vos vnctioni illius, & doceat vos vnctio ipsius: sed modò mihi facio quæstionem, & illi ipsi Apostolo facio: dignetur audire paruulum quærentem à se; ipsi Ioanni dico: vnctionem habebant, quibus loquebatur? Tu dixisti, quia vnctio ipsius docet vos de omnibus, vt quid talem epistolam fecisti? quod illos tu decebas? quid instruebas? quid ædificabas?

Lectio v.

Iam hic videre magnum sacramētum fratres sonus verborum nostrorū aures percutit magister intus est: nolite putare quemquam hominem

nem aliquid discere ab homine. Admonere possumus per strepitum vocis nostræ: si non sit intus, qui doceat, inanis sit strepitus noster. Magisteria forinfecus, adiutoria quædam sūt, & admonitiones. Cathedram in celo habet, qui corda docet, de Domino dico. Propterea ait & ipse in Euangelio? Nolite vobis dicere magistrū in terra: vnus est magister vester Christus. Ipse vobis ergo intus loquatur, quādo nemo hominum illic est: quia etsi aliquis est à latere tuo, nullus est in corde tuo: Christus sit in corde.

Lectio vi.

Sic sunt ista verba, fratres, quæ forinfecus dicimus, quomodo est agricola ad arbore: forinfecus operatur, adhibet aquam, & diligentiam culturæ, quælibet forinfecus adhibeat, numquid poma format? Numquid nuditatem lignorum vestit vmbra foliorum? numquid tale aliquid intrinfecus agit? sed quis agit hoc? Audite agricolam Apostolum, videte quid sumus; & audite magistrum interiorem; Ego plantavi, Apollo rigauit, sed Deus incrementum dedit, Hoc ergo vobis dicimus, siue plantemus, siue rigemus loquendo, non sumus aliquid, sed ille, qui incrementū dat, Deus, id est, vnctio illius, qui docet vos de omnibus.

In tertio Nocturno.

Quarta infra die Oct. S. Ioānis Chrysostomi legatur Homil. S. Augustini.

Ostendit Dominus, & c. in Breu. de communi Doctorum: infra oct. verè aliorum Doctorum legantur sequentes Lectiones.

Lectio sancti Evangelij secundum Matthæum.

Lectio vii.

In illo tempore: Dixit Iesus discipulis suis: Vos estis sal terræ. Quod si sal euauerit, in quo salietur. Et reliqua.

Homilia S. Ioannis Chrysostomi.

Homil. 16. in Matth. sub med.

Attēdite, quid dixerit, Vos estis sal terræ: per quod ostendit, quāmodum necessariū ista præcipiat. Non enim pro vestra, inquit, tantummodo salute, sed pro vniuerso orbe vobis certamen erit. Non ad duas quippe vrbes, aut decem, aut viginti, neque ad vnā gētem vos mitto, sicut mittebam prophetas: sed ad omnem terram profusus, ac mare, totumque mundum, & hunc variis criminibus oppressum.

Lectio viii.

Dicendo enim, Vos estis sal terræ; ostendit vniuersam hominum infatuatam esse naturam, & peccatorum vi corruptam; & idcirco illas ab eis virtutes requirit, quæ maximè ad multorum salutem procurandam necessariae sunt, atque vtilēs. Nam, qui mansuetus, ac modestus, & misericors, & iustus, non intra se tantummodo hæc rectè facta concludit, verum in aliorum quoque vtilitatem præclaros hos faciet effluere fontes. Igitur, qui corde mundo est, atque pacificus, & persecutionem pro veritate patitur, nihilominus in commune commundum vitam instituit.

It. In medio. 203.

Lectio ix.

Ne igitur putetis, inquit, ad leuia vos ducendos esse certamina, neque exiguarum rerum vobis ineundam esse rationem. Vos estis sal terræ. Quid igitur? Ipse putrefacta medicati sunt? Nequaquam: neque enim fieri potest, vt ea, quæ iam corrupta sūt, salis perfricatione reparentur. Non ergo hoc fecerunt, sed ante reuouata, sibi que tradita, atque ab illa iam putredine liberata aspergebant sale, & in ea nouitate conseruabant, quam à Domino susceperat. Libera- re quippe à putredine peccatorum,

Christi

Christi virtutis est; vt autem ad illa iterum non reuertamur, Apostolorum cura est, ac laboribus. Te Deum.

QVINTA DIE.

In secundo Nocturno.

Tres Lect. S. Greg. Qui post Orionas, &c. vt in Breuiario de Comuni Doctorum.

In tertio Nocturno.

Lectio sancti Euangelij secundum Matthæum.

Lectio vii.

IN illo tempore: Dixit Iesus discipulis suis: Vos estis sal terræ. Quod si sal euauerit, in quo salietur? Et reliqua.

De Homilia Sancti Gregorij Papæ.

Homil. 17. in Luca 10. ante med.

Considerandū nobis est, fratres charissimi, vt qui vna, eademque exhortationis voce nō sufficit simul cunctos admonere, studeat singulos, in quantum valet, instruere, priuatis locutionibus ædificare. Debemus namque pensare continuo, quod sanctis Apostolis dicitur, & per Apostolos nobis; Vos estis sal terræ. Si ergo sal sumus, condire mentes fidelium debemus. Vos igitur: qui pastores estis, pēfate, quia Dei animalia pascitis. De quibus profectō animalibus Deo per Psalmistā dicitur: Animalia tua habitabunt in ea. Lectio viij.

ET sepē videmus, quod petra salis brutis animalibus anteponitur, vt ex eadem salis petra lambere debeant, & meliorari. Quasi inter ergo bruta animalia petra salis debet esse sacerdos in populis: Curare namque sacerdotem necesse est, quæ singulis dicat; vnumquemque qualiter admoneat; vt quisquis sacerdoti iungitur, quasi ex salis tactu, æternæ vitæ sapore conditur. Sal etenim terræ non sumus, si corda audientium non condimus. Quod profectō condimentum ille veraciter proximo im-

pendit, qui prædicationis verbum non subtrahit. Sed tunc verē alijs recta prædicamus, si dicta rebus, & exemplis ostendimus.

R. In medio. 203.

Lectio ix.

NVllum autē, puto fratres, charissimi, ab alijs maius præiudicium, quā a sacerdotibus tolerat Deus, quando eos, quos ad aliorum correctionē posuit, dare de se exēpla prauitatis cernit: quando ipsi peccamus, qui compescere peccata debui-
mus. Nulla animarum lucra quærimus, ad nostra quotidie studia vacamus, terrena concupiscimus, humanam gloriam intenta mente capimus. Et quia eo ipso quo ceteris prælati sumus, ad agenda quælibet maiorem licentiā habemus: suscepta benedictionis ministerium vertimus ad ambitionis augmentum. Dei causam reliquimus, ad terrena negotia vacamus. Locum sanctitatis accipimus, & terrenis actibus implicamur.

T. e Deum.

SEXTA DIE.

In secundo Nocturno.

Ex libro Moraliū S. Gregorij Papæ.

Lectio iij.

Hinc namq; per Danielelem dicitur: Pertransibunt plurimi, & multiplex erit scientia. Hinc Ioanni in priori parte reuelationis Angelus dicit: Signa quæ locuta sunt septem tonitrua. Cui tamen in eiusdem reuelationis termino præcepit, dic ens: Ne signaueris verba prophetiæ libri huius. Pars quippe reuelationis anterior signari præcipitur, terminus prohibetur; quia quicquid in sanctæ Ecclesiæ initiis latuit, finis quotidie ostendit. Nonnulli verō a Græca littera, quæ Ypsillon dicitur. Hyadas nuncupata arbitrantur. Quod si ita est, significationi, quam diximus, contrarium non est.

Le-

Lectio v.

DOctores enim his stellis non in-
conuenienter expressi sunt, quæ
à litteris nomen trahunt. Sed quam-
uis hyades ab eiusdē litteræ visione
non discrepēt, certum tamē est, quia
hyetos imber dicitur, eo quod exortē
pluias apportant. Vir igitur sanctus
redemptionis nostræ ordinem con-
templator, admiretur, atque admi-
rans exclamet, dicens: Qui extendit
cœlos solus: & graditur super fructus
maris, qui facit Arcturum, & Orio-
nas, & Hyadas.

Lectio vi.

EXtenſis etenim cœlis, Dominus
formauit Arcturum, quia in ho-
norem deductis Apostolis, in cœlesti
conuersatione fundauit Ecclesiam.
Formato quoq; Arcturo fecit Orio-
nas, quia roborata fide vniuersalis
Ecclesiæ, contra procellas mundi e-
didit martyres. Editis quoq; Orioni-
bus protulit Hyades: quia conuale-
ſcentibus contra aduersa martyri-
bus, ad infundendam ariditatem hu-
manorum cordiu in doctrinam con-
tulit magistrorum. Isti itaque sunt
astrorum spiritualium ordines, qui
dum summis virtutibus eminent,
semper ex supernis lucent.

In tertio Nocturno.

Lectio sancti Euangelij secundum
Matthæum.

Lectio vij.

IN illo tempore: Dixit Iesus disci-
pulis suis: Vos estis sal terræ.
Quod si sal euauerit, in quo salie-
tur? Et reliqua.

Homilia S. Augustini Episcopi.

Lib. i. de ser. Dom. in monte.

NEque accendunt lucernam, &
ponunt eam sub modio, quod
putamus, ita esse ductū, sub modio,
vt occultatio tantum lucernæ acci-
pienda sit, tanquam si diceret. Nemo
accēdit lucernam, & occultat illam.
An aliquid etiam modius significat,

vt hoc sit ponere lucernam sub mo-
dio, superiora facere corporis com-
moda, quam prædicationem verita-
tis: vt ideò quisque veritatem non
prædicet, dum timet, ne aliquid in
rebus corporalibus, & temporalibus
molestiæ patiat: & benè modius
dicitur; siue propter retributionem
mensuræ, quia quisque recipiet, quæ
gessit in corpore; siue quoniam tem-
poralia bona, quæ corpore peragun-
tur, certa dierum mensura, & incho-
antur, & transeunt, quam fortasse si-
gnificat modius.

Lectio viij.

SVb modio ergo lucernam ponit,
quisquis lucem bonæ doctrinæ
commodis temporalibus obscurat,
& tegit; super candelabrum autem,
qui corpus suū ministerio Dei subij-
cit, vt superior sit prædicatione verita-
tis, & inferior seruitus corporis: per
ipsā tamen corporis seruitutem ex-
cellētiōr luceat doctrina, quæ per of-
ficia corporalia, id est, per vocem, &
linguam, & ceteros corporis motus
in bonis operibus insinuat etiam di-
scētibus. R. In medio. 203. Lect. ix.

SVper candelabrum ergo ponit lu-
cernam, cum dicit Apostolus:
Nō pugno tamquam aerem cēdens,
sed castigo corpus meum, & seruitu-
ti subiicio, ne fortē alii prædicans,
ipse reprobis inueniar: quod verò
ait: Vt luceat omnibus, qui in domo
sunt: Domum puto dictam habita-
tionem hominum id est, ipsum mun-
dum, propter id, quod superius ait.
Vos estis lumen mundi: aut si domū
quisque vult accipere Ecclesiam, nec
hoc est absurdum. ¶ e Deum.

S E P T I M A D I E.

In secundo Nocturno.

Serm. S. Augustini Episcopi.

Ser. 3. de ver. Dñi in Mat. Lect. io. iij.

CVM nobis pro officio competat
dicere, vobis autem conueniat
pro-

pro deuotione audire : quid tam necessarium, tamque pertinens poterit vtrisque contingere, quam vt quòd religiosè dicitur, & deuotè auditur, obsequijs competentibus teneatur? Nam, si religiosè non tacere, lucrum est, tacere dipodium, quanto itaque potiora lucra prouenire, cum operationis effectus monstratur, quidquid magisterijs celestibus, & discitur, & tenetur? Par enim causa, & docentem, & audientem constringit: vt vtriusque professio factorum testificatione signetur.

Lectio v.

ET quamuis dissimile sit doctoris, discitisque officium: tamen vtrisque debet sanctuarum legem obsequium: vt iungantur factis, qui separantur officiis: copulentur opere, qui diuersi sunt nomine, & quos vocabula ab inuicem separant, eos obseruantia preceptorum fideliter, ac deuotè coniungat. Quare sic sit, vt vtrisque diuersus sit actus, sed obseruantia par sit necessarius in vtrisque effectus; vt factorum in ambobus conspiret assensus, quibus diuersis est in vocabulis sonus.

Lectio vi.

IN doctore enim molesta est causa, dicere nec facere, precipere, nec obseruare: in discente verò audire velle, quod nolit implere, aures verò auditui accommodare, & ab opere voluntatem auertere. Ceterum, qui facit, quod docet, & quidquid imperat, complet, maximus in celestibus sententia Domini declaratur. At verò, qui quod dicit, negligit, & quidquid audit, contemnit, salutis reus existit: qui obseruanda contempsit, & periculo non vitauit. Amat enim mortem, qui vitæ præcepta non seruat, & horret vitam, qui peccata mortis debita desperat, morte frequentat.

Interitio Noëurno.

Lectio sancti Euangelij secundam Matthæum.

Lectio vii.

IN illo tempore: Dixit Iesus discipulis suis: Vos estis sal terræ. Quòd si sal euauerit, in quo salietur? Et reliqua.

Homilia S. Iohannis Chrysostomi.

Ex homil. 15. in Matt.

SI autem sal euauerit, in quo salietur? ad nihilū valet ultra nisi, vt mittatur foras, & conculectur ab hominibus. Alii enim, etiam si sæpè delinquant, possunt tamen ad veniam peruenire, si verò hoc magister ipse patiat, omni satisfactione priuabitur, & supplicia extrema persoluet. Ne enim audientes, cum exprobrauerint vobis, & persecuti vos fuerint, & dixerint omne malum aduersum vos, in medium prodire formident, dicit; quoniā, nisi ad ista fueritis parati, frustra etiam proditis in publicum. Non enim vobis oportet maledicta hominū timere, sed laudes: quas si audire cupiatis, tūc verè infatuadi estis, atque calcandi.

Lectio viij.

SI verò perseuerabitis vosmetipsos vndique castigantes, & deinde audieritis mala, gaudete. Hoc enim est opus salis, laxa quæque vrere, atque restringere, itaque iam necessaria subsequitur maledictio, nihil vobis prorsus incommodas, immò etiam testimonium vestræ perhibens firmitatis. Si verò illa timentes fortitudinem vobis vtilem deferatis, multo fæuiores patiemini, & malè scilicet audientes, & contempti à cunctis, atque despecti: hoc namque eò ab omnibus conculcari. Deinde ad aliud eos sublimius ducit exemplum. Vos estis lux mundi. &c. In medio. 203.

Lectio ix.

ITerum mundi, nō vnius profectio gentis, nec viginti vrbiū, sed totius

eius orbis lumen tunc perhibentur, & lumen intelligibile; ipsoque sole fulgentius, sicut etiam sal hoc loco intelligitur spiritale. Prius autem sal posuit, deinde lumen, ut discat, quantum sit verborum vrentium beneficium, quantumque commodum honestæ, rectæque doctrinæ. Hæc si quidem stringit animos, nec quoquam disfluere permittit, facitque attentius ad lumen virtutis aspicere, ad quam, velut apprehensa manu, pertrahit audientes.

IN DIE OCTAVA.

In secundo Nocturno.

Sermo S. Augustini Episcopi.

Ex epist. 152. tom. 2. Lectio iv.

Sollicitissime cauendum est in discendo superbiæ vitium, quod in discendo non ita est, unde sancta scriptura nos admonet dicens: sit omnis homo velox ad audiendum, tardus autem ad loquendum; & ille in Psalm. ait: Auditui meo dabis gaudium, & lætitiā: continuoque subiecit: exultabunt ossa humiliata. Vidit enim in audiendo facillime feruari humilitatem, quæ difficilis est in docendo. Quoniam necesse est, ut doctor habeat superiorem locum, ubi laboriosum est obtinere, ne subrepat elatio.

In Psalm. 129.

Lectio v.

Ecce enim, fratres mei dico charitati vestræ; loquimur nos modo ad vos, ut aliquid doceamus vos: quanto melius, si omnes sciremus, & nemo doceret alterum, ut non esset alius loquens, alius audiens; sed omnes audientes vnum illum, cui dicitur: Auditui meo dabis gaudium, & lætitiā; unde & ille Ioannes non tam gaudebat, quia prædicabat, & quia loquebatur; sed, gaudebat quia audiebat, ait enim: Amicus autem sponsi stat, & audit eum, & gaudio gaudet propter vocem sponsi. Itaque ibi

Octau. Rom.

vnusquisque probet se, non ut loquatur, sed ut de alio locutionis officium exigit; gaudium autem taciturnitatis intus in voluntate habeat, vocem doctrinæ in necessitate.

De bapt. cont. Donat. c. 5. Lectio vi.

Et plerumque doctoribus minus aliquid reuelatur, ut eorum patiens, & humilis charitas, in qua fructus maior est, comprobetur, vel quomodo teneant vnitatem, cum in rebus obscurioribus diuersa sentiunt, vel quomodo accipiant veritatem, cum contra id, quod sentiebant, declaratum esse cognoscunt, quorum duorum manifestum tenemus vnum in beato Cypriano: id est; quomodo tenuerit vnitatem cum eis, a quibus diuersum sentiebat. Homines enim sumus: unde aliquid aliter sapere, quam se res habet, humana tentatio est, nimis autem amando sententiam suam, vel inuidendo melioribus vsque ad sacrilegium peruenire, diabolica præsumptio est; in nullo autem aliter sapere, quam res se habet, angelica perfectio est.

In tertio Nocturno.

Lectio sancti Euangelij secundum Matthæum.

Lectio vij.

In illo tempore: Dixit Iesus discipulis suis: Vos estis sal terræ. Quod si sal euauerit, in quo salietur? Et reliqua.

De Homilia S. Ioannis Chrysost.

Vceat lux vestra: hoc est, plurima in vobis sit virtus, ac maxime ingens illius accedatur ignis, & ineffabile omnino lumē effulgeat. Quando autem tam magna virtus fuerit, & clara, latere non poterit, etiā si mille illam contegere velit modis ille, qui possidet. Benè autem ait, lumē: nihil est, quod sic hominem facit insignē, atque conspicuū, etiā si magno ambitu optet latere, ut splendor iste virtu-

O

tis,

tis, sicut enim ipso sole circumdatus, ita utique clarus effulget, ne in terram solummodò rutilatus propriæ virtutis emittet, sed supra ipsum etiam cælum proprio fulgore radiabit.

Lectio viij.

H Inc itaque illos vberius consolatur: etsi, inquit, maledicta in vos audientes doletis, sed habetis plurimos, quos ad amorem, atque admirationem Dei vestro adducatis exemplo: tunc enim multi erunt omnino mirantes, non utique vos tantum, sed per vos etiam Patrem vestrum, nec dixit, Deum, sed Patrem: conferendo illis nobilitatis prerogatiuam, hoc iam nomine, largiendo. Considera quantum istiusmodi sit commodum, quantum etiam discrimen. Si enim vitijs fordeamus, etiam si nobis nullus obtrechet, erimus omnibus inferiores. Si verò virtutibus splendere curemus; vel si totus mundus contra nos maledictis voluerit personare, erimus omnium beatissimi, atque ad nos trahemus omnes, qui venire elegerint ad salutem: omni quidem tuba documenta sunt operum clariora, vitæque munda ipsa est luce fulgentior.

℞. In medio. 203.

Ex Homil. 16. in Matth. Lectio ix.

Non veni soluere legem, sed implere: legem verò non vno tantum, sed altero, & tertio implevit modo. Vno quidem, quia nihil ex legitimis ipse transgressus est; alio verò, quia per nos quoque id ipsum facit, quod Paulus significando dicebat: Quoniam finis legis Christus ad iustitiam omni credenti: quod enim illa non potuit, hoc per fidem ipse confecit; si verò aliquis diligenter examinet, alium quoque tertium modum impletæ ab eo legis inueniet: quem verò istum? Ipsa utique

præcepta, quæ erat daturus: non enim interitus priorum, sed augmentum potius, & complementum erat ea, quæ dicebantur à Christo: illius quippe sententiæ, qua dicitur: Non occides, non interemptio, sed adimpletio magis, atque munitio est, dicere: Non irascaris, omniumque similiter cæterorum. Te Deum.

INFRA OCTAVAM CONFESSORIS NON PONT. SECUNDA DIE.

In secundo Nocturno.

Très lect. S. Ioan Chrysost. Beati N. dies, &c. in Breviar. de Comuni Conf. non Pont. Quod si lectæ sint in die Festo legantur hodie sequentes.

Sermo S. Ioannis Chrysostomi.

Serm. de Mar. quod aut imit. aut non laud. tom. 3.

Lectio iv.

Qui Sanctorum merita religiosa charitate miratur, quique iustorum glorias frequenti laude colloquitur, eorum mores sanctos, atque iustitiam imitetur: quoniam, quem delectat sancti alicuius meritum, delectare debet par circaculum Dei obsequium. Quare aut imitari debet, si laudat: aut laudare non debet, si imitari detrectat: ut qui aliud laudat, laudabilem se reddat: & qui Sanctorum merita admiratur, mirabilis ipse vitæ sanctitate reddatur. Nam si propterea iustos, fidelesque diligimus, quod in ipsis iustitiam, fidemque suspicimus; possumus nos quoque esse quod sunt, si faciamus ipsi, quod faciunt.

℞. Honestum fecit illum Dominus, & custodiuit eum ab inimicis, & a seductoribus tutauit illum: * Et dedit illi claritatem æternam. V. Iustum deduxit Dominus per vias rectas, & ostendit illi regnum Dei. Et.

Le-

Lectio v.

NEque enim difficile nobis est, quod ab ipsis geritur, imitari, cū sine præcedenti exemplo ab antiquis talia gesta conspiciamus: vt non ipsi aliorum æmuli redderentur, sed emulandę virtutis seipsos nobis præberent exemplum: vt. dum nos ex ipsis, & ex nobis alij proficiunt, sic Christus in suis semper seruis in Ecclesia sancta laudetur. Vnde ab origine mundi innocens Abel occiditur, Enoch Deo placens transferatur, iustus Noe inuenitur, Abraham fidelis probatur: Moyses mansuetus dignoscitur, Iesus castus, Dauid lenis, Elias acceptus, Daniel sanctus, tres pueri victores redduntur.

R. Amavit eum Dominus, & ornavit eum: stolam glorię induit eum: *Et ad portas Paradisi coronauit eū.

V. Induit eum Dominus lorica m fidei, & ornavit eum. Et ad portas.

Lectio vj.

Apostoli discipuli Christi, credentium magistri habentur: a quibus eruditi Cōfessores fortissimi pugnant, Martyres perfecti triumphat, & Christiani semper exercitus diabolum Deo armati debellant. In istis semper pares virtutes, dissimiles pugna, gloriosę victorię. Vnde tu Christiane delicatus es miles, si putas te posse sine pugna vincere, sine certamine triumphare. Exere vires, fortiter dimica, atrociter in prælio isto concerta. Considera pactum, conditionem attende, militiam nosce: pactum, quod spondidisti, conditionem, qua accessisti, militiam, cui nomen dedisti. **R.** Iste homo perfectit omnia: quę locutus est ei Deus, & dixit ad eum: Ingredere in requiem meam: * Quia te vidi iustum coram me ex omnibus gentibus.

V. Iste est, qui contempsit vitam

mundi, & peruenit ad celestia regna. Quia. Gloria Patri. Quia.

TERTIA DIE,

In secundo Nocturno.

De serm. S. Ioannis Chrysostomi.

De S. Phylologo.

Lectio iij.

AD hanc beatam requiem transijt beatus N. quznam igitur oratio par sit viri laudibus, quę Deus tam felici sorte dignatus est? Non est vlla: sed age, dic mihi, dum idcirco silebimus? & cuius rei gratia conuenimus? An dicemus non haud posse magnitudinem gestorum oratione consequi? At qui ob hoc ipsum necesse est dicere, quandoquidem hæc est præcipua laudum illius pars, quod factis verba æquiparari non possit. Nam, quorum benefacta naturam etiam superant mortalem, perspicuum est, quod horum laudes excedunt linguam humanam. Haud tamen ob id aspernabitur officium nostrum, quod pro viribus præstamus, sed suum imitabitur Dominum. Siquidem, & ille viduę duos tantum obolos deiciendo in gazophilacium, non tantum duorum obolorum mercedem reddidit.

R. Honestum. 210.

Lectio v.

Proinde, quamuis nostrę facultates exiguę sunt, minimique pretij, attamen, quę possumus, offerimus. Ea licet non respondeant magnitudini meritorum animę præclari, iustique N. tamen hoc ipsum celestutudinis illius maximum fuerit argumentum, quod nec pusilla repellat, sed idem faciat, quod solent diuites: siquidem illi, cum acceperint a tenuibus exigua, quibus non egent, sua vicissim apponunt, remunerantes eos, qui, quod poterant, obtulerint. Idem, & hic, cum acceperit a nobis laudem verbis peractam, qua nequaquam eget, redonabis nobis

per ipsa facta benedictionem, quam
semper uti possimus.

R. Amauit. 211.

Lectio vi.

Vnde igitur laudationem illius
auspicabimur? An à magistra-
tu, quem spiritus illi tradidit gratia?
Nam mundani magistratus nequa-
quam possunt Christianorum demon-
strare virtutes; quin potius frequen-
ter habent accusationem malitiæ,
quam ob causam? quoniam, & soli-
citudines amicorum, & circumcur-
sationes, & adulationes, aliaque per-
multa his fœdiora tales magistratus
solum conciliare. Ceterum, ubi Deus
suo suffragio designarit aliquem, in-
corruptum suffragium, alienum ab
omni suspitione iudicium, indubita-
ta fuerit delecti comprobatio, pro-
pter eius, qui delegit auctoritatem,

R. Iste homo. 211.

Q V A R T A D I E.

In secundo Nocturno.

De ferm. S. Ioannis Chrysostomi.

Lectio iv.

Quamvis autem sit pietatis ar-
gumentum, quod Deus illum
tanto magistratu dignum iudicarit,
audi: Christus excitatus à morte,
quid dicit Petro? postquam enim il-
lum interrogasset, Petre amas me?
isque respondisset? Tu Domine scis,
quod amo te, dicit illi: Si diligis me,
pascue oves meas. Hoc autem dice-
bat, nō solum, ut nobis certissimè de-
clararet quantopere ipsum diligeret
Petrus; verum etiam, ut palam facer-
et quātam haberet beneuolentiam
erga suas oves. Itaque, si quis volue-
rit illi commēdatus esse, curā habeat
ouium illius, publicam quærat vtili-
tatem, fratrum suorum salutem prospiciat.

R. Honeustum. 210.

Lectio v.

Nillum enim officium hoc Deo
carius est, & ob id alicubi dicit:
Simon, Simon, expetiuit te Satanas,

ut cribraret te tamquam triticū, sed
ego rogaui pro te, ne deficiat fides
tua, quid igitur huius sollicitudinis,
curæque præmium mihi rependis?
eamdem curam, quam nobis impen-
dit, reposcit: nam & tu, inquit, ali-
quando conuersus confirma fratres
tuos. Neque prorsus alia res est, que
perinde declaret, doceatque, quis sit
fidelis, & amans Christi, quā si fra-
trum curam agat, proque illorum
salute gerat sollicitudinem.

R. Amauit. 211.

Lectio vj.

Hæc omnes audiant, & mona-
chi, qui montium occupant
cacumina, qui; modis omnibus se-
ipsos mundo crucifixerunt, quò pro
viribus Ecclesiarum profectos adiu-
uent. horumque curas leniāt precibus,
concordia, charitate; scientes, quòd
nisi modis omnibus opitulentur ijs,
qui tot periculis obijciunt, per gra-
tiam Dei, totque negotiorum curas
sustinent, quibuscumque possunt ra-
tionibus auxiliètur, quamquam pro-
cul habitantes, & victus fors ipsis pe-
riisset, & tota in scopulum impegi-
set sapientia. *R. Iste homo. 211.*

Q V I N T A D I E.

In secundo Nocturno.

*Tres Lect. S. Gregor. Deridetur iu-
sti simplicitas, &c. ut in Breuiar. in
hoc eodem Comuni. Quod si in die
festo lectæ sint, earum loco ponatur
Lect. S. Ioannis Chrys. Qui Sancto-
rum merita, &c. supra. 210.*

S E X T A D I E.

In secundo Nocturno.

*Ex lib. Moral. sancti Gregorij Papæ.
Lib. 10. cap. 17.*

Lectio iv.

Benè iusti simplicitas, & lampas
esse dicitur, & contempta.
Lampas, quia interius lucet: & con-
tempta, quia exterius non lucet. In-
tus ardet flamma charitatis, foris
nulla gloria resplendet decoris. Lu-
cet.

cet ergo, & despicitur, qui flagrans virtutibus abiectus æstimatur. Sed vsquequò lampas ista contemnitur? vsquequò despiciabilis habetur? Nūquid non fulgorem suum nullatenus exerit, & numquam, quanta claritate candeat, ostendit? Ostendit planè: Nam protinus additur: Parata ad tempus statutum: Statutum quippe contemptæ lampadis tempus est extremi iudicii prædestinatus dies, quo iustus quisque, qui nunc despicitur, quanta potestate fulgeat, demonstratur.

℞. Honeftum. 210. *Lectio v.*

Tunc enim cum Deo iudices veniunt, qui nūc pro Deo iniuste iudicantur. Tunc eorum lux tanto latius emicat, quanto eos nunc manus persequentium durius angustat. Tunc reproborum oculis patefcet, quòd cœlesti potestate subnixi sunt, qui terrena omnia sponte reliquerunt. Vnde electis suis Veritas dicit: Vos, qui secuti estis me, in regeneratione, cum federit Filius hominis in sede maiestatis suæ, sedebitis, & vos super duodecim sedes, iudicantes duodecim tribus Israel. Neque enim plusquam duodecim iudices illa æterni confessus curia non habebit, sed nimirum duodenario numero quantitas vniuersitatis exprimitur: quia quisquis stimulo diuini amoris excitatus hic possessa reliquerit, illic proculdubio culmen iudiciariæ potestatis obtinebit.

℞. Amavit. 211. *Lectio vj.*

Hinc est enim, quòd de sanctæ Ecclesiæ sponso per Salomonem dicitur: Nobilis in portis vir eius, quando federit cum senatoribus terræ: Hinc Isaias ait: Dominus ad iudicium veniet cum senioribus populi sui. Hinc eosdem seniores Veritas non iam famulos, sed amicos denunciat, dicens: Non iam di-

cam vos seruos, sed amicos meos. Quos nimirum Psalmista intuens ait: Mihi autem nimis honorati sunt amici tui Deus. Quorum dum celsitudinem cordis aspiceret, mundi gloriam, qua calce calcaret, protinus addidit: Nimis confortatus est principatus eorum. Ac ne paucos esse crederemus, quos proficere vsque ad summam tantæ perfectionis agnoscimus, illic adiunxit: Dinumerabo eos, & super arenam multiplicabuntur. Quot itaque nunc pro amore veritatis sese libenter humiliant, tot tunc in iudicio lampades coruscant.

℞. Iste homo. 211.

SEPTIMA DIE.

In secundo Nocturno.

Sermo S. Bernardi Abbatis.

Ser. 1. de S. Victore. *Lectio iv.*

Sancti N. vita, & gloria specialis, non tam ad gloriam, quam ad virtutem prouocat omnes, qui recto sunt corde. Non recti planè, sed peruersi est animi ante querere gloriā, quam exercere virtutem, & velle coronari, qui legitime non certauerit. Vanum est vobis, inquit, ante lucem surgere, ita est: frustra ad celsitudinem nititur gloriæ, qui prius non claruit virtute: frustra fatuæ virgines sponso obuiam surgunt, quarum lampades extinguuntur: & ideo fatuæ, quia vacuis gloriantur lampadibus, virtutis oleum non habentes.

℞. Honeftum. 210. *Lectio v.*

Virtus gradus ad gloriā: virtus mater gloriæ est. Fallax gloria, & vana est pulchritudo, quā illa non parturiuit. Sola est, cui gloria iure debetur, & secure impeditur. Sancto N. nec virtus, nec gloria deest: sed quæ admodum ambæ res, & quo ordine in homine processerunt, id operæ pretiū intueri. Habemus enim dilectissimi, in vita N. & quod dignè mi-

remur, & quod salubriter imitemur. Tutius sanè æmulanda solidiora, quàm sublimiora, & quæ magis virtutem redolant, gloriam minus. Studeamus proinde moribus confirmari, cui in mirabilibus similari &, si volumus, non valemus.

R. Amavit. 210.

Lectio vj.

Aemulemur in viro sobrium victum, deuotum affectum, æmulemur mansuetudinem spiritus, castimoniam corporis, oris custodiam, animi puritatem, ponere frænum iræ, & nodum linguæ, dormire parcius, orare frequentius, commovere nosmetipsos psalmis, hymnis, & canticis spiritualibus, diebus iungere noctes, & diuinis laudibus occupare: æmulemur charismata meliora; æmulemur, inquam, quod extitit liberalis in pauperes, patiens ad peccantes, benignus ad omnes. Hoc enim melius. In his forma est, cui imprimamur, in miraculis gloria, à qua reprimamur; illa lætificent, ista ædificent: moueant illa, ista promoveant. R. Iste homo. 211.

I N D I E O C T A V A.

In secundo Nocturno.

De sermone S. Bernardi Abbatis.

Serm. 2. de S. Pet.

Lectio iij.

Gaudete in Dño dilectissimi, qui inter continua suæ pietatis beneficia, indulgit hominē mūdo, cuius multi saluarentur exemplo. Iterum dico, gaudete, quòd factus de medio appropriauit Deo, vt multò plures eius intercessione saluentur: in terris visus est, vt esset exemplo: in cœlū leuatus est, vt sit patrocinio. Hic informat ad vitam, illic inuitat ad gloriam: factus est mediator ad regnū, qui fuit incitator ad opus. Bonus mediator, qui sibi iam postulans nihil, totum in nos transferre desiderat, & supplicantis affectum, & sup-

plicationis fructum: quid enim querat sibi, qui nullius eget?

R. Honestum. 210.

Lectio v.

Hæc dies gloriosæ migrationis eius, dies lætitiæ cordis eius, exultemus, & lætemur in ea. Introiuit in potentias Domini, gaudeamus: quia nunc potentior est ad saluandum. Hodie N. posito corpore, tantò alacrior, quantò expeditior penetrauit in sancta, similis factus in gloria sanctorum. Hodie despecto mūdo, & mundi principe triumphato, supra mundum victor ascendit, accipiens de manu Domini coronam victoriæ. Ascendit autem cū immensa suppellectili meritorum, clarus triumphis, miraculis gloriosus: sedet veteranus miles, debita iam suauitate, & securitate quietus: securus quidem sibi, sed nostri sollicitus. O venerandam etiam ipsi angelis sanctitatem, quam pari studio, etsi dispari voluntate, & mali fugitant, & frequentant boni: nec facile dixerim, quid fauor, aut pavor illorum.

R. Amavit. 211.

Lectio vi.

OMiles emerite, qui Christianæ militiæ duris laboribus angelicæ felicitatis requiem commutasti: respice ad imbelles, & imbecilles cōmitones tuos, qui inter hostiles gladios, & spiritales nequitias tuis laudibus occupamur, quàm pium, quàm dulce, quàm suauē, o S. N. in hoc loco afflictionis, & in hoc corpore mortis te canere, te colere, te precari. Nomen tuum, & memoriale tuum fauus distillans in labijs captiuorum, mel, & lac sub lingua eorum, qui tui memoria delectantur. Eia ergo fortis athleta, dulcis patrone, aduocate fidelis; exurge in adiutorium nobis; vt & nos de nostra ereptione gaudeamus, & tu de plena victoriā glorieris. R. Iste homo. 211.

IN.

INFR OCTAVAM CONFESS. NON PONTIF.

Homilia in Euangel. Luc. cap. 12.

Sint lumbi vestri præcincti, &c.

In die festo habetur Homil. S. Gregor Sancti Euangelij fratres, &c. vt in Breviar. de Comuni Confess. non Pontif.

SECUNDA DIE.

In tertio Nocturno.

Lectio sancti Euangelij secundum Lucam. Lectio vij. Cap. 12.

In illo tempore : Dixit Iesus discipulis suis : Sint lumbi vestri præcincti, & lucernæ ardentes in manibus vestris. Et reliqua.

De Homilia Sancti Gregorij Papæ.

Homilia 13. in Euangelia.

Sed veniens Dominus, quid seruis vigilantibus exhibeat, audiamus : Amē dico vobis, quod præcincti se, & faciet eos discumbere, & transiens ministrabit illis. Præcincti se, id est, ad retributionem præparabit. Et faciet illos discumbere, id est, æterna requie refoueri. Discumbere quippe nostrum in regno quiescere est. Vnde rursum Dominus dicit : Venient, & recumbent cum Abraham, Isaac, & Iacob. Transiens autem Dominus ministrat, quia lucis sue illustratione nos fatiat. Transire verò dictum est, cum de iudicio ad regnum redit.

R. Iste est, qui ante Deum magnas virtutes operatus est, & de omni corde suo laudauit Dominum : * Ipse intercedat pro peccatis omnium populorum. V. Ecce homo sine querela, verus Dei cultor, abstinens se ab omni opere malo, & permanens in innocentia sua. Ipse intercedat.

Lectio vij.

Sed, quid, si serui in prima vigilia negligētes existunt? prima quippe vigilia, primæ ætatis custodia

est. Sed neque sic desperandum est, & à bono opere cessandum. Nam longanimitatis suæ patientiam insinuans Dominus subdit : Et si venerit in secunda vigilia, & si in tertia vigilia venerit, & ita inuenerit; beati sunt serui illi. Prima quippe vigilia, primæ ætatis tempus est, id est, pueritia. Secunda, adolescentia, vel iuuentus, quæ auctoritate sacri eloquij vnum sunt, dicente Salomone; Latere inuenis in adolescentia tua. Tertia autem, senectus accipitur.

R. Sint lumbi vestri præcincti, & lucernæ ardentes in manibus vestris. * Et vos similes hominibus expectantibus Dominum suum, quando reuertatur à nuptijs.

V. Vigilate ergo quia nescitis, quā hora Dominus vester venturus sit. Et vos. Gloria Patri. Et.

Lectio ix.

Qui ergo vigilare in prima vigilia noluit, custodiat vel secundam : vt qui conuerti à prauitatibus suis in pueritia neglexit, ad vias vitæ saltem in tempore iuuentutis euigilet. Et qui euigilare in secunda vigilia noluit, tertiæ vigiliæ remedia non amittat : vt qui in iuuentute ad vias vitæ non euigilat, saltem in senectute respiciat. Non est iam, quid homo excusationes inueniat. Deus despicitur, & expectat : contemni se videt, & reuocat. Iniuriam de contemptu suo suscipit : & tamen quandoque reuertentibus etiam præmia promittit. Te Deum.

TERTIA DIE.

In tertio Nocturno.

Lectio sancti Euangelij secundum Matthæum. Lectio vij.

In illo tempore : Dixit Iesus discipulis suis : Sint lumbi vestri præcincti, & lucernæ ardentes in manibus vestris. Et reliqua.

Homilia S. Augustini Episcopi.*Serm. 39. de Verbis Domini in Ioann.*

Avdistis modò Euāgeliū, quòd monuerit nos, cautos nos faciens, & volēs esse expeditos, & paratos ad expectandū nouissima: vt post nouissima, quæ sunt in hoc sæculo metuenda, succedat requies, quæ nō habet finē: Beati, qui participes facti fuerint. Erunt autem tunc securi, qui modò non sunt securi: & iterum tunc timebunt, qui modò timere nolunt. Ad hanc expectationem, & propter hanc spem Christiani facti sumus.

*R. Iste est. 215.**Lectio viij.*

Nonnē spes nostra nō est de hoc sæculo? Nō amemus sæculum. Ab amore sæculi huius vocati sumus, vt aliud sæculum speremus, & diligamus. In hoc abstinere nos debemus ab omnibus illicitis concupiscētijs, hoc est, lumbos accinctos habere debemus, & feruere, & lucere in operibus bonis, hoc est lucernas ardētes habere. Dixit enim ipse Dñs discipulis suis alio loco Euangelij, Nemo accēdit lucernā, & ponit eam sub modio, sed super candelabrum, vt luceat omnibus, qui in domo sunt.

*R. Sint lumbi. 215.**Lectio ix.*

ET, vt ostenderet vnde dicebat, subiicit; & ait. Sic luceat lumen vestrum coram hominibus, vt videant bona facta vestra, & glorificent Patrem vestrum, qui in cœlis est. Ideò lumbos nostros accinctos esse voluit, & lucernas ardētes. Quid est, Lumbos accinctos? Declina à malo. Quid est lucere? Quid est lucernas ardentes habere? Hoc est, Et fac bonum. Quid est, quod adiungit, & ait. Et vos similes estote hominibus expectantibus Dominum suum, quando veniat à nuptijs: nisi quod in illo psalmo sequitur: Inquire pacem, & sequere eam? T e Deum.

Q V A R T A D I E.*In tertio Nocturno.*

Lectio sancti Euangelij secundum Lucam. *Lectio vij.*

In illo tempore: Dixit Iesus discipulis suis: Sint lumbi vestri præcincti, & lucernæ ardentes in manibus vestris. Et reliqua.

De Homilia S. Augustini Episcopi.

Hæc tria, hoc est, abstinētia à malo, & operatio boni, & spes premij æterni commemorata sunt in Actibus Apostolorum, vbi scriptum est, Quia docebat eos Paulus de continentia, de iustitia, & spe vitæ æternæ. Ad continentiam pertinet. Sint lumbi vestri præcincti: Ad iustitiam pertinet. Et lucernæ ardentes: Ad expectationem Domini pertinet, quæ est spes vitæ æternæ. Ergo declina à malo, hæc est continentia, hi sunt lumbi accincti: Et fac bonum, hæc est iustitia, hæc sunt lucernæ ardentes: Quære pacem, & sequere eā, hæc est expectatio futuri sæculi.

*R. Iste est. 215.**Lectio viij.*

Habentes autem ista præcepta, & promissa quid quærimus in terra dies bonos vbi eos inuenire non possumus? Scio enim, quia eos quæritis, quando aut ægrotatis, aut in tribulationibus estis, quæ abundant in isto sæculo: quoniam, quando ætas vergit ad finem, & senex plenus est querelis, & nullis gaudijs: inter omnes tribulationes, quibus conteritur genus humanum, non quærant homines nisi dies bonos, & vitam volunt longam, quam hic habere non possunt.

*R. Sint lumbi. 215.**Lectio ix.*

Quid ergo est vita hominis, etiā illa, quæ longa dicitur? Audite, non à me, sed mecū simul, ait enim nobis quidā: Venite filij, audite me, timorē Domini docebo vos. Et, quā rem

rem vult docere? & cui rei utilis est timor Domini? Sequitur: Quis est homo, qui vult vitam, & diligit dies videre bonos? Respondemus omnes, Nos volumus. Quod sequitur, audiamus: Cohibe linguam tuam a malo, & labia tua ne loquantur dolum. Modò dic, Ego, Eia, respondeat mihi aliquis, Ego. Et cum hoc feceris, securus expecta vitam, & dies bonos: quere pacem & sequere eam: & tunc bona fronte dices Domino: Feci quod iussisti, redde quod promissisti. Te Deum.

QVINTA DIE.

In tertio Nocturno.

Lectio sancti Euangelij secundum Lucam.

Lectio vij.

In illo tempore: Dixit Iesus discipulis suis: Sint lumbi vestri præcincti, & lucernæ ardentes in manibus vestris. Et reliqua.

Homilia Sancti Petri Chrysologi.

Ex serm. 24. post init.

Nouus ordo vigiliarum, nouus habitus imperatur: Sint lumbi vestri præcincti. Nil de vestitu, nil de calceamentis, nil de ipsius occurfus apparatu ferui vigilēs admonentur: sed tota in præcingendis lumbis mādatur cura, tota in constringendis lumbis statuitur vis præcepti, addito lucernarum solatio tantum, sine quo nec noctis aperitur obscuritas, nec venientis diei clarescit aspectus.

Re. Iste est. 215.

Cingulum quidem est propriè indicium seruitutis; quòd & discursus expeditos reddat, & faciat obsequentes: sed dixisse iussit, estote præcincti: cur lumbos potissimum nominat? cur tanta iubentis reuerentia lumborum facit magnopere mentionem? quæris quare? quia in lumbis est tota corporis causa: ex lumbis tota carnis negotia suscitatur,

in lumbis tota est humani lapsus, humanæ fragilitatis occasio. Inde venit, quòd virtutis ignaros reddit, efficit segniores.

Re. Sint lumbi. 215. Lectio ix.

Ince est ergo, quòd principaliter dominus lumbos nostros astringit, iubet balthæo castitatis; & totum carnis nostræ pendulum, fluidum, resolutum constringi mandat continua zona virtutis: ut carne succincta, ad Domini occursum liber, velox, expeditus nostræ mentis reddatur incessus. Hæc tamen audiens homo scire debes, quia te non retardat ab occurso Dei caro: quia ipsius occurfus officij ipsius est inseparabilis comes, si tu eius componas farcinas, si releues onera eius, si pendula, & sinuosa inuolucra eius tu prouidus viator astringas. Te Deum.

S E X T A D I E.

In tertio Nocturno.

Lectio sancti Euangelij secundum Lucam.

Lectio vij.

In illo tempore: Dixit Iesus discipulis suis: Sint lumbi vestri præcincti, & lucernæ ardentes in manibus vestris. Et reliqua.

De Homilia S. Petri Chrysologi.

Constringenda est ergo caro continentia cingulo; ne effusa vitij, ac toto peccatorum grauata pondere, supernis, & celestibus insistere non possit incessibus. Benè Dominus adiecit: & lucernæ ardentes in manibus vestris, quia semper ad innocentia testimonium lucernæ nocturno portantur in tempore: & sicut vitij amice semper sunt tenebræ, ita lucernæ semper inimicæ criminibus: sociæ semper boni operis sunt lucernæ.

Re. Iste est. 215.

Lectio viij.

Ed in manibus sanctorum ipsa bona opera sunt lucernæ, dicete Domino? Sic luceat lux vestra coram hominibus.

hominibus, vt videant vestra bona opera, & verè portant lucernas suas, verè fomentis operum, verè misericordiae vnguento inflammant lampades suas: qui cum loco proposito studio latitant, opere, virtute, meritis coruscant, ac splendent toto orbe terrarum, & quia expectationis suae Dominus satis tristes, satis anxios nouerat mores; ne quis superaretur tardio, ne quis lassesceret tarditate, ne quis longae expectationis fatigatione succumberet, perseverantibus beatitudinem caelestem, caeleste promittit obsequium.

R. Sint lumbi. 215. *Lectio ix.*

ET, ne ipsius beatitudinis qualitas haberetur incerta, mox adiecit: Amen dico vobis, quia praecinget se, & faciet illos discumbere, & transiens, ministrabit eis. Praecinget se Deus, & faciet seruos discumbere, & ministrabit eis. En mutatio inaudita rerum, en terribilis correptio dominationis, en pauenda conuersio seruitutis: quia parumper seruus astitit in domini sui expectatione succinctus, & sustinendi fidem breui fatigatione portauit: cui vt talionem redderet, dissimulat se in ipsa diuinitate diuinitas. Te Deum.

S E P T I M A D I E .

In tertio Nocturno.

Lectio sancti Euangelij secundum Lucam. *Lectio vii.*

IN illo tempore: Dixit Iesus discipulis suis: Sint lumbi vestri praecincti, & lucernae ardentes in manibus vestris. Et reliqua.

De Homilia S. Petri Chrysologi.

Discubenti homini Deus astat, & astat in caelestibus: epulanti seruo seruit Dominus, & seruit accinctus: pueris suis, ministris suis ministerium facit Christus, & facit in patris iam gloria constitutus. Homo

calumniaris: est adhuc quod detulerit pati, qui tibi in terra lauando pedes extremum representauit obsequium, & repromittit in caelestibus nouissimam seruitutem. Ille tibi in caelestibus parat conuiuium, se ministro: & tu illi in terra non desinis continuas ingerere, & generare blasphemias. R. Iste est. 215. *Lect. viij.*

Faciet & ille transitus suos, quia transiens ministrabit illis: de dominatione ad fidelium suorum pia transiet, & magistrabit obsequia, ad te de misericordiae parte seuerissimum transibit in iudicem. Confitentibus, expectantibus ministrabis epulas, ministrabit & tibi, sed dignam de tua negatione sententiam. Si in secunda, & tertia vigilia venerit: vigilias mundus plures tres tantum vigilias nouit expectatio Trinitatis: quare tamen a secunda coepit, & tacuit primam; Quia prima iam vigilia in ortu Dominicae natiuitatis excesserat.

R. Sint lumbi. 215. *Lectio ix.*

Probant hoc Pastores, qui dum supra gregem suum vigilat, gregis ipsum pastorem in praesepio inueniunt, videre, tenere merentur, & auctorem: sed quae sit secunda, & tertia vigilia, requiramus. Sicut utique prima vigilia est sui ortus in carne, ita secunda est vigilia, qua nostra redit, & resuscitatur in carne. Denique vt ad resurgentem veniat, annus excicatur, & euigilat mundus. Tertia vigilia est illa, qua expectatio tota nouissimo venientis finitur aduentu: vt sicut ille resurrexit nobis, ita nos illi iam perpetuam resurgamus ad vitam. Te Deum.

I N D I E O C T A V A .

In tertio Nocturno.

Lectio sancti Euangelij secundum Lucam. *Lectio vii.*

IN illo tempore: Dixit Iesus discipulis suis: Sint lumbi vestri praecincti, &

& lucernæ ardentes in manibus vestris. Et reliqua.

Homilia S. Fulgentij Episcopi.

Ex Serm. de Confess.

Si iustum Domini sermonem secundum litteram velimus accipere, nihil in eo commodi spiritalis possumus inuenire: quid enim proficit ad animæ salutem, si aliquis corporaliter, aut lumbos præcingat, aut lucernam accendat? In lumbis itaque concupiscentia carnalis ostenditur, in lucernis verò fides, & charitas Christiana monstratur. Iubens igitur Dominus lumbos nostros præcingi; concupiscentias carnis sine dubio præcipit refrænari. Imperans autem, ut lucernas ardentes habeamus, hoc utique iubet, ut & lumine veræ fidei splendeamus, & sanctæ charitatis operibus ferueamus.

R. Iste est. 215. Lectio viij.

Ista, quæ de Euangelio proposuimus, cum prophetici sermonibus conferamus. Vtrumque enim testamentum Deus instituit, vnus Dominus dedit: etsi sunt vtriusque testamenti diuersa pro temporibus sacramenta; concordat tamen in vtroque salutis humanæ sententia, quæ præcipitur, ut non peccemus, & iubetur ut bonis operibus insistamus. Per Isaiam Dominus omnes his admonet verbis: Auferte malum cogitationum vestrarum ab oculis meis, quiescite peruersè agere, discite benefacere, quid est enim, sint lumbi vestri præcingenti, nisi quiescite agere peruersè? quid est sint lucernæ ardentes, nisi, discite benefacere?

R. Sint lumbi. 215. Lectio ix.

Præcinguntur enim fidelium lumbi, dum concupiscentia mala comprimitur, dum iniqua cogitatio cohibetur, dum libidini resistit animus, dum lasciuia denegatur affectus, dum

calcatur luxuria, dum auaritia contemnitur, & rapina, dum proximi læsio deuitatur, dum superbia vincitur, dum inuidia superatur. Ardent verò lucernæ fidelium, dum rectæ fidei regulam seruant, dum in sinu matris Ecclesiæ longanimiter perseuerant, dum terrena contemnunt, & celestia concupiscunt, dum solliciti panem custodiunt, dum se inuicem pure diligunt, dum mutuo se honore præueniunt, dum mansuetudine cordis, & humilitate proficiunt, dum misericordiæ opera libenter, atque hilariter faciunt, dumque in operibus bonis, non hominibus, sed Deo placere contendunt. Te Deum.

INFRA OCTAVAM CONFESS. NON PONTIFICIS.

Homilia in Euang. Luc. cap. 12.

Nolite timere pusillus grex, &c.
In die festo habetur Hom. Venerab. Bedæ. Pusillum gregem, &c. in Breuiar. in hoc eodem Communi.

SECUNDA DIE.

In tertio Nocturno.

Lectio sancti Euangelij secundum Lucam. Lectio vii. Cap. 12.

In illo tempore: Dixit Iesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

Homilia S. Fulgentij Episcopi.

Ex Serm. de Confess.

Si non omnes possunt implere, quod Dominus ait: Vendite, quæ possidetis: illud tamen, quod adiecit, dicens: Date eleemosynam, omnibus est possibile, si adsit bona voluntas; omnibus facile, si non adsit dira cupiditas; omnibus salubre, si ferueat charitas, cunctis debet esse commune, ut omnibus donetur æterna felicitas. Qui er-

go tantam virtutem accepit à Dño, vt omnia, quæ in mundo sunt, cœlestis regni amore contemnat, quæ habet vendat, & egenis expendat; qui verò tantę virtutis nōdum est, de his, quę habet, in quātum habet, eleemosynam faciat. *R.* Ille est. 215.

Lectio viij.

Perfectus possideat primū virtutis locum, imperfectus saltem perueniat ad secundū; efficiatur ille gloriosē dignus, sit iste laudabiliter largius, sit ille sanctę paupertatis ardentissimus amator, sit iste sanctorum pauperum piissimus cōsolator. Habeat iste apud Deum patronos pauperes, quos ille se gaudet virtutis habere consortes. Sit ille talis, qui cū Domino iudicaturus sedet; sit iste talis, qui ad dexteram iudicandus assistat: sit ille talis, qui æterna tabernacula perpetuo iure possideat; sit iste talis, quem ille recipiat.

R. Sint lumbi. 215.

Lectio ix.

Thesaurum nostrum, fratres, in cœlis ponamus; vt etiam cor nostrum in cœlis habere possimus. Necessē est enim, vt quō præcesserit dilectionis thesaurus, illuc etiam cogitationis sequatur affectus. Ideo veritas ait: Vbi enim thesaurus vester est, ibi & cor vestrum erit. Vt ergo in cœlis thesaurizemus, cœlestia diligamus. Vis nosse: vbi thesaurizas? attende, quid amas. Vis nosse, quid amas? attende, quid cogitas. Ita fiet, vt thesaurum tuum ex tuo amore cognoscas, & amorem tuum iudicio tuę cogitationis intelligas.

T e Deum.

T E R T I A D I E.

In tertio Nocturno.

Lectio sancti Euangelij secundū Lucam.

Lectio vii.

In illo tempore: Dixit Iesus discipulis suis: Nolite timere pusillus

grex, quia complacuit Patri vestro dare vobis regnum. Et reliqua.

Homilia Sancti Petri Chrysologi.

Ex Serm. 22.

Premia statuuntur ijs semper, quibus certamina dura proponuntur; ac pro magnitudine certaminis, premii proponitur magnitudo. Hinc est, quod discipulis suis Christus regnū ponit in premio, vt in certamine nō cedat periculis, non timori; pericula despicit, qui tēdit ad regnū: victorię cupidus nescit timere. Nolite timere, inquit, pusillus grex: quia complacuit Patri vestro dare vobis regnū. Grex pusillus mundo, magnus Deo: pusillus, quia gloriosos vocat eos, quos instituit ad ouium innocentia, & mansuetudinem Christianam.

R. Ille est. 215.

Lectio viij.

Adiecit, quid faciendum sit regnaturis; Vēdite, quæ possidetis. Non potest dominari omnibus, nisi is, qui propriis non tenetur, deiectę mentis est, qui familiaris rei meminit, cū vocatur ad regnum: iacēs animus plebeijs nummulum thesauris regalibus antepōnit: pauper sensus paruis incubans, perdit magna: & inhians temporalibus, deserit sempiterna. Homo, tali monitu Christus te ditare voluit, non nudare: manere tibi tua voluit, non perire, perpetuari, non vacuari sacculos imperauit, iussit te trāsferre, non perdere.

R. Sint lumbi. 215.

Lectio ix.

Plus cōsilio patris agit, quā iure dominātis: inter insidias latronum, & tinearum morsus quare tua recōdas, obiurgat: perugiles noctes, dies anxios, sollicita tempora, ne tibi ipse facias, commoneris. Auri custos, seruatur auri securitatem nō habet, nescit quietem, & cui deest securitas, quies perit, pēna diues est ille, nō censu. Thesaurum non deficentem

in

in cœlis, hoc est dicere: vbi ego sum, ibi ponite, date mihi: ego seruo. Homo, da patri, crede Deo, quia & heredi pater, & Deus homini creditum non negabit: tenere tua non potest, quia sua dedit. *T e Deum.*

Q V A R T A D I E.

In tertio Nocturno.

I. lectio sancti Evangelii secundum Lucam. *Lectio vii.*

IN illo tempore: Dixit Iesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

De Homilia sancti Petri Chrysolog.

Ex Serm. 23.

AVdistis hodie, quemadmodum Dominus pastoralis iubilo clāgorem tubæ cœlestis adiunxit, vt diu inclinatæ ouium mentes ad diuina tolleret, cœleste protinus promoueret ad regnū. Acquisiuit humilitas, superbia quod amisit: & grex pusillus, ac mitis totas, & varias edomuit propria mansuetudine feritates; pusillus grex vicit, ac fregit tot genera bestiarum, quot diuersitates subdidit iugo Christi nationum.

R. Iste est. 215. Lectio viij.

GRex pusillus, ac mitis diu contentus occidi, diu deuorari passus est, donec gentilis sæuitia sanguine satiata, vel carnibus, Evangelici pabuli suauitatem, & diuini fontis fluuenta degustans, totum contagium sæculi euitaret: & pestem: atque in hominem rediret bestia, qui ex homine fuerat dilapsus in bestia. Hoc sensisse ante propheta, hoc apostolos implese, hoc pertulisse martyres constat, attestante illo, qui dicit: Propter te mortificamur tota die, æstimati sumus vt oues occisionis. Vt verò iste grex noui ordinis aggrederetur prælum, vbi viuunt ille, qui fuit occisus, imitatus est

suum regem, illum secutus est agnum, qui sicut ouis ad occisionem ductus est. *R. Sint lumbi. 215.*

Lectio ix.

Tibi ergo Rex, tibi sacerdos, tibi pastor, tibi sacrificium, tibi ouis, tibi agnus, tibi totum factum est, qui fecerat totum. Et qui sibi numquam, tibi toties immutatur, propter te varias monstratur in formas, qui manet vnica suæ maiestatis in forma. Et quid plura? dat se tibi Deus homo, vt ferre potes, quia, vt est, tu non potes sustinere. *T e Deum.*

Q V I N T A D I E.

In tertio Nocturno.

I. lectio sancti Evangelii secundum Lucam. *Lectio vii.*

IN illo tempore: Dixit Iesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

De Homilia sancti Petri Chrysolog.

Sed audiamus iā, quid pusillo gregi talis promiserit pastor. Nolite timere, inquit, pusillus grex, quia complacuit Patri vestro dare vobis regnum. O bonitas effusa, O inaudita pietas. O ineffabilis affectio: in societate census pastor oues assumit, atque ad consortium dominationis seruos Dominus asciscit ad principatum regni, rex gregem populi totius admittit: Sic sic dat, cui deficere census, cui regnum minui, vacuari potestas non potest largiendo.

R. Iste est. 215. Lectio viij.

ECce, qui dat, dare loquitur Patrem; numquid largitatem suam denegat sic dicendo? Absit, non potestatem minuit, sed pandit affectum, sic dicendo: non distantiam facit, sed Patris, suamque voluntatem monstrat, firmat vnitatem. Quod autem dixit: Complacuit: & nō dixit placuit; munus edocet

cet Trinitatis: quia, quod erga nos Filio placuit, hoc complacuit Trinitati. & Sint lumbi. 215.

Lectio ix.

Post tantā ergo Dominus largitatem, post suam gratiā tibi copiosius collatam, abiecta, & vilia peculia seruitutis iubet abijcere regnaturum. Vendite, quæ possidetis, & date eleemosynam. Plebeium cultum regia non admittit potestas, augustinus honor non nisi diademate confertur, & purpura. Abijcere ergo debet habitum seruitutis, qui se regē credit diuinitus consecratum. Est consuetudinis, est animi felicitis, ut adscitus ad regnum, quod fuit proprium, quod priuatum, mox parētib, mox propinquis, ciuib, indigentibus, liberaliter prorogare, ne sit mendicis animo, qui censu functus, & honore. Te Deum.

S E X T A D I E.

In tertio Nocturno.

Lectio sancti Euangelij secundum Lucam.

Lectio vij.

In illo tempore: Dixit Iesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

De Homilia S. Petri Chrysologi.

Tali ergo prouidentia Dominus, cōsilio tali, vilia, & caduca, iubet ut vēdamus, ut largiamur, ut doneamus, qui in cōlesti regno omnia, quæ in cōlo, & quæ in terra sunt, volumus possidere; sed, si vis seruare tuorum pretia prædiorū, & sæculorum forte condita te delectant, fac tibi sacculos, quales ille præcepit, qui iam cupiditatis tuæ custos est, & prouisor. Denique, ut vidit, quod duriter dixit: Vendite quæ possidetis: mox adiecit: Facite vobis sacculos, qui non veterascunt, thesaurum non deficientem in cōlis.

& Ilte est. 215.

Lectio viij.

Iterum contristatus es: quia, quod habes, in cōlis cogeris collocare. Rogo, crede Deo tuo, qui seruo credis, & magis Deo, quam homini cōmenda, sed; si times, ne quid inde præsumat, ne quid dispergat pietas largitoris, fidei annulo sacculos tuos, custodi, ut tali custode dormias tu securus: quia, ubi ille est, ibi locus nullus est furi. Non poterit tibi tuam pecuniam denegare, qui tibi omnia sua contulit, qui te regni sui & honore ditauit, & gloria.

& Sint lumbi. 215.

Ex Serm. 25. circa fin.

Lectio ix.

Nouo modo, imò cōlesti modo, qui hunc audit, vendendo cōparat, recondit erogando, dum amittit, acquirit, quam cupit pecuniā perdurare, perpetuare sacculos diuitiarum, condita permanere, qui dicit: Facite vobis sacculos, qui non veterascunt: ecce docet auaritiā, qui cēperat suadere contemptum. Et qui thesaurizantes temporaliter arguebat, ad totum cupiditatis fomitem iubet sacculos sine fine perquiri: Christe, quō te pertrahis amor tuorum? ut avarum lucrifacis, facis eum, quod desiderat, non quod oportet, audire; sacculos imperas, ut avarus, dum consueta percurrit ad lucra, aut virtutem capiat, aut a virtute capietur. Te Deum.

S E P T I M A D I E.

In tertio Nocturno.

Lectio sancti Euangelij secundum Lucam.

Lectio vij.

In illo tempore: Dixit Iesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

De Homilia S. Petri Chrysologi.

Verē pater es, o Christe, qui cū tuis quibuscunque paruulis sic agis

agis. Namque & nos interdum nostris paruulis petētibus noxia, ingerimus salutaria sub specie noxiorum, fallentes insipientiam, non decipientes affectū. Dixisti: Facite vobis sacculos, qui non veterascunt. Sacculus cur paratur? quid ibi claustra, vbi ipsa custos est innocentia? ibi quid signaculum, vbi fraudis suspicio nō habetur? si & in cœlo sacculis opus est, cura non amittitur, sed mutatur.

R. Iste est. 215. *Lectio viij.*

Domine, tu vidisti, quia in thesauris tota fides, tota spes in sacculis sit auaris, & ideō imputribiles in cœlo sacculos vis parari, vt, qui te non sequitur ad cœlum, sequatur saltem sacculos suos. Auare, fac tibi sacculos, & fac iubente Deo: quia vortis tuis annuit diuina maiestas: sed fac tibi sacculos erogādo, quia quicquid pauper acceperit, Pater cœlestis suscipit: vbi recondit? in cœlo; & ne forte perdidisse te doleas vel vsuram centuplum in cœlesti fœnore recipiens, quicquid in cœlum pauper transmiseris perferente.

R. Sint lumbi. 215.

Lectio ix.

VSurā mundi centum ad vnum, Deus vnum accipit ad centum, & tamen homines cum Deo nolunt habere contractum: sunt forsitan de cautione solliciti? quare? nonne homo homini exiguæ chartulæ obligatione constringitur? Deus tot & tantis voluminibus cauet, & debitor non tenetur: sed dicis: esto quod debeas, quo exigente restituet? se ipso: quia non potest ille mentiri, idem ipse est & executor, & debitor. Non erit in reddendo durus, qui profusus est in largiendo: crede homo Deo, quod tibi Deus dedit, maiora reddere vult, cum vult debere largitor. Te Deum.

IN DIE OCTAUA.

In tertio Nocturno.

Lectio sancti Evangelij secundum Lucam.

Lectio vii.

In illo tempore: Dixit Iesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

Homilia Sancti Petri Chrylogoi.

Serm. 12. initio.

Hodie Dñs Evangelici gregis pusilla, & terrena primordia, quā blanda exhortatione sit cōsolatus, audistis. Aufert spes anxias, dubios tollit euentus, omnemque propellit, & excudit timorem, quando in exordio ipso regnum nascētibz pollicetur: quis de victu, quis de vestitu, quis de plebeio censu, & vernalis cespitis vilitate suspirat, de regno certus, de dominatione securus? satis sibi inuidet, qui eleuatus ad summa, ipse se ad humilia deicit, ad egena deponit.

R. Iste est. 215.

Lectio viij.

Sed scire conuenit, Pater iste quis est, vel qualis est, vel quod regnū suis filiis repromittit. Quis sit iste Pater, quotidie te confitente cognoscis, cum clamas: Pater noster, qui es in cœlis: qualis autem sit, ipsa operum magnitudine peruidisti, ex nihilo fecit cœlum, & terram solidauit ex liquido, montes statuit ad stateram, maria intra legitimos terminos sola præcepti auctoritate conclusit. Verū, si regni, quod promittit pusillis, desideras nosse qualitatem, ipse aperit, sic dicendo: Sinite paruulos venire ad me; talium est enim regnum cœlorum: esse in cœlo mirum est: in cœlo viuere est maiestatis.

R. Sint lumbi. 215.

Lectio ix.

Quid ergo cū terra illi, qui possidet cœlum; quid illi cum humanis, qui adeptus est iam diuina? nisi

nisi forte placent gemitus, oliguntur labores, amantur pericula, pessima mors delectat, & illata mala bonis sunt graviora collatis: sed videamus, quod dat Pater tantum consilium regnaturis. Vendite quæ possidetis, & date eleemosynam: si victuros vos, si regnatos, si vos iam diuites esse creditis in supernis, vbi futuri, quò migraturi, vbi regnaturi estis: vos illa, quæ vestra sunt, iam præcedant: opes miseras misericordia computate: quæ humana sunt, in diuina conuertite. T e Deum.

INFRA OCTAVAM CONFESS. NON PONTIFICIS.

Homilia in Euangel. Luc. cap. 19.

Homo quidam nobilis, &c.

IN DIE FESTO.

In tertio Nocturno.

Lectio sancti Euangelij secundum
Lucam. Lectio vij. Cap. 19.

In illo tempore: Dixit Iesus discipulis suis parabolam hanc: Homo quidam nobilis abiit in regionem longinquam accipere sibi regnum, & reuerti. Et reliqua.

De Homilia S. Ambrosij Episcopi.
in Luc. Lib. 8. cap. 19.

Bonus ordo, vt vocaturus Gentes, & Iudæos iussurus interfici, qui noluerunt regnare supra se Christum, hanc præmitteret comparisonem, ne diceretur, nihil dederat populo Iudæorum, vnde poterat melior fieri? vt quid ab eo, qui nihil recepit, exigitur? Non mediocris ista est mna, quam supra mulier Evangelica, quia non inuenit, lucernam accendit; lumine quærit admotò, gratulatur inuentam.

¶ Ille est. 215. Lectio vij.

DEniq; ex vna decem mnas alius fecit, alius quinque. Fortasse

iste moralia habet, quia quinque sũt corporis sēsus; ille duplicia, idest mystica legis, & moralia probitatis. Vnde & Matthæus quinque talenta, & duo talenta posuit. In quinque talentis, vt sint moralia in duobus vtrumque mysticum, atque morale, ita, quod numero inferius, re vberius.

¶ Sint lumbi. 215. Lectio ix.

EThic possumus decem mnas, decem verba intelligere, idest, legis doctrinam, quinque autem mnas magisteria disciplinæ; sed legisperitum in omnibus volo esse perfectum: non enim in sermone, sed in virtute est regnum Dei. Bene autem, quia de Iudæis dicit, duo soli multiplicatam pecuniam deferunt, non utique aris, sed dispensationis vsuris. Alia est enim pecuniæ fanebris, alia doctrinæ celestis vsura.

T e Deum.

SECUNDA DIE.

In tertio Nocturno.

Lectio sancti Euangelij secundum
Lucam. Lectio vij.

In illo tempore: Dixit Iesus discipulis suis parabolam hanc: Homo quidam nobilis abiit in regionem longinquam accipere sibi regnum, & reuerti. Et reliqua.

De Homilia S. Ambrosij Episcopi.

CUm dicit Dominus: quare non dedisti pecuniã meam ad mensam? nõ nostræ, sed suæ pecuniæ querit vsuram. Vnus in terra abscondisse se dicit, quod rationem, quæ ad imaginem, & similitudinem Dei data est nobis, studio voluptatis obruit, & tãquam in fouea carnis abscondit. De alijs siletur, qui quasi prodigi debitorum, quæ acceperant, perdidit. In duobus illis pauci sunt, qui per duas vices ad cultores vineæ destinati sũt, in reliquis omnes Iudæi.

¶ Ille est. 215.

Lectio viij.

Quam cōparationem Matthæus etiā nobis voluit aptare, quod similiter vt diues, qui pecuniam suā non impartit pauperibus, ita etiam, qui doctrinæ suę gratiam non diuidit imperitis, docere cū possit, haud mediocris reus est culpæ. De quo, quoniam in libris de fide scriptis diximus, transcurrere melius fuerit.

R. Sint lumbi. 215. Lectio ix.

Ciuitates autem quinq; esse quæ possunt, nisi forte animæ, quibus iure præponitur, qui pecuniam Dominus, & illa eloquia casta, probata sicut argentum mentibus hominum sœnerauerit? Nam sicut Ierusalem dicitur ædificata sicut ciuitas, ita sunt animæ pacificę; & sicut Angeli præfunt, ita & ij, qui vitam meruerint Angelorum.

T e Deum.

T E R T I A D I E.

Intertio Nocturno.

Lectio sancti Euangelij secundum Lucam.

Lectio vij.

In illo tempore: Dixit Iesus discipulis suis parabolam hanc: Homo quidam nobilis abiit in regionem longinquam accipere sibi regnum, & reuerti. Et reliqua.

Homilia venerabilis Bedæ Presbyt.

Ex Comm. in Luc. Lib. 9. c. 78.

Homo nobilis ille est, cui cæcus supra clamabat: Fili David, miserere mei: longinqua regio Ecclesia est ex gentibus. De qua eidem homini nobili, qui loquitur; Ego autem constitutus sum Rex ab eo, dicitur à Patre: Postula à me, & dabo tibi gentes hereditatem tuam, & possessionem tuam terminos terræ; quæ videlicet hæreditas, ac possessio bifaria ratione regio longinqua vocatur: vel quia à finibus terræ clamat ad Dominum: vel quia longè est à

Octau. Rom.

peccatoribus salus, & cū Deus ubi que sit præfens, longè tamen ab eorum sensu, qui idola colunt, Deus verus abest.

R. Iste est. 215.

Lectio viij.

Vocatis autem decem seruis suis. Denarius numerus ad legem pertinet propter Decalogum. Vocat itaque paterfamilias decem seruos, quia eligit discipulos per litteram legis imbutos. Dat illis decem minas, quia legis dicta spiritaliter intelligenda reuelat: post passionem quippe, resurrectionemque suam aperuit illis sensum, vt intelligerent scripturas. Mina namque, quam Græci mnam vocant, centum drachmis appenditur; & omnis scripturæ sermo, quia vitæ cælestis perfectionem suggerit, quasi numeri centenarij pondere fulgescit.

R. Sint lumbi. 215.

Lectio ix.

Negotiamini, dum venio. Verba (inquit) legis, ac prophetarum mystica interpretatione discussa populis offerte, atque ab eis fide cōfessionem, morumque probitatē recipite. Iuxta quod Psalmista suis auditoribus præcipit, dicens: Sumite psalmum, & date tympanum. Hoc est, laudē prædicationis in cordis intentione percipite, & deuotionem operis in carnis castigatione redhibere. Tympanū quippe est pellis in ligno extenta. Pellis verò in ligno extenta, caro est nostra ad exemplum Domine: Crucis afflicta. T e Deum.

Q V A R T A D I E.

Intertio Nocturno.

Lectio sancti Euangelij secundum Lucam.

Lectio vij.

In illo tempore: Dixit Iesus discipulis suis parabolam hanc: Homo quidam nobilis abiit in regionem longinquam accipere sibi regnum, & reuerti. Et reliqua.

P

De

De Homilia venerab. Bedæ Presbyt.

Clues autem eius oderant illum: ciues, impios Iudeos dicit, de quibus alibi protestatur; Nunc autē & viderunt, & oderunt & me & patrem meum, qui non solum præfatem usque ad mortem crucem oderat, sed etiam post resurrectionem eius miserunt persecutionem Apostolis, & prædicationē regni cœlestis spreuerunt. Et factum est vt rediret accepto regno: Significat tempus, quando in manifestissima, & eminentissima claritate venturus est, qui eis humilis apparuit, cum diceret: Regnū meum non est de hoc mundo.

R. Iste est. 215.

Lectio viij.

Et iussit vocari seruos, vt sciret, quantum quisque negotiatus esset. Vt sciret, inquit, non quod eum quid lateat, cui verissimē dictum est: Domine, tu omnia scis; sed, sciret, dicit; scire omnes faceret: tunc enim omnium opera, & cogitationes palam omnibus ostenduntur, quomodo in Deuteronomio: Tentat, inquit, vos Dominus Deus vester, vt sciat, si diligitis eum: hoc est; scire faciat. Nemo sanē arbitretur, eos solummodo, quibus gratia prædicandi data est, non autem & eos quibus prædicatum est, ad iudicium tunc esse, vocandos: ipsi sunt enim pecunia, quā boni serui acquirere mercando.

R. Sint lumbi. 215.

Lectio ix.

Venit autem primus. Primus seruus ordo doctorum est in circumcisionem missorum, qui vnam minam negotiatus accepit, quia vnum Dominum, vnam fidem, vnū baptisma, vnum Deū prædicare iussus est: sed hæc eadem mina decem minas acquisiuit, quia populum sub lege constitutum sibi met docendo sociavit, & ait illi: Euge serue bone: in medico seruus est fidelis, qui non

adulterat verbum Dei, sed sicut ex Deo, coram Deo in Christo loquitur. Te Deum.

Q V I N T A D I E.

In tertio Nocturno.

Lectio sancti Euangelij secundum

Lucam.

Lectio vij.

In illo tempore: Dixit Iesus discipulis suis parabolam hanc: Homo quidam nobilis abiit in regionem longinquam accipere sibi regnum, & reuerti. Et reliqua.

De Homilia venerabilis Bedæ Presb.

Et alter venit dicens: Seruus iste cœtus est eorum, qui præputio Euangelizare missi sunt, cui Dominus ad prædicandum eunti vnam minam, hoc est, vnam, eandemque fidem, quæ & circumcisioni credita est, præstiterat, sed hæc quinque minas fecit, quia gentes corporis sensibus antea mancipatas, ad fidei Euangelicę gratiam conuertit: & huic ait: Et tu esto supra quinque ciuitates, hoc est, ex earum, quas imbueras, animarum fide, & conuersione, magnus, sublimisque fulgeto. De quibus mysticē dicit Isaias: In die illa erunt quinque ciuitates in terra Ægypti, loquentes lingua Chanaam.

R. Iste est. 215.

Lectio viii.

O Vinque enim ciuitates in terra Ægypti, quinque sunt corporis sensus, quibus in hoc mundo utimur, videlicet visus, auditus, gustus, olfactus, & tactus; & qui viderit mulierem ad concupiscendam eam; qui auertit aures suas, ne audiat pauperem; qui inebriatus vino; qui coronare se gaudet rosis, antequam marcescant; cuius sanguine plenæ manus, & dextera est repleta muneribus, huius quinque ciuitates loquuntur lingua Ægypti, id est, vniuersi sensus faciunt opera tenebrarum. R. Sint lumbi. 215.

Lectio ix.

AT, qui obturat aures, ne audiat sanguinem, & claudit oculos suos, ne videat malum; qui gustat, & videt, quam suavis est Dominus; qui castigat corpus suum, & seruituti subijcit; qui potest dicere cum Apostolo : Christi bonus odor sumus Deo, huius ciuitates loquuntur lingua mutata, quod interpretatur Chanaam. Et qui eas à tenebris docendo commutauerat, rectè quinque ciuitatibus præfici memoratur.

T e Deum.

S E X T A D I E.

In tertio Nocturno.

Lectio sancti Euangelij secundum Lucam.

Lectio vij.

IN illo tempore : Dixit Iesus discipulis suis parabolam hanc : Homo quidam nobilis abiit in regionem longinquam accipere sibi regnum, & reuerti. Et reliqua.

De Homilia venerabilis Bedæ Presb.

Seruus, qui negotiari iussus acceptam Domini pecuniam in sudario reposuit, ostendit eos, qui ad prædicandum idonei, prædicationis officium, iubente Domino per Ecclesiam, vel saltem suscipere vel suscepium dignè gerere detrectant. Pecuniam quippe in sudario ligare, est percepta dona sub otio lenti corporis abscondere : sunt enim homines, hac sibi peruersitate blandientes, vt dicant, sufficit vt de se vnusquisque rationem reddat.

R. Iste est. 215.

Lectio viij.

Seruus nequam vocatur, quia & piger, & desidens est ad exercendum negotium; & procax, & superbus ad accusandum Domini iudicium. Quod putauerat se pro excusatione dixisse, in culpam propriam vertitur. Si, inquit, durum, & crudelem esse me noueras, & aliena secta-

ri, ibique metere, vbi non seuerim; quare non tibi istiusmodi cogitatio incussit timorem, vt scires, me mea diligentius quæsiturum, & dares pecuniam meam ad mensam.

R. Sint lumbi. 215. Lectio ix.

Pecunia ergo, & argentum, prædicatio Euangelij est, & sermo diuinus, qui dari debuit ad mensam, hoc est, promptis, paratisque fidelium cordibus intimari. Ad quam videlicet mensam, idest, mentem auditorum, non alia, quàm dominica est deferenda pecunia, vt omnis sermo docentis scripturæ sensum sequatur. Nam, quod hic Dominus, non quamlibet pecuniam, sed suam, dicit, numularij esse scenerandam, exponit Apostolus dicens : si quis loquitur, quasi sermones Dei. I e Deum.

S E P T I M A D I E.

In tertio Nocturno.

Lectio sancti Euangelij secundum Lucam.

Lectio vij.

IN illo tempore : Dixit Iesus discipulis suis parabolam hanc : Homo quidam nobilis abiit in regionem longinquam accipere sibi regnum, & reuerti. Et reliqua.

De Homilia venerab. Bedæ Presbyt.

Qui verbi pecuniam à doctore percipit, emitque credendo, necesse est, vt eam cum usuris soluat operando, vt, quod auditu didicit, exequatur & actu. In usura quippe pecunia etià non data recipitur. Vel certè de accepto verbi scenore usuras soluit, qui ex eo, quod audit, etiam alia studet intelligere, quæ nec dum ex prædicatoris ore didicit. Rectè autem amittit collatam gratiam, quàm prædicando alijs communicare neglexit, vt ei augeatur, qui inde laborauit.

R. Iste est. 215.

Lectio viij.

Quod verò ablata à nequâ seruo mna ei, qui decem mnas

P 2 ha-

habebat, dari iussa est; mysticè, vt reor, indicat, intrante plenitudine gentium, nomen Israel saluum futurum, & tunc abundantiam gratiæ spiritualis, quam modò nos tepenter exercemus, illius populi doctoribus esse conferendam. Dico autem vobis, quia omni habenti dabitur, & abundauit; ab eo autem, qui non habet & quod habet, auferetur ab eo. Hæc ad superiora sententia respicit, docens & illum posse amittere munus Dei, qui habens non habet; idest, non utitur; & in eo augeri, qui habens habet, hoc est, bene utitur. Quæ gratiarum mutatio, quoniam in hac vita geri solet, notandum, quòd illud Domini redeuntis examen etiam nunc ex parte celebratum, sed tunc est vniuersaliter implendum.

R. Sint lumbi vestri. 215.

Lectio ix.

Verum vniuersali manifestato iudicio, quod dictu quoque terribile est, multi qui ad docendum videbantur idonei, ob negligentia suæ noxam inter indoctos reputabuntur. At alij simpliciores fratres, & elementorum penitus ignari, ob conuersationis tamen eximie deuotionem inter Apostolicos doctores præmia summa percipient: qui enim recipit prophetam in nomine prophetæ, mercedem prophetæ accipiet.

T e Deum laudamus.

IN DIE OCTAUA.

In tertio Nocturno.

Lectio sancti Euangelij secundum Lucam.

Lectio vij.

In illo tempore: Dixit Iesus discipulis suis parabolam hanc: Homo quidam nobilis abiit in regionem longinquam accipere sibi regnum, & reuerti. Et reliqua.

Homilia S. Augustini Episcopi.

Lib. 2. quæst. Euang. quæst. 46.

Regio longinqua Ecclesia gentium, vique ad fines terræ. Reuerti se tamen dicit: abiit enim, vt plenitudo gentium intraret: reuertetur, vt omnis Israel saluus fiat. Per decem mnas significat propter decalogum. Decem autem seruos, quibus sub illa positæ gratia prædicata est. Sic enim intelligendum est, eis datas mnas ad vsum, cum intellexerunt eam ipsam legem remoto velamine, ad Euangelium pertinere: ciues eius, qui post eum miserunt legationem, dicentes se nolle vt regnet sibi, Iudæi sunt, qui prædicationem Euangelij respuerunt.

R. Iste est. 215.

Lectio viij.

Quòd autem serui reddentes rationem ex eo, quod acceperant, laudatur, quia lucrati sunt; significat eos bonam reddere rationem, qui bene vfi sunt eo, quod acceperunt ad augendas diuitias Domini, per eos, qui credunt in eum, quod qui facere nolunt, in illo significati sunt, qui mnas suas in sudario seruauit. Mensam, cui danda erat pecunia, professionem ipsam religionis accipimus, quæ tamquam publicè proponitur ad vsum necessarium salutis.

R. Sint lumbi. 215.

Lectio ix.

Quòd autem vnus eorum, qui bene vfi sunt, decem acquisiuit, & alter quinque significat eos esse acquisitos in gregem Dei, à quibus ipsa lex per gratiam intellecta est: ad hoc pertinet, & decem, & quinque ciuitates, quibus eos præponit. Multiplicatio enim intelligentiæ in ipsa varietate ad vnum redacta, quasi ciuitatem facit viuientium rationum æternarum: est enim ciuitas non quorumlibet animantium, sed rationalium multitudo, legis vnus societas deuineta. *T e Deum.*

IN.

INFRA OCTAVAM ABBATVM.

Homilia in Euangel. Matth. cap. 19.

Ecce nos reliquimus, &c.

IN DIE FESTO.

In tertio Nocturno.

Lectio sancti Euangelij secundum
Matthæum. Lect. vij. Cap. 19.

IN illo tempore: Dixit Petrus ad
Iesum: Ecce nos reliquimus omnia, & secuti sumus te: quid ergo erit nobis? Et reliqua.

Homilia S. Hieronymi Presbyt.

Lib. 3. in Matth.

GRandis fiducia: Petrus piscator erat, diues non fuerat, cibos manu, & arte quærebat: & tamen loquitur confidenter, Reliquimus omnia. Et quia non sufficit tantum relinquere, iungit, quod perfectum est: Et secuti sumus te. Fecimus quod iussisti: quid igitur dabis nobis præmij? Iesus autem dixit illis: Amē dico vobis: quod vos, qui secuti estis me, in regeneratione, cum sederit Filius hominis in sede maiestatis suæ, sedebitis & vos super sedes duodecim, iudicantes duodecim tribus Israel. Non dixit: Qui reliquistis omnia: hoc enim & Crates fecit philosophus, & multi alij diuitias contempserunt: sed, Qui secuti estis me: quod proprium Apostolorum est, atque credentium.

& Ille est. 215.

Lectio viij.

IN regeneratione, cum sederit Filius hominis in sede maiestatis suæ, quando & mortui de corruptione resurgent incorrupti, sedebitis & vos in solijs iudicantium, condemnantes duodecim tribus Israel: quia vobis credentibus, illi credere noluerunt. Et omnis, qui reliquerit domum, vel fratres, aut so-

rores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit. Locus iste cum illa sententia congruit, in qua Saluator loquitur: Non veni pacem mittere, sed gladium. Veni enim separare hominem a patre suo, & filiam a matre, & nurum a socru; & inimici hominis domestici eius. Qui ergo propter fidem Christi, & prædicationem Euangelij, omnes carnales affectus contempserint, & diuitias, atque sæculi voluptates, isti centuplum recipient, & vitam æternam possidebunt.

R. Sint lumbi. 215. Lectio ix.

EX occasione huius sententiæ quidam introducunt mille annos post resurrectionem, dicentes, tunc nobis centuplum omnium rerum, quas dimisimus, & vitam æternam esse reddendam; non intelligentes, quod, si in ceteris digna sit retributio, in vxoribus appareat turpitudine: vt qui vnam pro Deo dimiserit, centum recipiat in futuro. Sensus igitur iste est: Qui carnalia pro Salvatore dimiserit, spiritualia recipiet: quæ comparatione, & merito sui ita erunt, quasi si paruo numero centenarius numerus comparetur. Te Deum.

SECUNDA DIE.

In tertio Nocturno.

Lectio sancti Euangelij secundum
Matthæum. Lectio vij.

IN illo tempore: Dixit Petrus ad Iesum: Ecce nos reliquimus omnia, & secuti sumus te: quid ergo erit nobis? Et reliqua.

Homilia venerab. Bedæ Presbyteri.

Homil. in nat. S. Benedicti.

Perfectus ille est, qui abiens vedit omnia, quæ habet, & dat pauperibus, ac veniens sequitur Christum

habet enim thesaurum non deficientem in coelis. Vnde bene interrogante Petro, dixit talibus Iesus: Amen dico vobis, quod vos, qui secuti estis me, in regeneratione, cum sederit Filius hominis in sede maiestatis sue, sedebitis & vos super sedes duodecim, iudicantes duodecim tribus Israel. In hac quippe vita pro eius nomine laborantes, in alia præmium sperare docuit: id est, in regeneratione, cum videlicet in vitam immortalem fuerimus resurgendo regenerati: qui in vitam caducam mortaliter eramus geniti.

℞. Iste est. 215.

Lectio viij.

ET iusta prorsus retributio, ut, qui hic pro Christo humanæ gloriæ celsitudinis neglexerunt; illic à Christo iudices glorificati singulariter cum eo assideant, qui à sequendis eius vestigijs nulla ratione poterant auelli. Nemo autem putet, duodecim tantum Apostolos, quia pro Iuda præuaticante Mathias electus est, tunc esse iudicaturos; sicut nec duodecim solæ sunt tribus Israel iudicandæ: alioquin tribus Leui, quæ tertiadecima est, iniudicata recedet.

℞. Sint lumbi. 215.

Lectio ix.

ET Paulus, qui tertiusdecimus est Apostolus, iudicandi forte priuabitur, cum ipse dicat: Nescitis quoniam angelos iudicabimus, quanto magis secularia? Sciendum namque est, omnes, qui ad exemplum Apostolorum sua reliquerunt omnia, & secuti sunt Christum, iudices cum eo venturos sicut etiam omne mortalium genus esse iudicandum. Quia enim duodenario sæpè numero solet in scripturis vniuersitas designari: per duodecim sedes Apostolorum, omnium vniuersitas iudicantium; & per duodecim tribus Israel, vniuer-

sitas eorum, qui iudicandi sunt, ostenditur. Te Deum.

TERTIA DIE.

In tertia Nocturno.

Lectio sancti Euangelij secundum Matthæum.

Lectio vij.

In illo tempore: Dixit Petrus ad Iesum: Ecce nos reliquimus omnia, & secuti sumus te: quid ergo erit nobis? Et reliqua.

De Homilia venerab. Bedæ Presbyt.

Dvo sunt ordines electorum in iudicio futuri: vnus iudicantiū cum Domino, de quibus hoc loco memorat, qui reliquerunt omnia, & secuti sunt illum: alius iudicandorum à Domino, qui non quidem omnia sua pariter reliquerunt, sed de his tamen, quæ habebant, quotidianas dare elemosynas Christi pauperibus curabant: vnde & audituri sunt in iudicio: Venite benedicti Patris mei, possidete præparatum vobis regnum à constitutione mundi. Esuriui enim & dedistis mihi manducare; sitiui, & dedistis mihi bibere.

℞. Iste est. 215.

Lectio viij.

Sed & reproborum duos ibi futuros ordines Domino narrante comperimus: vnum eorum, qui fidei Christianæ mysterijs initiati, opera fidei exercere contemnunt, quibus in iudicio testatur: Discedite à me maledicti in ignem æternū, qui præparatus est diabolo, & angeli eius: esuriui enim, & non dedistis mihi manducare. Alterū eorum, qui fidem, & mysteria Christi vel nunquam susceperunt, vel suscepta per apostasiam deseruere, de quibus dicit: Qui autem non credit, iam iudicatus est: quia non credit in nomine vniigeniti Filij Dei. ℞. Sint lumbi. 215.

Lectio ix.

Verum his cum timore, & pauore debito paulisper commemoratis

ratis, ad latissima potius Domini, & Saluatoris nostri promissa conuertamus auditum. Videamus, quæ tantæ gratiæ pietatis: non æternæ tantummodò vitæ præmia suis sequacibus, & presentis munera pollicetur eximia. Et omnis, inquit, qui reliquerit domum, vel fratres, aut sorores, aut patrem, aut matrem, aut vxorem, aut filios, aut agros propter nomen meum centuplum accipiet, & vitam æternam possidebit. Qui enim terrenis affectibus, siue possessionibus, pro Christi discipulatu renūciauerit, quod plus in eius amorem profecerit, eò plures inueniet, qui se interno suscipere affectu, & suis gaudeant sustentare substantijs. *De Deum.*

Q V A R T A D I E.

In tertio Nocturno.

Lectio sancti Euangelij secundum Matthæum. *Lectio vij.*

IN illo tempore: Dixit Petrus ad Iesum: Ecce nos reliquimus omnia, & secuti sumus te: quid ergo erit nobis? Et reliqua.

Homilia S. Ioannis Chrysostomi.
Homil. 7. in cap. 2. ad Rom. circa finem.

SI centuplum hic non recipimus, nos ipsi in causa sumus, qui mutuum nō damus illi, qui tantum reddeere potest. Dic enim, quæso, quid magni dedit Petrus, nonne rete scissum tātum, & calamum, & hamum? verum vicissim illi Deus vniuersior. bis domos aperuit, terramque simul & mare patefecit, deditque, vt omnes illum in sua vocarent? imò, quæ sua erant, venderent, & ad illius pedes afferrent, ne in manus quidem tradentes pecuniam; neque enim id audebant, tantum illi honorem vna cum munificentia tribuebant.

Re. Ille est. 215.

Lectio viij.

Dices; at ille Petrus erat; quid tu? ò bone? Non ista Petro

tantum promissa sunt: neq; enim dixit; Tu verò, ò Petre, centuplum accipies solus: sed quisquis reliquerit domos, aut fratres, centuplum accipiet: personarum siquidem differentiam non cognoscit, sed rectè facta, magis pensat: gratiam enim habet Deus, & cū nobis debet, & cum soluit: aspicit autem creditores suos libentius, quàm eos, qui nihil mutuo dederunt: quibus verò plura debent, eos, & plus diligit. Quamobrem si perpetuam cum illo amicitiam inire vis, vide, vt multum tibi debeat.

Re. Sint lumbi. 215.

Lectio ix.

NEque enim perinde delectabitur suis debitoribus creditor, atque Christus creditoribus: fugit enim, quibus nihil debet: quibus verò debet, ad hos potissimum accurrit: omnem igitur lapidem mouentes, curemus Christum debitorem habere. Hoc enim presens tempus scenerandi tempus est. Nunc scilicet in indigentia Christus constitutus est; si iam illi nihil das mutuo, tuorum certè, cū hinc discesseris, nihilo opus habebit: hic enim sitit, hic esurit: caue igitur, illum ne despicias. *De Deum.*

Q V I N T A D I E.

In tertio Nocturno.

Lectio sancti Euangelij secundum Matthæum. *Lectio vij.*

IN illo tempore: Dixit Petrus ad Iesum: Ecce nos reliquimus omnia, & secuti sumus te: quid ergo erit nobis? Et reliqua.

Homilia Sancti Ambrosij Episcopi.

In Psal. 118. serm. 8. post init.

ECCE nos omnia dereliquimus, & secuti sumus te; hoc est, non quæsiuimus quæ sæculi sunt; non quæsiuimus partem de possessionibus, sed te elegimus portionem: Reliquisti ergo omnia, Petre, quæ ha-

bebas, unde habes, quod habere te dicis? Surgit claudus, & sono tui sermonis erigitur. Sanitatem alijs donas, qui indigebas ipse tuæ salutis auxilio. Reliquisti ergo quæ habebas, & cepisti quæ non habebas. Christus tibi portio, Christus tibi possessio est: illius nomen tibi muniticum, illius nomen tibi est fructuosum, illius nomen tibi tributa dependit, & bona tributa, non pecunia, sed gratia.

℞. Iste est. 215.

Lectio viij.

Q Vicumque reliquerit patrem, aut matrem, domum, aut fratres, aut forores, centuplum accipiet in hoc sæculo, & vitam æternam possidebit. Multos quidem in hoc sæculo, qui sua pauperibus donauerunt, vberiore thesauro locupletatos fuisse cognouimus: est pulcherrimus locus, ut etiam ad misericordiam pro uocentur; sed non debent à Domino sæcularem huiusmodi exigere mercedem, nec sperare quæ mundi sunt: sed magis ea qua ijs, qui omnia reliquerint, Deus portio est. Ipse est utique merces perfecta virtutum, qui non centupli enumeratione, sed perfectæ plenitudinis æstimatione censetur. Ego, inquit, Deus tuus sum: non dixit, ero; sed iam sum, iam in habito, iam possideo.

℞. Sint lumbi. 215.

Lectio ix.

H Abes homo inter multa proposita etiam huiusmodi portionem: proposuit tibi Dominus in portione possessiones, in portione aurum, in portione argenteum, in portione honores, in portione nobilitatem: proposuit etiam in portione seipsum. Habes igitur plurimas portiones, elige quam putas: non te numerus perturbet, sed excitet gratia: non te labor auertat, sed fructus inuitet, te Deum.

S E X T A D I E.

In tertio Nocturno.

Lectio sancti Euangelii secundum Mattheum.

Lectio vij.

I N illo tempore: Dixit Petrus ad Iesum: Ecce nos reliquimus omnia, & secuti sumus te: quid ergo erit nobis? Et reliqua.

Homilia Sancti Hilarij Episcopi.

Canon. 20.

A Postoli dictis Domini hæc reddunt: reliquisse se omnia, & cū ipso esse: quibus Dominus, cum sederit in maiestatis suæ sede, sessuros super sedes duodecim, ac totidē tribus Israel iudicaturos spopondit: omnibusq; qui vniuersa reliquerint propter nomen eius, fructum centupli præmij reseruatum. Multos autē ex nouissimis primos futuros, & ex primis futuros nouissimos: multa sunt, quæ non sinunt nos simpliciter intellectu dicta Euangelica suscipere.

℞. Iste est. 215.

Lectio viij.

I Nterpositis nonnullis rebus, quæ ex natura humani sensus sibi contraria sunt, rationem querere cœlestis intelligentiæ admonemur. Apostoli dicunt, & sequi se Christum, & se omnia reliquisse. Quomodo igitur sunt tristes, & quomodo metuunt dicentes, saluum esse neminem posse? namq; & ab alijs fieri poterat, si quid fecissent ipsi. Deinde cum fecissent, quare metus, vel unde susceptus est? Additur etiam in responsione Domini, hæc apud homines impossibilia, possibilia apud Deum: numquid apud hominem impossibilia erunt, quæ & Apostoli fecisse se gloriantur, & fecisse eos Dominus agnoscit?

℞. Sint lumbi. 215.

Lectio ix.

O Mnis itaq; hic sermo est spiritalis: quid autem Dei virtuti tam possibile est, quā, ut per fidē saluet? ut per eā regeneret? ut per crucem

cē vincat? vt per Euangeliā adoptet? vt resurrectionē ex morte viuificet, quibus auditis Apostoli citō credūt? seseque omnia reliquissē profitentur. Sed hanc eorum obedientiam citō Dominus remuneratur, omnē difficultatem superioris quæstionis absoluens, cum dicit: Vos, qui secuti estis me, in regeneratione iudicabitur duodecim tribus Israel. Hęc enim illa regeneratio est, quam Apostoli sunt secuti, quam lex indulgere non potuit, quæ eos super duodecim thronos in iudicandis duodecim tribus Israel, in duodecim patriarcharum gloria copulauit. **I**e Deū.

SEPTIMA DIE.

In tertio Nocturno.

Lectio sancti Euangelij secundum Matthæum. *Lectio vii.*

IN illo tempore: Dixit Petrus ad Iesum: Ecce nos reliquimus omnia, & secuti sumus te: quid ergo erit nobis? Et reliqua.

Homilia S. Bernardi Abbatis.

ARbitror verba lectionis huius ea esse, de quibus ad immortalem sp̄sum à finibus terrę clamat Ecclesia: Propter verba labiorum tuorum ego custodiui vias duras. Hęc nempe sunt verba, quę contemptum mundi in vniuerso mundo, & voluntariam persuasere hominibus paupertatem. Hęc sunt, quę monachis claustra replent, deserta anachoretis. Hęc, inquam, sunt verba, quæ Ægyptum spoliant, & optima quęque eius vasa diripiunt. Hic sermo viuus, & efficax conuertens animas felici æmulatione sanctitatis, & veritatis promissione fideli.

R. Ille est. 215.

Lectio viij

NAm & mundus transit, & concupiscentia eius, & relinquere hæc magis expedit, quam relinquere. Ecce, inquit, reliquimus omnia, &

secuti sumus te: nimirum, quia exultauit vt gigas ad currendam viam, nec currentem sequi poterat oneratus, sed nec inutilis commutatio, pro eo, qui super omnia est, omnia reliquissē; nam & simul cum eo donantur omnia, & vbi apprehenderis eū, erit vnus ipse omnia in omnibus, qui pro ipso omnia reliquerunt; omnia sanē dixerim, non tantū possessiones, sed etiā cupiditates, & eas maximē.

R. Sint lumbi. 215. *Lectio ix.*

Petrus cogitatū suum iactans in Dño, & omnē solitudinē suam in eum proiciēs, certus, quod illi foret cura de eo, reliquit omnia, secutus est Dominū, ne interrogans quidem de præmio, donec ex periculo diuitum, quod Saluator prosequabatur, fumeret occasionem percunctandi: quid ergo erit nobis? Ait illi Iesus: Amen dico vobis. Verbū confirmationis præmittitur, magnum noueris esse, quod sequitur. In regeneratione sedebitis & vos: consequemini, ait, quem sequimini; vt cum ipse sederit, & vos pariter fedeat. O sessio! quis mihi tribuat, vt dignis exprimā verbis, quod de sessione hac cordis affectione cōcipio? imō quis tribuat mihi sessionis huius imperturbata frui requie, quam desidero, quam cupio, quam requiro? Te Deum.

IN DIE OCTAUA.

In tertio Nocturno.

Lectio sancti Euangelij secundum Matthæum. *Lectio vii.*

IN illo tempore: Dixit Petrus ad Iesum: Ecce nos reliquimus omnia, & secuti sumus te: quid ergo erit nobis? Et reliqua.

De Homilia S. Bernardi Abbatis.

ECce enim dixi, nihil in me sedet, cuncta in motu sunt, omnia nutant, fluctuāt vniuersa. Postremo, vbi cōcupiscit adhuc caro aduersus spiritum,

ritum, spiritus aduersus carnem; quidnam hominis sedere videtur. Iam quidem sedet Filius hominis in sede maiestatis: si quidem ascendens in cœlum sedet a dextris Dei: sed cū sederit, dictum est, hoc est, cū apparuerit sedens, sicut Apostolus ait: cū enim Christus apparuerit vita vestra, tunc & vos apparebitis cum illo in gloria: quid gloriosius? Iudicet nunc, & præiudicet superbæ filijs, cum rege suo sedeant, qui sibi latera aquilonis elegit: transibimus, & ecce non erunt. *Re. Iste est.* 215. *Lect. viii.*

In sedibus enim quies imperturbata est, in iudicio dignitatis eminetia cōmendatur. Quis verò secularis honor excogitari potest, qui non prorsus in tantę sublimitatis comparatione vilescat? Non vnus si quidē ciuitatis, aut populi, seu regionis vnus, sed vniuersitatis iudices habent præsidere cum Christo. Nec solū homines, sed & ipsos Angelos iudicabunt, qui parentem ad modicum vaporem præsentis gloriæ dedignant, & exufflantes, impropertiū Christi vniuersis præferūt titulis dignitatū. *Re. Sint lumbi.* 215. *Lectio ix.*

Illud ego vehementius arbitror admirandum, quod fideles magis in maximo, quā in modico videamini: non enim difficile est ei dare centuplum in præsentī, qui daturus est vitam æternam in futuro. Sed quomodo, inquit, possunt hæc fieri? qua ratione accipit centuplum, qui nihil sibi relinquit ex omnibus? Mira nouitas, sed eius, qui noua facit omnia. Iugū tollēs, inuenit requiē, relinquēs omnia, cētuplū habet. Nouerat hoc & ille, qui loquebatur in Psalmo: Nūquid adheret tibi sedes iniquitatis, qui fingis laborē in præcepto? An nō fictus in præcepto labor, onus leue, suauē iugū, crux inūcta. *Tē Deū.*

INFRA OCTAVAM VIRGINVM.

SECUNDA DIE.

In secundo Nocturno.

Tres Lect. S. Ambrosij. Quoniam hodie Natalis, &c. vt in Breu. de Comuni Virg. Quod si lectæ sint in die festo, legantur sequentes.

Sermo venerabilis Bedæ Presbyteri.

Lectio iij.

Quā lato sinu de prælio reuerentes ciuitas cœlestis excepit, de hoste prostrato trophæa ferentibus occurrit, cum triumphantibus viris, & femine veniunt, quæ cum sæculo sexum quoque vicerunt, & geminata gloria militię, virgines cum pueris teneros annos virtutibus transeunt: sed & cætera fidelium turba aula perpetuæ regiam intrabit: qui sinceritatem fidei, inconcusis præceptorum cœlestium disciplinis, vnita pace obseruauerunt.

*Re. Propter veritatem, & mansuetudinem, & iusticiam: * Et deducet te mirabiliter dextera tua. V. Specie tua, & pulchritudine tua, intende, prosperē procede, & regna. Et deducet.*

Lectio v.

Ergo agite nūc fratres, aggrediamur iter vite, reuertamur ad ciuitatem cœlestem, in qua scripti sumus, & ciues decreti. Nō sumus hospites, sed ciues sanctorum, & domestici Dei, etiam illius hæredes, coheredes autem Christi. Huius nobis vrbis ianuas aperiet fortitudo: & fiducia lætum præbebit ingressum. Consideremus ergo inclytam vrbis illius felicitatem, in quantum considerare possibile est: vt enim verē est, comprehendere nullus sermo sufficiet. *Re. Dilexisti iusticiam, & odisti iniquitatem: * Propterea vniuit te Deus Deus tuus oleo lætitiæ.*

V. Pro-

¶ Propter veritatē, & mansuetudinē, & iustitiam. Propterea. *Lect. vj.*

Dicitur de ea in quodam loco sic: Quod aufugiet ibi dolor, & tristitia, & gemitus. Quid hac vita beatius, vbi non est paupertatis metus, non egritudinis imbecillitas? Nemo lædatur, irascitur nemo, nemo inuidet. Cupiditas nulla exardescit, nullum cibi desiderium, nulla honoris pulsatio, aut potestatis ambitio. Nullus ibi diaboli metus, insidiarum demonum nulla, terror gehennarum procul. Mors ibi neque corporis, neque animarum erit, sed immortalitatis munere vita iucunda. R. Afferrentur Regi virgines post eam proximæ eius, * Afferrentur tibi in lætitia, & exultatione. ¶ Specie tua, & pulchritudine tua, intende, prosperè procede, & regna. Afferrentur. Gloria Patri. Afferrentur.

TERTIA DIE.

In secundo Nocturno.

De Serm. S. Ambrosij Episcopi. *Lib. 1. de virg. ante med. Lectio iv.*

Ego licet laudationem non susceperim virginittis: sed expressionem ad rem tamen pertinere arbitror, ut quæ sit ei patria, quis auctor appareat. Ac prius, vbi sit patria, definiamus. Si enim ibi est patria, vbi genitale domiciliū: in cælo profectò est patria castitatis: itaque hic aduena, ibi incolæ est: Quid autem est castitas virginalis, nisi expers contagionis integritas? atque eius auctorem, quem possumus existimare nisi immaculatum Dei Filium, cuius caro non vidit corruptionem, diuinitatis non est experta contagionem?

R. Propter. 234. *Lectio v.*

Videte igitur, quanta virginittis merita sint. Christus ante virginem, Christus ex virgine: a Patre quidem natus ante sæcula, sed ex virgi-

ne natus ob sæcula. Illud naturæ suæ, hoc nostræ vtilitatis est: illud erat semper, hoc esse voluit: spectate aliud virginittis meritum, Christus Virgo virginis sponsus, & si dici potest. Christus virginæ castitatis. Virginittis enim Christi, non virginittis est Christus. Virgo est ergo, quæ nupsit, virgo, quæ nos suo vtero portauit, virgo quæ genuit, virgo quæ proprio lacte nutriuit, sed iam a matre descendamus ad filias.

R. Dilexisti. 234.

Lectio vi.

De virginibus, inquit Apostolus, præceptum Domini non habeo, Si Doctor gentium non habuit, habere, quis potuit? & præceptum quidem non habuit, sed habuit exemplum. Non enim imperari potest virginittas, sed optari. Nam, quæ supra nos sunt, in voto magis, quam in magisterio sunt, sed volo vos, inquit, sine sollicitudine esse: nam, qui sine vxore est, sollicitus est, quæ Domini sunt, quomodo placeat Deo. Et virgo cogitat, quæ Domini sunt, ut sit sancta corpore, & spiritu. Non ego quidem dissuadeo matrimonium; sed virginittatis attexo beneficium.

R. Afferrentur. 235.

QUARTA DIE.

In secundo Nocturno.

Sermō S. Maximi Episcopi. *In Nat. S. Agnetis. Lectio iv.*

Cum in toto mundo virgineus flos Mariæ immarcescibiles coronas innectat, & sceptigeram pudoris aulā immaculato conseruet affectu, eousq; integritas perseuerauerit ad palmam, ut in puellis trophæum sanctitatis arriperet, & per vestigia matris virginis ad cœlestem thalamum perueniret. O quā imitabile virginibus: virgo. N. tu amoris tradidisti exemplum. O quā sanctum pectoribus dandum virginei tribuisti respon-

sponsum contemnendo mundi diuitias, execrâdo carnis concupiscências, & solam Christi pulchritudinē adamando. Accedite ad puellam puellæ, & discite, quales in pectore suo circa amorem Christi flammam accendit. Discite virgines Christi amorem in ea seruientem, & omnes mundi diuitias velut stercora recusantem.

R. Propter. 234. Lectio v.

Ideo enim sanctorum per litteras traduntur exempla, vt vnusquisq; pro qualitate sexus, modum sui propositi teneat, & sicut per virginem virgines, ita, per coniugem coniuges vincere sæculum pro Christi amore studeant, ac repugnatione animi, mûdi dulcia recusantes, & eius non recusantes austerâ, ad delectationes perpetuas, & ad gaudia æterna pertingat. Hæc dicentes, non vituperamus coniugum castâ commercia; sed virginum perseuerantiam adoramus. Non enim virginitas malis rebus superponenda est, sed est rebus optimis præferenda; quæ enim mundis mundior, & sanctis est sanctior, non indiget malarum rerum vituperatione laudari.

R. Dilexisti. 234. Lectio vj.

Veni iam virgo ad thalamum, quem quæristi, vt sponsam te virginitas immaculata comprobet Christi. Felix caterua virginum, quibus studium est tuæ sequi confessionis vestigia. Habebant enim tecum coronam in cœlo, quæ tecum superauerunt inimicum in mundo. Nam, sicut tibi vestigia prosequenti participatio æternæ remunerationis apparuit; ita eiste imitantibus æterna credimus gaudia non neganda. Itaque ô splendida Christo Dei Filio, & omnibus Angelis, atque Archangelis grata, vt nostri meminisse digneris, quibus possumus precibus

exoramus: vt nobis ille tribuat indulgentiam, qui tibi tuorum omnium laborum tradidit palmam.

R. Afferentur. 235.

Q V I N T A D I E.

In secundo Nocturno.

Tres Lect. S. Cypriani. **Nunc nobis ad Virgines, &c.** vt in Breu. de Comuni Virg. Quod si lectæ sunt in die festo, sumantur Lect. Bedæ. **Quam læto sinu, ex secunda die supra. 234.**

S E X T A D I E.

In secundo Nocturno.

Sermo S. Augustini Episcopi.

De S. Virginit. cap. 2.

Lectio iij.

Cvm vniuersa Ecclesia virgo sit desponsata vni viro Christo, sicut dicit Apostolus, quâto digna sūt honore membra eius, quæ hoc custodiunt, etiam in ipsa carne: quod tota custodit in fide, quæ imitatur matrem viri, & Domini sui; nam Ecclesia quoque, & virgo, & mater est: cuius enim integritatis consulimus, si virgo non est? Aut cuius prolem alloquimur, si mater non est? Maria corporaliter caput huius corporis peperit, Ecclesia spiritualiter membra illius capitis parit, in vtraque; virginitas fecunditatem non impedit, in vtraque fecunditas virginitatem non adimit.

R. Propter. 234. Lectio v. Cap. 13.

Virginalis autem integritas, & per piâ continentiam ab omni concubitu immunitas, angelica portio, est in carne corruptibili incorruptionis perpetuæ meditatio. Cedat huic omnis fecunditas carnis, omnis pudicitia coniugalis; illa nō est in potestate, illa non est in æternitate. Fecunditatē carnalem non habet liberū arbitrium, pudicitiam coniugale nō habet cælum. Professio habebunt magnum aliquid præter ceteros in illa communi immortalitate, qui habent ali-

aliquid iam non carnis in carne.

R. Dilexisti. 234. Lect. vij. Cap. 27.

Sequimini Agnum, quocumque ierit, scripsit ille de vobis. Quò ire putamus hunc Agnum? quò nemo eum sequi vel audeat, vel valeat, nisi vos virgines? Quò putamus eum ire? in quo saltus, & prata? ubi, credo sūt grandia gaudia; nec gaudia, qualia in ipso regno Dei. ceteris nō virginibus erunt, sed à cætorum omniū gaudiorum sorte distincta. Gaudium Virginum Christi est, de Christo, in Christo, cum Christo, post Christū, per Christum, propter Christum. Gaudia propria virginum Christi nō sunt eadem non virginum, quamuis Christi: nam sunt alijs alia, sed nullis talia. Ite in hæc, sequimini Agnum, quia & Agni caro vtique virgo. Sequimini virginitate cordis, & carnis quocumq; ierit, quid est eum sequi, nisi imitari? R. Afferentur. 235.

SEPTIMA DIE.

In secundo Nocturno.

Sermo Sancti Fulgentij Episcopi.
Epist. 3. ad Probum cap. 4. Lectio iv.

Tam magnum Deus voluit esse bonum virginitatis, vt illud non aliunde, sed ex vocabulo dignaretur nominare virtutis. Virginis itaque si quis velit diligenter considerare vocabulū, ex virtutis inueniet nomine deriuatum. Virgo enim dicitur, quasi virago. Viraginem verò scriptura sancta non ob aliud vocatam dicit, nisi, quia de viro sumpta est. Dixitq; Adam: Hoc nunc os ex ossibus meis, & caro de carne mea. Hęc vocabitur virago, quoniam de viro sumpta est: Itaque cum virginis nomen ex nomine viri descenderit, quis dubitet, quòd vir à virtute vocatus sit?

R. Propter. 234. Lectio v.

Et quia, sicut Paulus docet, illa omnia in figura facta sūt nostri,

profecō in illa virgine; quæ ex viri fiebat costa, futura iam tunc præfigurabatur Ecclesia, quæ verè de viro sumpta, & de quo sumpta illi coniuncta, inde habet in virtute virtutem, vnde habet verum viraginis nomen. Propter quod hanc viraginem idest, virginē, quæ de viro sumpta est, non solum virginis, sed etiam viri nomine Paulus non dubitat appellare; ait enim fidelibus: Despondi enim vos vni viro virginem castam exhibere Christo. Christus est quippe vir, de quo hæc virgo sumpta est.

R. Dilexisti. 234. Lectio vj.

Typicè itaque à viro dicitur virginis vocabulum, quia nomen à Christo dicitur Christianum. Christus enim Dei virtus est, & Dei sapientia, ex quo est Ecclesia, quæ virgo in fide, & charitate persistens; & sapientiam possidet, & virtutem. Quæ cum in diuersis membris suis habeat donationes, secundum gratiam, quæ data est ei, differentem, maiorem tamen gratiam donationis in illis membris accepit, in quibus ita spiritaliter virgo discitur, vt etiam corporeæ virginitatis integritate potiatur: in his enim, in quibus sic fidera custodit rectam, vt etiam carnem ab omni concubitu referuet intactam, quantò pleniorē habet virginitatem, tantò plenius, & perfectius eiusdem virginitatis possidet nomen.

R. Afferentur. 235.

IN DIE OCTAVA.

In secundo Nocturno.

De Epistola S. Hieronymi Presbyt. ad Eustochium.

De cunct. virg. Tom. I. Lectio iv.

DE Virginibus, inquit Apostolus, præceptū Domini non habeo, cur? quia & ipse vt esset virgo, non fuit imperij, sed propriæ voluntatis:

neq;

neque enim audiendi sunt, qui cum uxorem habuisse configunt: cum de continentia differens, & suadens perpetuam castitatem, intulerit; Volo autem omnes esse sicut me ipsum: Et infra: Dico autem innuptis, & viduis: Bonum est illis, si sic permaneant, sicut & ego. Quare ergo non habet Domini de virginitate præceptum? quia maioris est mercedis, quod non cogitur, & offertur: quia si fuisset virginitas imperata, nuptiæ viderentur ablatæ: & durissimum erat contra naturam cogere, Angelorumque vitam ab hominibus extorquere. *R.* Propter. 234.

Lectio v.

Alia fuit in veteri lege felicitas: ubi dicitur beatus, qui habet semē in Sion, & domesticos in Ierusalem, & maledicta sterilis, quæ non pariebat: Et Filij tui sicut nouellæ oliuarum in circuitu mensæ tuæ. Vacuus erat orbis, & vt de typicis taceā sola erat benedictio liberorum. Propterea & Abraham iam senex Cethuræ copulatur, & Iacob mandragoris redimitur, & conclusam vuluam in Ecclesiæ figuram Rachel conqueritur. Paulatim verò crescente segete, messor immissus est. Virgo Elias, Elisæus virgo, virginis multi filij prophetarum. Ieremiæ dicitur; & tu ne accipias uxorem. Sanctificatus in vtero, captiuitate propinqua, uxorem prohibetur accipere. Alijs verbis id ipsum Apostolus loquitur; Existimo hoc bonum esse propter instantem necessitatem: quæ est ista necessitas, quæ aufert gaudia nuptiarum? Tempus breuiatum est. In proximo est Nabuchodonosor.

R. Dilexisti. 234.

Lectio vj.

Inueniebatur ergo, vt diximus, in vitis tantum hoc continentia bo-

num, & in doloribus iugiter Euæ parturiebat. Postquam verò virgo concepit in vtero, & peperit in nobis puerum, cuius principatus in humeros eius, Deum fortem; patrem futuri sæculi; soluta maledictio est: mors per Euam, vita per Mariam. Ideoque & ditiuss virginitatis donum fluxit in fœminas, quia cœpit a fœmina: statim vt Filius Dei ingressus est super terram, nouam sibi familiam instituit, qui ab Angelis adorabatur in cœlo, haberet Angelos & in terris. Tunc Holofernis caput Iudith continens amputauit. Tunc Aman, qui interpretatur iniquitas, suo combustus est igni. Tunc primum auditum est: Quæ non est nupta, cogitat quæ sunt Domini, vt sit sancta corpore, & spiritu.

R. Afferentur. 235.

INFRA OCTAVAM VIRGINVM.

Homilia in Euangel. Mart. cap. 23.

Simile est Regnum cœlorum
decem virginibus, &c.

In die festo habetur Homil. Sancti Gregor. Sæpè vos fratres, &c. in Brev. in hoc eodem Comuni.

SECUNDA DIE.

In tertio Nocturno.

Lectio sancti Euangelij secundum
Lucam. Lectio vij. *[Cap. 25.]*

In illo tempore: Dixit Iesus discipulis suis parabolam hanc: Simile erit regnum cœlorum decem virginibus: quæ accipientes lampades suas exierunt obuiam sponso, & sponse. Et reliqua.

De Homilia S. Gregorij Papæ.

Homilia 12. in Euangelia.

Notandum verò, quod omnes lampades habent; sed omnes oleum non habent, quia plerumque bona

bona in se operā cum electis & probis ostendunt, sed soli ad sponsum cū oleo veniūt, qui de his, quę foris egerint, intus gloriam requirunt: Vnde per Psalmistam quoque de sancta electorum Ecclesia dicitur: Omnis gloria eius filij regis ab intus. Dormitauerunt omnes, & dormierunt. Dormire mori est. Ante somnum verò dormire, est ante mortem a salute languescere: quia per pondus ægritudinis peruenitur ad somnum mortis. *R. Hęc est. infra. 244.*

Lectio viij.

Quid est autem, quòd fatuæ a prudentibus oleum petunt, nisi quòd in aduentu iudicis, cū se intus vacuas inuenerint, testimoniū foris quarunt? Ac si a fiducia deceptę proximi dicant: Quia nos quasi sine opere repelli conspexitis, dicite de nostris operibus, quid vidistis. Vnde & prudentes per increpationem subdunt: Ite potius ad vendētes, & emite vobis. Vēditores quippe olei adlatores sunt. De quo profectò oleo Psalmista dicit: Oleum autem peccatoris nō impinguet caput meum. *R. Media. infra. 244.*

Lectio ix.

O Si sapere in cordis palato possit, quid admirationis habet, quod dicitur; Venit sponsus? quid dulcedinis: Intrauerunt cum eo ad nuptias? Quid amaritudinis? Et clausa est ianua? Pensate, fratres charissimi, ante conspectum tanti iudicis, qui in illo die terror erit, quando iam in pœna remedium non erit. Quanta verò tunc erit electorum lætitia, qui de eius merentur visione gaudere, de cuius cōspectu vident & elementa omnia contremiscere, cum eo simul ad nuptias intrare? Qui & in sponsi nuptijs gaudent, & tamen ipsi sunt sponsa, quia

in illo æterni regis thalamo visioni nostrę Deus coniungitur.

T e Deum laudamus.

T E R T I A D I E.

In tertio Nocturno.

Lectio sancti Euangelij secundum Matthæum. Lectio vii.

In illo tempore: Dixit Iesus discipulis suis parabolam hęc: Simile erit regnum cœlorum decem virginibus: quę accipiētes lampades suas exierunt obuiam sponso, & sponsę, Et reliqua.

Homilia Sancti Hieronymi Presb. lib. 4. In Matt. cap. 25.

Hanc parabolam quidam simpliciter in virginibus interpretantur; quarum alię, iuxta Apostolorum, & corpore, & mente sunt virgines; alię virginitatem tantum corporum reseruantes, vel cetera opera non habent proposito suo similia; vel parentum custodia reseruata, nihilominus mente nupserunt, sed mihi videtur ex superioribus alius sensus esse, qui dicitur, & non ad virginalia corpora, sed ad omne hominum genus comparatio pertinere. *R. Hęc est. infra. 244.*

Lectio x.

O Vi idcirco omnes virgines appellantur: quia gloriantur in vnius Dei notitia, & mēs eorum idolatrię turbine non constupratur. Oleum habent Virgines, quę iuxta fidem, & operibus adornantur: non habent oleum, quę videntur simili quidem fide Dominum confiteri, sed virtutum opera negligunt. Possimus quinque virgines sapientes, & stultas quinque sensus interpretari, quorum alii festinant ad cœlestia, & superna desiderant: alii terrenis fœcibus inhiantes somenta non habent veritatis, quibus sua corda illuminant.

R. Media. infra. 244.

Lectio ix.

Dicamus aliquod, quod forsitan lectori vtile sit. Traditio Iudæorum est, Christum media nocte venturum in similitudinem Ægyptij temporis, quando Pascha celebratum est, & exterminator venit: vnde reor, & traditionem Apostolicam permansisse, vt in die vigiliarum Pasche ante noctis dimidium populum dimittere non liceat, expectantes aduentum Christi, & postquam illud tempus transierit securitate presumpta, festum cunctos agere diem. Tunc surrexerunt omnes virgines illæ: quæ lampades suas queruntur extingui, ostendunt eas ex parte lucere: & tamen non habent lumen indeficiens, nec opera perpetua.

Ie Deum laudamus.

Q V A R T A D I E

INTERIO. NOCTURNO.

Lectio sancti Euangelii secundum Matthæum.

Lectio vii.

In illo tempore: Dixit Iesus discipulis suis parabolam hanc: Simile erit regnum cælorum decem Virginitibus, quæ accipientes lampades suas exierunt obuiam sponso, & sponsæ. Et reliqua.

Homilia S. Ioannis Chrysostomi.

Homil. 79. in Matth. post init.

Ovâ ob causam in persona Virginum hæc parabolam profert, nec qualemcumque personam sine discrimine subiicit? Magna quædam de Virginitate disseruerat, dicens: Sunt eunuchi, qui se ipsos castrauerunt propter regnum cælorum: &, **Q**ui potest capere, capiat. Nec ignorabat, de Virginitate magnam esse vulgo existimationem, quippè cum sit ea res natura sublimis; quod inde pater, quia neq; in veteri Testamentum à priscis illis, sanctisque viris culta fuit, in nouo nulla legis necessitate,

iubetur: non enim id imperauit, sed fidelium voluntati permisit. Vnde & Paulus ait: De virginibus autem præceptum Domini non habeo, & laudo quidem eum, qui hoc secutat institutum, nolentem autem non cogere, neque eam rem præceptum facio. **Hæc est, infra. 244.**

Lectio viij.

Quoniam igitur, & magna res erat, ac de ea apud multos magna erat existimatio; ne quis, ea perfecta, se totum perfecisse putaret, ac cetera negligeret, hæc parabolam posuit, vt ostenderet virginitatem, quamuis cetera habeat, si misericordiarum bonis caruerit, cum fornicatoribus eijci. Ac meritò quidem inhumanum, ac misericordia carentem cum illis collocat. Fornicator enim corporum, istæ verò pecuniarum cupiditate vincuntur. Non est autem corporum & pecuniæ par cupiditas: seu acrior multò, atque vehementior illa corporum est. Quantò igitur cum imbecilliore luctantur, tantò minus venia dignæ sunt, si vincantur. Idcirco etiam fatuas appellauit: quoniam maiori certamine superato in feciliore totum perdiderunt. **R. Media. infra. 244.**

Lectio ix.

Lampades autem hoc loco illud ipsam virginitatis donum appellat, & sanctimonie puritatem: oleum verò benignitatem, eleemosynâ, impensum indigentibus auxilium. Tardante autem sponso, dormitauerunt omnes, & dormierunt. Non paruum temporis rursus spatium interiectum ostendit, vt discipulos regnum ipsius mox futurum expectantes, ab ea opinione deduceret: id enim illi sperabât: quia propter crebrum ab huiusmodi eos spe reuocat. Ad hoc, illud quoque indicat, somnum quendam esse mor-

mortem: Dormierunt, inquit, media autem nocte clamor factus est, vel, vt in eadem parabola persistat, vel rursus ostendit, in nocte futuram esse resurrectionem. Clamorem etiam Paulus commemorat, dicens: In iussu, in voce Archangeli in nouissima tuba descendet de cælo. Te Deum.

Q V I N T A D I E.

In tertio Nocturno.

Lectio sancti Euangelij secundum Mattheum.

Lectio vii.

IN illo tempore: Dixit Iesus discipulis suis parabolam hanc: Simile erit regnum cælorum decem virginibus: quæ accipientes lampades suas exierunt obuiam sponso, & sponsæ. Et reliqua.

Homilia S. Ioannis Chrysostomi.

Post ingentes labores, post incredibiles sudores, & accerrimas pugnas, post trophæa, & de naturæ rabie statuerunt, resurgunt cum dedecore, & lampadibus earum extinctis, terra aspicientes recedunt. Nihil sanè tenebrosū est, quàm virginitas oleo carens: vnde sic vulgò multi misericordes tenebrosos solent appellare, quid igitur ex virginitate lucrata sunt, quæ nec sponsum quidem viderunt, nec saltem ad pulsandum vsque peruenerunt, sed terribile illud verbum audiuere: Abite, nescio vos?

R. Hæc est. infra. 244. Lectio vii.

OVod cum ipse dixerit, nihil aliud, quàm gehenna, & intolerabilis cruciatus relinquitur: imò verò etiam, gehenna, istud verbum grauius est: hoc verbum operantibus etiam iniquitatem dixit. Vigilate, quia nescitis diem, neque horam: crebro id repetit, vt ignorantiam exitus ab hac vita vilem esse ostendat. Vbi sunt ergo qui per totam vitam desidia torpescunt, & quando

Octau. Rom.

à nobis admonentur, respondere non dubitant, omnia se pauperibus moriendi tempore relicturos.

R. Media. 244.

Lectio ix.

AVdiant hæc verba, & emendent se: multi enim abundi tempus expectantes, ita repente rapti sunt, vt nec iniungere suis quicquam potuerint. Sed hæc quidem parabola eius eleemosynæ gratia, quæ dū pecunia conficitur dicta est. Cur autem hæc parabola sponsum adducit? Vt videas, quantum virginibus Christus afficitur ijs, quæ sua pauperibus erogant: hæc enim & vera virginitas est. Nam & Paulus huic rei hanc descriptionem attribuit, dicens: Innupta sollicita est de ijs, quæ Domini sunt, vt sit sancta corpore, & spiritu.

Te Deum.

S E X T A D I E.

In tertio Nocturno.

Lectio sancti Euangelij secundum Mattheum.

Lectio vii.

IN illo tempore: Dixit Iesus discipulis suis parabolam hanc: Simile erit regnum cælorum decem Virginibus: quæ accipientes lampades suas, exierunt obuiam sponso, & sponsæ. Et reliqua.

Homilia Sancti Augusti. Episcopi.

Ser. 23. de verb. Dom. post init.

Intelligamus, charissimi, ad omnes nos, id est, ad vniuersam omninò Ecclesiam istam pertinere parabolā, non ad solos præpositos, nec ad solas plebes, sed prorsus ad omnes. Quinque istæ, & quinque virgines illæ, omnes omninò sunt animæ Christianorum. Sed vt dicamus vobis quod Deo inspirante sentimus; Non qualescumque animæ, sed tales animæ, quæ habent catholicam fidem, & habere videtur bona opera in Ecclesia Dei: & tamē ex ipsis quinque sunt prudentes, & quinque fatuæ. R. Hæc est, infra. 244.

Q. Lc.

Lectio viij.

QVare ergo appellatae sunt quinque; & quare virgines, prius vi, deamus. Omnis anima in corpore, ideo quinario numero censetur: quia quinque sensibus utitur. Qui ergo se abstinet ab illicito visu, ab illicito auditu, ab illicito odoratu, ab illicito gustatu, ab illicito tactu, propter ipsam integritatem, virginis nomen accipit. Sed si bonum est, abstinere ab illicitis sentiendi motibus, & ideo vnaequeque anima Christiana virginis nomen accipit: quare quinque admittuntur, quinque autem repelluntur? *Re. Media. infra. 244. Lectio ix.*

ET virgines sunt, & repelluntur. Parum est, quia virgines proprias lampades habent. Virgines propter abstinentiam ab illicitis sensibus lampades habent propter opera bona. De quibus operibus Dominus dicit: Luceant opera vestra coram hominibus. Item discipulis dicit, Sint lumbi vestri accincti, & lucernae ardentes. In lumbis accinctis virginitas, in lucernis ardentibus opera bona. Si ergo ab illicitis abstinentia bona est, unde virginitas nomen accipit, & opera bona laudabilia sunt, quae significantur lampadibus: quare quinque admittuntur, & quinque repelluntur. *T e Deum.*

S E P T I M A D I E.

In tertio Nocturno.

Lectio sancti Evangelij secundum Matthaeum. *Lectio vij.*

In illo tempore: Dixit Iesus discipulis suis parabolam hanc: Simile erit regnum caelorum decem Virginitibus: quae accipientes lampades suas exierunt obviam sponso, & sponsae. Et reliqua.

De Homilia S. Augustini Episcopi. *Lias dixit prudentes, alias stultas. Unde inquamur? unde di-*

*scernimus? De oleo. Aliquid magnū significat oleum, & valde magnum. Putas non charitas est? Querendo dicimus, non sententiam precipitamus. Unde mihi videatur oleū charitatem significare, dicam vobis. Apostolus dicit: Adhuc supereminentem vobis viam demonstro. Si linguis hominum, loquar, & angelorum, charitatem autem non habeam, factus sum aëramentum sonans, aut cymbalum tinniens: Ipsa est supereminens via: id est, charitas, quae merito oleo significatur. Omnibus enim humoribus oleū supereminet. *Re. Hec est. infra. 244. Lect. viij.**

Quid ergo fratres? Iam disceptamus de quinque virginibus prudentibus, & quinque fatuis. Voluerunt obviam ire sponso, corde ire, expectare eius aduentum. Sed ille tardabat. Dum tardat ille, dormierunt omnes. Quid est somnus iste? Ne forte tardante sponso, quoniam abundat iniquitas, refrigescit charitas multorum. Succine intellecturi sumus istum somnum: Non mihi placet: dico quare? quia sunt ibi prudentes: Et utique quando dixit Dominus. Refrigescit charitas multorum, subiicit, & ait: Qui autem perseveravit usque in finem, hic salvus erit. Non ergo eis obrepit frigus castitatis, non in eis refriguit charitas, sed feruet usque in fine.

Re. Media. infra. 244. Lectio ix.

Et alius somnus, quem nemo evadit. Non recordamini Apostolum dicentem, De dormientibus autem nolo vos ignorare, fratres: id est, de his, qui mortui sunt? Fatua sit virgo, prudens sit virgo, somnum mortis omnes patiuntur. Ad novissimam turbam surgent omnes. Prudentes autem ille tulerunt oleum secum in vasis suis: stultae vero ille non tulerunt.

tulerunt oleum secum. Ibi oleum, magnum oleum. De dono Dei est hoc oleum. Tu ergo tecum porta, intus porta. Vbi videt Deus, ibi porta testimonium conscientie tue. Qui autem ambulat ad testimonium alienum, oleum non portat secum.

T e Deum.

IN DIE OCTAVA.

In tertio Nocturno.

Lectio sancti Evangelij secundum Matthæum.

Lectio vij.

IN illo tempore: Dixit Iesus discipulis suis parabolam hanc: Simile erit regnum cœlorum decem Virginibus: quę accipientes lampades suas exierunt obuiam sponso, & sponse. Et reliqua.

De Homilia S. Augustini Episcopi.

Intendat itaque charitas vestra. Sapientium lampades ardebant de oleo æterno, de conscientie securitate, de interiore gloria, de intima charitate. Ardebant tamen, & illarum fatuarum. Quare tunc ardebant? Quia non deerant laudes hominum. Postea verò quā surrexerunt, id est, in resurrectione a mortuis, cœperunt aptare lampades suas, id est, parare Deo, operum suorum reddere rationem. Et quia tunc nemo est, qui laudet, omnis hominis causę suę vacat; nō erant, qui oleum venderent, cœperunt deficere lampades. & Hęc est, infra. 244.

Lectio viij.

Clausum est ostium. Et quid illis dictum est? Non noui vos. Non illas nouit, qui omnia nouit? Quid ergo est, Non noui vos? Improbo vos, reprobo vos. In arte mea non vos agnosco, ars mea nescit vitia, & iudicat vitia, nescit faciendo, iudicat arguendo. Sic ergo non noui vos. Ierunt, intrauerunt quinque prudentes. Sint in vobis quinque.

prudentes ad istam prudentiam quinarij numeri pertinentes. Veniet enim hora, & quando nescimus, veniet. Sic clausit Euangelium: Vigilate, quia nescitis diem, neque horam. & Media. infra. 244.

Lectio ix.

Corde vigila, fide vigila, spe vigila, charitate vigila, operibus vigila: & quando corpore dormiueris, veniet tempus, vt surgas. Cum autem surrexeris, præpara lampades. Tunc non extinguantur, tunc interiore conscientie oleo vegetentur: tunc sponsus ille incorporeis nexibus amplectatur, tunc te introducat in domum, vbi numquam dormias, vbi numquam possit tua lampas extinguui. Hodie verò laboramus, & lampades nostrę inter vêtos sæculi huius, tentationesque fluctuāt: sed ardeat in rubore flamma nostra, vt ventus tentationis augeat ignem potius, quā extinguat.

T e Deum.

Infra Octauam Virginum in tertio Noct. habentur etiā Hom. in Euāg. Matth. 13. Simile est regnum cœlorum thesauro, &c. posite in Comm. Oct. Martyr. non Virg. infra. 253.

Sed secunda die infra Oct. si virgo, de qua fit Officium, non sit Martyr: vel si sint plures Martyr. omittis Oct. & Nona Lect. ibi positis, leguntur duę alię, quę sequuntur.

INFRA OCTAVAM VIRGINVM

Homilia in Euangel. Matth. cap. 19.

Accesserunt ad Iesum Pharisei, &c.

In die festo habetur Hom. S. Ioannis Chrysost. Dominus noster, quia, &c. in Breviar. de Comuni Virg.

SECUNDA DIE.

In tertio Nocturno.

Q 2 L

Lectio sancti Evangelij secundum Mattheum. *Lect. vij. Cap. 19.*

In illo tempore: Accesserunt ad Iesum Pharisei tentantes eum, & dicentes: Si licet homini dimittere uxorem suam, quacumque ex causa? Et reliqua.

Homilia S. Ioannis Chrysostomi. *Hom. 32. in Matth. 19. circa fin.*

Non omnes capiunt verbum istud; sed quibus datum est. Non dixit, non omnes possunt, sed non omnes capiunt; id est, omnes quidem capere possunt, sed non tamen omnes capere volunt. Palma proposita est, qui concupiscit gloriam, non cogitat de labore. Nemo vinceret, si omnes periculum pugnae timerent. Ex eo quod quidam non possunt, & a proposito continentiae cadunt, non debemus circa virtutem castitatis fieri pigriores: si enim quidam in pugna cadentes non exanimant ceteros: rem non applicant pugnae, sed homini: quanto magis nos cadentium negligentiae imputare debemus. non difficultati virginitatis?

R. Hæc est virgo sapiens, quam Dominus vigilantem inuenit, quæ acceptis lampadibus sumpsit secum oleum: * Et veniente Domino, introiuit cum eo ad nuptias.

V. Media nocte clamor factus est, ecce sponsus venit, exite obuiam ei. Et veniente.

Lectio vij.

Quod autem dicitur: Quibus datum est: non hoc significat, quoniam quibusdam datur, quibusdam non datur: sed illud ostendit, quia nisi auxilium gratiae accipiamus, nihil ex nobis valeamus. Quoniam autem volentibus gratia non denegatur, in Evangelio Dominus dicit: Petite, & dabitur vobis; querite, & inuenietis; pulsate & aperietur vobis. Debet autem voluntas præce-

dere, & sic sequitur gratiam. Nam nec gratia sine voluntate aliquid operatur, nec voluntas sine gratia potest. Nam, & terra non germinat, nisi pluvias susceperit, nec pluvia fructificat sine terra.

R. Media nocte clamor factus est: * Ecce sponsus venit, exite obuiam ei.

V. Prudentes virgines aptate vestras lampades. Ecce.

Gloria Patri. Ecce. *Lectio ix.*

Si ex quacumque causa contigerit homini uxorem non habere, an continentiae habebit mercedem? Non semper: sicut enim peccatum sine voluntate opus non facit; ita iustitia ex opere non consummatur, nisi voluntas adfuerit. Multi enim corpore quidem castitati student, adulterium autem voluntate committunt. Illa est gloriosa continentia, non quam transgredi non potest necessitas debilitatis corporis, sed quam complectitur voluntas sancti. propositi: idèd dicit: Sunt eunuchi, qui sic nascuntur: sunt eunuchi, qui ab hominibus fiunt: sed illos tenet necessitas; hunc autem tertium coronat voluntas. **T**e Deum.

T E R T I A D I E.

In tertio Nocturno.

Lectio sancti Evangelij secundum Mattheum. *Lectio vij.*

In illo tempore: Accesserunt ad Iesum Pharisei tentantes eum, & dicentes: Si licet homini dimittere uxorem suam, quacumque ex causa? Et reliqua.

Homilia S. Hieronymi Presbyt.

Lib. 3. in Matth. 19.

Pharisæorum, Scribarumque factio interrogat Dominum: vtrum liceat homini dimittere uxorem suam, qualibet ex causa; ut quasi cornuto teneat eum syllogismo, & quodcumque responderit, captioni pateat. Si dixerit

rit

fit dimittendas esse vxores qualibet ex causa, & ducendas alias; pudicitie prædicator sibi videtur docere contraria. Si autem responderit, non omnem ob causam debere dimitti; quasi sacrilegij reus tenebitur, & aduersus doctrinam Moysi, ac per Moysen Dei, facere iudicabitur.

Re. Hæc est. 244.

Lectio viij.

Igitur Dominus sic responsum temperat, vt discipula eorum transeat, scripturam sanctam adducens in testimonio, & naturalem legem, primamque Dei sententiam secundæ opponens, quæ non voluntate Dei, sed peccantium necessitate concessa est. Non legistis, quia, qui fecit hominem ab initio, masculum, & foeminam fecit eos? Dicendo autem masculum & foeminam, ostendit secunda vitanda coniugia. Non enim ait, masculum & foeminas, quod ex priorum repudio quærebat; sed masculum, & foeminam, vt vnius coniugis consortia necerentur. Re. Media. 244.

Lectio ix.

Quod dicit, istiusmodi est: Numquid potest Deus sibi esse contrarius, vt aliud ante iusserit, & sententiam suam nouo frangat imperio? Non ita sentiendum est: sed Moyses cum videret propter desiderium secundarum coniugium (quæ vel diciores, vel iuniores essent) primas vxores interfici, aut malam vitam ducere, maluit indulgere discordiam, quam odia, & homicidia perseuerare. Simulque considera, quod non dixit; permisit vobis Deus, sed Moyses; vt iuxta Apostolum, consilium sit hominis, non imperium Dei. Te Deum.

Q V A R T A D I E.

In tertio Nocturno.

Lectio sancti Euangelij secundum Matthæum.

Lectio vij.

In illo tempore: Accesserunt ad Iesum Pharisei tentantes eum, & dicentes: Si licet homini dimittere vxorem suam, quacumque ex causa? Et reliqua.

De Homilia S. Hieronymi Præsb.

Graue pondus vxorum est, si, excepta fornicationis causa, eas dimittere non licet: quid enim, si temulenta fuerit, si iracunda, si malis moribus, si luxuriosa, si vaga, si gulosa, si iurgatrix, si maledica, tenenda erit huiusmodi? Volumus, nolumus, sustinenda est: cum enim essemus liberi, voluntariè nos subiecitur seruituti. Videntes ergo Apostoli graue vxorum iugum, proferunt motum animi sui, & dicunt: Si ita est causa nominis cum vxore non expedit nubere quibus ille dixit: Non omnes capiunt verbum istud.

Re. Hæc est. 244.

Lectio viij.

Nemo putet sub hoc verbo vel fatum, vel fortunam introduci, quod hi sunt virgines, quibus à Deo datum sit, aut quos quidam ad hoc casus adduxerit: sed his datum est, qui petierunt, qui voluerunt, qui, vt acciperent, laborauerunt; omni enim petenti dabitur, & quærens inueniet, & pulsanti aperietur. Triplex genus est eunuchorum. duorum carnalium, & tertij spiritualis. Tertij sunt, qui seipsos castrauerunt propter regnum cælorum, & qui cum possint esse viri, propter Christum eunuchi fiunt: istis promittitur præmium, superioribus autem nihil omnino debetur.

Re. Media. 244.

Lectio ix.

Possumus: & aliter dicere: eunuchi sunt ex matris vtero, qui frigidiore nature sunt, nec libidinis appetentes: & alij, qui ab hominibus fiunt; quos aut Philosophi faciunt, aut propter idolorum cultum emo-

Q 3 liup-

liuntur in foeminas, vel persuasione hæretica simulant castitatem, vt mentiantur religionis veritatem; sed nullus eorum consequitur regnum cælorum, nisi se castrauerit propter Christum, vnde subinfert: Qui potest capere, capiat: vt vnusquisque consideret vires suas vtrum possit virginalia, & pudicitia implere præcepta: quasi hortantis vos Domini est, & milites suos ad præmium concitantis. Te Deum.

QVINTA DIE.

In tertio Nocturno.

Lectio sancti Euangelij secundum Matthæum. Lectio vij.

IN illo tempore: Accesserunt ad Iesum Pharisei tentantes eum, & dicentes: Si licet homini dimittere vxorem suam quacumque ex causa? Et reliqua.

Homilia S. Ambrosij Episcopi.

Lib. 3. de virginib. par. 10. ante med.

Discutiamus, vtrum Christus integritatem docuerit, an repudiandam putauerit? Et sunt, inquit, spadones, qui se ipsos castrauerunt propter regnum cælorum: est ergo præclara militia, quæ regno cælorum militat. Itaque iam tunc Dominus docuit, esse debere intemperate studia castitatis. Vnde & Apostoli eam cæteris præminere cernentes; Si ita est causa, aiunt, viri cum vxore, non expedit nubere: quo dicto, & grauiora iudicauerunt onera vinculi coniugalis; & veræ integritatis gratiam prætulunt.

R. Hæc est. 244.

Lectio viij.

Sed Dominus, qui sciret prædicandam omnibus integritatem, imitandam paucis: non omnes, inquit, capiunt verbum istud, sed quibus datum est; hoc est, non est communis plurimis, & vulgaris integritas, nec pro infirmitate permittitur,

sed pro virtute conceditur. Denique cum dixisset: Et sunt spadones, qui se ipsos castrauerunt propter regnum cælorum: vt ostenderet hoc non mediocris esse virtutis: Qui potest, inquit, capere, capiat. Et ideo post hoc verbum offeruntur pueri, ad benedicendum, qui corruptelæ expertes, integritatis munus immaculata ætate seruarent.

R. Media. 244.

Lectio ix.

Et ergo etiam cœlesti voce probata virginitas, dominicisq; extenta præceptis; quo loco magisterium diuinæ vocis imitemur. Nam, cum in superioribus coniugium memorauerit non esse soluendum, nisi ex causa fornicationis, in posterioribus integritatis gratiam, donumque contexit: vt doceret non damnandas esse nuptias, sed probandas; nuptijs tamen ipsis integritatis studia præferenda. Te Deum.

S E X T A D I E.

In tertio Nocturno.

Lectio sancti Euangelij secundum Matthæum. Lectio vij.

IN illo tempore: Accesserunt ad Iesum Pharisei tentantes eum, & dicentes: Si licet homini dimittere vxorem suam, quacumque ex causa? Et rel.

De Homil. S. Augustini Episcopi.

De S. Virginitate, c. 23.

Qui potest capere, capiat. Quid veracius, quid lucidius dici potuit? Christus dicit, veritas dicit, virtus & sapientia Dei dicit, eos qui pro proposito ab vxore ducenda se continuerint, castrare se ipsos propter regnum cælorum: è contra, humana vanitas impia temeritate contendit eos, qui hoc faciunt præsentem tantummodò necessitatē molestiarum coniugalium deuitare; in regno cælorum amplius quicquam cæteris non habere. R. Hæc est. 244.

Le-

Lectio viij.

DE quibus autem spadonibus loquitur Deus per Isaia prophetam, quibus se dicit daturum in domo sua, & in muro suo locum nominatum, meliorem multo, quam filiorum, atque filiarum; nisi de ijs, qui se ipsos castrant propter regnum celorum? ne quis nimirum carnalis existimaret in his verbis aliquid temporale sperandum, continuo subiicit: Nomen æternum dabo eis, nec vnquam deerit; tamquam diceret: quid tergiuersaris impia cecitas? quid serenitati veritatis nebulas tue peruerfitatis offundis? quid in tanta scripturarum luce tenebras, unde insidieris, inquis? quid temporalem tantummodò utilitatem promittis continentibus sanctis? Nomen æternum dabo eis.

R. Media nocte. 244.

Lectio ix.

ET si forte hic ipsum æternum pro diuturno conaris accipere, addo, accumulo, inculco: Nec vnquam deerit, quid queris amplius? Æternum hoc nomen, quicquid illud est, spadonibus Dei, quod utique; gloriā quandā propriam, excellentemque significat, non erit commune cum multis, quamuis in eodem regno, & in eadem domo constitutis. Nā ideò fortassis, & nomen dictum est, quòd eos, quibus datur, distinguit à ceteris Te Deum.

S E P T I M A D I E.

In tertio Nocturno.

Lectio sancti Evangelij secundum Matthæum.

Lectio vij.

IN illo tempore: Accesserunt ad Iesum Pharisei tentantes eum, & dicentes: Si licet homini dimittere uxorem suam, quacumque ex causa? Et reliq.

De Homil. S. Augustini Episcopi.

Pergite itaque; sancti Dei pueri, ac puellæ, mares, ac feminae, cælestes, ac nuptæ; pergite perseveranter in finem: Laudate Dominum dulcius,

quem cogitatis vberius; sperate felicius, cui servitis instantius; amate ardentius, qui placeatis attentius: lumbis accinctis, & lucernis ardentibus expectate Dominum, quando veniat à nuptijs. Vos asseretis ad nuptias Agni canticum novum, quod cantabitis cytharis vestris; quale nemo poterit dicere; nisi vos, sic enim vos vidit in Apocalypsi quidam præceteris dilectus Agno, qui discumbere super pectus eius solitus erat, & biberat, & eructabat mirabilia super cœlestia Dei verbum.

R. Hæc est. 244.

Lectio viij.

VOs Agnum sequimini tenendo perseveranter, quod vouisti, ardentem facite, cum potestis, ne virginitatis bobus à vobis pereat, cum facere nihil potestis, ut redeat. Videbit vos cetera multitudo fidelium, quæ Agnum ad hoc sequi non potest; videbit, nec inuidebit; & collectando vobis, quod in se non habet, habebit in vobis. Præsumite, itaque fidite, roboramini, permanete, qui vouetis, & redditis Domino Deo vestro vota perpetuæ continentia, non propter præsens sæculum, sed propter regnum cælorum.

R. Media. 244.

Lectio ix.

VOs etiam, qui hoc nodum vouistis, qui potestis capere, capite; perseveranter currite, ut comprehendatis. Tollite hostias quisque suas, & introite in atria Domini, non ex necessitate, sed potestate habentes vestra voluntatis. Cogitate, quicquid illud est, in muro eius locum nominatum meliorem multo, quam filiorum, atque filiarum: cogitate illic nomen æternum, quis explicat, quale nomen erit, quicquid tamē erit, æternum erit. Hoc credendo, & sperando, & amando, posuistis coniugia non deuitare prohibita, sed transuolare concessa. Te Deum.

Q 4

IN-

IN DIE OCTAVA.

*In tertio Nocturno.***L**ectio sancti Evangelii secundum Matthæum.*Lectio vij.***I**n illo tempore: Accesserunt ad Iesum Pharisei tentantes eum, & dicentes: Si licet homini dimittere uxorem suam, quacumque ex causa? Et reliquum.*Homilia S. Ioannis Chrysostomi.**Homilia 32. in Matth. circa med.***I**udæi in finibus suis constitutum Dominum tentauerunt, & repulerunt, & in fornicationibus suis corporalibus fornicationem suam confessi sunt spirituales, dicentes: Si licet viro dimittere uxorem suam quacumque ex causa? quia non potest animo esse castus, qui corpore est lasciuus: hoc est, non potest Deo esse fidelis, qui uxori suæ perfidus est: sicut nec ex diuerso conscientiam seruat, qui Deo fidem non seruat, sed altera alterius fornicationis est accusatrix. Et illi quidem secundum carnem interrogabant, quæ pati merebantur secundum spiritum.*R. Hæc est. 244.**Lectio viij.***C**hristus autem respondit eis, quod facere eos non decebat, dicens: Quicumque dimiserit uxorem suam, nisi ob causam fornicationis, & aliam duxerit, mœchatur: sicut enim uxorem quocumque modo contra voluntatem viri agentem, dignum est repellere: non autem est iustum, quantum ad grauitatem viri, nisi ob causam fornicationis: sic & Ecclesia quocumque modo contra voluntatem egerit Christi, digna est abijci: non autem abijcitur, propter longanimitatem Christi, nisi sola causa transgressionis.*R. Media. 244.**Lectio ix.***S**icut enim, si Christus prius dimisisset Ecclesiam Iudæorum, non eis subministrat per scripturas noti-tiam suæ diuinitatis, ipse faciebat eam adulteram cum dijs extraneis: sic Christo semper eis scientiam suæ diuinitatis subministrante, quoniam synagoga spernens transibat ad Idola, inexcusabilis adultera reperta est: propter quod repuit Christum, non repulit eam Christus; non quacumque ex causa, sed propter causam fornicationis ipsius: quia non solum diabolo se coniunxit, sed etiam interfecit, pro quo mori debuerat. Ab initio enim Deus genuit Christum; deinde creauit hominem quasi coniugem, & potentem suscipere verbum ipsius. Ideo clamat: Quod Deus coniunxit, homo non separet. **T**e Deum.

INFRA OCTAVAM

MART. NON VIRGINIS.

SECUNDA DIE.

In secundo Nocturno.

Sermo Sancti Basilij Episcopi.

*In Iulianam Martyrem.**Lectio iij.***Q**uæ de beata Martyre N. prædicatio se offert vobis deprecandam, huiusce est causa congregationis. Hunc enim diem vobis indicimus celebriter agendum, quippe qui memoriam nouat magni illius certaminis, quod in muliebri quidem corpore, generoso alioqui animo, & plusquam virili desudatu, omni admiratione, stuporeque perculit, cum illos, qui & ipsi præsentibus spectarunt decertantem, tum eos, qui auditu percepturi sunt in posterum, referentibus his, qui re ipsa tanta istius agonis periculum fecerunt. **R.** Propter veritatem, & mansuetudinem, & iustitiam: * Et deducet te mirabiliter dextera tua.**V.** Specie tua, & pulchritudine tua, inten.

Intende, prosperè procede, & regna.
Et deducet. *Lectio v.*

Beatissima igitur mulier N. (si tamen decori ratio permittit, eam vocari mulierem, quæ heroica animi fortitudine supergressa est infirmam naturæ muliebris conditionem) cuius vnus magnanimitate, & constantia maximopere crediderim cōsternatum esse, & perculsum communem humani generis aduersariū, nimirum indignissimè ferentem, à mulieribus sibi præripi palmam victoriæ; cum ille generosæ huius mulieris virtute tantò conspicitur inferior, quàm, quò primum tempore sollicitabatur, vt à Christo deficeret, adnissus est elidere argumentis, & conuincere inconstantē, quasi quæ per naturæ infirmitatem minus posset continenter pietatem erga Deum tueri, seruauere; hanc denique inuenit, doctrinæ experientia, conditione naturæ fortiorem.

R. Dilexisti iustitiā, & odisti iniquitatem. * Propterea vnxit te Deus, Deus tuus oleo lætitiæ. *Ps.* Propter veritatem, & mansuetudinem, & iustitiam. Propterea. *Lectio vj.*

Hæc porro nullam ad rem eorum, quæ interim, dū viuunt, oblectare nos assolent, visa est festinè adeò excurrere; atque ad destinatam sibi mortem concita perrexit facie, habitu, ipsis, quæ deprimebat, verbis, alacritate insuper afflorescente, palam indicans, quod in animo delitescerat, profusissimum gaudiū: eadem quippe massa, qua & viri, & ipsæ constamus, dicebat. Ad imaginem Dei perinde ac isti, & nos conditæ sumus. Et sanè mulier ab opifice creata, peræque ac vir; capax virtutis: quid enim miri est? An non cōsanguineæ & ipsæ sumus viris per omnia? non enim ad constituendam

Octau. Rom.

mulierem sola est assumpta caro, sed & os ex ossibus: quò fit, vt & ipsæ Domino nihil minus, ac viri redhibere debeamus firmitatem fidei, atque constantiam, necnon in aduersis patientiam.

R. Fallax gratia, & vana est pulchritudo: * Mulier timens Deum, ipsa laudabitur. *Ps.* Date ei de fructu manuum suarum, & laudent eam in portis opera eius. Mulier.

Gloria Patri. Mulier.

T E R T I A D I E.

In secundo Nocturno.

Sermo S. Augustini Episcopi.

49. de Sanctis.

Lectio iij.

Certamine vniuersorum martyrum fulciri, atq; eorum victoria, quorum natalis victricis gloriæ celebratur, quò robusta fides sit ad agonem, & passionis congressus, roborari debemus: certò scientes, quòd in omnibus Christus patitur, & quòd ad regnum cœlorum statim cum exultatione corporis transferuntur: & cum gentes horreant in ægritudine mortem, hi in ipsa morte consequantur perpetuam hereditatem. Per passionem verò translationē magis credunt esse, quàm finem. Martyrum est igitur indulgētia criminum, virtutum caput, occasio iustitiæ, Dominicæ passionis imitatio.

R. Propter. 248. *Lectio v.*

O Inclitæ beatorum animæ, & gloriosa victoria martyrum, inter quos deuotissimæ fœminæ simul sæculum, sexumque vicerunt, præliantes cum diabolo, fortiores viris torquētibus extiterūt, quæ carnifici gratias agentes erant sœuienti. Ab omnibus enim fidem expectat Deus omnipotēs magis, quàm mortē: sed diabolus, qui confitentes odit, coronas præstat inultus. Facit martyres, quos occidit, & cū Dei seruos

Q 5 vin-

vincere concedit contemnitur ipse,
dum seuit. *R.* Dilexisti. 249.

Lectio vj.

Liberalitas ergo tua, Deus, haec-
nus nobis martyria proposuit,
vt aduersarius, quo Adam elusus est,
a filiis Ade constanter elidi monstra-
retur. Voluisti enim hominem non
tantum de diaboli potestate eruere
per fidem, sed inculcatorem eius in-
terficere per virtutem, vt, qui gau-
demus Christi sāguine mortui faci-
lius liberati, ducentes martyria, in
Christo postea triūphemus coronati
per ipsum Dominū nostrum Iesum
Christum, qui viuūt, & regnat in sā-
cula seculorū. Amen. *R.* Fallax. 249.

Q V A R T A D I E.

In secundo Nocturno.

Serm. venerab. Bedæ Presbyteri.

Lectio iij.

Quam lato sinu de prelio reuer-
tentes ciuitas celestis excipit,
de hoste prostrato trophæa ferenti-
bus occurrit, cum triumphantibus
viris, & foeminae veniunt, quæ cum
saeculo sexum quoque vicerunt, &
geminata gloria militiæ, virgines
cum pueris teneros annos virtuti-
bus transeunt: sed & cætera fide-
lium turba aulae perpetuæ regiam
intrabit, qui sinceritatem fidei, in-
concussis præceptorum celestium di-
sciplinis, vnica pace obseruauerunt.

R. Propter. 248.

Lectio v.

Ergo agite nūc fratres; aggredia-
mur iter vite, reuertamur ad ci-
uitatem celestem, in qua scripti su-
mus, & ciues decreti. Nō sumus ho-
spites, sed ciues sanctorum & dome-
stici Dei, etiam illius heredes cohæ-
redes autem Christi. Huius nobis vr-
bis ianuas aperiet fortitudo; & fidu-
cia latum præbebit ingressum. Con-
sideremus ergo inclytam vrbis illius
felicitatem, in quantum considerare

possibile est: vt enim verè est com-
prehendere, nullus sermo sufficit.

R. Dilexisti. 249.

Lectio vj.

Dicitur de ea in quodam loco
sic: Quod aufugiet ibi dolor, &
tristitia, & gemitus. Quid hac vita
beatius, vbi non est paupertatis me-
tus, non ægritudinis imbecillitas?
Nemo læditur, irascitur nemo, ne-
mo inuidet. Cupiditas nulla exarde-
scit, nullum cibi desiderium, nulla
honoris pulsatio, aut potestatis am-
bitio. Nullus ibi diaboli metus; infi-
diæ dæmonum nullæ, terror gehen-
næ procul. Mors ibi neque corporis,
neque animæ erit, sed immortalita-
tis munere vita iucunda.

R. Fallax. 249.

Q V I N T A D I E.

In secundo Nocturno.

Sermo S. Augustini Episcopi.

De diuers. 103.

Lectio iij.

Hodiernus dies anniuersaria
replikatione nobis in memo-
riam reuocat, & quodammodo re-
præsentat diem, quo sancta famula
Dei N. corona martyrij decorata,
perpetua felicitate floruit. Exhorta-
tiones eius in diuinis reuelationi-
bus, triumphosque passionum audi-
uimus, mente spectauimus, religione
honorauius, charitate laudaui-
mus. Debetur tamen etiam a nobis
tam deuotæ celebritatis sermo so-
lemnis, quem si meritis eius imparè
profero, impigrum tamen affectum
gaudio tantæ festiuitatis exhibeo.
Quid enim gloriosius hac femina!
quæ viri mirantur facilius, quam viri
imitantur? *R.* Propter. 248. Lec. v.

Sed hoc illis potissimū laudis est,
in quem credentes, & in cuius no-
mine fideli studio cōcurrentes secū-
dum interiorem hominem, nec ma-
sculus, nec femina inueniūt, vt etiā
in his, quæ sunt feminae corpore, vir-
tutes

tus mentis sexum carnis abscodat, & in membris pigeat cogitare, quod in factis non potuit apparere. Calcatus est ergo draco pede casto, & victore vestigio: cum erectæ demonstrarentur scæle, per quas beata N. iter fecit ad Deū. Ita caput serpentis antiqui, quod fuit præcipitum scæminæ cadenti, gradus factus est ascendenti.

R. Dilexisti. 249. Lectio vj.

Quid hoc spectaculo suauius, quid hoc certamine fortius, quid hac victoria gloriosius? Tunc fremebant gentes, & populi meditantur inania: sed, qui habitat in cælis irridebat eos, Dominus substabat eos. Nunc autem posteri illorum, quorum voces in carne martyris impiè scæuiebant, merita martyris pijs vocibus laudant. Neque enim tunc tanto cōcursu hominum ad eam concidendam cauea crudelitatis impleta est, quanto nunc ad eā honorandam Ecclesia impietatis impletur. Omni anno spectat cum religione charitas, quod vno die cum sacrilegio commisit impietas.

R. Fallax. 249.

S E X T A D I E.

In secundo Nocturno.

De Sermonem S. Augustini Episcopi.

Lectio iij.

Spectauerunt & illi, sed longè voluntate dissimili. Illi viderunt oculis carnis quod cordis immanitati refunderent, nos aspicimus oculis cordis quod illis ereptum est, ne viderent. Illi mortuum lætati sunt corpus martyris, nos mentes mortuas dolemus illorum. Illi sine lumine fidei martyrem putauerunt extinctam, nos fidelissimo intuitu cernimus coronatam. Denique illorum insultatio, facta est nostra exultatio. Et hæc quidem religiosa, & sempiterna, illa verò tunc

impia, nunc planè iam nulla.

R. Propter. 248. Lectio v.

Premia martyrum charissimi, maxima credimus, & rectissime credimus: Sed si certamina diligenter intueamur, nequaquam illa tam magna esse mirabimur. Vicit in eis, qui vixit in eis: vt qui non sibi, sed illi vixerunt, ne mortui morerentur. Ipse eis exhibebat spirituales delicias, ne sentirent corporales molestias: quantum non defectioni, sed exercitationi sufficeret. Nam vbi erat illa scæmina, quando se pugnare non sensit? Quid videns ista non viderat? quo fruens ista non fenserat? Quo amore alienata, quo spectaculo auocata, quo poculo inebriata?

R. Dilexisti. 249. Lectio vj.

Et adhuc hærebat nexibus carnis, adhuc moribunda membræ gestabat, adhuc corruptibile corpore grauabatur. Quid? cum resolutæ his vinculis animæ martyrum post labores periculosi certaminis, triumphis angelicis exceptæ, atque refectæ sunt, vbi non eis dicitur: implete, quod iussi, sed, accipite, quod promisi: Qua nunc iucunditate spiritaliter epulantur, quam securi in Domino, & quam sublimi honore gloriantur; quis terreno docere possit exemplo? R. Fallax. 249.

S E P T I M A D I E.

In secundo Nocturno.

De Sermonem S. Augustini Episcopi.

Lectio iij.

Alia est animarū sine vllis corporibus requies; alia cum corporibus celestibus claritas, & felicitas angelorum, quibus equabitur resurgentium multitudo fidelium: in qua gloriosissimi martyres præcipua sui honoris luce fulgebunt, ipsaque corpora, in quibus indigna tormenta perpeffi sunt, eis digna in ornamenta

vertentur. Vnde solemnitates eorum, sicut facimus, deuotissimè celebremus sobria hilaritate, casta cōgregatione, fidei cogitatione, fidenti prædicatione. Non parua pars imitationis est meliorum congaudere virtutibus. Illi magni, nos parui, sed benedixit Dominus pusillos cum magnis. Præcesserunt, præminuerunt. Si eos sequi non valemus actu, sequamur affectu. Si non gloria certè, lætitia; Si non meritis, votis; Si non passione, compassione. Si non excellentia, connexione. Non nobis parum videatur, quòd corporis mēbra sumus, cuius & illi æquiparari non possumus. *R. Propter. 248.*

Lectio v.

Quia, si vnum membrum patitur, compatiuntur omnia mēbra: ita, cum glorificatur vnum mēbrum, congaudent omnia membra. Gloria capiti, vnde consulitur, & superioribus manibus, & infimis pedibus. Sicut ille vnus animam suam pro nobis posuit: ita & imitati sunt martyres, & animas suas pro fratribus posuerunt: atque vt ista populo- rum tamquam germinet copiosissima fertilitas surgeret, tetram suo sanguine rigauerunt. Fructus laboris ergo illorum etiam nos sumus. Miramur eos, miserantur nos. Gratulamur eis, precantur pro nobis. Illi corpora sua tamquam vestimenta prostrauerunt, cum pullus Dominum portans in Ierusalem duceretur: nos saltem velut ramos de arboribus cædentes, de scripturis sanctis hymnos, laudesque decerpimus, quas in commune gaudium proferamus. *R. Dilexisti. 249.*

*Serm. 104.**Lectio vj.*

Profectò virilis animus in fœminam maius aliquid fecit, quando sub tanto pòdere fragilitas fœminea

non defecit. Benè inhæserat vni viro, cui virgo casta vnica exhibetur Ecclesia. Benè, inquam, inhæserat illi viro, a quo virtutem traxerat, qua resisteret diabolo: vt fœmina prosterneret inimicum, qui per fœminam prostrauerat virum; Ille in ea apparuit inuictus, qui pro ea factus est infirmus. Ille eam, vt meteret, fortitudine impleuit: qui eam, vt seminare, semetipsum exinaniuit. Ille eam ad hos honores, laudesque perduxit, qui pro ea opprobria, & crimina audiuit. Ille fecit fœminam viriliter, & fideliter mori, qui pro ea dignatus est de fœmina misericorditer nasci. *R. Fallax. 249.*

*IN DIE OCTAUA.**In secundo Nocturno.**Sermo S. Augustini Episcopi.**De diuers. 118.**Lectio iij.*

De solenni sanctorum martyrum debitus sermo reddendus est charitati vestræ. Locuturos ergo nos de gloria martyrum adiuent orationes martyrum. Nec enim peristas solemnitates commemorari debuit sanctitas vestra, primum, ne arbitremur nos aliquid conferre martyribus, quia earum dies solemnissimos celebramus. Ille nostris festiuitatibus non egent, quia in cœlis cum angelis gaudent. Ad hoc istæ festiuitates in Ecclesia constitutæ sunt, vt cōgregatio membrorum Christi admoneatur imitari martyres Christi. Hæc est omnino huius festiuitatis vtilitas, alia non est. Si enim nobis proponeretur imitandus Deus, responderet humana fragilitas; multum esse imitari eum, cui non potest comparari. *R. Propter. 248.*

Lectio v.

Sic denique ipsius Domini Christi ad imitationem vobis proponatur exēplum: qui propterea; cum Deus esset, mortali carne vestitus est, vt

ho-

hominibus mortalem carnem gerentibus insinuaret præceptum, & demonstraret exemplum: de quo etiam scriptum legimus: Christus pro nobis passus est relinquens nobis exemplum, vt sequamur vestigia eius. Tamen & adhuc respondet hic humana fragilitas; quid simile ego, & Christus? Et si verbum caro factum est, vt habitaret in nobis, carnem assumpsit verbum, non perdidit. Quod non erat, accepit: non quod erat, amisit. Quid ergo simile ego, & Christus?

R. Dilexisti. 249. Lectio vj.

AD tollendas igitur omnes excusationes infidelis infirmitatis, nobis stratum construxerunt viam. Lapidibus enim talibus construenda erat. Hi ergo, qui habitant in domo tua, possident Ierusalem celestem sine angustia, sine pressura, sine diuersitate, & diuisione limitum. Omnes habent eam, & singuli habent totam. Similes enim ei erimus, quoniam videbimus eum sicuti est. Iam similes illi, quando deficiemus, quò auertemur: Securi ergo sumus, fratres, non nos fatiabit laus Dei. Si deficies ab amore, deficies à laude. Si autem amor sempiternus erit, quia insatiabilis illa pulchritudo erit; noli timere, ne non possis semper laudare, què semper poteris amare. Ergo, beati, qui habitant in domo tua: in sæcula sæculorum laudabunt te.

R. Fallax. 249.

INFRA OCTAVAM MARTYR. NON VIRG.

Homilia in Euangel. Matth. cap. 13.

Simile est regnum cœlorum thesauro, &c.

In die Festo habetur Homil. S. Gregorij. Cœlorum regnum fratres, &c.

in Breuiario in Comuni non Virginum.

SECUNDA DIE.

In tertio Nocturno.

Lectio sancti Euangelij secundum Matthæum. Lect. vij. Cap. 13.

IN illo tempore: Dixit Iesus discipulis suis parabolam hanc: Simile est regnum cœlorum thesauro abscondito in agro. Et reliqua.

Homilia sancti Gregorij Papæ.

Homilia II. in Euangelia.

Rursum cœleste regnum negotiari homini simile dicitur, qui bonas margaritas quærît, sed vnam pretiosam inuenit, quam videlicet inuētā, omnia vendens emit: quia, qui cœlestis vitæ dulcedinem, in quantum possibilitas admittit, perfectè cognouerit, ea, quæ in terrenis amauerat, libenter cuncta derelinquit: in cōparatione eius vilescunt omnia, deserit habita, cōgregata dispergit, inardescit in cœlestibus animus, nihil in terrenis libet, deforme conspicitur, quidquid de terrena re placebat speciosè: quia sola pretiosæ margaritæ claritas fulget in mente. R. Os suum aperuit sapientiæ, & lex clementiæ in lingua eius: considerauit semitas domus suæ. Et panem otiosa non comedit.

V Gustauit, & vidit, quia bona est negotiatio eius: non exstinguetur in nocte lucerna eius. Et panem.

Sequentes duæ lectiones dicuntur infra oct. vnus Mart. non Vir. Quod si non fuerit Martyr, vel si fuerint plures Martyres, ij. omīssis legantur alię, quæ post has ponuntur, & sunt eiusdem S. Gregorij. Lectio viij.

DE cuius dilectione rectè per Salomonem dicitur: Fortis est, vt mors dilectio; quia videlicet, sicut mors corpus interimit, sic ab amore rerum corporalium æternę vitę charitas

ritas occidit. Nam quem perfecte absorbuerit, ad terrena foris desideria velut insensibilem reddit. Nec enim Sancta hæc, cuius hodie natalitia celebramus, mori pro Domino potuisset in corpore, si prius a terrenis desideriis mortua non fuisset in mente. Erectus namque in virtutis culmine animus tormenta despexit, præmia calcavit. Ante armatos reges, & præfides inuicta stetit, feriente robustior, iudicante sublimior.

R. Regnum mundi, & omnem ornatum sæculi contempni propter amorem Domini mei Iesu Christi: * Quæ vidi, quem amavi, in quem credidi, quem dilexi. **V.** Eructauit cor meum verbum bonum, dico ego opera mea Regi. Quem **Glor.** Quam. **Lect. ix.**

Quid inter hæc nos barbari, & debiles dicimus, qui ire ad regna cœlestia puellas per ferrum videmus? Quos ita superat, superbia inflat, ambitio perturbat, luxuria inquinat. Qui si adipisci regna cœlorum per bella persecutionum non possumus, hoc ipsum nobis turpe sit, quod Deum nouimus saltem per pacem sequi. Ecce nulli nostrum hoc tempore dicit Deus, Pro me more: sed illicita tantummodo in te desideria occide. Qui ergo in pace suffigere carnis desideria nolumus, quando in bello pro Domino ipsam carnem daremus. **T. e Deum.**

Pro nec virginē nec mart. & pro pluribus martyribus. **Lectio viij.**

Rursus simile esse regnum cœlorum saginæ in mare missæ dicitur, ex omni genere piscium congreganti, quæ impleta ad littus educitur, & in vasis boni pisces eliguntur, mali autem projiciuntur foras. Sancta Ecclesia saginæ cōparatur, quia & piscatoribus est commissæ, & per eam quisque ad æternum regnum à præ-

senti sæculi fluctibus trahitur, ne in æternæ mortis profunda mergatur. Quæ ex omni genere piscium congregat: quia ad peccatorum veniam sapientes, & fatuos, liberos, & seruos, diuites, & pauperes fortes, & infirmos vocat.

R. Regnum, vt supra. **Lectio ix.**
Quæ sagina, scilicet Ecclesia, tunc vniuersaliter repletur, cum in fine suo humani generis summa cōcluditur. Quam educunt, & secus litus sedent; quia sicut mare sæculari, ita sæculi finem significat litus maris. In quo scilicet fine boni pisces in vasis eliguntur, mali autem projiciuntur foras: quia & electi quiq; in tabernacula æterna recipiuntur, & æterni regni luce perdita ad exteriores te nebras reprobi pertrahuntur. **T. e Deum laudamus.**

T E R T I A D I E.

In tertio Nocturno.

Lectio sancti Euangelij secundum Matthæum. **Lectio vij.**

In illo tempore: Dixit Iesus discipulis suis parabolam hanc: Simile erit regnum cœlorum thesauro abscondito in agro. Et reliqua.

De Homilia Sancti Gregorii Papæ.

Ecce quam grata est nobis hominibus dierna solemnitas, ita vt se non modicum addicat, si cui ex hoc conuentu nostro deesse contingat. Quid ergo in die illa acturus est, qui a conspectu iudicis rapitur, ab electorum societate separatur, qui tenebescit a lumine, cruciatur æterna combustionē? Sic erit in consummatione sæculi. Exhibunt Angeli, & separabunt malos de medio iustorum. Hoc iam, fratres charissimi, timendum est potius, quam exponendum. Aperta etenim voce tormenta peccantium dicta sunt, ne quis ad ignorantie suæ excusationē recurreret, si quid

quid de æterno supplicio obscure diceretur. R. Os suum. 253.

Lectio viij.

Sed in eo, quod veritas dicit: Omnis scriba doctus in regno cælorum, similis est patrifamilias: intelligi valet, quia non de his, qui fuerant, sed de his, qui esse in Ecclesia poterant, loquebatur. Qui tunc noua, & vetera proferunt, cum vtriusque testamenti prædicamenta vocibus, & moribus loquuntur. Quod tamen intelligi, & aliter potest. Vetus quippe humani generis fuit ad inferni claustra descendere, pro peccatis suis supplicia æterna tolerare. Cui per mediatoris aduentum nouum aliquid accessit, vt, si hic recte stupeat viuere, cælorum regna valeat penetrare.

R. Regnum. 254.

Lectio ix.

Et vetus itaque est, vt pro culpa humanum genus in æterna poena intreat: & nouum, vt conuersus in regno viuat. Quod ergo in conclusione locutionis suæ Dominus subdidit, hoc est vtique, quod præmisit. Prius enim de regni similitudine thesaurum inuentum, ac bonam margaritam protulit, postmodum verò inferni penas de malorum combustionem narrauit. Audiat de regno, quod amet: audiat de supplicio vnusquisque, quod timeat: vt torpentem animum, & terræ vehementer inhaerentem, si amor ad regnum non trahit, vel timor minet.

T. e Deum laudamus.

Q V A R T A D I E

In tertio Nocturno.

Lectio sancti Euangelij secundum Matthæum.

Lectio vii.

In illo tempore: Dixit Iesus discipulis suis parabolam hanc: Simile est regnum cælorum thesauro abscondito in agro. Et reliqua.

Homilia S. Hieronymi Presbyteri. lib. 2. in Matth. 13.

Thesaurus iste, in quo sunt omnes thesauri sapientiæ, & scientiæ absconditi, aut Deus verbum est, qui in carne Christi videtur absconditus; aut sanctæ scripturæ, in quibus reposita est noticia Saluatoris; quem cum quis in eis inuenerit, debet omnia istius mundi emolumenta cōtemnere, vt illum possit habere, quem reperit. Quod autem sequitur: Quem, cum inuenerit homo, abscondit: idcirco dicitur, non quod hoc de inuidia faciat; sed quod timore seruantis, & nolentis perdere, abscondat in corde suo, quem pristinis prætulit facultatibus.

R. Os suum. 243.

Lectio viii.

Alijs verbis idipsū, quod supra dicitur. Bonæ margaritæ, quas querit institor, lex, & prophetæ sunt. Vnum autem est pretiosissimum margaritarum, scientia Saluatoris, & sacramentum passionis illius, & resurrectionis arcanum. Quod cum inuenerit homo negotiator, similis Pauli Apostoli, omnia legis, prophetarumque mysteria, & obseruationes pristinas, in quibus inculpate vixerat, quasi purgamenta cōtemnit, & quiescit, vt Christum lucrifaciat. Non, quod inuentio nouæ margaritæ condemnatio sit veterum margaritarum; sed quod comparatione eius omnis alia gemma vilior sit.

R. Regnum. 254.

Lectio ix.

Intellexistis hæc omnia? Dicunt ei: etiam. Ad Apostolos propriè sermo est: quos non vult audire tantum vt populum, sed intelligere vt magistros futuros: Instructi erant Apostoli, scribæ, & notarij Saluatoris, qui verba illius, & præcepta signabant in tabulis cordis carnalibus, regnorum cœle-

coelestium sacramentis, & pollebant opibus patrisfamilias eicientes de thesauro doctrinarum suarum noua, & vetera; vt quicquid in Euangelio prædicabant legis, & prophetarum vocibus comprobarent. Vnde & sponsa dicit in Cantico Cantorum: Noua & vetera, fratruius meus, seruauit tibi.

*T*e Deum laudamus.

Q V I N T A D I E.

*I*ntertio Nocturno.

*L*ectio sancti Euangelii secundum Matthæum. *Lectio vij.*

IN illo tempore: Dixit Iesus discipulis suis parabolam hanc: Simile est regnum cælorum thesauro abscondito in agro. Et reliqua.

Homilia S. Ioannis Chrysostomi.

Homil. 48. in Matth. post initium.

Perpendis, quomodo in mundo abdita, atque cœlata prædicatio est, & in prædicatione summa felicitas recondita, nisi ergo cunctas res tuas venundabis, non emes: nisi curiosè queras, non inuenies. Duo hæc quippè nobis ad salutem necessaria sunt, seclularium rerum contemptus, & iugis vigilantia; querebat enim bonas margaritas: & cum inuenisset vnā pretiosissimā, vendidit quæcunque habebat, ac emit. Vna quippe veritas est, nec in multas scinditur partes, ac veluti qui margaritam habet, nouit se diuitem esse; sic & in prædicatione veritatis, qui ei adherent, opulentos sese non ignorant.

R. Os suum. 253. Lectio viij.

Deinde, ne cōfidamus plurimū, quoniam Euangelium suscepimus; neque opinemur sufficere solum nobis fidem ad salutem; horro- ris plenam affert parabolam. Simile est, inquit, regnum cælorum sagenæ misse in mare, &c. Hanc autem parabolam non interrogans, sed spon-

tè, atque à se ipso ex parte interpretatur, & formidinem magis amplificat. Nam ne, cū aduertis putrida foras eiecta esse, nullum, aut paruum eiectionis periculum credas, interpretando subiunxit; quia in fornacē immittent; & stridore dentium doloris magnitudinem expressit. Animaduertis, quot perditionis viæ?

R. Regnum. 254.

Lectio ix.

Vides, quod alij vepribus, alij veneno, alij lapidibus, alij zizaniis conteruntur, alii in sarena pereunt? Non igitur iniuria dictum est, latam esse viam illam, quæ in perditionem adducit, ac multos esse, qui per eam ingrediuntur: hæc enim cū dixisset, & ad horrorem terminasset sermonem, atq; immoratus amplificasset, adiecit: Intellexistis hæc omnia? dicunt ei, vtique; Domine. Deinde, quoniam intellexerunt, laudat dicens: Propterea omnis scriba doctus in regno cælorum similis est homini patrisfamilias, qui profert de thesauro suo noua, & vetera.

*T*e Deum laudamus.

S E X T A D I E.

*I*ntertio Nocturno

*L*ectio sancti Euangelii secundum Matthæum. *Lectio vii.*

IN illo tempore: Dixit Iesus discipulis suis parabolam hanc: Simile est regnum cælorum thesauro abscondito in agro. Et reliqua.

De Homilia S. Ioannis Chrysostomi.

Vides, quomodo vetus testamentum non eiicit, sed laudibus esset, & thesaurum appellat; quare qui diuinarum scripturarum imperiti sunt, non erunt hi certè patresfamilias, qui cū nec à se ipsis habent, querere indignum putant, sed negligerent viuendo inedia depereunt. Non autem hi solum, verum etiam heretici expertes sunt

sunt huius beatificationis, quia non possunt emittere noua, & vetera: nam, cum vetera non teneant: noua credere non possunt; sicut contra, qui noua non habent, hi veteribus penitus carent.

R. Os suum. 253.

Lectio viij.

Hec enim inter se magno iuncta, & connexa vinculo sunt. Audiamus igitur, audiamus quicumque scripturarum lectionem negligimus, quantum damnum, quantum inopiam patiamur; & opulenti quidem, qui cupiditate pecuniarum insaniunt assidue vestes suas, ne tineis corrodamur, excutunt: tu vero cum obliuio, omnibus tineis peior, ac maior pestis animam tuam deuoret, non accedes ad libros, non excuties tineas, non ordinabis animam tuam, non aspicias continue imaginem virtutis, nec membra eius, & caput considerabis?

R. Regnum. 254. Lectio ix.

Habet enim certe caput, & membra omni muliere formosa multo venustiora, ac pulchriora, quod igitur caput virtutis est? humilitas certe: qua propter ab ipsa incipit Christus; dicens: Beati pauperes spiritu; Hoc caput, etsi nec cesariem, nec crines habeat, sic tamen pulchrum est, ut Deum ad seipsum attrahat. Hec, & alia quoque membra magnam vim formositatis effundunt: nec si mille commisceas colores, talem speciem conficies. Te Deum.

SEPTIMA DIE.

In tertio Nocturno.

Lectio sancti Evangelij secundum Matthaeum.

Lectio vii.

In illo tempore: Dixit Iesus discipulis suis parabolam hanc: Simile est regnum coelorum thesauro abscondito in agro. Et reliqua.

Homilia S. Augustini Episcopi.

Quaest. ex Matth. quaest. 13.

Questio est, cur a numero plurali ad singularem transferit, ut, cum quaerat homo bonas margaritas, vnam inueniat pretiosam, quam venditis omnibus, quae habet, emat? Aut ergo negotiator iste, bonos homines quaerens, cum quibus vtiliter viuat, inuenit vnum praeter omnibus sine peccato, mediatorem Dei, & hominum, hominem Christum Iesum. Aut praecipua iustitiae quaerens, quibus seruatis cum hominibus recte conuersetur, inuenit dilectionem proximi, in quo vno dicit Apostolus omnia contineri.

R. Os suum. 253.

Lectio viij.

Aut bonos intellectus homo quaerit, & inuenit vnum illum; quo cuncti continentur. In principio erat Verbum: est enim Verbum Domini lucidum candore veritatis, & solidum firmitate eternitatis, & vndique sui simile pulchritudine diuinitatis: qui Deus penetrata carnis testudine intelligendus est: ille enim ad margaritam ipsam iam peruenerat, quae in tegumentis mortalitatis, quasi concharum obstaculo, inter profunda huius saeculi, atque inter duritias faeces Iudeorum aliquando latuerat, qui ait, & si noueramus Christum secundum carnem, sed nunc iam non nouimus.

R. Regnum. 254. Lectio ix.

Quolibet autem horum trium sit, vel si aliquid aliud occurrere potuerit, quod margaritam vnus, & pretiosam nomine bene significetur, pretium eius est, nos ipsi, qui ad eam possidendam non sumus liberi, nisi omnibus contemptis, quae temporaliter possidentur: venditis enim rebus nostris nullum earum maius accipimus.

mus

mus pretium, quàm nos ipsos, quia talibus implicati nostri non eramus. Ut rursus nos ipsos pro illa margarita demus, non quia tanti valeamus, sed quia plus dare non possumus.

Te Deum.

IN DIE OCTAVA.

In tertio Nocturno.

Lectio sancti Euangelij secundum Matthæum.

Lectio vij.

In illo tempore: Dixit Iesus discipulis suis parabolam hanc: Simile est regnum cælorum thesauro abscondito in agro. Et reliqua.

De Homilia S. Augustini Episcopi.

Quæst. 16.

Ideo omnis scriba doctus in regno cælorum similis est homini patrifamilias, qui profert de thesauro suo noua, & vetera. Vtrum ista conclusione exponere voluit, quem dixerit thesaurum in agro absconditum? quoniam sanctæ scripturæ intelliguntur, quæ nomine duorum testamentorum noui, & veteris concluduntur. Quemadmodum apud alium Euangelistam, gladium bis acutum tali conclusione videtur exponere. R. Os suum, 253.

Lectio viij.

An quia in parabolis ista locutus est? & cum quæssisset ab eis, vtrum intellexissent, responderunt, se intellexisse. Fortasse ista similitudine vltima patrifamilias proferentis de thesauro suo noua, & vetera, ostendere voluit, cum doctum habendum esse in Ecclesia, qui etiam scripturas veteres parabolis explicatas intellexit; ab istis nouis accipiens regulas: quia & ista Dominus per parabolas enunciauit, quamuis ipse Christus esset finis illorum, id est, ut in eo illa vetera complerentur.

R. Regnum. 254.

Lectio ix.

Vt si ipse, in quo illa completur, & manifestantur, per parabolas adhuc loquitur, donec eius passio velum discindat, ut nihil sit occultum, quod non reueletur: multo magis illa, quæ ad commendandam tantam eius salutem, tam longè de illo scripta sunt, parabolis operata esse nouerimus, quæ cum Iudæi ad litteram acciperent, noluerunt esse docti in regno cælorum, neque transire ad Christum, ut auferretur velamen, quod supra cor eorum positum est. Te Deum.

INFRA OCTAVAM

NEC VIRG. NEC MART.

SECUNDA DIE.

In secundo Nocturno.

Sermo Sancti Gregorij Nazianzeni.

In laud. Gorgonia.

Lectio iij.

Beata N. pudicitia quidem laude adeo præstitit, adeoque non modo omnes ætatis suæ mulieres, sed etiam veteres, quæ eo virtutis genere floruisse dicuntur, antecelluit, ut, cum in duo hæc genera vita nostra omnis diuisa sit, nimirum in matrimonium, & cœlibatum (quorum alterum ut præstantius, & diuinius, ita maioris quoque laboris, & periculi, alterum humilior quidè, & abiecius, cæterum minori periculo obnoxium) vitæ vtriusque status incommodis; quicquid in utroque commodi erat, delegerit, in vnumque coegerit, alterius nempe sublimitatem, alterius securitatem; fueritque citra supercilium pudica, cœlibatus commoda matrimonio temperans, ac re ipsa ostendens, neutrum horum suapte natura tale esse, ut nos prorsus vel Deo, vel mundo adstringat, vel ab his penitus nos separet.

R. Pro-

R. Propter. 248.

Lectio v.

Homil. in Euang. Simile est regnum
cœlorum thesauro. supra. 253.

TERTIA DIE.

In secundo Nocturno.

De Serm. S. Gregorij Nazianzeni.

Lectio iv.

AC quæ domû suâ pijs hominibus excipiendis magis propositam habuit, diuinisq; opibus magis adauxit? & quod est præstâtius, quænam pari pudore, tamquam sanctis, & Deo gratis incessibus ad eos excipiendos perrexit? quænam insuper animum in afflictionibus minus afflictum præstitit? quænam rursus calamitosus, & egrotantibus magis cōdoluit? quænam liberaliorem manû egentibus porrexit? equidem in illa ornanda his lobi verbis vti non dubitem: Porta ipsius cui qui venienti patebat: nec extra iacebat peregrinus: cœcorum oculus erat, pes claudorum, mater orphanorum.

R. Propter. 248.

Lectio vi.

R. Dilexisti. 249.

Lectio vi.

QUænam vnquam dignior fuit, quæ in publicum se inferret? quænam tamen rarius visa est, minusque virorum oculis patuit? quænam oculos æquè frænauit? quænam risum adeo irrisit, adeo vt vel leuiter subrisisse propemodum nimium ipsi videretur? quænam auribus suis ianuas magis imposuit? quæ nā rursus eas diuino sermoni magis apertas habuit? imo quænam mentem lingue moderatricē magis præfecit ad pronuntiandas Dei iustificationes? quænam modum, ordinemque labijs suis magis constituit? Vnus illi robur placebat, quem gignit pudor: vnus candor, quem parit abstinentia.

R. Fallax. 249.

Lect. & Resp. in ij. Noct. sumuntur
de Communi Octau. Mart. non virg.

QUodque præclarissimum, non magis studebāt optima videri, quam reuera esse: quin potius in abscondito apud eum, qui abscondita intuetur, pietatem luculenter excolebat: omnia mundi principi eripuit: omnia in tuta illa horrea transtulit: nihil terræ præter corpus reliquit: omnia cum alterius vitæ spe commutauit: has vnas opes moriens reliquit, nempe probitatis imitationem, atque eiusdem laudis studium. Ac de ipsa non minus verè, quàm magnificè prædicari potest, quod virtutes partim imitata est, partim ita gessit, vt earum ab ipsa exempla peterentur, quòque eas partim inuenit, partim superauit. Sic enim omnes virtutum numeros absoluat, vt ne mediocriter quidem vnā quisquā alius: sic cursus in vnoquoque genere

re excelluit, vt vel vnum solum instar omnium abunde sufficeret.

Dilexisti. 249.

Lectio vj.

Oh squalidū corpus, indumentū virtute sola florens. O noctes insomnes, & psalmorum cantus, & stationem ex die in diem desinentē. O nocturnum clamorem nubes penetrantem, ad Deumque peruadentem. O fameineam naturam, quæ propter commune salutis certamen naturam virilem superasti, atque ostendisti maris, & femine nomine, non animos, sed corpora sola distinguī. O acerbæ gustus, & Eua nostri generis, & peccati mater: & tu serpens impostor, ac mors denique ipsa, continentia illius: cibique paritate deuicta. O Christi exinanitio, & serui forma, & passionis ipsius mortificatione decoratæ, sed iam operæ pretium est præmia quoque pietatis adijcere.

Fallax. 249.

Q V A R T A D I E.

In secundo Nocturno.

Sermo Sancti Augustini Episcopi.

De Diuers. 45.

Lectio iij.

Pætabit nobis, qui diem istum commendauit in sanctis suis, vt infirmitas vocis nostræ sufficiat intentioni vestræ. Et hoc, quod gestamus in manibus. Scriptura scilicet, quam videtis, commendat nobis inquirendam, & laudandam mulierem quandam magnam, habentem magnam virum eum, qui inuenit perditam, ornauit inuentam. Attendite, cuius membra estis: inspicite cuius filij estis. Mulierem fortem quis inueniet? Difficile est inuenire eam, imò difficile est nescire eam. Nonne ipsa est ciuitas in monte, quæ abscondi non potest? Quare ergo dictum est, Quis inueniet? cum dici debue-

rit, Quis non inueniet? Sed tu ciuitatem in monte positam vides. Vt autem in monte poneretur, inuenta est, quæ perierat.

Proppter. 248.

Lectio v.

Quando illustrata est, quis eam non videt? Quando latebat, quis eam inueniret? Ipsa enim ciuitas est vna illa ouis, quam perditam quæsiuit ille pastor: & inuentam gaudens in humeris reportauit. Ipse pastor; mons est: ouis autem in humeris eius, ciuitas in monte. Facile est, vt videas eam collocatam in monte. Quando eam inuenires, cum lateret in vepribus, in spinis utique delictorum suorum? Ibi enim quæsisse magnum est: ibi inuenisse mirabile est. Hæc eius difficilis inuentio commendatur, cum dicit: Mulierem fortem quis inueniet? Quis enim, quia vnus: non, quia nec vnus.

Dilexisti. 249.

Lectio iij.

Pretiosior est autem lapidibus pretiosis, quæ eiusmodi est. Quid magnum, quia pretiosior est mulier hæc lapidibus pretiosissimis? Pretiosi lapides ideo dicti sunt, quia charitate valēt. Iam ille vilis est: pretium perdidit, qui non habet charitatem. Doctrinam suam iacet, licet; linguam suam iacet, licet: audiat æstimatorem verorum lapidum matronæ huius: audiat, inquam, quemdam artificem ornamentum inspectorem. Si linguis hominum loquar, inquit; & angelorum, charitatem autem non habeam, factus sum ærumentum sonans, aut cymbalum tinnies. Iam non fulget, sed tinnuit. Ergo dicite lapides æstimares, negotiatores regni celorum: nullus nobis placeat, præter huius mulieris ornamentum.

Fallax. 249.

QVIN-

QVINTA DIE.

in secundo Nocturno.

De Sermone S. Augustini Episcopi.

Lectio iv.

Operatur viro suo bona, & non mala in omni tempore. In omni tempore operatur bonum, & non malum: nec sibi, sed viro: ut quæ viuit, iam sibi non viuatur, sed ei qui mortuus est pro omnibus, & resurrexit. Viro ergo operatur bonum, coram Deo operatur bonum: illi seruit, illi deuota est, illum diligit, illi placere semper studet, & desiderat. Non se ornat, nec propter oculos suos, nec propter oculos alienos. Non est de sibi placentibus, non est de sua querentibus; operatur enim viro suo. Qui autem sibi operatur, omnes sua querunt, non quæ Iesu Christi.

Propter. 248.

Lectio v.

Inueniens lanam, & linum fecit, utile manibus suis. Lanificam, & linificam matronam istam sanctus sermo describit. Queritur autem a nobis, quid sit lana, quid sit linum. Lanam carnale aliquid puto, linum spiritale. Interiora sunt enim linea vestimenta; lanea exteriora. Quidquid carne operamur, in promptu est: quidquid spiritu, in secreto. Operari enim carne, & non operari spiritu, quamuis bonum videatur, utile non est. Operari autem spiritu, & non operari carne, pigrorum est. Inuenis hominem porrigentem manum, vel eleemosynam pauperi, nec tamen de Deo cogitantem, sed hominibus placere cupientem. Lanea vestis videri potest: interiorum lineam non habet. Inuenis alium dicentem tibi. Sufficit mihi in conscientia Deum colere, Deum adorare: quid mihi opus est, aut in ecclesiam ire, aut visibiliter miseri

Christianis? lineam vult habere sine tunica. Non nouit, neque commendat talia opera mulier.

Dilexisti. 249.

Lectio vi.

Exurgit de noctibus, & dedit escas domui, & opera ancillis. Quid valent noctes? Non eam premunt, non eam in tenebris iacere cogunt. Noctes tribulationes sunt. Sed cui hæc? Et de noctibus consurgit, & in tribulationibus proficit. Et dedit escas domui, in noctibus præbuit se imitandam: faciens docuit, quod faciendum dixit: & tunc dedit escas: Qui comedat de nocte? prorsus & tunc dedit escas: quibus enim dedit, semper esuriunt. Beati enim qui esuriunt, & sitiunt iustitiam; quia ipsi saturabuntur. A nocte spiritus meus vigilat ad te Deus. Hæc alimenta nocturna abundant in domo mulieris huius.

Fallax. 249.

SEXTA DIE.

in secundo Nocturno.

De Sermone S. Augustini Episcopi.

Lectio iv.

Prospiciens agrum mercata est. Prospiciens non in presenti, sed in futuro, mercata est agrum istum. Prospiciens fide, spe: inde & de noctibus surgit. Si enim, quod non videmus, speramus, per patientiam expectamus. In omnibus tribulationem patiens: prospicit enim agrum, quem mercatur. Inde enim mulier fortis dicitur. Quid sunt noctes illæ præ agro illo? Quod enim ad præsens temporale est, & leue tribulationis nostræ (cum de noctibus surgimus) in incredibilem modum æternum gloriæ pondus operatur in nobis (cor habentibus ad agrum illum) non respicientibus, quæ videntur, sed quæ non videntur. Qualis est ager ille?

Quæ

Que pulchritudo eius est? Inardescamus ad eum possidendum. Putamus, non ipse est, de quo dixit Deus. Et species agri mecum est.

Ps. Propter. 248.

Lectio v.

Vnde mercata est? ne forte tu desperes, & suspires, & nihil agas, ager iste segnem amatorem non amat. Ibi certè, cum ad eum veneris, forsitan requiescens, nec opus erit, ut labores. Non enim est talis ager ille, qualis iste, ubi Adam in sudore vultus sui comedit panem suum. Modò tamen, ut ad illius agri speciem peruenias, compara tibi, unde compares agrum ibi. Quid? Collige pretium. Hoc enim agit hec mulier. Vide, si tacitum est, cui dictum est, Prospiciens agrum mercata est. Tamquàm diceret, Vnde mercata est? De fructibus autem manuum suarum plantavit possessionem. Illam enim possessionem dixit, quæ futura est. Hoc, insinuat verbum, quod ait: Prospiciens.

Ps. Dilexisti. 249.

Lectio vj.

Succingit fortiter lumbos suos: firmavit brachia sua. Verè fortis. Quàm deuotè seruit, quàm paratè: ne fluitantes sinus carnalium concupiscentiarum impendant operatè. Succingit lumbos, ut nihil superfluum calcet, dum in opere festinat. Ibi enim castitas mulieris huius, zona præcepti constricta, & ad omne opus bonum semper parata. Unde hoc? Gustauit, quia bonum est operari. Vbi est palatum, quo gustatur hoc? Fugit homines laborem, quasi amarum: timendo gustare, nesciunt quid amare. Bonum opus facit conscientia bona. Et quid dulcius, fratres, conscientia bona?

Ps. Fallax. 249.

SEPTIMA DIE.

In secundo Nocturno.

De Sermone S. Augustini Episcopi.

Lectio iij.

Brachia quoque firmavit sua in fufum. Poruit dicere in colum. Fufum dixit, forte nõ frustra: quamuis possit videri, nec absurdè intelligi de fuso lanificium significatum, de lanificio bonum opus, tamquam castæ mulieris, & matronæ impigræ, & diligentis. Tamen ego, charissimè in isto fuso quod intelligo, non tacebo. Omnis, qui viuit in bonis operibus in sancta Ecclesia, non neglector, sed effector præceptorum Dei, quid faciat cras nescit; quid fecerit hodie scit. De futuro opere timet, de præterito gaudet. Inorando tamen Dominum, non habet firmam conscientiam de opere futuro, sed de præterito: ex eo, quod fecit, non ex eo, quod facturus est.

Ps. Propter. 248.

Lectio iij.

Iam ergo, si hoc verum esse mecum videtis: attè dite in lanificio duo instrumenta ista, colum, & fufum. In colo lana inuoluta est, quæ filo ducenda, & nenda transeat in fufum. Quod in colo est inuolutum, est futurum: quod in fuso collectum est, iam præteritum est. Opus ergo tuum in fuso est, non in colo. In colo enim est quod facturus es; in fuso quod fecisti. Vide ergo, si aliquid habes in fuso, ibi firmentur brachia tua. Vbi erit fortis consciètia tua, ibi securus eris. Quidquid ergo operaris, totus animus ad fufum sit: ut totum coleatur ad fufum, ut habeat aliquid fufum, quod te consoletur, quod te confirmet, quod tibi det fiduciam deprecandi, & sperandi promissa.

Ps. Dilexisti. 249.

Le-

LECTIO VI.

ET quid agam? fortè dicas. Quid me iubes habere in fuso? Audi, quid sequitur. Manus autè suas aperuit pauperi. Eia, non nos pudeat lanificium sanctum docere. Vos videte, si quis habet plenum sacellum, plenum horreum, plenam apothecam. Omnia ista in colo sunt, transeant in fustum. Manus autem suas aperuit pauperi, fructum autem porrexit inopi. Manus pauperi, fructus inopi. Est quidam pauper, manus tuas querit: est quidam inops, fructum tuum querit, Qui verò non vult à te, nisi quod necessitati suæ poscit, pauper est, manus tuas querens. Est autem alius inops, qui dicit: Quasi nihil habentes, & omnia possidentes. Non quasi necessitati suæ vult satisfieri de dato tuo: sed tamquam in arbore Dominica, quam plantauit, & rigauit, fructum querit. Ipsum audi; non quia querò datum, sed requiro fructum.

R. Fallax. 249.

IN DIE OCTAVA.

In secundo Nocturno.

De Sermone S. Augustini Episcopi.

LECTIO IV.

DVplicia pallia fecit viro suo. Iam acclamatis: credo, quòd agnoscitis, quæ sūt duplicia pallia. Laudes sunt, laudes fidei, laudes cōfessionis, laudes prædicationis. Quare duplicia? Christum laudas? Deū laudas, & hominē. Dupliciter lauda, simpliciter lauda. Dupliciter, quia homo est, & Deus: simpliciter, vt nō sis fictus. Cōfitere Deum, cōfitere hominē, lauda Deum in hominē, lauda hominem in Deo. Texuit pretiosissimum illud palliū laudis, In princ'pio erat Verbum, & Verbum erat apud Deum, & Deus erat Verbum: hoc erat in principio apud Deū. Texuit, & aliud pal-

lium, propter conuersationem inter homines quotidianam: Verbum caro factum est, & habitauit in nobis. R. Propter. 248. LECTIO V. Cap. 25.

Hic ergo ista laboriosa, vigilans sollicita, seuerè castigans domum suam, surgens de noctibus, intuens lucernā, ne extingatur, in tribulatione fortis, nondum receptis promissis pauens; brachia sua in fustum confirmans, non pigrum panem manducans. Ob labores istos quasi paupertatis, & necessitatis secularis, quid erit, quia in diebus nouissimis lætata est? Quid erit? Audite. Propter quam spem ardeat lucerna nostra tota nocte, nunc audite. Surrexerunt filij eius, & ditati sunt. Mòdò in paupertate viuimus, in paupertate vigilamus: & cū morimur, in paupertate dormimus: sed surgemus, & ditabimur. Quia illæ diuitiæ sunt angelorum, vnam vestem habent lucis: numquam teritur, nunquam sordidatur. Si filius es mulieris huius, attende; quando tibi diuitiæ promittantur. Surrexerunt filij eius, & ditati sūt, parati resurrectionis ditati sunt, parati resurrectionis diuitias accipere. Noli has amare, vt merearis ad illas venire.

R. Dilexisti. 149.

LECTIO VI.

Cap. 17. & 18.

ET vir eius laudauit eam. Multæ, inquit, filiæ fecerunt potentiam. Laudes sunt, quibus eam laudat vir eius. Quæ filiæ? Quibus hæc comparatur? Non comparatur. Tu autè superasti. Attendite ergo vos, iam in fine lectionis sumus. Multæ filiæ fecerunt potentias, multæ locutæ sunt linguis, scierunt omnia sacramenta, fecerunt virtutes multas, demonia excluserunt res suas pauperibus distribuerunt, corpora sua ignibus tradiderunt: inflatæ sunt, quia charitatē nō habuerunt,

tūt. Tu autem superasti, & super posuisti omnes, non solum flore, sed & fructu grauida absidans. Date illi de fructibus manuum suarū. Quid date? Venite benedicti patris mei. De quibus fructibus manū eius? Esuriui enim, & dedistis mihi manducare. Et quod illi deinde negotiū erit finitis laboribus? Et laudetur in portis vir eius. Ipse erit portus laborū nostrorum: videre Deum: laudare Deum. *R. Fallax. 246.*

INFRA OCTAVAM

NEC VIRG. NEC MART.

Homilia in Euāgel. Lucæ. cap. 7.

Ibat Iesus in ciuitatem quæ vocatur Naimi, &c.

IN DIE FESTO.

In tertio Nocturno.

Lectio sancti Euāgelij secundum Matthæum. *Lectio vii. Cap. 17.*

In illo tempore: Ibat Iesus in ciuitatem, quæ vocatur Naim: & ibat cū eo discipuli eius, & turba copiosa. Et reliqua.

Homilia S. Augustini Episcopi.

Serm. 44. de verbis Domini.

De iuvene illo resuscitato gaussa est mater vidua: de hominibus in spiritu quotidie suscitatis gaudet mater Ecclesia. Ille quidem mortuus erat corpore: illi autem mente. Illius mors visibiliter plāgebatur: illorum mors inuisibilis nec quærebatur, nec videbatur. Quæsiuit ille, qui nouerat mortuos, ille solus nouerat mortuos, qui poterat facere viuos. Nisi enim ad mortuos suscitandos venisset, Apostolus non diceret: Surge qui dormis, & exurge a mortuis, & illuminabit te Christus.

R. Os suum. 253.

Lectio viii.

Tres autē mortuos inuenimus a Domino resuscitados visibiliter, milia inuisibiliter. Quot autem mortuos visibiliter suscitauerit, quis nouit? Nō enim omnia, quæ fecit scripta sunt. Ioānes hoc dixit: Multa alia fecit Iesus: quæ si scripta essent, arbitrator totum mundum nō posse libros capere. Multi sunt ergo alij sine dubio suscitati, sed non tres frustra commemorati. Dominus enim noster Iesus Christus ea, quæ faciebat corporaliter, etiam spiritaliter volebat intelligi. Neque enim tantum miracula propter miracula faciebat: sed ut illa, quæ faciebat, mira essent videntibus, vera essent intelligentibus, *R. Regnum. 254.*

Lectio ix.

Quemadmodum qui videt litteras in corde optimē scripto, & non nouit legere, laudat quidem antiquarij manum, admirans apicum pulchritudinem: sed, quid sibi velint, quid indicent illi apices, nescit, & est oculis laudator, mente non cognitor. Alius autē & laudat artificij, & capit intellectum, ille utique, qui nō solum videre, quod commune est omnibus, potest, sed etiam legere, quod qui non didicit, non potest. Ita qui viderunt Christi miracula, & non intellexerūt quid sibi vellent, & quid intelligentibus quodammodo innuerent, mirati sunt tantum, quia facta sunt: alij verō & facta mirati, intellecta sunt assecuti. Tales nos in scola Christi esse debemus.

T e Deum laudamus.

Infra Octau. legatur in Missa, & in Officio Euang. Simile est regnū celorum thesauro. ut in Comuni oct. Mart. non Virg. supra. 253.

In die vero octauæ ut in die festo.



F I N I S .

7-2-3



